



49958/16

53450

JOSEPHI EYEREL
COMMENTARIA
IN
MAXIMILIANI STOLLII
APHORISMOS.

DE
COGNOSCENDIS ET CURANDIS FEBRIBUS.

Morbis quoque quasdam leges natura posuit.

Plin. Hist. nat. L. VII.

TOMUS SECUNDUS.



VINDOBONÆ,
TYPIS CHRISTIANI FIRDERICI WAPPLER.
1788.



PRÆFATIO.

Commentariorum in *Stollii* aphorismos, de cognoscendis & curandis febribus, *volumen secundum* universam de inflammationibus doctrinam absolvit. Viscerum autem inflammationes a *Boerhaavio* tanto cum studio ad severæ methodi normam expositæ, habentur, ut recentiorum industria pauca tantum potuit addere, quibus inflammationum cognitio medendique methodus magis perficeretur. Quæ itaque *Stollius* addidit, huc redeunt, ut *genuinam* inflammationem a *rheumatica* discerneret, signa fallacia, quibus incauti medici ad perniciosas medendi methodos solent seduci, accurate exponeret, & subdolam latentium & chro-

nicarum inflammationum naturam profundius rimaretur.

Tertium horum commentariorum volumen febrim biliosam, pituitosam, peripneumoniam notham, febres intermittentes, continuas remittentes, febrim ardentem, febrim putridam, exanthemata febrilia continebit. *Quartum* volumen exponendæ methodo indirectæ, feбри lacteæ, feбри puerperarum, feбри hecticæ, atque pulmonum tabi dicatum est. *Utrunque volumen* autumnalibus *Lipsiæ* nundinis typis edatur.

SYNOPSIS.

VARIÆ ANGINÆ SPECIES.

Suppuratoria.

Gangrænosa.

Scirrhusa.

Maligna.

Convulsiva.

paralytica.

spasmodica.

a luxatione vertebræ cervicis ad interiora

a luxatione ossis hyoidei.

Hypochondriaca seu hysterica.

Aquosa.

sedes anginæ aquosæ.

causæ anginæ aquosæ.

curatio anginæ aquosæ.

Anginæ symptomaticæ.

variolosa.

morbillosa.

rheumatica.

scarlatinosa.

venerea.

aphthosa.

PLEURITIS HUMIDA.

Sedes pleuritidis humidæ.

Differentia a pleuritide sicca.

Exitus varii pleuritidis humidæ.

Methodus medendi.

PERIPNEUMONIA.

Divisio peripneumonix.

Signa.

Cau-

Causæ.

Effectus.

Prognosis.

Exitus peripneumonix in sanitatem.

lylis.

crisis.

sputa critica.

diarhæa critica.

urina critica.

Exitus peripneumonix in alios morbos.

suppuratio.

signa abscessus futuri.

fientis.

facti.

Exitus variæ factæ suppurationis.

Metastasis.

Signa orituræ metastasis.

Abscessus ad crura.

ad aures.

ad hepar.

Effusio lymphæ coagulabilis seu crisis
erronea.

Hydrops.

Gangræna.

Prognosis in specie.

V III

Cura peripneumoniarum;
 levis peripneumoniarum.
 catarrhorum.

Historia morbi.

Cura instante critica evacuatione.
 peripneumoniarum gravioris.

Methodus medendi in stadio suppuratoria.

Historia morbi.

Methodus medendi imminente metastasi.

Crisis erroneæ effectus incurabiles.

Gangrænæ nulla medela.

Sputa suppressa.

Peripneumoniarum symptomaticarum.

Quæstiones variarum.

PLEURITIS LATENS.

Signa.

Causæ.

Cura.

PLEURIS

PLEURITIS.

Signa.

Divisio.

Sicca, humida.

Vera, spuria.

Idiopath. symptom.

Sedes.

Causæ prædisponentes & excitantes.

Symptomata.

Exitus in sanitatem.

Resolutio benigna.

Evacuatiões criticæ.

 sanguineæ.

 urinæ.

 alvus.

 abscessus.

 doloris migratio.

 sputa.

Cura pleuritidis levioris.

 gravioris.

Ufus vesicantium.

Methodi antiphlogistica terminus.

Exitus in alios morbos.

Sup

Suppuratio.

Signa abscessus formati.

vomicæ ruptæ.

empyematis.

puris versus exteriora derivatio.

empyematis sanatio.

Pleuræ coalitus cum pulmone.

Crisis erroneæ.

Exitus pleuritidis in mortem.

Quæstiones variæ.

DIAPHRAGMATITIS.

Historia morbi.

Signa.

Exitus.

Cura.

INFLAMMATIO MEDIASTINI, PERI- CARDII, CORDIS.

HE.

HEPATITIS ET ICTERUS MULTIPLEX.

Divisio & fallaciæ hepatitidis.

Causæ.

Prognosis in genere.

Effectus.

Signa.

Exitus in sanitatem.

lysis.

crisis.

erronea.

Suppuratio hepatis.

Signa abscessus futuri in hepate.

facti abscessus.

Exitus diversi abscessus hepatis.

Scirrhus hepatis.

Exitus hepatitidis in mortem.

Corollaria practica.

Hepatitis latens.

GASTRITIS.

Signa inflammati ventriculi.

Causæ gastritidis.

Cu,

XII

Cura.

Exitus in suppurationem.

Scirrhus ventriculi.

INFLAMMATIO LIENIS.

INFLAMMATIO PANCREATIS.

INFLAMMATIO OMENTI.

Corollaria practica.

ENTERITIS.

Causæ & divisio enteritidis.

Symptomata.

Cura.

Sup-

Suppuratio intestinorum.

Gangræna.

Scirrhus.

Corollaria practica.

NEPHRITIS.

Signa nephritidis.

Causæ.

Exitus in sanitatem.

Cura.

Nephritis calculosa.

Renes suppurati.

Scirrhus renum.

Rudimenta calculi.

Gangræna renum.

Corollaria practica.

CYSTITIS.

Signa.

Causæ.

Abcessus vesicæ.

Scirrhus.

METRITIS.

Signa.

Suppuratio.

Gangræna.

Chronica uteri inflammatio.

Cura.

Historia morbi.





ANGINA SUPPURATORIA.

Angina gangrænosa. Angina scirrhusa.

Quænam anginæ species in suppurationem, gangrænam, aut scirrhusam partium glandularum duritiem abeant, quibus signis exitus hi cognoscantur, & quid consilii in quacunque inflammationis mutatione capiendum sit, præcedentibus paragraphis abunde explicatum est, ubi uberior expositio superflua habenda sit. Paucis itaque communes hosce anginæ inflammatoriæ exitus resumimus. Atque primo de *suppuratoria angina* sermo fit.

Omni equidem ope resolutio inflammationis tentanda est; at non semper hæc nobis fe-

licitas contingit, tum ob magnitudinem morbi, aut ob neglectam, seriusve adhibitam medelam, aut ob ipsum morbi epidemici genus.

Apparentibus itaque signis, resolutionem omni apparatu remediorum antiphlogistico tentatam, perfici ulterius haud posse, artis officium est molimina naturæ in pure conficiendo adjuvare, collectoque puri loco maxime congruo exitum conciliare.

Requiritur itaque, ut continuo ore retineant ægri tepidum gargarisma ex seminibus lini, althæa, malva, & similibus emollientissimis remediis paratum. Ita enim continuo foveantur partes inflammatae, nimia illarum exsiccatio præcavetur, & crudum inflammatorium maturatur felicissime. Simul eadem opera optime disponitur abscessus in faucibus natus, ut antrorsum rumpatur, & in oris cavum eructet collectum pus; quod tutissimum est, cum retrorsum versus fauces rupto abscessu periculum sit, ne pus in glottidis aperturam delabatur, cum præsentaneo suffocationis periculo. Cataplasmata autem pariter ex emollientissimis parata non possunt quidem immediate applicari locis suppuratis; verum totum collum, & loca subaxillaria his

ob-

obvolvuntur utiliter, dum sic & horum remedium efficaciam mediate saltem affectis partibus applicatur, & iisdem emollitæ omnes partes externæ facilius cedunt, & internis tumentibus locum faciunt. Tonsillæ enim, quæ frequentissimam anginae suppuratoriae sedem exhibent, sub maxillæ angulo utrinque prominent, dum tument inflammatae.

Nihil autem magis promovet suppurationis initia, quam debitus liquidus vitalis motus, ut nempe neque torpeat, neque excitetur nimis. Quamdiu itaque resolutionis spes est vitalem humorum motum sanguinis missione aliisque remediis debilitare oportet, ab illis vero plerumque abstinere, dum abscessus expectatur; quia ad hunc scopum conducit potius auctior parum humoris vitalis motus. In angina tamen suppuratoria quandoque cogimur ab hac methodo recedere, & aliquando repetitam etiam venæ sectionem instituere, licet signa doceant, abscessum jam formari. Ratio est, quia tumor affectarum partium auctus illo tempore, dum maturatio fit, sæpe comprimendo partes vicinas novam inflammationem hic adeo periculosam excitat; unde tunc cogimur magis exhaustire corpus, ut omnia vasa inanita collabantur magis, sicque im-

pediatur metuenda sæpe in hoc morbo suffocatio.

Abcessus aut sponte rumpitur, aut lanceola pertunditur. Rarius in angina suppuratoria bronchotomiæ necessitas occurrit; cum fere omnes tales ægri etiam sine hac evadere soleant. Celebris Chirurgus *de la Motte*, qui plurimos ægros hoc morbo laborantes tractaverat, nullum tamen inde periisse vidit triginta quinque annorum spatio. Neque meminit Illustriss. *Swietenius*, se observasse lethalem anginæ suppuratorie exitum, licet etiam summis angustiiis stipata foret. Venæ sectione enim repetita, & clysmatibus purgantibus ita possumus exhaurire corpus, ut vasa omnia subsidant; sicque impetrare tales inducias, ut maturatio abscessus impetrare possit.

Periculosissimus anginarum exitus gangrena est; citissime enim malum hoc proserpit, & ad omnem non raro remediorum antisepti-
corum malum rebelle. Quænam anginæ species in hunc exitum præ reliquis præclivis sit, supra, cum de his speciebus seorsim ageretur, dictum est.

Alia anginæ febrilis species ab auctoribus describitur, cui nomen *anginæ malignæ*, seu
gan-

gangrænosæ dederunt. Tales præcipue, ab *Huxhamo* a) & *Grantio* b) descriptas legimus. Omnes ejusmodi anginae symptoma tantum malignae febris sunt, quæ vario symptomatum satellitio, exanthematum genere vario, & inflammatione plus minusve septica stipatur; ut itaque medendi ratio ex indole epidemicae febris, cui angina accedit, desumi debeat. Hæc *Stollii* opinio est, quam in brevi censura libelli de angina maligna a *Grantio* editi, exposuit.

a) *Huxham* opera T. II.

b) *Grant* de angina maligna.

Angina maligna, pestilentialis a *Grantio*, viro ceteroquin maximo, qui mea opinione optimam de febrium natura descriptionem dedit, tanquam novus morbus describitur, qui circa annum 1728. innotuit. Pestilentialem appellat, quod cum febre malignissima, eaque contagiosa jungatur. Clarissimus hic vir plures addit historias anginae hujus. Verum si has rite excutiamus, vix novum ibidem morbum reperiemus. Maligna hæc angina comitabatur febrem, modo scarlatinam, petechialem, miliarem, harumque non qualemcunque, sed peioris notæ, quæ cito gan-

gra.

grænam inducit. Eandem hanc malignam *Hux-*
hamus descripsit in peculiari dissertatione.

Morbus hic oritur tempestate humida, frigida, nebulosæque. Invadit more febrium gastricarum cum horrore, calore, capitis temulentia, raucedine, tussi aliqua; ventriculi vitio & alvi dejectionibus, præcipue in infantibus, qui nonnunquam severius afficiebantur. — — Omnes queruntur magnam spirituum abjectionem, subitanæ debilitatem. Pulsus deprehenditur celer, parvus & tremulus. Urina pallida, tenuis, cruda. Quidam, adulti præcipue, urinam parce mittunt, & profunde tinctam, aut turbidam, sero similem. Oculi apparent graves, rubri, & quasi lachrymosi. Os plenum sæpius, rubrum & tumidum, subinde tamen pallidum & triste. Etsi morbus per diem tolerabilis videtur, noctu tamen exacerbatur plerumque cum delirio aut phrenitide. Paucis horis ante morbi invasionem, nonnunquam cum ipso initio tonsillæ inflammantur. Interdum glandulæ parotides & maxillares simul tument, idque ita subinde, ut strangulationem minitentur; fauces colore summe florido rubroque sunt, nitentque; uvula, tonsillæ, velum palatinum, & posterior pharyngis pars variis albidis,
vel

vel cinereis maculis, quæ subinde subito augentur, & in lata profunda que ulcera abeunt, conspergitur. Linguae apex humidus quidem, sed radix ejus impura, crassa, lutea, aut brunnei coloris; habitus nauseosus; & fere intolerabilis. Respiratio difficilis; vox non acuta nec sonus ille latrans, qualis in inflammatoriis anginis esse solet, sed rauco & vox obtusa, qualis in iis percipitur, qui fauces habent ulceribus venereis obsessas. Profluvium materię saniosę & rodentis ex naribus & ore. Quibus malum asperam arteriam tandem & pulmones corripit, peripneumonica morte enecantur. Ad sunt in hac anginę specie exanthemata varia, & vario morbi tempore, modo quasi erysipelatoſa, modo pustulosa magis & miliformia. Subinde rubor tantum brachiorum adest, quasi, ut ait *Huxhamus*, succo ribesiorum illita cutis esset, quem ruborem etiam nos hac verna tempestate aliquoties vidimus. Duratio morbi diversa quoque ejus solutio est. Sanguis venę sectione detractus aut floridus est, & rarus latusque, ut penna illum facile diffundas. In epidemia anni 1752 sanguis ab *Huxhamo* observatus, nullum relinquebat serum, sed ita apparebat, qualis esse solet, ubi eidem ex vena profluen-

lienti mox spiritus cornu cervi affunditur ; qui ejus naturalem congelationem impedit ; subinde tamen pellicula alba, phlogistica, sed tenuis emissum sanguinem obtegit ; subinde crusta plumbei coloris, viridescens ; subinde loco tenacioris crustæ mollis gelatina reperitur sanguini emisso superimposita. Notanda hæc sanguinis hucusque descripti conditio est, nam non in hac solum angina, sed in omni ferme maligna febre, petechiali, miliari, scarlatina, castrensi, carcerum, nosocomiorum, item in omnibus ferme biliosis talis sanguinis emissi facies est ; etsi sanguini emisso, fallacissimæ utpote rei, parum sit confidendum.

Consideranti mihi descriptiones hujus anginae varias, eas præcipue, quas vir summus *Wilhelmus Grant*, & quas ante ipsum *Huxhamus* dedit, illud venit in mentem, anginam hanc malignam non esse peculiarem morbum, sed febris, aut petechialis, aut miliaris, aut scarlatinae intentiorem solummodo gradum, ubi solidorum robur dejectum, & vis vitæ imminuta adeo est, ut fauces ulceratæ, quin non fauces solum, sed tota corporis compages gangrænam minetur. Cura *Huxhamiana* consistebat maxime in omnis
ge-

generis antisepticis, iisque fortioribus, evacuatis, aut etiam non evacuatis primis viis, prout e re videbatur. Dedit is mixturas salinas ex sale absynthii, aut sale volatili cornu cervi, ac succo limonum, addito pulvere contrayervæ, & myrrhæ pauxillo, item julepia ex camphora, aut aceto camphorato cum syrupo ribesiorum, aliisque. Demum tincturam suam corticis peruviani alexipharmacam, quam ipso cortice in substantia dato multo tunc utiliorem observavit: fors, quod debilis ventriculus potius tincturam, quam crudum corticem perferret, subigeretque. Dedit item vitrioli elixirium; gargarismata adhibuit ex decocto ficuum, florum rosarum rubrarum; item ex vino pomaceo austero, cum melle & myrrha; subinde tincturam myrrhæ cum spiritu vitrioli commiscuit, & cum aceto camphorato, quibus os eluebatur. De parotidibus frequenter hic observatis id statuebat, aliqua hos tumores ex parte criticos esse; hinc hos maturabat explicatis cataplasmatibus acribus, quin ipsis adeo vesicantibus. Quod si longo post morbum tempore tumor glandulæ parotidis aliter non discutiendus restaret, dedit is exiguis calomelam, seu mercurii dulcis doses,

in-

interpositis lenioribus & rhabarbarinis purgantibus.

Plures authores de ea ipsa angina *Burserius* a) enarrat.

- a) *Burserius* a *Kanifeld* *institutiones Medicinæ practicæ* T. III. p. 369. Edit. Lipsiens.

Ea anginæ species, quæ tonsillas, uvulam, palatum occupat, sæpe in scirrhum abit, præcipue perversa medela, dum neglecta atque non tentata resolutione, aër frigidus non arcetur, aut medicamentis adstringentibus insistant medici. Duplex autem duos hosce glandularum tumores tollendi via datur; resolventium nempe usu, aut exstirpatione manu chirurgica perficienda. Resolvens methodus sæpe frustra tentatur, ut unica salutis spes, ubi scirrhus amplius resolvi nequit, atque interim mole sua deglutitionem, vel respirationem lædit, in exstirpatione habeatur, si scirrhus tumor tali in loco hæreat, ad quem manibus & instrumentis accessus datur. Acrium, rodentium applicatio cautiissima esse debet, ob canceri metum atque ferme tunc solum, cum durissimum videtur, ægros hac methodo non tentata certæ morti tradere.

ANGINA CONVULSIVA.

Duplicem hoc loco anginae speciem *Boerhaavius* exponit: alteram *paralyticam*, quæ paralyfin unius vel plurium muscutorum deglutitioni inservientium pro causa agnoscit; alteram *spasmodicam*, si convulsionum causa pharyngis laryngisque musculos occupat.

Contingit quandoque particularem paralyfin quosdam tantum musculos deglutitioni servientes afficere, unde deglutitio, si non omnino impossibilis, saltem difficilior reddi solet. Sic vidit *Tulpius* a) in muliere quinquagenaria post vomitum, vertiginem, & spasmus cynicum, tam pertinaciter resolvi deglutitionis musculos, ut ne guttulam quidem transmittere possit, licet nec dolor, nec tumor, nec ulla ipsam urgeret angustia, unde etiam septima die periit. Hinc affine malum satis mirabile vidit *Illustrissimus Swietenius* b) in muliere quadraginta quinque annorum cæteroquin sanissima. Dum enim ante novem menses optimo valens appetitu prandium sumeret, mirabatur, quod absque ulla causa prægressa subito impediretur deglutitio, nullum tamen dolorem sentiebat, nullus tumor apparebat. Medici & chirurgi inconfi.

filium vocati tentaverant plura remedia, neque tamen integre potuerant debellare morbum: manserat enim tale deglutitionis impedimentum, ut liquida nullo modo, solidas vero offas, imprimis majores, transmittere in ventriculum posset. Sensim tamen eoque in melius mutabatur morbus, ut dum *Swietenium* consuleret, novem jam elapsis mensibus a primo morbi initio, liquida potuerit quandoque deglutire, si uncias quinque vel sex simul & semel ingereret, quam subtilissima, parvam vero quantitatem nullo modo deglutire valebat. Sic viginti annorum puella, post mensium suppressionem cachectica facta, tandem in deglutiendi impotentiam incidit, unde instar sceleti emaciabatur. Cum nonnulli medici statuerant, glandulas induratas, vel simile quid arctare œsophagum, flexili balenæ pinna explorata fuit tota œsophagi longitudo, nullumque inventum fuit obstaculum. Paralyticum hinc morbum statuerunt, & ad hunc scopum remedia exhibuerunt, sed incassum omnia. Ut tamen miseræ, quantum fieri poterat, succurreretur, alimenta dentibus comminuta, & linguæ ope versus fauces protrusa balenæ pinna, spongiam in extremo gerente, in ventriculum deducit.

ducebantur. Per annum integrum ægra hoc artificium exhibuit; tuncque sensim redeuntibus corpori exhausto viribus, postea satis sana vixit.

a) Tulpii observ. med. L. I. c. 42.

b) Illustr. van Swieten Commentar. ad §. 818.

c) Stalpart van der Wiel observ. T. II. obs. p. 27.

Huc refertur illa anginae species, quæ a luxatione vertebræ cervicis ad interiora contingere dicitur. Ejusmodi casum *Swietenio* a) videre contigit in infante decem menses nato, cui caput retro inclinatum erat, guttur prominulum, & manifesta in cervice cavitas apparebat. Cum autem ob infantis miserrimos ejulatus exacte locum affectum scrutare non daretur, non potuerat accurate distinguere, quænam vertebræ cervicis introcesserit. Nihil deglutire poterat infans, & post validas convulsiones hoc malum secutum fuerat.

a) Comment. ad §18,

Huc etiam pertinet angina ab osse hyoide luxato, cujus primus omnium *Valsalva* a) meminit, deinde Petrus Paulus *Molinellius*

b)

b) , quorum alter unum, alter duo exempla hujusce morbi in medium protulit, ut nullum de ea dubium superesse possit. Anginam ab hoc vitio productam dilucide exposuit *Burserius*. c) Itaque luxatur os hyoides, non uti humerus, vel digitorum phalanges, aut ossa alia, quorum articulos earum aliquid excipit, e quo, cum luxantur, excidunt: sed ea ferme ratione, qua luxantur ossa cartilaginibus una connexa, uti ossa pubis, coccygis, nasi. Tum enim luxari coccyx a chirurgis dicitur, cum ita distorquetur, distrahiturque, ut manus opera ad eam in suam sedem reducendam opus sit. Idem ferme accidit ossi hyoidi, & separatim ejus catilaginibus.

a) Valsalva tract. de aure humana c. 2.

b) Molinellii Comment. instit. scient. & art. acad. Bonnen. T. V. p. 2.

c) Burserius instit. med. pract. Vol. III. p. 409.

> Luxatur autem os hyoides, ejusque appendices vel introrsum, vel extrorsum. Quocunque modo hujus ossis cornua, aut appendices distrahuntur, aut e sua sede deflectunt, illud necessario sequitur, ut pharynx quoque, quæ cum osse hyoide ope musculi hyopharyngei jungitur, [distrahatur, & sic di-

distrahta deglutitionem lædat, impediatve. Si igitur vis aliqua ossi hyoidi vel extrinsecus, vel intrinsecus inferatur, hæc illud, vel aliquas ejus partes facile distorquebit, atque adeo luxabit. Sic crassior duriorque bolus, vel quid aliud simile per vim in fauces œsophagumque adactum, & deglutitum extrorsum urgeat os illud, vel ejus cartilagineos appendices necesse est; quod erit alterum luxationis genus ossi hyoidis proprium. Contra violenta manuum in guttur injectio, vel exterior ictus, percussio, pressioque os idem, aut ejus cartilagineos introrsum inflectet, atque e naturali sede dimovebit; quod erit alterum luxationis genus, cui illæ partes subjiciuntur.

Quando illud accidit, ne gutta quidem, nec quidquam aliud cibi assumi & degluti potest. Interdum etiam summi, & crebri deglutiendi conatus accedunt, quales is experiretur, qui bolum in faucibus hærentem haberet, quæ vexatio tanta quandoque est, ut multus frigidusque sudor undique effluat, ac pulsus parvi exilesque fiant. Respiratio tamen & loquendi facultas non admodum offenditur. Larynx solus e sua sede dejectus, ac veluti incompositus apparet. Tumor item ali-

aliquis hunc inter, & muscolum sternomastoideum ex alterutro latere cernitur, eoque loco, quo elevatio est, si contrectetur, dolor percipitur. Si his addas defectum, absentiamque eorum, quæ aliarum anginarum sunt propria, eo certius de ossis hyoidis luxatione, orta que inde deglutiendi difficultate indicium habebis.

Valsalvæ observatio est hujusmodi: Putabat Bononienfis mulier, quæ crassiorē bolū deglutiverat carnis non bene mansæ, multisque imposuerat; se divexari a bolo in faucibus hærente, quem ut inde deturbaret, varia manuum & medicamentorum auxilia tentavit; sed incassum. Jamque elapsū biduum erat absque eo, quod ullum cibum, vel potum assumere potuisset, cum denique a me opem quæsit. Ego vero omnibus perpensis, cum in aliqua ex appendicibus cartilagineis ossis hyoidis luxationem suspicarer, partem, ut anatomica indicabat cognitio, ita digitis contrectavi, & ilico per unam, vel alteram contrectationem omnia in pristinum statum reducta sunt, sic ut immediate absque ullo deglutiendi incommodo jusculum summe-
re, & cibum mulier modo desperata potuerit. Hactenus *Valsalva*. Hæc observatio ex-
em-

emplum sistit luxationis ossis hyodis a causa intrinsecus applicita inductæ. Quas habuit, *Molinellius*, luxationem hæ exhibens, quam genuit vis extrinsecus illata. Prior autem sic exponitur: Chirurgus annos agens viginti quinque habitu corporis gracilis, cum nescio quid e manibus eripere niteretur robustioris juvenis, manum hic illius collo injecit, atque in mutua illa concertatione virium ad priorem & dextram partem vehementer presit. Nihil postea solidi, nihil liquidi deglutire chirurgus potuit. Elapsa hora de me auxilium quærit. Perstabat enim ea, quam modo dicebam, deglutiendi difficulas inter summos, assiduosque deglutiendi stimulos, atque conatus, etsiam si nihil in os quidquam summeret ad deglutiendum. Eaque afflictatio sic opprimebat intrepidum cæteroquin hominem, ut jam multo frigidoque sudore perfunderetur, & pulsus exiles fierent, nec diu se vitam, nisi angustiae vis remisisset, omnino trahere posse affirmaret. Haud multum tamen loquendi, respirandique turbatam facultatem dixissem. Larynx utique deformata non nihil, atque incomposita visa est. Tumor etiam aliquis hanc inter, & musculum sterno mastoideum dexterum apparuit; ab

eoque loco, si tangeretur, dolebat non leviter. En alteram ejusmodi observationem in hæc verba: Vir mihi in nosocomio se obtulit annos natus duos & quinquaginta, mediocri statura atque habitu, cujus dexteræ, superiorique anterioris colli regionis parti cum manum quis, qua lapidem distringebat, iratus imegisset, tanta pressione illam, quanta in eo, de quo antea diximus juvene, deglutiendi difficultas consecuta est, anxietas plane non tanta. Nihil difficultate post horas minimum tres remittente nosocomium petiit. Utrosque continuo in integrum restituit adhibita facili curationis ratione. Eandem quoque *Burserius* adhibuit cuidam mulieri, quæ a vigintijam horis nihil prorsus potuerat deglutire, nec ferme aliquid dicere. Præter enim difficultatem deglutiendi, de qua quærebatur, vocis etiam, & loquendi potestatis non parum amiserat. A viatore manu vehementer injecta compressæ eidem fuerant fauces. Illico *Valsalvæ* & *Molinellii* observationum recordatus, eam ab omni incommodo liberavit, intra pauca minuta.

Curatio autem sic instituitur. Ministro ad caput continendum delecto, dexteræ manus index, si luxatio dextrorsum inclinet: si
vero

vero sinistrorsum, sinistrae index alte in fauces demittitur tonsillam inter, & linguae basin eo latere, in quod luxatio videtur protuberare, vel quaquaversum modo in unam, modo in aliam faucium partem, si affecti loci sedes nequaquam perspecta satis sit. Eodem tempore index, mediusque digitus sinistrae manus in primo indicato casu, dextrae vero in altero extrinsecus collo transversim admoventur, eo in loco, qui ossis hyoidis sedi respondeat, indice, qui in fauces immissus est, os hyoidis leniter promoveatur, flectaturque secundum ejus longitudinem, vel in anteriorem partem, vel in posteriorem, prout luxatio introrsum aut extrorsum contigerit, pressionem una moderantibus ac dirigentibus digitis collo extrinsecus appositis. Idque interdum repeti, bis vel ter oportet, donec deglutendi potestas omnino redeat; quod momento ferre temporis consequitur. Verum si ex luxatione inflammatio orta jam sit, hæc discutienda prius est, quam ad ossis repositionem deveniatur, ut facilius evadat.

Alia anginae convulsivæ species est angina *hypochondriaca*, seu *hysterica*; si enim convulsionum causa quaecunque musculos pharyngis, laryngisve occupaverit, oritur subi-

to suffocativa angina, quæ, licet molesta sit, rarissime tamen periculosa esse solet ex sua natura, nisi a tali morbo ortum duxerit, qui ex propria indole periculosus est: uti v. g. dum in tetano, vel opisthono correptis talis angina adest. In mobilibus in genere nervoso hominibus frequens talis angina observatur, quales sunt fœminæ hystericae, & viri hypochondriaci dicti. Mirabilis iste morbus, qui passio hysterica, vel hypochondriaca vocari solet, quavis fere corporis partes occupat, atque talia symptomata producit, quæ competunt illi parti, quam morbus invasit. Nihil frequentius in praxi occurrit, quam globus ille hystericus dictus; dum constriçto œsophagi sphinctere, aër elasticus rarefactus illum distendit, sicque tumorem conspicuum excitat, quo miseræ fere suffocantur. Cum autem spasmos illos ex abdomine sursum ascendere sæpe sentiant tales mulieres uterum in fauces usque attolli falso credunt. Plerumque satis facile curari solet hæc anginae species talibus remediis, quæ nimium spirituum impetum in harum partium musculos avertunt, & inordinatos spirituum motus sopiunt. Castorei, asæ foetidæ, galbani & similium vitiosus odor naribus ex-

cep-

ceptus, spiritus salis ammomiaci simili modo adhibitus, sæpe uno momento tollunt hæc mala, reditura tamen, dum miseris illis validi animi affectus contingunt. Quasdam vidit mulieres hac anginae specie correptas *Swietenius* a), quæ adeo mobile habebant totum nervorum systema, ut anticherystica dicta remedia, præcipue acriora, malum augerent potius. Imprimis hoc observavit in puella, quæ frustra datis optimis antihystericis, per quadraginta octo horas nihil omnino deglutire potuerat: cucurbitis absque scarificatione nu- chæ applicatis uno momento tollebatur malum. Quandoque tamen, quamvis rarius forte contingit, diutius perstare hanc anginam, imprimis, si non adhibeatur idonea medela, sed purgantibus aliisve evacuantibus tentetur cura. Verum si in quodam corporis loco, imprimis circa præcordia, maligni stabulentur humores, qui actione regiminis turbando omnes cerebri actiones convulsionem facere possunt, requiritur horum expulsio per emetica vel purgantia; quæ pessime, cedere solent, dum a solo perturbato spirituum motu convulsivo nascitur. Talis casus describitur in actis *Edinburgensibus* b), ubi juvenis angina convulsiva laborabat, feliciter curata, dum

eme.

emeticeis & purgantibus deturbatur biliosa faburra. Verum ægri robur, sapor amarus, vel & falsus continuo perceptus, satis indicabant, quomodo & per quæ remedia cura tentari posset.

a) van Swieten Comment. ad §. 318.

b) Medical Essays T. I. p. 277.

ANGINA AQUOSA.

Quando tumor albus, aquosus, frigidus absque inflammationis validæ comitantis signis, occupat illas partes, quo deglutitioni vel respirationi serviunt, vel in vicinis locis similis tumor natus horum organorum functiones turbat, dicitur adesse angina aquosa, vel œdematosa. Raro magnus dolor hanc anginæ speciem comitatur: quia œdematosis tumoribus proprium est, ut indolentes sint. Si autem quis dolor adsit, ille plerumque tantum a distractione partium per hos tumores facta nascitur. Indebilibus, pallidis, leucophlegmaticis, in quibus totum fere corpus frigido & inerti tumore turget, tonsillæ quandoque pariter tument, pallidæ omnino. Verum & in vicinis partibus similes tumores nasci poterunt a variis causis.

Huc

Huc etiam refertur catarrhosa tenuis. Uti enim catarrhi sedes est membrana illa mucosa, quæ nares internas, fauces, œsophagum, asperam arteriam &c. investit; atque hæc membrana, dum catarrho laborant homines, tumet, & sæpe acrius liquidum plorat, quod nares excoriat, & vicina loca, per quæ depuluit, irritat. Si ergo illa membranæ pars, quæ uvulam, pharyngem, tonsillas &c. investit, simili afficiatur modo, deglutitio læsa erit. Si laryngem, vel asperam arteriam idem morbus corripit, cum molestissima tussi impiedietur libera respiratio. Evidenter hoc apparet, quando catarrhi epidemice grassantur; tunc enim quibusdam tonsillæ tument, aliis molestissima tussis adest, aliqui obtuso dolore capitis cum plenitudinis sensu laborant, a tumente eadem membrana in sinibus frontilibus, uti admodum probabile videtur. Imo in quibusdam manifeste observatur, per varia membranæ Schneiderianæ loca eundem morbum successive oberrasse, & pro diversitate locorum varia dedisse symptomata; quæ tamen omnia eadem curandi methodo tolli poterant. Quamvis autem levis, & quasi superficialia hujus membranæ inflammatio sæpe in catarrhosis illis morbis observetur; cum

tamen facile resolvatur illa, nisi perversa curatione exasperetur, & copiam tenuioris liquidi, in initio saltem catarrhi, plorent hæ partes, ad hanc anginae speciem potius referatur, quam ad inflammatoriam, quæ longe peioribus stipatur symptomatibus, ingens discrimen habet, & longe validiora remedia requirit.

SEDES ANGINÆ AQUOSÆ.

Dum aquosa colluvies in corpore aggregatur, illa non hæret in vasis arteriosis & venosis, per quæ jugi motu moventur fluida, sed in cavis majoribus, & minoribus corporis aggregatur. Tales lymphatici tumores fieri possunt in tunica cellulosa, quæ musculos in his locis positos, illorumque fibras investit; & uvula quandoque tali tumore albo aquoso oblidetur. Verum & numerosi in his locis folliculi, in quorum cava secretus ab arteriis liquor dat mucum omnia hæc localu-
bricantem, obstructis illorum emissariis, sic dilatari posse videntur, & aquosos tales tumores facere. Ubicunque ergo reconditur & excernitur secreta arteriis lymphæ, si ejus resorptio per venas bibulas, vel ejus excre-
tio.

tio per emissaria impediatur a quacunque demum causa, tales tumores nasci poterunt; sive dispersi per membranam cellulosam, sive in cavo quodam naturali, aucto per aggestionem liquidi contenti. Boerhaavius in nobili virgine talem tumorem vidit, qui ab osse hyode ad scapulæ acromium usque totum colli latus occupabat, & mole sua liberum musculorum accumbentium motum impediabat. Dv'is scalpello integumentis enucleabatur ille tumor, atque apparuit, liquidum limpidum, utcunque lentescens membrana satis tenaci inclusum hunc tumorem constituisse. Similem vidit *Swietenius* tumorem sub musculo mastoideo hærentem, magnitudine ovum columbinum æquantem; & plures tales casus apud collectores observationum medicarum inveniuntur.

CAUSÆ ANGINÆ AQUOSÆ.

Ingens equidem causarum numerus, & diversitas est; interim tamen ad sequentes classes reduci possunt.

Compressio venarum quæcunque: Pulcherrimum experimentum instituit *Louverus* a), quo directe probatur, compressionem venarum

rum tumores tales lymphaticos in glandulis efficere. Venas jugulares subducto filo ligaverat arcte in cane vivo, & post aliquot horas partes omnes supra ligaturam miro intumescebant modo, & intra biduum canis quasi angina suffocatus interiit. Toto autem hoc tempore lachrymæ ubertim & copiosissima saliva ex ore stillabat, æque ac si hydrargyro assumpto salivationem pateretur hoc animal. Post mortem animalis, tum cutem a tumefactis partibus separaret, credens se sanguine extravasato turgida inventurum omnia, mirabatur, quod nullum vestigium, vel colorem fere sanguinis observaret, sed muscoli omnes, & glandulæ fero limpidò maxime distentæ, & admodum dilucidæ apparerent. Ateoremata, steatomata, similesve tumores circa hæc loca nati, comprimendo vicinas, venas mole sua, aquosam anginam sic facere possent.

a) Lovverus de corde cap. 2. p. 223. 123,

Obstructio nata in ipso folliculo glandulæ.
 Docuerunt observationes talia in quibusdam glandulis circa hæc loca dispositis hæsisse impedimenta. Unum alterumve hujus rei exemplum

plum sufficiet. Homo, dum hyemali tempore per mare iter faceret, valido laborabat catarrho, qui diutius solito affligebat, & aliquo tempore postea durum tumorem sub lingua natum observavit circa aperturam ductus Warthoniani. Mansit per septem annos ille tumor absque magna molestia, nisi quod doleret locus, dum catarrho corripiebatur. postea sæpe subito incipiebant tumere omnes glandulæ circa hæc loca dispositæ, simul ac in prandio vel cœna primum cerevitiæ haustum summeret, tumore tamen brevi evanido. Octavo autem anno, prægressa vertigine, incepit locus affectus subito tumere, & per ductus *Warthoniani* aperturam pus exire cœpit: suppressa dein subito puris evacuatione tumor augebatur, cum imminentis strangulationis periculo. In his angustiis mansit æger per quinque dies, cum incredibili salivæ profluvio, tuncque inciso loco eductus fuit calculus albicans, sed viridi purulenta materie tectus, figura sua & molle fabam equinam referens, pondere æquans septem grana, atque in superficie sua habebat manifesta vestigia capillarium quasi vasculorum, quæ contiguo ipsis calculo, & adhuc molliori has notas imprefferant. a)

cu.

culum ex linguæ radice prodiisse in alio ægro ibidem pariter habetur, pluraque similia exempla apud auctores occurrunt.

a) Acta anglicana v. 83. p. 4062.

Frigus finibus excretoriorum meatuum applicatum. Contrahi per frigus aëris articularum exhalantium in corporis superficie oscula docuerunt *Sanctorinus*, *de Gorter*, alique, qui de statica medicina scripserunt; experimentis enim directis invenerunt, perspirationem insensibilem dictam minui, dum subito & insolitum frigus partes corporis afflaret. Verum omnes partes oris interni, faucium, laryngis, asperæ arteriæ &c. perpetuo rore ex ultimis illis emissariis exhalante, madent, & foventur; & longe plus perspirare videntur, quam reliqua corporis externi superficies. Dum ergo in his locis ultimi illi meatus excretorii frigore stringuntur, vasa, quæ liquidum exhalaturum adferebunt, auctis circa fines resistentiis, magis dilatantur, & tument, dum manet, imo & augetur potius, liquidi per vasa hæc motus. Cum autem vasa hæc afferentia tutius recondantur, non tam cito, nec tam valide poterunt contrin-

stringi a frigore: adeoque tumebunt, & dilatabuntur, atque ob hanc causam referatis postea meatibus exhalantibus hæc vasa dilatata pergent majorem copiam humorum, & crassiolem sæpe transmittere.

Evidenter hoc apparet in gravedine, si-
ve catarrho, qui morbus nunquam frequen-
tius affligit, quam ubi calidam aëris tempe-
riem subitum frigus excipit; uti dum post
summos æstivos fervores tonitu cum imbri-
bus & grandine sequitur, & subitum frigus
aëri inducit, uti etiam, dum largo foco ca-
lidum corpus acri hyemali frigori subito ex-
ponitur. Membrana enim nares investiens in-
ternas tunc sæpe sic tumet, ut omnis aëri per
nares aditus impediatur. Postea copiosus hu-
mor de naribus destillat, & sæpe satis spissus.
Prout jam simile malum varias partes occu-
pat, diversa parit symptomata in naribus ster-
nutationem & coryzam dictam; in tonsillis,
pharynge, faucibus deglutitionem impedit;
in larynge, aspera arteria, pulmone tussim
facit, & quandoque respirationis impedin-
tum, prout magis minusve partes affectæ tu-
ment. Simul etiam patet ratio, quare debi-
lioris constitutionis homines, & sæpius &
validius his morbis affligantur, quia nempe
mi-

minus firma in his vasa, obstructis excretoriis meatibus facilius dilatantur, & dilatata non tam cito in pristinam dimensionem redeunt; unde quandoque horum locorum vasa sic degenerant, ut pergant diu & valide humores per has vias expellere, sicque totum corpus emungatur, inde in verum marasimum incidant tales ægri. Legi merentur, quæ de hac re habet *Simsonius* a) ubi explicat, quomodo ex frigore corrumpantur humores. Patet hinc ratio, quare *Celsus*, qui sana & firma corpora exercitiis validis uti voluit, & interdum balneis, interdum aquis frigidis muniri sic, ut absque noxa subitas aëris vicissitudines tolerare possent, b) imbecillos monuerit, ut caveant meridianum solem, matutinum & vespertinum frigus, itemque auras fluminum atque stagnorum; minimeque nubilo cælo soli aperienti se committerent, ut modo frigus, modo calor moveat; quæ res maxime gravedines destillationesque concitat. „ Simul apparet, quare *Hippocrates* dixerit c): *frigida, velut nix & glacies, pectori inimica, tusses movent, & sanguinis eruptiones cient, & catarrhos excitant.*

a) Simson Dissert. 3. p. 100.

b) Celsus L. I. c. I.

c) Hippocrates aph. 24.

Debilior humorum circumactio. Notum ex physiologia, illam vim, qua minimæ venulæ absorbentes imbibunt effusos in varia corporis loca humores, crescere & decrescere proportionaliter ad circulationes vires; atque hæc est ratio, quare in morbis acutis, ubi nimia adest circulationis velocitas, exsiccentur omnia: in languidis & chronicis morbis vero, sensim accumulatis humoribus, turgeat totum corpus. In chlorosi laborantibus puellis hæc res evidentissime apparet: albo enim tumore totum corpus occupatur, dum languet humorum per vasa motus. Ubi autem salutari ferri, imprimis in acidis vegetabilibus soluti, usu firmanatur solidæ corporis partes, & instauratur languens humorum motus, subsidet ille tumor brevi absque ullis evacuantibus adhibitis. Debilior ergo humorum circumactio inter causas anginæ aquosæ numeratur, quatenus nempe in corpore accumulatur aquosa colluvies; imprimis autem si concurrant talia, quæ hanc colluviem versus loca enumerata determinant.

Ex ante dictis patet, quinam hujus mali effectus sint: partium nempe affectarum tumor; verum non inflammatorius, sed laxis, mollis, frigidus, aquosus.

Diagno.

Diagnos̃is autem hujus morbi pariter ex ante dictis evidens est. Tumor enim albus & aquosus sensibus patet; simul absunt signa inflammationis. Confirmatur diagnos̃is, si historia morbi docuerit, tales causas prægressas fuisse, quæ huic morbo producendo favent. Prognos̃is autem docet, cæteris paribus talem anginam minus periculosam esse illa, quæ ab inflammatione fit. Reliquæ autem prognos̃is diversitates a causa cognita mali, & loco, quem tumores tales aquosi occupant, desumuntur. Sic v. g. facilius cura prævidetur, si a pituita obstructa fuerint emissaria, quam a calculo. Longe majus discrimen imminet, si circa laryngem tales tumores hæserint, quam si pharyngem aut laryngem occupent.

CURATIO ANGINÆ AQUOSÆ.

Ad quatuor capita omnis anginæ hujus cura reducitur:

1. *Causas obstruentes tollere*: Huc pertinent primo emollientia forma varia applicata. Insignis præcipue horum usus est in angina catarrhosa, dum frigus finibus excretoriorum meatuum applicatum morbum fecit.

Pes.

Pessinus apud vulgum mos obtinuit, tentandi similes morbos calidissimis remediis, quia nempe a frigore ortum illos duxisse apud omnes in confesso est. Pulcherrime curantur tales anginae, si potus aquasos tepidos, leviter aromaticos magna copia sumant ægri, ex radicibus bardanæ, scorzonæræ, quinque radicibus aperientibus &c. paratos; victum instituant ex solis carnis vitulinæ jusculis, cum endivia, lactuca, chærophyllo &c. decoctis; ab omni acri, salso, aut indigestibili cibo abstineant; in aëre tepido degant; nares, os internum, fauces tepidæ aquæ halitu foveant frequenter; vel gargarismata, colutoria, fomenta ex similibus parata sæpe & diu ore contineant; cataplasmate ex molissimis parato colli anteriora involvant; deinde bis vel ter de die remoto cataplasmate linteo molli leniter perfricent. Omnibus enim his conspirantibus referantur constricta a frigore emissaria, omnes humores diluuntur & attenuantur, vasaque sic disponuntur, ut facillime illos transmittere possint; dum simul leni stimulo aromatico laudatorum remediorum multa aqua diluto ad blandam diaphoresin, tanti in his morbis usus, disponitur corpus.

Ubi vero aquosa colluvies in cellulosa tunica harum partium aggesta, tumores facit, vel magnitudine, vel situ suo molestos, aut periculosos, facile patet, emollientibus illis & laxantibus remediis locum non esse; sed tunc potius illa conducunt, quæ postea enumerantur; aut si periculum in mora videtur esse, ne tumores aucti suffocationis periculum inducant arte chirurgica via conciliatur aggestis aquosis humoribus. Ita *Hippocrates* a) dum uvulæ apex aqua impletus esset; ejusque pars extrema, rotunda & pellucida, respirationem interciperet, jussit, ut uvulæ extremum digito prehensum, & sursum ad palatum appressum rescinderetur. Et alio in loco b) diserte monet, hanc sectionem instituendam esse, ut aqua educatur, tentatis prius gargarismis, cucurbitis &c. *Celsus* c) in simili morbo voluit, ut volsella prehensæ uvulæ extremum rescinderetur, monens. hanc curam tunc tantum locum habere, quando uvula a pituita deducta est; quando autem inflammata dolens, & rubicundi caloris esset, tunc sine periculo rescindi non posse ob hæmorrhagiæ metum; hoc & monuerat *Hippocrates* d), ex quo loco etiam patet, quod in simili casu & ultio.

ustionem adhibuerit. Fusius de hac operatione a scriptoribus chirurgicis agitur.

a) Hippocrates de morbis. L. 2. c. 10.

b) — — — de affection. c. 2.

c) Celsus L. 7. c. 12.

d) Hippocrat. in prognost.

Neque tantum in uvula, verum etiam in aliis locis tales tumores deprehensi fuerant, tantæ quidem molis quandoque, ut absque sectione curari non possent. Contrigerat talem casum videre *Swietenio* in honesta matrona roterodamensi; narrabat, quod ante novem circiter septimanas morfu leviter læserat inferiorem linguæ partem, atque hanc mali credebatur esse originem. Paulo post sub lingua incepit nasci tumor, intra novem septimanas adeo auctus, ut totum illud spatium, quod inter linguam & dentes anteriores maxillæ inferioris est, occuparet non tantum, verum etiam in collo manifeste protuberaret. Eriktionibus, fomentis, purgantibus, hydragogis incassum tentata fuit curatio; cum autem nulla signa docerent, aneurismaticum esse tumorem, uti crediderant quidam, iussit, ut sub lingua prominulus tumor lanceola pertunderetur; quo facto exivit incredibilis copia hu-

moris pellucidi tenacitate sua albumen ovi referentis; subsedit statim tumor; deglutitio ante impedita, liberrima fuit, & adstringenti fomento per aliquot dies ore retento perfecte convaluit; sic ut post aliquot menses nullum tanti tumoris relictum vestigium deprehendere potuerit.

II. *Humorum aquosorum copiam minuire.*
 Omnia, quæ aquosam colluviem dissipant de corpore sudoribus excitatis, vel per alvi aut urinæ vias eliminant, hic locum habere poterunt. Sudorifera autem vel sunt talia, quæ copiam aquæ sanguini subministrant, & dein laxatis, &otis blando calore lecti vasis cutaneis ingestæ exitum per corporis totam superficiem parant, ut simul cum his sudoribus diffletur noxium quid in corpore hærens; vel alia adhibentur sudorifera, quæ non aquæ copiam in sanguine, sed stimulo suo humorum velocitatem augent, sicque efficiant, ut eodem temporis spatio organis secretoriis cutaneis major longe copia liquidi secernendi applicetur. Quandoque & binæ hæ sudoriferorum species junguntur utiliter, dum penetrabilia & calida aromata largæ copię aquæ infusa propinantur. Verum in hoc casu, cum aquosa colluvies abundet in corpore, aquosa
 su-

sudorifera non conveniunt, sed sicca; quæ nempe calore majori excitato, & aucta humorum velocitate agunt. Hæc vel sunt externa, ut calor lecti, aëris, panni calidi corpori applicati, spiritus vini accensi vapor nudum corpus stragulis tectum undique lambens, quo vix potentius noscitur sudoriferum, dum & magnum satis calorem facit, & simul penetrabilissimo halitu totam cutis superficiem laxat, & maxime perspirabilem reddit. Vel sunt interna, quæ calida aromatica humores per totum corpus validius movent. Satis autem patet, similia locum habere non posse, si vel minima inflammationis suspicio sit; sed tunc prodesse tantum, dum frigus, inertia, & lymphæ copia in corpore prædominantur. Idem de diureticis ad lymphæ copiam evacuandum adhibendis, verum est; ut nempe summantur talia, quæ stimulo, non autem aucta liquidi copia agunt. Hydragoga autem dicta purgantia, quod copiam aquæ tenuis alvo subducant, summi patiter hic usus: qualia sunt Jalappæ radix, scamnoneum &c: his enim sic depleri potest corpus & subito quidem, ut bibulæ venæ depletis majoribus vasis, cito resorbeant effusam in cava corporis lympham.

Omnia autem hactenus memorata lympham universo de corpore subducunt quidem, sed non directe loca affecta levant; unde & alia remedia in arte medica ad anginam aquosam laudantur, quæ vel a locis affectis, vel saltem vicinis maxime partibus lympham evacuant. *Apopblegmatismi* huc spectant, sic vocata remedia, quia plegmatis, sive pituitæ copiam educunt majori copia ex illis corporis locis, in quibus naturaliter secerni ad usum proprios mucus solet, præcipue autem hæc applicantur naribus, vel ori interno. In hunc usum ergo nares internæ aquæ calidæ vapore laxari poterunt; vel lavendulæ, majoranæ, pulegii, & similibus foliis viridibus contortis & naribus inditis stimulari. Earundem herbarum siccatarum, & contritarum, aut nicotianæ pulvis in non assuetis, eundem usum præstat, si naribus attrahatur. Eidem scopo inserviunt acriora aromata, si ore contineantur, ut irritati his meatus excretorii & glandularum emissaria magnum salivæ & mucicopiam; quod pulcherrime obtinetur, si v. g. mastiches aut ceræ uncia misceatur drachma una vel altera radicum pyrethri, piperis, zingiberis &c. atque ex illis fiant placentulæ, continuo ore volvendæ, masticandæ.

Dum -

Dum enim non dissolubilis in saliva mastiche aut cera dentibus teritur, acre illis mistum aroma exspirat, & oris interni, & linguae partes assiduo stimulando incredibilem copiam salivæ & mucii elicit.

Vesicatoria autem nuchæ, collo, pone aures &c. applicata pariter huc spectant; quatenus nempe epidermidem in vesicas lymphæ plenas attollunt, sicque ejusdem copiam minuunt, simulque irritando vicinas locis affectis partes impetum ab iisdem aliorsum avertunt.

Huc etiam pertinet *Pringlii* a) linimentum volatile, quod ex duabus partibus olei olivarum & una parte spiritus cornu cervi constat, quibus panni lanei imprægnantur, & collo circumvolvuntur. Ab eo enim remedio in collo, & subinde per totum corpus sudor prolicitur.

a) Pringle Beobachtungen u. d. Kr. der Armee. S. 162.

4. *Dieta exsiccante.* Frustra enim subducerentur aquosa de corpore, nisi simul caveatur, ne talia ingerantur. Simul etiam apparet, diætam talem siccam & calefacientem me-

merito laudari, ne homines in tales morbos proni causam materiale horum morborum colligant in corpore, minime vero sufficere solam ad morbum præsentem tollendum, cum subita collectæ in partibus tumentibus lymphæ evacuatio requiratur, quæ a solo victu exsiccante & calefaciente expectari nequit.

4. *Augere vim circulationis.* Cum debiliior humorum circumactio inter causas anginæ aquosæ, quatenus nempe inde aquosæ colluvies in corpore aggeritur, materialis in hac specie anginæ causa; patet ratio, quare in cura hujus morbi commendentur & illa, quæ circulationis vim augent. Verum, uti prius dictum fuit, non adeo ad curam morbi præsentis, quam ad prophylaxim futuri spectant illa remedia, quæ circulationis augmentum faciunt. Interim tamen illa, quæ ad secundum numerum laudata fuerunt, motum humorum in toto corpore, vel saltem in partibus, quibus applicantur, accelerant, adeoque utcunque & hoc effectum conspirant.

Anginæ aquosæ genus quoddam peculiare constituit glandularum salivalium, imprimisque parotidum & glandularum maxillarium tumor, infantibus familiaris: Galli *Oreillons* & *Ourles* vocant a), quo non solum deglu-
ti-

titio, sed etiam ipsa oris apertio impeditur. Is infarctus fugax est, & nullam febrim movet, omnique periculo vacat; nec medicamentis, nisi diluentibus, sudoriferis, adjuncta congrua victus & regiminis ratione ad celeriores impetrandam resolutionem indiget. Aliquando tamen, sed raro contingit, ut parotis ad suppurationem vergat, quam commodis auxiliis juvare expedit; cum eo, ut mature deinceps pus evacuatur, eoque prospiciatur, ne viam sibi ad pectus faciat.

a) Rudolph. August. Vogel academicae praelectiones de cognosc. & cur. morbis. §. 192.

In *Helvetia* quoque frequens hic morbus est. Infantes huic anginae praeadultis obnoxii. Aegri plerumque absque febre sunt. Cataplasmatum emollientium usus, diæta tenuior, excarnis, abstinencia a vino, & potus diluentes tepidi morbum tollunt. *Illustris Tissot* a), cum anno 1754 hoc morbo detineretur, per quatuor dies infuso melissæ, cui quarta pars lactis admisceretur, usus est, & pane abstinuit; atque ita sæpius ab ejusmodi angina curatus est.

a) Tissot avis au peuple ch. 6.

Mor.

Morbus nunc descriptus sæpe epidemice grassatur, atque tam late, ut ne convalescentes quidem ex aliis morbis prætereant, e. g. in constitutione epidemica anni 1753, quam *Bonomiæ* vidit, atque exactissime descripsit *Thomas Laghius* a). Talem quoque constitutionem describit *Burserius* b), quæ anno 1782 Mediolani grassabatur, & *Genueses* simul atque *Taurinenses* vexabat. Morbus hic mens Martio post magnam nivium copiam, frigusque repentinum caput extulit. Parotides & maxillares glandulæ enormiter tuebant, tentabantur notabili duritie manui renitentes. Non admodum tamen, nec vehementer dolabant. Calor cutis vix mutabatur, & si quis tumor extrinsecus apparebat, is levissimus profecto erat. Sed febris continua inæqualis, plerumque vehemens cum iis complicabatur exceptis paucis quibusdam, qui levius affecti sunt. Gravius afflictis non deerant virium languor, & dejectio, nausea, vomituritio, crebra suspiria, & facilis in lipothymiam lapsus, in primis situ erecto. Inter initia non omittebantur blanda eccoprotica, clysteres, potus diluentes, & diapnoici, & sanguinis missio; qui tamen nullo glutine pleuritico tegebatur, in hisce morbis, ut ex aliorum quoque

que observatis constat, deficere solito. Sua stadia morbus perficit, ut plurimum octo, vel novem diebus; solvique consuevit, aut alvi fluxu, aut sudoribus, aut urinarum copia, aut narium hæmorrhagia. Pueris & adolescentibus in quarta, aut septima sponte sanguis e naribus prorumpens plerumque veram crisin, qua ilico sanabantur, apud *Bononienses* præstitisse visus est. Neminem ex hoc morbo, licet gravi, unquam periisse constat. Nolim tamen, qui plus æquo sibi confidat, & temere aspernetur ejus benignitatem; cum fieri aliquando possit lethalis ad pulmones, aut cerebrum metastasis.

a) Laghius. Bononiens scient. & art. instit. T. V.

p. 1.

b) Burserius l. c.

Cum major esset morbi epidemici vehementia magna aderat in metastases collaviei ferossæ ad varias partes proclivitas:

1. His parotidum tumoribus in quibusdam *anasarca* supervenit, omnino similis illi, quæ nonnunquam supervenit purpuræ scarlatinæ, summa cum spirandi difficultate, & acuta febre.

2. Quibusdam vomitus accessit a metastasi morbidæ materiæ ad ventriculum; qua facta evacuatione, melius se habere cœperunt ægri. Diversus erat ille vomitus ab illo, qui sæpe ex sola generis nervosi irritatione oriebatur.

3. Alios decedente parotidum tumore dolor capitis invadit, hemicraniæ periodicæ non absimilis, isque certo evanescit, succedente scroti, aut testium tumore.

4. Hic testium tumor in morbis epidemicis jam ab *Hippocrate* a) observatus est. Eandemque vere anni 1750. observavit Joannes *Targionius Tozzetius* b), & post hunc anno 1753. Cl. *Laghius* c). Nec *Burserium* circa idem illud tempus faventiæ medicinam facientem, ubi epidemicus erat morbus, rarum hoc metastaseos genus præterfugit. Hoc ipsum phænomenon viderunt alii, in quibus non prætereundus est *Rochardus* d); & nuperrime, anno videlicet 1782. *Genuæ*, ubi morbus iste epidemice increbuerat, *clar. Pratolongus*. Scroti igitur, testiculorumve tumore superveniente, & febre inde vehementiori facta continuo iteranda est sanguinis missio, vel primum instituenda in iis, in quibus antea ommissa fuerat; fotsusque emollientes adhibendi, ut non

modo dolor, & inflammatio leniatur, sed tumor paulatim & blande subsideat. Solent enim tam paritidum, quam scroti ejusmodi tumores resolutione finire, nunquam suppuratione, si quidem apta iis fiat medicina. Ex quo patet, mobilem & solubilem esse eorum materiem.

- a) Hipp. Epid. stat. 3.
- b) Torzetti Raccolt. d'osserv. p. 176.
- c) Laghi de Bonor. scient. & art. instit.
- d) Journal de med. T. VII. p. 379.

Mulieres vero, quamquam hæ rarius in parotidum tumorem inciderent, eo itidem detumefcente doloribus lumborum & pubis corripiebantur, ac si iis menstrua imminerent, quæ utique aut imtempestive erumpebant, aut eorum loco pruritus, & caloris sensus pudendum præter consuetudinem invadebat. Fœminis etiam quandoque œdomatosa angina laborantibus mammas turgere celeb. *Selle* monuit a)

- a) *Selle* Medicina clinica. c. de ang.

Specimen hujus constitutionis aliquod dant binæ historiæ, altera graviolem, altera mitiorem speciem sistens.

Ado-

Adolescens tres & viginti annos natus, temperamento sanguineo melancholico præditus, frigori, ventis, aërique nocturno singulis diebus se incautius obicere solitus in hunc morbum incidit. *Prima* die sine febris manifesta parotides cœperunt tumescere, & dolere. *Secunda* earum tumor auctus est, & simul maxillares glandulæ tumidæ evaserunt cum exigua febre, qua coactus fuit lectulum petere. Eadem die salem catharticum amarum sumpsit, quo satis bene purgatus fuit. Die *tertia*, cum febris increvisset cum pulsu valido & magno, suspiriis crebris atque anxietate, & corporis totius jactatione, & dolor cum aliquo rubore cutis conjungeretur, secta ei est vena in brachio, & missæ sanguinis unciz decem, qui nihil phlogistici ostendit. Hinc aliquantum febris quidem remisit, non vero tumores, qui contra incrementum cœperunt usque ad diem quintum. Interea cibum appetebat, somno fruebatur; & viribus etiam, dum in lecto erat, videbatur valere. Id solum quærebatur, quod subinde stomachi quodam languore, & si e lecto surgeret, facile lipothymia corriperetur. Die *quinta* ei iterum datum fuit lene catharticum, quod tamen alvum non subduxit. Horis pomeridia-

nis febris sine ullo frigoris aut horroris indicio exacerbata est. Nox fuit implacida. Mane diei *sextæ* valida febris exardebat, calorem ingentem in interioribus partibus causabat, & præterea suspiriis, nausea, inquiete, siti, dolore capitis pulsante vexabatur. Arteriæ vehementer subliebant. Facies universa tumebat. Idcirco decem sanguinis uncia ex altero brachio detractæ, in quo nihil vitiosi repertum est. Vesperis quidquid biberat & comederet bis vomuit, & post vomitum aliquantum levatus est, & conquirere cœpit. *Septima* die mane febris minor, caput liberum, facies & parotides minus tumida; sed crebri vomitus a potu, qui plerumque nihil excernebant, nisi quod biberat, cum pauca interdum bile flava permixtum. Vespere iidem vomitus. Iteratis enematibus oleosis factum est, ut alvus laxata excrementa naturalia dejiceret. Hinc vomitus paulatim sedati; sic ut nocte *octavæ* diei quies, & somnus tranquillior subsequeretur. Die *nono* omnia in melius versa sunt, ægro ferme apyretico. Die *undecima* tumores omnino evanuerunt. Potu datum est dilutum foliorum Thee, aqua cum succo mali medici, serum lactis desæcatum; sed potu quocunque stomachus turbabatur, vom-

mi-

mitu insequente. Extrinsecus adhibita fomenta emollientia fuere ad secundum usque febris accessionem. Tunc ab omnibus topicis, quæ parum feliciter cedere videbantur, abstinere satius existimatum est. Resolutio autem leni febris motu, vomitibus spontaneis, alvi dejectione per clysteres obtentis, & urinæ copia potius, quam sudore perfecta est.

Historia II. Decem aut duodecim diebus post sexagenario cuidam, qui adolescenti huic assidue adstiterat, postquam quadam die præter consuetudinem in aëre aperto diutius deambulasset, leviter intumuit parotis sinistra, sed modico dolore. *Secunda* die dolor auctus, & ad aurem protensus est, quo manducatio impediabatur. Nocte insequente dolor molestus somnum ferme omnem arcuit. Quare die *tertia*, etsi feбри vacuus esset, lectulo se continuit. Alvum lenienti medicamento solvi, & sanguinem, qui admodum firmus & densus deprehensus est, ex brachio mitti curavi. A sanguinis missione dolor valde imminutus est. Doloris locum lintheolo applicito a frigore, & aëris attactu defendebat, semel tantum quadam nocte, cum dolor molestior esset, admovit cataplasma ex pane & lacte una decoctis, quo non solum dolor, sed

tu.

tumor etiam subsedit. [Intra sex aut septem dies fere ex integro convaluit, aliqua solum difficultate mandendi superstitite ad aliquot dies. Ab una parotide ad aliam non transit, ut fere solet, malum. Abfuit vomitus, anxietas, languor, & febris; neque ad tantam magnitudinem tumor, quam in aliis vidimus, pervenit. Fortasse minor causa procatartica minorem quoque morbum fecit.

Historia III. Initio Septembris anno 1783, iterum iste parotidum morbus revixit, sed sporadicus; eosque corripuit, qui aëri humido & frigido, imprimis vespertino, caput & collum incaute exposuerunt; sed plerumque mitis fuit. Juvenis quidam temperamento sanguineo-pituitoso, habituque pinguiori præditus, cum vespere scriptioni diu operam navasset fenestra e latere aperta, tempestate humida & frigida, paulo post dolorem levem in parotide sinistra percepit. Dolor nocte increvit. Applicuit sacculum cum farina tepente. Mane postero parotis valde prominebat, calore prope naturali, non admodum dura; nec dolor magnus erat. Tensionis tamen sensus quidam molestus ad vicinas partes caputque protendebatur; nulla febris. Medicus consuluit, ut tectam parotidem ab aëris in-

juriis & frigore fervaret, parum loqueretur, a manducatione abstineret, & dilutum florum sambuci infusum sæpiusculè hauriret, & aliquot subinde cōchlearia fumeret mixturæ, quæ nitrum, roob baccarum sambuci, & syrupum rubi idæi recipiebat, lectulique calore perspirationem excoleret. Vesperi febricitabat, sed leviter. Sudavit, & nocte tranquille dormivit. *Altero* mane tumor videbatur latius diffusus. Pulsus frequens, cætera eodem. Nox deinde tranquilla. *Tertia* die mane parotis non parum detumuerat. Hinc datum lene eccoproticum ex sale mirabili, & syrupo mannato, quo bis alvus laxata est. Vesperi melius. Mane diei *quartæ* pulsus naturalis; urinæ saturatiores; tensio & tumor multo minor. Die *quinta* tumor evanuit ex toto. *Sexta* domo exire cœpit. Nullus vomitus, nulla ad testes metastasis subsequuta est. Alios vero non nullos tunc temporis lymphatico hoc parotidum tumore laborantes, eo evanescente vomitus ad aliquot dies afflixit. Sed brevi omnes convalescere.

Oedematofum hoc anginæ genus vario apud Italos nomine insignitur. Etruscis *Orecchiani*, Bononiensibus, & *Flaminia* populis *Gotoni*; Genuensibus *Gotazze*.

COROLLARIA DE PROGNOSI ANGINÆ.

Absoluta jam anginæ historia generali, simulque traditis illis, quæ in diversis anginæ speciebus maxime notanda videbantur, recensentur quædam corollaria, quæ ad prognosin anginæ proprie spectant, & omnia apud *Hippocratem* inveniuntur. Ex ante dictis autem facile deduci poterit horum ratio.

Angina sine ullo signo conspicuo: occupat enim tunc inflammatorius tumor laryngem, vel internam pulmonalis fistulæ membranam.

Angina epigenesi orta. Morbus alter morbo supervenire dicitur, quam permanente illo, qui prior adfuerat, accedit & alter, uti *Galenus* a) monuit, dicens: *degenerat autem morbus, quam priore cessante succedit alter; supervenit autem, quum priore permanente, alter accedit*. Unde talis epigenesis prioris morbi augmentum designat, dum ad alias corporis partes propagatur malum; vel saltem indicat, per morbum sic mutata fuisse fluida & solida corporis, ut etiam aliæ functiones lædantur. Cum ergo ex se satis periculosa sæpe sit angina inflammatoria, patet facile, vix quid spei superesse, si alteri inflammatorio morbo superveniat angina, Cum autem

anginæ curatio sanguinis missionem validam, purgantia antiphlogistica &c. requirat; debiliior sæpe a morbo prægresso æger hæc ferre nequit. Augetur periculum, quod omnis ejusmodi supervenientium ortus non parvos nec faciles, sed magnos & malignos morbos sequatur. b)

a) Galenus de affectionibus c. 6.

b) — — Commentar. in aphor. 11.

Ubi autem angina inflammatoria, quæ musculos elevando occupat, vel pharyngem, aut tonsillas, uvulam, velum palatinum pendulum, ejusque quatuor musculos pterygostaphylinos, sic increverit, ut & ad pulmonalem fistulam, vel laryngem propagetur malum, satis patet lethalem morbum esse. Quinimo, licet per metastasin materies inflammatoria tonsillas, pharyngem, &c. obsidens, priori sede derelicta ad laryngem, vel asperam arteriam deponeretur, non multum spei superesset.

Anginam spumam oræ excitans. Dictum fuit pituitæ ad cava tonsillarum stillicidium perpetuum esse, dum illæ ipsæ, vel & vicinæ his partes inflammatae sunt; unde & in
hæc

hac anginae specie perpetua sæpe exscretio
 spumosa pituita adest; tamen minus lethalis
 hæc angina esse solet, uti tunc dictum est;
 adeoque de illa spumosa pituita excretionem
 hic non agitur. Verum in pessimis & letha-
 libus anginis omnia vere eadem apparent phœ-
 nomena, ac illis, qui laqueo strangulantur;
 in quibus videmus fœdo spectaculo spumam
 tenacem circa os & labia colligi, tum moriun-
 tur. Unde dixit *Hippocrates* ad, *qui strangu-*
lantur, ac dissolvuntur, nondum tamen mor-
tui sunt, ex illis non convalescunt, quibus cir-
ca os spuma fuerit. Ubi notandum, quod
 non dixerit pituitam defluere, sed circa os
 colligi. Impeditur enim tunc transitus sangui-
 nis per pulmones ex corde dextro in sinistrum;
 unde tanta vi urgentur arteriarum pulmonis
 extrema, ut ex illarum finibus in cava aërea
 pulmonis apertis exprimatur humor solito vi-
 scidior, qui in summis illis angustiis educine-
 quit exscreando, sed collectus ascendit in fau-
 ces, oris cavum replet, & tandem circa la-
 bia colligitur spumescens. Videmus simile
 quid fieri in moribundis fere semper, dum
 jam aliquot ante mortem horis ingratus ille
 stertor & ronchus in pectore auditur, a col-
 lecto tali viscido humore in pulmonis bron-
 chiis;

chiis; qui pariter de naribus, vel ore post mortem, constrictis frigore omnibus partibus exprimi solet. Notat ergo talis spuma in angina suffocationem & mortem.

a) Hipp. in aph. 43.

Pessimum etiam signum dat serum tenue in angina inflammatoria continuo ex ore depluens. Dictum fuit a compressis venis majoribus, quæ hic locantur, & reducem a capite sanguinem ad cor deferunt, tale seri profluvium nasci posse, atque *Louveri* experimento in cane, cui venas jugulares ligaverat, demonstratum fuit omnia vicina loca feri tenuis copia inundari. Ubi ergo hoc symptoma observatur, concludere licet, tumorem inflammatorium venas comprimere; unde pessima mala, brevi sequentur; uti pluribus dictum fuit.

Dejectionem autem alvi, quæ sine sensu exit, lethalem damnavit *Hippocrates*; uti dictum fuit: atque in primis in angina hoc verum est, cum præsentem strangulationem indicet hoc symptoma; atque observetur, & alvum & vesicam exonerari illis, qui laqueo suffocantur. In *Coacis prænotationibus*
ha-

habetur sententia, quæ huc spectat: *Quibus per vehementiam pulsationis (venarum) stercus derepente per alvum secedit, lethale.* a) Voluit quidem *Fæsius* b) pulsationem illam vehementem & conspicuam observari in anginæ inflammatoriis, dum in collo & temporibus validæ micant arteriæ, & partes inflammatae palpitant præ pulsationis vehementia.

a) Coac. prænot. Nro. 368. Chartèr. Tom. VIII. p. 872.

b) Tom. I. p. 175.

In febre valde acuta sine ullo signo conspicuo occupans. Quam præceps sit angina inflammatoria, quæ absque ullo signo conspicuo, sola strangulatione se manifestat, antea vidimus; simulque demonstratum fuit, lethalem anginam esse, quæ per epigenesin ex aliis morbis inflammatoriis nascitur. Idem quoque verum est, si in febre valde acuta, quamvis non inflammatoria, similis angina oriatur; uti facile patet ex illis, quæ paulo ante dicta sunt. Confirmant & hoc sequentes *Hippocratis Aphorismi* a) *Si detento tumore non existente in faucibus, suffocatio derepente supervenerit, lethale.* *Si febre detento*
de-

derepente cervix intorqueatur, at vix deglutire possit, tumore non existente, lethale. Ubi notandum, quod æque damnaverit lethalem anginam, quæ deglutitionem lædit, ac illam quæ respirationem suffocat; si nempe acute febricitantibus repente superveniat.

a) Hippocrat. l. c.

Cum recessu tumoris, ruboris &c. Tunc enim angina deglutitionem lædens, adeoque minus periculosa, mutatur in illam, quæ respirationem suffocat; quæ in hoc casu semper lethalis est.

Aliæ dantur adhuc anginæ species, quæ in variis morbis accidunt, & ex idea morbi principis, cujus symptoma sunt, curari debent. Sunt autem hæc ferme anginæ symptomaticæ genera:

I. *Angina variolosa*; eaque triplex,

1. variolosa primi stadii
2. variolosa secundi & tertii stadii
3. variolosa a salivatione.

II. *Angina morbillosa* totius morbi subinflammatorius affectus est.

III. *Rheumatica*; materie rheumatica ad tonsillas deposita.

IV.

IV. *Scarlatinosa* : noscitur pustulis albis
aphtosis, prurientibus : sæpe sola morbum facit.

V. *Venerea* :

1. *venerea ulcerosa* : observavit
eam Stollus sæpe in infantibus
a nutrice affectis.
2. *venerea condylomatosa*.
3. *venerea nocturna*.
4. *venerea mercurialis*.

VI. *Aphtosa*.

PLEURITIS HUMIDA.

*Sedes Pleuritidis humida, & differentia a
pleuritide sicca.*

Frequens, imo frequentior vera pleur-
itide, is morbus est, quem auctores aliqui *an-
ginam pectoris* nominant; nos autem *humidam pleuritidem* dicimus. Et sede, & sym-
ptomatibus distat a vera pleuritide : ut
enim in vera pleuritide inflammatio pleu-
ram occupat, neque ullo sputo cruento
stipatur : ita humida pleuritis dolore assi-
duo, inflammatorio thoracis interiori, lancin-
ante potissimum, tussi, atque inspiratione,
exasperato, sputis croceis & cruentis, fe-
bre interim acuta continua, dignoscitur. Ex

ne.

neglecta hujus morbi diagnosi lis inter clinicos orta est, de sede pleuritidis, de origine & via sputorum in pleuritide; quæ tamen facile componitur, si ipsas bronchiorum ramificationes inflammatas suppuratasque contemplamur. Causas cæteroquin agnoscit inflammationum communes, atque singulares insuper, quæ anginam trachealem, & peripneumoniam solent producere.

EXITUS VARIÏ PLEURITIDIS HUMIDÆ.

Varius est morbi hujus progressus, ut & cura & prognosis mali non semper eadem sit; nam in sanitatem, mortem, morbosque alios terminatur.

Primo itaque resolutio inflammationis contingit, si levior causa morbum hoc ipso leviozem produxerit; si autem inflammationis resolutio locum non amplius habeat, signis coctionis prægressis variæ evacuationes criticæ oriuntur, morbum solventes. Optima crisis fit per sputa copiosa, quæ ex croceis, cruentis, in albida, puriformia mutantur; sudores plerumque una comitantur criticam sputorum excretionem, soli raro hunc morbum judicant; urinis etiam cum sedimento rubello pleu.

pleuris humida nonnunquam solvitur; rarissime autem diarrhæa critica contingit.

Alius exitus pleuritidis humidæ est crisis erronea lymphæ coagulabilis; quæ si subito, & magna copia in cava aërea deponitur, ægrum sæpe suffocat; si autem parcius, & sensim sine sensu transsudat, pus æmulator, atque morbum solvit.

Reliqui exitus in suppurationem, & gangrænam ex generali inflammationis, & præcipue anginæ inflammatoriæ doctrina facile possunt deduci.

METHODUS MEDENDI.

Omnis humidæ pleuritidis cura methodo antiphlogistica absolvitur. Princeps remedium in venæ sectione, eaque etiam repetita, habetur. Dein potus tepidi ex herbis emollientibus assiduo hausti, quibus paucum nitri additur. Maxime autem vapores tepidique communis, aut decocti emollientis ad vim morbi infringendam conducunt; quo pulmonum balneo & vasa aërea laxantur, & materia phlogistica attenuatur, & ad excretionem præparatur.

Cum

Cum facillimus sit inflammationis ob partium contiguitatem ex ramificationibus bronchiorum, in ipsam pulmonum substantiam, omnino patet, cur sæpissime & bronchiorum, & pulmonum inflammatio simul adsit. Quod *pleuritidis humidæ* & *peripneumonix* connubium ideam *pleureperipneumonix* constituit. Quo vocabulo primo *Baronius*, teste *Triller* a), utebatur.

a) Triller de pleuritide.

PERIPNEUMONIA.

Duplici imprimis modo definitio morbi tradi solet; vel enim ex illis phænomenis, quæ semper morbum definiendum comitantur colligitur; vel ex intellecta causa morbi proxima deducitur. Prioris definiendi methodi exemplum in phrenitide vidimus, dum illa dicebatur adesse, quando ferox & perpetuum delirium cum febre acuta continua oriebatur; simili modo etiam postea definietur pleuritis. Altera definitionis methodus supponit illud, quod per omnia morbi phænomena collecta tantum patet, neque cognitionem accuratam causæ morbi proxime; atque talis est cognitio.

tio peripneumoniæ, quæ hic traditur. Prior definiendi methodus inservit, ut morbus, cujus indagatur natura, distinguatur per signa pathognomica ob omni alio morbo, adeoque omnis vitetur confusio. Posterior autem morbi naturam individuum jam cognitam supponit, paucisque verbis illam describit. Binis illis methodis promiscue usus est *Boerhaavius*, sic tamen, ut dum priorem methodum adhiberet, postea ex tradita morbi historia deduceret ejus causam proximam; ubi vero posteriori methodo definiendi morbi usus fuerit, tunc datæ definitionis veritatem probat postea ex omnibus illis, quæ in morbi decursu observata fuerunt. Sic v. g. postquam phrenitidem ex phœnomenis hunc morbum semper comitantibus definiverat, postea ex morbi decursu toto, & observatis in cadaveribus defunctorum hoc morbo, elicit causam proximam phrenitidis, quod nempe sit vera inflammatio cerebri, atque idem etiam in pleuritid simili modo definitæ historia fecit. In peripneumonia vero, cujus causam proximam in definitione supposuerat, postea tanquam corollarium ex tota morbi historia deduxit, morbum illum, quem vetustas hoc nomine descripsit, esse veram inflammationem pulmonum,

DIVISIO PERIPNEUMONIÆ.

Peripneumonia itaque in vera pulmo-
num, vel alicujus illius partis inflammatione
consistit; nam & spuria dantur peripneumo-
niæ, a colluvie serosa, ab infarctu pituitoso,
a decubitu materiæ biliosæ ad pulmones &c.
de quibus suis locis sermo erit.

Priusquam peripneumoniæ genuinæ cha-
racteres describam, aliquas adhuc morbi di-
visiones adferre juvat, quarum scientia me-
dicum aut in diagnosi, aut in prognosi sta-
tuenda, aut in intelligendis aliorum auctorum
libris potest dirigere. Præter illam itaque,
quam modo attuli, divisionem in veram &
spuriam, alia habetur divisio; a febre peri-
pneumoniam comitante, desumpta; ut ergo
acuta & *chronica* seu latens sit peripneumo-
nia; quarum prima apud omnes ferme aucto-
res fuscè descripta legitur, altera vero *Bagli-
livii* potissimum & *Stollii* observationibus in
plenam lucem protracta est. Acuta pro va-
ria febris sociæ natura varia sortitur nomina,
ut alia sit *inflammatoria*, alia *biliosa*, alia *pi-
tuitosa*, atque etiam *putrida*, & *maligna* pe-
ripneumonia. Aliam divisionem inflammatio-
nis magnitudo suppeditat, ut simplex sit, si
unius

unius lateris, & duplicata peripneumonia, si uterque pulmo inflammatur. Ratione etiam tussis, quæ vel sicca, vel humida est, humida vel sicca peripneumonia adesse dicitur. Exitum quoque, morbum varium si consideramus, suppuratoriam & gangrænosam peripneumoniam habemus. *Originaria* denique, & *symptomatica*, *deuteropathica*, & *protopathica*, prout nempe pulmo primario & mox in initio oritur, aut secundario, & in alterius morbi progressum accedit.

SIGNA PERIPNEUMONIÆ.

Signa nunc peripneumonix veræ describenda sunt; quorum duplex genus est: signa inflammatorix febris *communis*, atque signa thoracis inflammati *propria*. Prioribus ex doctrina de inflammatione notis, *propria signa* persequor. Est autem summa necessitas probe dignoscendi pulmonum inflammationem, utpote sæpe *obscuram*, hinc *neglectam*, hinc *perniciiosam*; sæpius *symptomaticam*, *sero* & *subdole* supervenientem.

1. Primum atque præcipuum signum est *assiduus* ponderis in thorace sensus. Ob nervos enim in pulmonibus minus copiosos, &

ob visceris laxam compagem, de oppressione, non autem de doloribus ægri conqueruntur; ut hoc morbi genus plus periculi, quam doloris habeat. At habet hoc signum suas fallacias; imo subinde a medico resciri haud potest. Nam & pituitosus infarctus, & instans exanthematum eruptio peripneumonicam oppressionem non raro præseferunt; *Sydenhamus* a) quondam in febre continua talem oppressionem offenderat, quam pro peripneumonica habuit; at facta mox copiosa petechiarum eruptione respirationis libertas rediit. Hypochondriacorum etiam, atque hysteriarum genus irritabile, mox ubi in febrem incidunt, pectoris oppressionem accusant, etsi alte inspirent, & in longis quærelis nullum loquendi impedimentum sentiant: Mente capti, aut, instante delirio grave id in thorace impedimentum non sentiunt. Ii quoque, qui rerum suarum incurii vivunt, pectoris oppressionem non accusant.

a) Sydenh. Opera p. 153.

2. Alta inspiratio aut difficillima, aut omnino impossibilis, tussi mox accedente interrupta. Quamprimum enim alte inspirant ægri,

ægri, augetur oppressio; idque etiam a tussi accedit. Hæc respirationis difficultas magni momenti signum est, atque etiam ad absconditas pulmonis inflammationes detegendas maxime idoneum. Summam attentionem in observanda ægri inspiratione medicus adhibeat: nempe an thorax sub inspiratione æque alte, atque eadem ex binis lateribus celeritate sursum tollatur. Phlogisticum enim in parte quadam pulmonis impedimentum id efficit, ut ibi pulmo se expandi ab aëre irruente non sinat, atque thorax in ea regione minus alte, & serius elevetur. Imo præsentē valida utriusque pulmonis inflammatione immotus manet thorax, aut etiam intro trahitur, respiratione interim solo abdomine peracta. Hoc signo ad detegendas absconditas etiam, infantum præcipue, peripneumonias, felicissimo semper eventu utebatur *Stollius*.

3. Tussis denique inspirationem profundiores prohibet, eaque varia est; modo sicca, quæ pessima; modo aquosa, aut etiam sputa sanguine striata educens. Hoc certum est, ab ea tussi pectoris oppressionem plurimum augeri. Irritamentum tussis ægri *Plerumque* in plaga pulmonis obstructa sentiunt.

Pathognomonicis morbi hujus signis descriptis, alia etiam symptomata accedere solent, quæ equidem perpetua non sunt, ac tamen hoc ipso suo consortio statutam a medico diagnosin non parum firmanant. Sunt autem sequentia:

Absque multis prodromis plerumque ingruit hic morbus, nisi ex coryza aut catarrho neglectis, atque a remediorum spirituosorum stimulo exasperatis originem duxit. Orditur a frigore, cui mox calor subsequitur, cum frigore iterum alternans. Brevi & oppressio assidua, & inspirationis profundioris impedimentum, & tussis pulmonem inflammatum esse significant.

Dolor, aut gravitas capitis inter tussien- dum aucta. Labiorum, linguæ, & palati siccitas. Lingua albida pellicula obducta. Sapor oris depravatus; subinde vomituritio, atque etiam vomitus. In infantibus, atque irritabilibus non raro convulsio.

Spiratio calida. Decubitus in alterutrum latus impossibilis; plerumque in latus affectum facillius decumbunt; pulmone utroque inflammato situs ægrorum supinus.

Alvus tarda; urina parca, flammea.

Pul-

Pulsus initiante, aut leviori adhuc morbo celer, plenus, fortis, durus, vibrans; morbo magis provecto, parvus, mollis, omni modo irregularis. Cutis sicca.

CAUSÆ PERIPNEUMONIÆ.

Et si generales inflammationum causæ etiam peripneumoniam excitare valeant, sunt tamen quædam peculiæres causæ, quæ præ cæteris frequentius hunc morbum excitant.

Has inter ipsa atmosphæra primum locum obtinet, cujus vicissitudines epidemicam humanis corporibus labem inducunt. Hinc epidemicus hic morbus ruri potissimum, mala medendi methodo integris sæpe provinciis perniciosus. Morbus est adultæ hyemis, siccæ, borealis, maxime ubi homo antea incaluit, & dein frigidam aquam, frigidum aërem haurit. Sæpe tam late patet Epidemiæ imperium, ut medica & indocta plebs contagiosum esse peripneumonix epidemicæ genium crediderit a). Atque etiam ipse *Hippocrates* monuit hyeme pleuritides & peripneumonias maxime fieri, & quidem vehementissimas. b)

a) Morgagni de Sed. & caus. morb. epistol. 21. artic. 26.

b) Hippocr. de affectionibus. c. 3.

At non modo ob manifestas, aut etiam occultas qualitates atmosphæra ferax peripneumonix scaturigo est; sed ob magnam insuper copiam varii generis exhalationum, quæ in aëris oceano fluctuant; & a pulmonibus attractæ acore suo vitale hoc viscus inflammant. Sic vapores arsenici, acidorum mineralium, sulphuris accensi, musti fermentantis. Dum arsenicum caustica & venenata vi infame fixare tentabat *Tachenius* a) sciendi desiderio quævis spernens pericula, apertis vasis inspiravit auram suavissimam, sed post semihorulam imprudentiæ suæ pœnas luebat; dum & difficulter respirabat, omnium membrorum convulsiones patiebatur, sanguinem minge-
bat cum intolerabili ardore &c. Lacte & oleo præceps hoc periculum evasit quidem, sic tamen, ut tota hyeme langueret, febre lenta, hæcticæ simili afflictus. Meminit *Swietenius* b), dum ex sale marino decrepitato sic-
cissimo spiritum salis marinum meracissimum paraverat, solutis vasis tanto cum impetu fugacissimos vapores erupisse, licet paucæ tantum uncix hujus spiritus in capacissimo excipulo hærent, ut non tantum laboratorium, sed & tota fere domus ilico his vaporibus re-
plerentur, cum imminentis suffocationis pe-
ri-

riculo, nisi subito aufugisset. Omnibus notum est sulphuris accensi vaporem, & homines, & quævis animalia respirantia, necare certissime, si majore copia cum aëre hauriatur. Adeo enim sensibilis est interna pulmonum superficies, ut ab acrioribus talibus una cum aëre haustis ilico corrugetur totus pulmo, spasmodice constrictis fibris musculosis bronchiorum segmenta cartilaginea nectentibus; unde subito lethalis peripneumonia; vel si evaserint, incurabile asthma tota vita manet. Vidit hoc *Swietenius* in cive, cui in juventute apud oenopolam habitanti, ut addisceret vinorum commercium, a sodalibus jubebatur, ut aperto ingentis dolii, sulphuris odore repleti, spiraculo olfaceret, qua arte vina a fermentatione præservarentur. Miser ille valide naribus attrahit infestum hunc vaporem, sed mox concidit, atque aliquot horis cum morte luctatus evasit quidem, verum tota vita mansit asthmaticus, & nunquam somnum capere potuit, nisi erecto corpore in sedili hæreret. Verum & una cum aëre inspirato in pulmonem duci possunt talia, quæ non acria quidem sunt, sed coagulante & exsiccante vi pessime nocere possunt, quamvis plerumque non tam subito horum noxa ob-

observetur. Sic *Diemerbroeckius* c) in no-
focomio dissecuit lapidæ famulum asthmate
mortuum, atque in ejus pulmone invenit mag-
nam copiam pulveris lapidum, vesiculas fere
omnes pulmonis implentem, atque sequente
anno in binis lapicidis simili modo mortuis
idem invenit. Ex quibus omnibus satis patet
una cum aëre inspirari posse talia, a quibus
peripneumonia nasci poterit.

a) Tachenius hippocrat. chemica. c. 24. p. 149.

b) v. Swieten. Comment. ad §. 824.

c) Diemerbroeck, anatom. L. II. p. 306.

2. Ad causas etiam pertinent exercitia
pulmonum valida; maxime autem si subito
perfrigerentur homines admissio aëre frigido,
vel potu frigida: e. g. post saltum id facit
juventus imprudens. Tales peripneumoniæ
a potu frigida æstuante corpore subito lethales
fiunt; subinde penes ipsum fontem tales
concidunt mortui ex peripneumonia suffocati.

3. Angina Cynanche & trachealis ab ini-
tuo neglecta, aut perversa methodo facile in
peripneumoniam abit, materie phlogistica sen-
sim ad pulmones deposita. Idem a neglecta
coryza, optime monente *Tissoto* a), sæpe con-
tin-

tingit. Pleuritis etiam valida, cum ægri ob summam doloris acerbitatem pectus dilatare nequeunt, atque sanguis in pulmone accumulatur, peripneumoniam producit.

a) Tissot avis au peuple.

4. Vicinarum partium inflammatio, Præcipue hepatis. Regnante enim præcipue inflammatoria constitutione, & præsentè in sanguine inflammatoria diathesi variæ succesive partes inflammatione occupantur.

5. Huc etiam pertinet materia quæcunque acris rheumatica, arthritica, herpetica ad pulmones deposita. Morbillosum præcipue miasma, quod pulmonibus maxime inimicum est.

6. Peculiaris insuper, atque hæreditaria dispositio inter causas peripneumonix recensenda est; ubi sequentia notanda sunt. 1. Obesos homines plerumque ad thoracis inflammatorios morbos minus dispositos esse. a) 2. Infantes, etsi in phlogisticas affectiones præ cæteris hominibus minus proclives sint, sæpius tamen exquisita peripneumonia corripiuntur. 3. Obstructum lien plurimum disponere ad pulmonum inflammationem *Morgagni* b) asse-

ferit: 4. Pulmo tuberculofus, & illa phtyfica dispositio, de qua in Tomo I. horum commentariorum pag. 123. actum est.

a) Morgagni de sedibus & causis morborum. P. I. p. 392.

b) — — P. I. p. 409.

7.) Magna denique in peripneumoniam proclivitas a peripneumoniis prægressis inducitur, ita ut sæpissime ab inflammatoriis thoracis morbis idem homo coripiatur.

EFFECTUS PERIPNEUMONIÆ.

Multæ, eæque graves mutationes ab hoc morbo in corpore producuntur; præcipuas enumerabo:

1. Si major portio pulmonis alterutrius, vel utriusque sit inflammata, sanguis per residuum pulmonem liberum difficulter movetur. Liquidiora exprimuntur in vicina cava; hinc *hydrothorax* cum peripneumonia toties reperitur, *remanens* subinde.

2. Pulmo inflammatus fit *mole*, *pondere* major; in aqua fundum petit; livet, sæpius tamen rubet; carnem muscularem refert; sub
cul-

cultro fridet; in bronchiis spuma cruenta. Pulchra *Frid. Hoffmanni* a) observatio ad amussim ostendit, qua via hic morbus in mortem tendat. “ Dum aperitur cadaver juvenis viginti sex annorum peripneumonia defuncti septimo morbi die, pulmones conspiciebantur admodum distenti, & ad tactum duri. Omnem corporis cavitatem replebant, diaphragmati, costis, & dorsi vertebrae in utroque latere adeo firmiter accreti, ut cultro difficillime separari potuerint. Exempti de thorace pulmones carnem compactam referebant, eorumque vesiculæ quasi carnea, crassa, rubicunda substantia erant infarctæ: & quum discinderentur, pauca quantitas ichoris putridi sanguinei effluxit. Quinque libras pondere æquabant pulmones lanci impositæ, & aquæ submergebantur. In aspera arteria spumosa & tenax materia reperta. In vasis pulmonis, uti & corde, & auriculis, inventæ fuerunt polyposæ concretiones, quæ simul omnes excedebant pondere binas uncias, “

a) *Frid. Hoffmann. Medic. ration. & system. T. IV. S. II. c. 6. obs. 1.*

3. Sanguis tranare non potest per residuam partem pulmonis. Hinc paucus pervenit ad cor sinistrum, ad aortam, ad reliquum corpus; hinc pulsus debiles, mollesque in gravissima peripneumonia, atque lis de pulsu duro aut molli in peripneumonia facile componi poterit. Hinc pulsus vacillans, inæqualis omni modo.

4. Respiratio sano pulmone peragitur; tunc autem inæqualiter thorax attollitur. Hinc cita & accelerata inspiratio. Hinc respiratio laboriosa simul tunc adest, Orthopnoëa dicta veteribus medicis, quando ægri proprio instinctu corpus in lecto erigunt, ut facilius inspirare possint. Erecto enim corporis situ abdominalia viscera suo pondere deorsum ducunt diaphragma, sicque pectoris dilatationem augent. Notavit hoc *Aretæus* a) monens, *quod sedere volunt laborantes; ad spiritum ducendum corpus rectum statuitur, ad id enim hic situs aptissimus est.* Designat ergo erecta illa respiratio semper impedimentum in pulmone liberum sanguinis transitum tollens; atque inde patet ratio, quare *Hippocrates* b) dixerit. “ Quod si in morbi vigore ægrotus velit residere, hoc in omnibus quidem acutis morbis malum est, pessimum vero est

est in peripneumonicis. “ Ubi enim morbi decrescunt, minime malum signum est, si in lecto residere velint ægri; tunc enim incrementibus viribus, & fatiscente morbo, jugem decubitus fastidiunt. Verum in morbi vigore semper molestam anxietatem, ob difficilem sanguinis per pulmonem transitum significant. Inspiratio tussis prohibita. Exspiratio calidissima.

- a) Aretæus de causis & signis morborum §. I. c. I.
- b) Hippoc. in prognosticis.

5. Symptomata capitis plura, scilicet rubor & livor faciei, oculorum, stupor; sapor. apoplexia; summa anxietas, & mors. Ob impeditum sanguinis ex capite reditum.

PROGNOSIS PERIPNEUMONIÆ.

Fausum in hoc morbo eventum his tantum circumstantiis expectare licet:

- 1) Si inflammatio unius tantum lateris sit, Pulmone enim utroque valide inflammato sanguini per pulmones tranaturo omnis via intercipitur; ægrique ex magnitudine inflammationis pereunt,
Imo

Imo unius, at totius pulmonis inflammatio, vix sanatur. Multum itaque ad formandam prognosin interest nosse inflammationis magnitudinem, an uterque pulmo, an unus tantum, isque totus, vel aliqua ejus pars, & quanam illius plaga inflammatione laboret, quæ omnia ex gravitatis sensu, symptomatum vehementia, maxime vero ex thorace inæqualiter, & uno thoracis latere præ altero citius elevato, dijudicari debent; ubi enim ulterior thoracis elevatio impeditur, ibi inflammatio figitur; thorace unius lateris ferme immoto magnam in alterutro pulmone inflammationem adesse recte conjicies; at utroque pulmone inflammato, uterque thorax immotus, & respiratio abdominalis.

2.) Si unius lateris pulmo, atque ejus *parca* tantum portio inflammata sit. Non enim sanationem morbi sperabat *Stollus*, si ultra duas tertias pulmonis partes inflammatas esse ex respiratione colligeret.

3.) Si a causa mitiori morbus originem duxerit. Si enim e. g. homo a perfrigeratione-

rato corpore post validissimum corporis exercitium peripneumonia corripitur, justus metus est, ne maxima inflammatio adsit.

EXITUS PERIPNEUMONIÆ IN SANITATEM.

L y s i s.

Ut omnis morbus, ita etiam peripneumonicus in sanitatem, morbos alios, & mortem terminatur. In sanitatem autem peripneumonia finitur aut *Lysi*, cum phlogistica materies solis naturæ viribus mobilis reddita sensim sine sensu sanis humoribus assimulata a corpore diffatur; aut non penitus subacta manifestis evacuationibus *criticis* e corpore eliminatur.

Prior exitus, etsi maxime optandus, rarior tamen contingit. Illa autem resolutio tunc potissimum sperari poterit, si in corpore *laxo* peripneumonia oriatur. Hinc *Hippocrates* monuit, quod densa & exercitata corpora citius a pleuriticis & peripneumonicis morbis pereant, quam non exercitata; hinc scæminarum peripneumoniæ essent, cæteris paribus, leviores. *Humoribus benis*. Hinc *ru-*
sti.

sticorum, potui non deditorum, & ruri, peripneumonix leviores. In urbe gravior & pertinacior morbus; item si acria varia humoribus mista, achores, scabies, herpes, miasma syphiliticum &c. Item si tubercula pulmonum, scrophulæ, arthriticum vitium adfit.

Crisis.

Alter modus, quo morbus in sanitatem terminatur, est, quando materies morbi per vim febris subacta quidem, & mobilis reddita est. nondum tamen simul sic mutata, ut absque impedimento æquabilis circulationis cum humoribus sanis per vasa fluere possit, neque etiam adeo dissoluta, ut insensibilis perspirati specie expelli queat de corpore. Requiritur ergo ad sanitatis restitutionem, ut sensibili quadam evacuatione exeat. Idem in peripneumonix felici in sanitatem exitu contingit; & longe frequentius ille morbus hoc modo tollitur, quam benigna resolutione. Videndum ergo est ex fidelissimis, veterum imprimis medicorum, observatis, per quas vias natura molitur materiæ morbosæ exitum in hoc morbo.

Sputa critica

Si itaque prægressis coctionis signis, atque diebus, quos antiquitas *criticos* dixit, materia per sputa ejicitur, ea *critica* esse conjicies, si sequentibus dotibus insignita sint.

Sputum cito compareat, id est, inflammatione nondum in suppurationem vergente. Sit liberum, facile & absque multa molestia per tussim educatur, cum valida & sicca tussis pulmonem inflammatum irriter pessime, simulque designet, nec præsto esse materiem per sputa, & pulmonem in vasis sanguineis inflammatum & tumentem arctare & comprimere bronchia. Unde *Hippocrates* a): *sputum vero in omnibus doloribus, qui circa pulmonem & latera sunt, celeriter ac facile exspui oportet. Si enim multo post doloris initium exspuatur flavum, aut fulvum, aut quod multam tussim excitet, deterius est: Et paulo post habet sequentia* b): *Sputum vero flavum mixtum cum pauca sanguine in peripneumonicis, in initio morbi excretum salutare est, & valde confert; si vero septimo die, vel etiam serius procedat, securitatis minus est.*

a) Hippocrates. Prognost.

b) — — Coac Prænot.

Copiosum autem debet esse, ut omnis morbi materies evacuetur integre, aliter enim irritum naturæ conamen indicat, quod in omnibus vacuationibus materiæ morbosæ pro malo omine habetur.

Sputum *coctum* fit, nempe subflavum, subinde filamentis sanguineis permistum, mucosum, quod in coryza cocta e naribus ducimus, non absimile. Hinc *Celsus* a): *Neque inter initia terri convenit, si protinus sputum mistum est rufo quodam sanguine, dummodo statim sedetur.* Crassities autem sputi, & color flavus inceptam jam coctionem materiæ morbosæ indicant. Differunt autem *casta* hæc sputa, aut *puriformia* a *purulentis*: *Illa* enim sine solutione continui; *hæc* autem non nisi cum solutione continui oriuntur.

a) *Celsus* L. II. c. 3.

Talia autem sputa, cum & satis crassa sint, neque tamen nimia viscositate firmiter adhæreant, facile semper educuntur, tenuia autem & ichorosa sputa longe difficiliora. Qui catarrho pulmonum laborant omnes hoc experiuntur: in initio enim morbi sputa tenuia non nisi molestissime educuntur; postea vero eadem crassiora facta facillime prodeunt.

Op-

Optima autem bonorum sputorum nota ex morbi emendatione colligitur. Si enim & gravitatis sensus, & inspirationis impedimentum, & febris ipsa mox a sputis minuantur, pulsusque magis fiant evoluti, pulmonum integritas reditura est. Hinc *Hippocrates*: a) *omnia sputa mala sunt, quæ dolorem (morbum) non levant.* Videtur enim sic indicare voluisse, sputorum colorem varium, spissitudinem &c. multum quidem ad prognosim facere; interim tamen symptomatum morbi que levamen sputorum excretionem sequens, omnium certissimum signum dare, licet etiam sputa a modo laudatis conditionibus recederent. Meminit *van Swieten* se aliquoties vidisse in ipso hujus morbi initio sputa mucosa, tenacia, sanguine æquabiliter per totam substantiam tincta, insigne levamen attulisse non tantum, sed & brevi sanationem secutam fuisse.

a) Hippocrat. Prognost.

Explicatis iis notis, quæ sputorum salubritatem significant, facile illa sputa cognoscuntur, quæ infausi eventus metum nobis injiciunt. — Malæ notæ itaque sputa sunt, quæ mox in initio morbi sanguinea sunt. Ex-

excreatio tenuis, flava, croco quasi tineta, aliud febrium peripneumonicarum malum est symptoma, cum vel lentorem pulmonum inflammatorium visceri tenaciter inhærere, vel totam sanguinis massam a dissolutione proxime abesse significet.

Omnis vero multo peioris, ajit *Huxhamus* a), hoc tenui, est livida ista, glutinosa, & saniei similis, frequenter rubri vini facibus æqualis, interdum nigrior, & interdum valde foetens excreatio; hæc enim vel a pulmonum statu gangrænosso; vel sanguinis crasis per majorem acrimoniam destructione pendet, qui casus sæpe in hominibus scorbutò graviter affectis obvenit: cujus rei plura haud ita pridem inter nautas post longos cursus exploratorios & expeditiones in India occidentali occurebant exempla.

a) Huxham Op. T. II. p. 190.

Cum videant medici, peripneumoniam sputo sen anacutharfi solvi, hanc voluerunt *peculiaribus remediis*, expectorantibus dictis, promovere.

Sunt autem expectorantia, quæ humores aliquantum incitant, movent, movendo attenuant,

nuant, & dein sollicitando fauces gutturve
tussim excitant. Talia sunt melita, oxymel-
lita, infusa subamara, leniter aromatica ve-
ronicæ, majoranæ, hyssopi &c. squillitica,
oxymel squilliticum, acetum squilliticum,
gummi ammoniacum aceto, vitello ovi solu-
tum. Flores sulphuris; antimonii præparata,
subemetica, scilicet kermes, stibium diapho-
reticum non ablutum; sulphur auratum ter-
tiæ præcipitationis. Tartarus emeticus refra-
cta dosi; ipecacuanha in pulvere, infuso, parca
tamen dosi. Verum hæc male conveniunt cum
inflammatione; hanc enim augment. Optimum
expectorans est methodus antiphlogistica emol-
liens, vapor aquæ tepidæ inspiratus &c. Spu-
ta cocta viribus naturæ sola bona. Hinc er-
rores perniciosi multorum practitorum; quæ
enim in *frigido* pulmonum infarctu, in col-
luvie serosa sola bona sunt, hæc ad calidissi-
mum morbum male traduxerunt.

Videntur autem sputa consistere *ex ma-
terie inflammatoria*, seu ex lymphâ coagula-
bili, sed *aliquantum immutata*; non enim am-
plius illa cohesio, aut coagulum in sputis,
ut in lymphâ coagulabili.

DIARRHOEA CRITICA.

Sæpius contingit, ut materia phlogistica ex sanguine ad alia corporis colatoria derivetur, per urinas nempe & alvum. Materies autem, quæ alvo secedit, sputis haud ablimilis est. Interim levamen morbi certissimum salutaris hujus evacuationis signum dat: *Si enim qualia purgari oportet, purgentur, & confert, & facile ferunt; sin minus, contra.* a) Quod Hippocrates summo jure pro generali spontanearum talium evacuationum criterio posuit. Biliosum autem vocat talem alvi fluxum Boerhaavius, non quod bilis proprie dictæ evacuatio in hoc casu requiratur, sed quod flavi coloris materies per alvum exeat, uti per sputa flava in priori casu morbi materies eliminabatur.

a) Hippocrat. aphor. Sect. I. aphor. 2.

URINA CRITICA.

Urinæ indicant futuram crisiñ potius, quam ut illam absolvant. Urinæ criticæ conditionem Huxhamus a) præclare exposuit: „ Quod si autem inflammatoriæ pulmonum obstructiōnis resolutio aut coctio accidit, non pars solum in bronchiorum cava impellitur, & ita excreatur, sed pars quoque in venas adhæ-

ren-

rentes transit, indeque cum reliquo sanguine ope communis circuitus commovetur, donec tandem partim per urinam crassam, turbidam larga quantitate eliminetur; in qua id, quod defidit, copiosum rubrum, vel flavum est, & in morbis peripneumonicis semper bona prænuntiat, partim quoque per biliosas alvi dejectiones evacuetur. — Quam crassam, subsidentem, rubicundam urinam in pleuritide securum esse signum b), eamque, si crassa & copiosa sit, auferre peripneumonias, observavit *Hippocrates*. Ast recte quoque annotat, si ista ex crassa circa quartum diem tenuis sit, symptoma esse pessimum. c) Arque profecto ita omni morbi tempore est quamdiu febris insignis continuat.

a) Huxham Op. T. II. p. 195.

Hipp. de victu acutorum.

c) Ibidem.

Hipp. coacæ prænot. 53. c. de pleuritide.

Omnia hæc signa collegit *Hippocrates* a): „Sunt autem hæc bona, morbum ipsum facile ferre, & facile spirare, dolorem sedatum esse facile sputum extulfire, corpus æqualiter molle & calidum apparere; urinas, dejectiones, somnos, & sudores, uti scriptum est,

est, singula bona succedere. Hæc omnia si contigerint, non morietur homo. “

a) Hippocrates in Prognosticis.

EXITUS PERIPNEUMONIÆ IN ALIOS MORBOS.

S u p p u r a t i o.

Si morbus peripneumonicus ita gravis est, ut benigna resolutio locum non habeat; atque mitius etiam malum neglecta medicina, imo perversa methodo, in pejus ruat, varia accidit morbi mutatio, quæ aut *inflammationi*, aut *pulmonis functioni* convenit.

Exit itaque primo in *suppurationem*, lege communi omnium aliarum paulo majorum inflammationum. Ut autem hunc peripneumonix exitum eo melius perspiciamus, primo argumenta probabilia orituræ suppurationis, dein signa proxime instantis, tandem signa facti abscessus, & effectus denique suppurationis tum in universo corpore, tum præcipue in pulmonibus accuratius consideremus.

Signa abscessus futuri.

Peripneumonia non nimis valida neque benigne resoluta, neque evacuationibus criticis judicata, medicamentis nullis, aut per-
ve-

versa methodo adhibitis, metus omnino est, medium hunc inter morbum insanabilem, & illum, qui cito solvi potest, statum subsequi. At omnis quæstio est de tempore, quo suppuratio fieri inciperet, quinam sit terminus crudæ inflammationis? Statuerunt quartum diem, quo finito vena male secaretur, utpote morbo, ut putabant, non amplius resolubili. At male omnino: quotidiana enim experientia reclamât. Major tamen inflammatio, causis inflammantibus non ablatis ex toto, neglecta per quatuor dies, probabilissime suppurabit. Item peripneumonia quarta die labente adhuc crudissima, sine signis coctionis probabilissime suppurabit. Attamen idcirco non desistendum a venæ sectione; nam parrior, & minori in ambitu fiet suppuratio. Dantur peripneumonix *cito* suppurantes; dantur, quæ *sero* suppurant, scilicet *mitiores*, *retusæ* methodo antiphlogistica, item peripneumonix *secundariæ*, nempe ortæ ab alio stimulo, *variolofo*, *rheumatico*, *arthritico*. Habemus etiam exempla harum inflammationum in partibus externis per septimanas & menses. Præterea inflammationes ab aëri stimulo perfectæ, atque etiam rheumaticæ, nullis certis legibus desiniuntur, sed citius, aut serius in suppuratione

ne

nem abeunt. Hinc nullus certus terminus venæ sectionis in peripneumoniis certo numero dierum definiendus; tamen die 14. est plerumque facta suppuratio.

Signa abscessus fientis.

Inflammatione magna, coctione non observata, crisi non facta, nec benigna solutione; remediis sero, aut frustra applicatis; in prædispositis ad phthysin; febre perstante non validissima, at tamen constante, pulsu undoso, molli, accelerato, fit *suppuratio*.

Signa abscessus facti.

Sequuntur nunc signa, quæ factam esse puris collectionem significant. Sunt autem hæc potissimum; quæ tamen non acervatim ingruunt, sed paulatim apparent, & tum fientis, tum facti jam abscessus, communes notæ sunt.

Primo itaque febricula medicum de collecto pure admonet. Incipit autem hæc febricula vagis, levibusque horripilationibus absque manifesta causa; plerumque continua est, sæpe tamen cum exacerbationibus vespertinis; subinde cum intermittente tertiana aut quartana combinatur, constitutione præsertim febrilium intermittentium regnante. Symptomata vero affecti pulmonis ita se habent: Cum
jam

jam vomica in pulmone hæreat, pure plena,
 mole sua vicina omnia comprimens, adeoque
 & efficiens, ut vesicularum pulmonalium la-
 tera ad se mutuo pressa irritentur continuo;
 hinc tussis pertinax oritur, sed sicca, quia
 nihil de loco affecto educi potest, quamdiu
 nondum ruptus est abscessus. Licet enim per
 hanc tussim continuam aliquid muci, pulmo-
 nis internam superficiem lubricantis, abra-
 datur sæpius, nihilominus tamen sicca vocari
 meretur, quia parca copia, & cum molestia
 sputa prodeunt, nihilque de pure pulmonem
 opprimente educitur hætenus. Cum autem
 post pastum crudus chylus per pulmonem diffi-
 cilius transeat, etiam in sanis hominibus, si
 copiosior fuerit, vel ex indigestibili alimen-
 to paratus, levem dyspnœam & febriculam fa-
 ciens, patet facile inde augeri causam unde
 tussis illa oriebatur. Illud verum est, dum
 corporis exercitiis sanguis venosus accelera-
 to motu versus cor dextrum derivatur, adeo-
 que & majori celeritate per pulmonis vasa,
 vomica latentis mole arctata, transprimitur.
 Imprimis autem tussis illa augetur, dum fe-
 bricula illa continua periodica exacerbatur.
 Respiratio autem difficilis, parva, anhelosa,
 & strepens erit, dum saccus talis pure ple-
 nus

nus angustat cavum aëreum pulmonis, ejusque facilem dilatationem ab aëre inspirato impedit. Cum inflammatio utrumque pulmonem occupat, cito potius, & insuperabilis mors exspectanda est, quam exitus in suppurationem; unde fere semper abscessus in uno tandem loco hæret. Si ergo notabilem magnitudinem habuerit talis vomica, dum ægri in latus sanum decumbunt, premetur mediastinum versus alterum thoracis latus, adeoque angustabitur locus, in quo pulmo non affectus hæret; ergo & ille difficilius dilatari poterit ab aëre inspirato: & cum in altero latere affecto a vomica tumente respiratio jam impedita sit, non poterunt ægri ferre has angustias, & brevi situm corporis mutabunt, donec magis commodum inveniant, qui semper observatur adesse, dum in latus affectum decumbunt. Unde monuit *Hippocrates* a) sequentia: *Si vero suppuratio fuerit in alterutro latere tantum, & vertere ægrum, & condiscere potest in his, num aliquem habeat dolorem in altero latere, & an alterum sit calidius altero, & ægro in sanum latus decumbente interrogare, si quod ipsi pondus desuper impendere videatur. Si enim hoc fuerit, in altero latere suppuratio est, in quo pondus ad-*
fue-

fuert. Cum autem pulmo inflammatus sæpe cum pleura contigua concrefcere foleat, poterit fieri, ut talis adhæfio impediât, quominus abſceſſus pondere ſuo premat mediâſtînum, dum æger in latus ſanum decumbit. Verum tunc a diſtractione partium inter ſe coherentium modeſta tenſio, imo sæpe dolor ſatis acutus percipitur ab ægris, unde pariter coguntur in latus affectum decumbere.

a) Hipp. in Prognôſticis.

Hæc reſpirationis incommoda, atque febricula illa periodica, vespertina, aucta ſenſim per noctem, antelucano tempore ſenſim una miteſcunt, ſudoribus obortis, præſertim circa jugulum & frontem, in guttas sæpe collectis, quibus ægri vires ſenſim exhauriuntur, pinguedo cellulis muſculorum interſitiis interpoſitus liqueſcit, & macies tandem univerſo corpori inducitur. Pallorem autem, maciem, & debilitatem ſummam adefſe debere, ex præcedentibus apparet: ſolutus enim ob deficientem aſſimilationem ſanguis pallorem facit; ſudores nocturni, depaſcens febricula hectica, proſtratus appetitus, maciei & debilitatis ſummæ ſunt cauſæ. Latentis autem in pulmone abſceſſus ſigna pulcherrime collegit *Hippocrates* a), & ſic deſcribit. *At*

pu.

purulentos omnes hisce signis cognoscere oportet: „ primum quidem, si febris non dimittat, verum interdiu tenuis detinet, noctu vero major, & multi sudores oriuntur circa collum & claviculam; tussendi autem cupiditas illis inest, & nihil effatu dignum exspuunt, oculique cavi fiunt, & ungues quidem manuum adunci evadunt, digiti autem incallescunt, maxime summi, & in pedibus tumores fiunt, & cibos non appetunt, & phlyctenæ per corpus nascuntur. “

a) Hippocrat. in prognosticis.

Exitus variæ factæ suppurationis.

Sequuntur jam varii exitus apostematis pulmonalis, qui singuli considerandi sunt.

I. Ex illis, quæ in præcedentibus aphorismis dicta fuerunt, patuit, abscessum pulmonis, dum fit, & dum factus est, dyspnœam facere, ob impeditam pulmonis explicationem ad liberam respirationem requisitam. Si ergo non rumpatur talis abscessus, neque pus contentum venis resorptum evacuetur aliis viis, vel per metastasin ad alia loca delatum, pulmonem liberet, patet evidenter, augeri debere hunc tumorem magis magisque, donec tandem post intolerabiles angustias suffocetur æger. Unde dixit *Hippocrates* a) ; *si*

ve-

vero non possit multo tempore rumpi, neque sponte, neque a medicamentis, contabescit æger a vehementibus doloribus, & inedia, & tussi, & febris, & plerumque perit. Vidit in cadavere hoc morbo defuncti Boerhaavius, unius lateris pulmonem in saccum pure plenum conversum adeo prodigiosæ magnitudinis, ut non tantum cor ex situ suo dimoverit, & alterius lateris pulmonem in minimum spatium compresserit, verum etiam diaphragma in abdomen protruserit, & prominere fecerit. Quam horrenda autem mala mortem præcesserint, a tanta distictione harum partium, facile colligitur.

a) Hippocrâtes de morbis L. 1. c. 8.

2. Præter hanc sensim exortam atque auctam suffocationem, subito etiam nonnunquam homo suffocatur, si nempe magnus talis abscessus subito crepet, ut non pauca copia simul pus exeat, sed uno cum impetu fundatim exoneret in asperam arteriam, illa sic implebitur, ut nulla via supersit aëri inspirato; unde subita mors. Notavit funestum hunc suppuratæ peripneumonix exitum *Arætiæus* a) : si vero in pulmonem cum impetu pus prorumpat, sunt qui suffocantur, & ob congestam aggestionem, & rejiciendi angustiam,

3. Ubi vero abscessus pulmonalis maturus aperitur sic, ut collectum pus in asperam arteriam veniat quidem, verum ob collecti puris copiam minorem, vel angustiore aperituram sacci illius purulenti, parum simul prodeat, sputo purulento solvitur morbus, sed ancipiti tamen cum eventu. Liberatur enim quidem sic pulmo, & ægri insigne levamen percipiunt; verum tamen ne sic quidem semper inde emergunt: requiritur enim ad sanationem, ut cavum illud, in quo pus hæserit, depuretur, subsidant ejus latera, & consolidentur ad se mutuo. Pulchre hoc monuit *Hippocrates* a), de suppurato pulmonis tuberculo agens: *Et si quidem quam citissime maturuerit, & ruptum fuerit, & sursum vertatur pus, & totum exspuatur, locusque cavus, in quo pus subsidat, & resicietur, prorsus sanus evadit.* Quo enim diutius clausus manserit locus suppuratus, eo major copia puris colligitur, atque eo magis metuendum, ne retentum pus more & calore acrius factum vomicæ continentis latere rodât, consumat cavum, in quo hæret, augeat, atque postea evacuato pure difficilior sit depuratio cavi hujus loci, & consolidatio; quæ tamen ad perfectam sanationem omnino requiruntur. Quinimo,

imo, licet & quam citissime rumpatur pulmonis abscessus, nondum tamen omnis metus abest; dum nempe omnes fere corporis humores ad hunc locum confluunt, & in pus convertuntur. Simul inde intelligitur ratio, quare quandoque in longum tempus talis morbus ex peripneumonia natus excurrat; dum nec depurari satis, & consolidari potest talis succus, interimque vires sufficiunt, imprimis in juvenili corpore, ut morbum ferat diutius, quotidie pure per sputa rejecto, sed & quotidie ratio. Contigit *Swietenio* videre rarum satis casum, qui docet, diutissime tolerari posse hunc morbum, tandem tamen lethali exitu funestum b). „ Consulebat me egregius juvenis, externa specie omnino sanus apparens; cumque morbum celaret de industria, fateor, me non potuisse detegere, quid lateret in corpore mali: rogavit autem me, ut sequenti mane illum inviserem, dixitque, quod tunc facile morbum noscerem. Adfui, & me præsente in lecto se erigens uncias aliquot puris boni absque multa molestia tussiendo leviter exscreavit, sancteque asseveravit, quod jam per octo annos quotidie magnam copiam puris rejiceret, ad minimum quatuor uncias æquantem pondere, quandoque & majorem

rem longe quantitatem. Minuebatur aliquando puris excreti copia, & fere nihil exiuebat; verum tunc sequi solebat pectoris oppressio, dolor satis acutus in pectore, febris valida; & postquam uno alterove die hæc mala passus fuerat, ingentem copiam puris excreabat, satis tunc olidi, atque iterum satis bene se habebat. Hoc modo acerbam peritissimorum medicorum prognosin, qui illum tractaverant ita decumbentem se sæpius elusisse narrabat; dumque post aliquot septimanas, suppresso sputo purulento, iisdem cum symptomatibus confluentem inviserem, & pessima quævis metuerem, securum me esse iussit, brevi se ab his malis emeritum; atque eventus promissis respondit. Tentavi lacte asinino herbaceo, decoctis herbarum vulnerariarum leniter detergentium potatis, magna copia, uba cum balsamicis pilulis ex myrrha, olibano, sarcocolla &c. equitatione, victu idoneo morbum curare. Sed incassum, & postquam per novem integros annos, absque insigni corporis colliquatione (vidi enim adhuc illum binis ante mortem septimanis) tantum morbum tulerat, subita morte periisse intellexi. Vidi plures alios, qui morbum hunc per unum alterumve annum tulerent. ,,

a) Hippocrates de morbis L. I. c. 8.

b) van Swieten comment. ad §. 836.

Omnia autem, quæ ad prognosin fausti vel infauti eventus pertinent, dum pulmonis abscellus spuito purulento solvitur, accuratissime collegit Hippocrates a) : *superstites evadunt ex his potissimum, quos febris eodem postruptionem die dimiserit, & qui cibos celeriter appetant, & siti liberati sint; & venter tum exigua, tum compacta dejiciat, & pus album & leve, & ubique ejusdem coloris sit, & a pituita liberum, & citra dolorem, & vehementem tussim expurgetur. Sic quidem optime & celerrime liberantur; sin minus, hi, quibus proxima his contigerint. Intereunt vero, quos & febris eadem die non dimiserit, sed quum videtur dimisisse, iterum recalescens appareat; & sitim quidem habuerint, cibos vero non appetiverint, & alvus liquida fuerit, pusque ex viridi pallidum, & lividum exspuerint, aut pituitosum & spumosum. Si hæc omnia contigerint, intereunt. At quibus ex his quædam accesserint, quædam non, illorum quidam intereunt, quidam etiam multo post tempore superstites evadunt. Verum ex omnibus signis, quæ adsunt, tum in his, tum in aliis omnibus, conjecturam facere oportet.*

a) Hipp. in Prognosticis.

4. Sequitur alter peripneumoniarum suppuratarum exitus, dum nempe apostema ruptum pus non effundit in tracheam, sed in pectoris cavum; funestus plerumque, cum nullus fere puri hic deciduo exitus pateat, nisi per artem via paretur thoracis paracentesi instituta. Cum autem pulmo inflammatus vicinis locis accrescat saepius, poterit & tale apostema ruptum in pericardii cavum pus effundere, uti etiam in mediastini cava dilatata. Novimus autem talem peripneumoniarum exitum adesse, si post omnia signa facti abscessus, nullo pure per sputa aliasve vias evacuato, nullaque metastasi facta ad alia loca, subitum levamen aegri percipiant; *quia pus ex angustia in ampliore locum venit.* a) Videtur etiam notasse Hippocrates b), quod quandoque tali abscessu rupto, quaedam pars per sputa exeat; longe major tamen puris portio in septum transversum delabatur; neque multum videtur sperasse in tali casu a puris educatione, quae per thoracis aperturam fit.

a) Hipp. de morbis. L. I. c. 16.

b) — — de morbis. L. I. c. 8.

Quam mirabiles autem pus ex pulmonis abscessu rupto exiens, sibi vias quandoque pa-

ra-

raverit, docent observationes medicæ plurimæ. Non autem hic consideratur ille modus, quò pus in abscessu clauso diutius retentum, attenuatum venis resorptum ad varia loca deponitur, vel & variis quandoque viis exit de corpore; verum tantum de illis observationibus sermo erit, quæ docent pus vicina loca erosisse, & insolitas sibi parasse vias. In hominis post peripneumoniam suppuratam defuncti cadavere inventus fuit pulmo firmiter accretus pleuræ & diaphragmati, simulque apparuit pus, licet & per sputa pars ejus excreta fuisset, erosisse diaphragma, & hepar ipsum ad pollicis profunditatem, atque in hoc viscere sinum purulentum fecisse, cujus diameter tres æquaret pollices. a) In alio homine post mortem inventus fuit pulmonis abscessus, cujus pus eroderat contiguum & accretum diaphragma, ipsumque ventriculum foramine tam amplo, ut pollicem facile admitteret. b) Huic affinem casum notavit *Jacotius* c) in muliere, quæ quibusdam ante mortem annis vomitu solebat per intervalla rejicere magnam puris copiam cum defectio-
ne animi, vocis privatione, & gravibus aliis symptomatibus, quibus levabatur a vomitu. Mortua & dissecta ingens vomica in pulmo-

ne reperta est. Tumor ovi gallinacei minoris molem æquans inter cartilaginem ensiformem, & marginem cartilaginis costæ ultimæ veræ, & binarum costarum spuriarum superiorum prominebat, dum tussiebat homo ulcere pulmonali laborans; & post mortem inveniebatur, pulmonis abscessum satis magnum tali loco hære, ut diaphragma extendere potuerit, & hunc tumorem formare.

a) Medical essays. T. I. p. 273.

b) ibid. T. p. 332.

c) Holler Comment. in Coac. Hipp. p. 27

d) Memoires de l'Acad. de chirurg. T. I. p. 717

5. Dum ulcus pulmones ita exedit, ut totus inde habitus corporis consummatur, phthisis pulmonalis adesse dicitur; unde facile patet, pulmonis abscessum in hunc morbum vergere.

6. At alius quoque exitus datur facta suppuratione, isque bonus; nempe abscessu mature in bronchia aperto, per *amplum vulnus*, febre mox cessante, pure bono, ætate & reliquis bonis. Rarius equidem id contingit; & subinde felices tales casus *Stollus* observavit.

De vomicis cæteroquin sequentia notanda sunt: 1. Hic peripneumoniz exitus quandoque epidemicus est, ut neque inflammationis magnitudini, neque perversæ medendi methodo suppurationem possis adscribere. 2. Abditum id vitium est quandoque, sæpe nec laboranti, nec medico notum; cum æger ipse nec consueta munia intermittit, nec se morbo teneri putat, causamque interitus sui nesciens intus gerit sub pectore. a) 3. Minus gravis, minus periculosa magna, & solitaria vomica, quam plures, æque graves, & minutæ. b) 4. Experientia & observatione constat, vomicam dextri pulmonis acutiorem, & periculo pleniorē esse vomica pulmonis sinistri c); quod equidem nullam indicationem, at prognosin suppeditat. 5. Suppuratorum ex peripneumonico morbo seniores magis intereunt. d)

a) Fernelius Pathol. p. 522.

b) Mead monita & præcepta. p. 38.

c) Tralles de opio. Sect. IV. p. 14.

d) Hipp. Prognost. Cap. XI. p. 184. Edit. Haller.

METASTASIS.

Signa orituræ metastasis.

Alter modus, quo peripneumonia in alium morbum transit, est ille, qui per metastasin materiæ morbosæ ad alia corporis loca fit. Illa autem obtinet; quando materies phlogistica neque excernitur sputo, alvi fluxu, vel urina, neque in pulmone collecta accumulatur, & vomicam format, sed ad loca quædam corporis deponitur. Notandum autem hic est, proprie non fieri bonam & salutarem talem metastasin, dum pus jam in pulmonis substantia collectum hæret, abscessu jam formato: sed tunc tantum, quando materia inflammatoria cocta jam & mobilis quidem reddita, atque puri analogam naturam adepta est, ut illæis pulmonum vasculis in sanguinis massam transire, & ad distitas corporis partes migrare possit; cum verum pus, prægressa scilicet pulmonum inflammatione, non nisi facta continui læsione excernatur.

Dubii equidem eventus habendi semper sunt hi abscessus, cum crisin minus perfectam referant; at multa tamen habentur tum in veterum monumentis, tum in recentiorum etiam observationum collectionibus, sanationis

nis exempla. Universim, eo majus ab abscessu periculum instat, quo viscus affectum nobilius est. Hinc periculosissimæ metastases, quæ caput opprimunt; sæpe ad hepar fit decubitus, ut hepatidis secundaria inde oriatur. Melioris ominis ii sunt abscessus, qui in partibus externis contingunt. Ratio autem, horum abscessuum a vitio præexistente cujusdam partis, a genio epidemico, & ab erroribus tum ab ægro, tum a medico commissis derivanda est.

Metastasin instare scitur. 1. ex levamine pulmonis inflammati. 2. Ex absentia typhos, criseos; præsentibus tamen orituræ suppurationis indiciis. 3. Ex pulsu interea miro, vario, vacillante, turbato, cæteris utut non malis. Exemplum talis pulsus apud Swietenium a) habetur. „ Vidi in pleuritide post binas venæ sectiones prægressas tertio die incipientem dolorem lateris evanescere, sed pulsus erat undosus quasi, & vacillans, caprizans quasi; hinc conclusi materiam phlogisticam nondum satis subactam resorptam in vasa fluere, & sic pulsum mutare; hinc metuebam metastasin materiæ in nobile viscus, imprimis cum levia delirii futuri signa adessent, dedi summa derivantia, & alvum laxavi per decoctum ta-

ma-

marindorum, cum levamine. Pulsus ille undosus duravit per totum morbi decursum; & per diarrhæam critice soluta fuit pleuritis. „

4. Ex mox insequente alicubi tumore, rubore, dolore, vel functione visceris cujusdam inflammatorie læsi: *Quibuscunque ex morbis resurgentibus aliqua pars doluerit, illic abscessus oriuntur.*

a) Ill. van Swieten. Constitut. Epid, T. I. p. 91.

b) Hipp. in prognosticis.

Abscessus ad crura.

Signa autem, quibus admoniti abscessus ad crura, aures, hepar oriri prædicimus, & communia sunt, in omni abscessuum genere præsentia, & propria, quæ a loco petita, in certa quadam parte corporis abscessum fieri significant. Abscessui autem ad inferiora ori-turo, id *proprium* est, ut hypochondria leviter tensa sint, & doleant; quibus levioris inflammationis speciem in hac regione cognoscimus; at omnino ex re addidit *Boerhaavius* eam inflammationem leviolem esse oportere; tensio enim validior, atque vehementior in hypochondrio, dextro præsertim dolor, non
jam

jam abscessus, sed inflammationis hepatis metum injiciunt.

Abscessus ad aures.

Proprium signum, ex quibus parotides oriri colligitur, est mollities hypochondriorum. Nam tunc fieri abscessus versus superiora constat, si signa generalia futurorum abscessuum adfuerint, & hypochondrium molle, & doloris expers apparuerit, & cum difficultas spirandi per aliquod tempus facta, citra aliam evidentem causam quieverit. Novimus enim ex his signis morbi materiem locum mutasse, neque evacuatam tamen esse, nec versus inferiores partes vergere, adeoque nihil superest, nisi ut superiora petat, atque solemni naturæ, morbos per metastasin sanandi, rite in parotidis glandulas deponatur. Verum quidem est, in morbis quandoque & parotides nasci, licet & simul hypochondria afficiantur, sed tunc semper periculosa sunt, cum notent, tantam materiæ morbosaë copiam esse, ut hæc loca illam capere nequeant; vel saltem non succedere salutare id naturæ molimen, quo ad loca innoxia materiam morbi deponere tentabat, sed viscera simul eadem
sa-

faburra gravari. Unde parotides ex doloribus hypochondriorum emergentes malignas esse dixit *Hippocrates* a), *Anxietatem in hypochondrio sentientibus tumores circa aures oriri, mortem inferunt.*

Hipp. Coac. Prognost.

Abscessus ad hepar.

Dictum fuit superius, materiam morbi, dum versus inferiores corporis partes tendit, ad hypochondria levioris inflammationis signa producere; adeoque metum esse, ne per hæc viscera difficiliter transiens in illis colligatur, & abscessus formet. Novimus autem tunc ad hepar verti materiem, si post signa generalia futurorum abscessuum prægressa dolor in hepate percipiatur, non evanidus subito, uti fit, dum circa crura oriuntur abscessus, sed manens. Reliqua indicia abscessus hic formandi summuntur a læsionibus illarum functionum, quæ huic visceri propriæ sunt, secretionis nempe, & excretionis bilis. Obstructo enim aut inflammato hepate bilis in sanguinem reurgitat, & cutim flavo colore, uti & urinam tingit. Nisi autem materia inflammatoria, sic
in

in hepar delata, per ductus excretorios venæ portarum viam invenit, atque in intestinorum cavum delapsa per alvum expellatur, vel in venam cavam redux ad alia loca minus periculosa deponatur, aliisve viis de corpore exeat, vomitam hepatis faciet, a qua raro emergunt ægri. Uti jam ad hepar talis metastasis sit, sic & facile concipitur, & ad alia viscera idem fieri posse. Læsiō functionum lucem dabit ad detegendam partem adfectam; & pro diversitate viscerum, in quæ materia hæc decubuit, vitabit prognosis. Soli ergo laudabiles sunt abscessus, qui ad partes exteriores fiunt.

Signa itaque salubritatis talium abscessuum hæc sunt; si pulmo levatus, febris mitior, ulcus diu atque bene fluens. At pulmone læso, febre pergente abscessus non judicant. Metastasis cum sputo purulento mala. Metastasis denuo recurrens ad pulmones, mala valde.

Effusio lymphæ coagulabilis, seu crisis erronea.

Alius mali peripneumonici morbosus exitus habetur, dum lymphæ coagulabilis sub quadam criseos erroneæ specie effunditur, modo, & eventu vario.

Mo-

Motus autem, quo effusio lymphæ coagulabilis triplex habetur. Aut enim ipsam pulmonum substantiam transsudat, aut in thoracis cavum effunditur, aut in vesiculas & ramificationes bronchiales subito deponitur.

Primus erroneæ hujus criseos modus tubercula pulmonum producit; dum nempe per substantiam pulmones innumera puncta, lentis magnitudine, alba, dura, semicartilaginea, dispersa reperiuntur. Fit hoc, si nullas lysis, nulla crisis, nulla suppuratio fiat; febris tamen sensim cesset. Asthma tunc oritur insanabile, motu, potu, febre auctum. Sed alia quoque sæpissime accedunt symptomata, e quibus tuberculosam pulmonum labem magna cum probabilitate conjicias. 1. Aegri irritamentum tussis plerumque in gutture sentiunt. 2. Colore faciei sublivido sunt. 3. Varia sæpe pulsum a tuberculis vicissitudo observatur; celer, frequens, inæqualis, intermittens. 4. Varia symptomata tuberculorum pulmonalium a varia sede horum tuberculorum derivanda sunt. a) 5. Summa in novas peripneumonias proclivitas a tuberculis nascitur, ut vel levior catarrhalis stimulus excitandæ pulmonum inflammationi idoneus sit. 6. Si igitur in morbo alias non inflam-

inflammatorio' peripneumonia superveniat, id malum a tuberculosa labe hujus visceris invitatum esse recte conjicies; atque infausta inde prognosis statuenda est. 7. li, quibus pulmones tuberculosi sunt, a perspiratione suppressa pessime multantur; summa enim cutis sensibilitas, & mira vel frigidiusculæ auræ impatentia.

a) Sennert. Prax. med. P. II. p. 191.

Quam male ferant hi ægri suppressam transpirationem, *Huxhamus* a) quoque observavit, cum epidemicum anni 1738 statum describeret, ubi sequentia adnotat. „Tempestas quidem haud insalubris est (mense Februario) at plures jam *phthisi* tabescunt pulmonaria, cui dedit originem mala judicata febris *catarrhalis*, hic maxime sæviens ultimo Novembri & Decembri. Periclitantur admodum, qui asthmata olim aut tussicula sicca laborabant, quorum in pulmone nempe delituerant tubercula; quæ cum sint impedimento trananti sanguini, facile inflammantur, ac in ulcera tandem degenerant; vel negata his in locis obstructis, sanguini via, nimius ruit ad alias pulmonis partes, unde hæmoptoë sequitur denique, aut inflammatio, aut tabifica in bron-

chio.

chiorum cava destillatio. Non omnis utique tabes pulmonaria ab ulcere pendet; plures enim quotidie per longum tempus immensam mucii falsi, dulcis, vel etiam plane insipidi copiam per tussim rejiciunt, cui nec fœtor inest, nec purulenti aliquid, glandulis nimirum cum ductibus asperæ arteriæ relaxatis nimium. Hoc tamen sæpe, licet ægros diutius trahens, haud lethale minus fit, quam si vel ipsam saniem exspuissent. — Augetur semper hoc malum ex levissimo suscepto frigore, occlusis scilicet cutis spiraculis maximum fit in pulmones influxum; haud aliter sane, quam persæpe videmus retentum perspirabile per nares depluere. Contra sicca frequenter urget tussis, & spirandi difficultas, obstructis adeo, & induratis pulmonum glandulis, ut in lapideam pene abeant duritiem, dum bronchia præ nimia siccitate rigescant, mucos naturali deficiente. “

Huxham Op. T. I. p. 197.

Alia lymphæ phlogisticæ effusio in ipsum thoracis cavum penetrat, eventu itidem vario. Vel enim subito, & copiosa talis transsudatio contingit, ut æger tanta mole suffoca-

ca.

catus pereat; vel partitis vicibus, & parca
semper copia materies phlogistica effunditur;
multiplex tunc vitium solet oriri levius, gra-
viusve. Materies enim, quæ, cum transuda-
ret, liquida omnino esset, mox post effusionem
coagulatur, atque in pseudomembranam abit,
quæ cum variis partibus, quibus interponitur,
coalescit, & aut præternaturalia vincula effi-
cit, aut situm partium naturalem miris non
raro modis mutat. Vasculosam vidit *Stollus*
a). *Morgagni* b) etiam, tali pseudomembra-
no aliquando deceptus, eam pro incrassata pleu-
ra habuit. Nonnunquam talis membrana to-
tum pulmonem investit; alias pulmones in qui-
busdam tantum plagis, & vinculo laxiori ad
pleuram religat. e) Nonnunquam plurimâ
veluti septa format, aut cellulas, turbida sa-
nie repletas, aut sero sanguinolento ple-
nas. d)

a) *Stoll* rat. med. T. I. p.

b) *Morgagni* de sed. & caus. morb. T. I. p.

c) *Idem* l. c. T. III. p. 159.

d) — — l. c. T. I. p. 431.

Subinde equidem sine magna sanitatis jae-
ctura tales cohæsiones feruntur; si nempe
parvæ sint, ut æger sensim possit alluescere,

&

& ea ipsa vincula tempore magis elongentur; at si amplius cohælionis locus, membrana crassa, atque tenacior, pulmones toto ambitu stringens; asthma oritur insanabile.

Cæterum de hac erronea materiæ phlogisticæ in ipsum thoracis cavum transsudatione, atque ejus in pseudomembranas, & in præternaturalia vincula coalescentia, sequentia adhuc notanda sunt:

1. Certa & indubitata signa criseos erroneæ adhuc desiderari; etsi plerumque signa coctionis præcedere soleant, difficillimum nihilominus determinatu est, qualis morbi exitus sequatur.

2. Sæpe genius morbi crises tales erroneas epidemicas producit; sæpius tamen a perversa medendi methodo lymphæ phlogisticæ transsudatio oritur. A vesicantibus thoraci applicatis hanc crisin erroneam produci, asserit *Bourdeu*. a)

a) Bourdeu vom Schleimgewebe.

3. Frequentius forte hæ pseudomembranæ in iis pulmonum inflammationibus comparent, quæ a subito perfrigerio corpore æstuantem oriuntur. In ambobus etiam frequenter ab hac

hac causa præternaturales co hæ siones oriri Swietenius a) monet : „ Numerosissimæ observationes confirmant, post pleuritidem & peripneumoniam tales concrectiones pulmonum, cum pleura inveniri. In bobus, quod animalium genus frequentissime hoc morbo corripitur, laniones toties inveniunt pulmonem pleuræ validissime acretum esse, atque repetitis experimentis certi sunt, talem morbum tunc prægressum esse. Quin imo & in exterioribus partibus horum animalium concrectio membranarum ad se mutuo observata fuit a talibus causis, quæ inflammationi producendæ sunt aptissimæ. Talem morbum descripsit Columella b) sequentibus: *Est & infesta pestis bubulo pecori, coriaginem rustici appellant, cum pellis ita tergori adhæret, ut apprehensa manibus deduci a costis non possit. Ea res non aliter accidit, quam si bos aut languore aliquo ad maciem perductus est, aut sudans in opere faciendo refrixit, aut si sub onere pluvia madefactus est.* “

a) van Swieten comment. ad §. 843r

b) Colomella, L. VI. c. 13.

4. Hinc etiam catarrhi inflammatorii neglecti, aut calefacientibus remediis tra-

Etati crisin hanc erroneam frequenter produ-
ducunt.

5. Tale lymphæ phlogisticum coagulum
in foetu hucusque nullibi visum est a); non
raro tamen in teneris puerulis. b)

a) Morgagni. L. c. P. I. p. 278.

b) Haller opuscul. pathologic. p. 19.

Tertius denique modus erroneæ crisis
tunc habetur, cum lymphæ coagulabilis non
in ipsam pulmonis substantiam, neque in ca-
vum thoracis, sed subito in vesiculas bron-
chiales transsudat, in ægri salutem non raro,
si parca tantum copia effundatur. Epidemi-
cam ferme talem crisin erroneam Richa a) ad-
notavit in *constitutione Taurinensi* anno 1721;
& Illustris Swietenius peripneumonias anni
1728. adducit, *subitissime suppurandas, & se
tunc per sputa evacuentes.* b) Huc quoque
facit historia illustris Viri Conzaga, sexto
morbi die defuncti, in cujus cadavere obser-
vasse refert Cardanus c) omnia vasa pulmo-
nis ex triplici genere, magis tamen asperæ
arteriæ ramos plenos sanie simile lacti adeo,
ut nullus prorsus adesset sanguis.

- a) Richa constit. Taurinenses. Sydenh. Op. P. 2.
p. 446.
- b) van Swieten constit. T. I. p. 35.
- c) Cardanus de providentia, & anni constit. p. 1052.

Hydrops.

Non raro hydrothorax ex peripneumonia originem trahit; atque tunc potissimum malum hoc superveniens metuendum est, si durante inflammationis augmento urinæ parcius fluant.

Præter has modo enumeratas peripneumoniæ sequelas, alii quoque effectus numerandi sunt: 1. varicosa vasorum encephali conditio, quam in cadaveribus peripneumonia extinctorum observavit *Morgagnius* a), unde dispositio, aut germen variarum mentis aberrationum. Qui inflammationibus pectoris decubuerunt, iis plerumque cor amplum, & summopere dilatatum b); unde varia circulationis vitia, frequentes leipothymia, mors inopinata.

a) Morgagni L. c. T. I. p. 413.

b) — — — — p. 426.

Gangræna.

Ad ultimum denique, atque funestissimum exitum peripneumoniæ, nempe gangrænam pervenimus. Inflammationis magnitudo, neque lyfi, criticisve evacuationibus solvenda, aut blanda suppuratione terminanda gangræna metum injiciunt; pulsu præsertim debilissimo, parvo, irregulari, atque extremitatibus frigidis. Maxime autem sputorum conditio, cessante subito pectoris, molestia, dum interim febris, æstus, sitis ingens, & spiratio difficilis perseverant, gangrænam præsentem significant; sputa enim tunc tenuia, ichori simillima, foetidissima. Nonnunquam spunt sanguinem nigrum, porosum, ad instar spongiæ, iis pars aliqua sphacelo corrupta est, & omnes pereunt. a) Neque tamen subita semper a gangræna mors: narrat enim *Huxhamus* b) historiam mercatoris, qui ex simili peripneumonia gangrænosa primum decima nona morbi die obiit.

a) Bagliv Op. p. 87.

b) Huxham Op. T. II. p. 187.

Inter signa destructi a gangræna pulmonis a quibusdam medicis etiam stigmata illa
ni.

nigra numerantur, quæ sæpe in exstipiciis observantur. Verum tamen non crediderim illa stigmata a corruptione gangrænosa orta esse, cum nulla plane ratio adsit, cur hæ notæ spha-celi in hoc tantum, vel illo pulmonum lobo compareant, reliqua illius parte perfecte integra. Dein hæc stigmata non inter certa prægressæ gangrænæ signa numeranda esse, inde colligitur, quod etiam in aliis diversis omnino a peripneumonia morbis ejusmodi stigmata observentur; scilicet in apoplecticis, hydrothorace, nephritide, febre lenta, ut passim *Morgagni* a) adnotavit.

a) Morgagni de sed. & caus. morb.

Prognosis in specie.

Quænam in pulmonibus ab inflammatione mutationes oriuntur, supra dictum est, cum aphor. 41. & seq. explicarem. Periculum etiam, quod ab inflammato pulmone imminet, & quid sperare, aut timere debeamus, hucusque abunde demonstratum est, ut de prognosi in genere satis constet; juvat tamen etiam quasdam singulares notas colligere, quæ funestum exitum significant, „ Operæ pretium est, ait

illustris Swietenius a) considerare illa funesta symptomata, quæ medicum docent certam inflare perniciem. Præstantius quidem foret sanare ægros, quam futura prænoscere; verum cum illud semper in potestate medici non sit, tunc saltem famæ suæ consulat, & omni culpa vacare credetur, si præviderit, & prædixerit, quinam ægri evadere possint, quinam autem perituri sint. “

a) van Swieten comment. ad §. 848.

Si cor in latus procidat. Scilicet, si a pulmone sinistro *inflammatissimo* & voluminosiore urgeatur *antrorsum, dextrorsumque*. Vel si pulmo dexter totus inflammatus, voluminosiorque urgeat sinistrorsum ad latus, & *pulmonem sinistrum*, & cor ipsum. Vel si circulo per pulmones fere suffocato, cor dextrum cum sua auricula ab effluente sanguine summopere distenditur, sinistrum vero fere vacuum fit, tunc procumbit, prociditque in latus proprium dextrum, utpote ponderosius.

Si *urina cocta* initio, sit tenuis, cruda, parca; est enim metastaseos signum.

Malum, si in vigore morbi æger cogatur erectus sedere; motu enim hoc automatico
ægri

ægri plus spatii in thorace acquirunt; unde recte concluditur, maximum sanguini per pulmones tranaturo impedimentum opponi.

Pessimum signum, si pus per alvum secedat; tunc enim jam *solutio continui*, jam *vomica* adest. Pus autem per alvum *sero* tantum dejectur.

Si sicca cum fervore &c. Tunc enim vasa aërea fere deleta, & spisso humore infurcata sunt; strepitus is oritur ab aëre paucō, violenter inspirato, in vias aëreas angustatas, compressas. Strepitus hic signum imminētis mortis; moribundorum spiratio. Unicum novit *Stollius* adhuc servatum. In asthma minus periculi a tali strepitu.

Si peripneumonia in corpore durato, virili, macro, sicco, senili, rigido ob labores, spirituosā assumpta oriatur, mala prognosis. Magna enim tunc, & inflammatoria tenacitas in liquidis adest, & rigida vasa cedere nequeunt, unde nihil boni in hoc morbo ex sua natura adeo periculoso sperari poterit.

Si mala est cum stillicidio prærubro narium: stillicidium enim non est ob materiæ paucitatem judicatorium; est tamen signum negati transitus per pulmones, coacervati ad superior-

riora; inde mors sæpe *appoplectica*. Rubra, tenuisque pars stillicidio prodit.

Sicca cum rubore ad collum, thoracem; tunc autem materies est acris, erysipelatoſa, ſcarlatinola; ſcilicet acrioris indolis.

In omnibus autem morbis circa pulmonem gravedines, & ſternutationes, & præceſſiſſe, & conſequi malum. a) Textus eſt Hippocraticus, qui ita debet intelligi: Si in ſeniculo *catarrboſo* antea, longa gravedine detento oriatur peripneumonia, ea eſt ſæpe & inopinanter lethalis. Vidit hoc *Stollius* in Principiſſa St. * * Eſt ſpecies peripneumoniæ nothæ, ſenilis, tempore aſtrino in ſeniculis frequens.

Maximum periculum, ſi in febre *ardente* peripneumonia accedat; eſt enim ipſa ſola *ardens* morbus periculofus, ut audiemus ſuo tempore; conſtat enim ex *bilioſa inflammatoria*, & *intermittente tertiana*.

Si ſputum *bilioſum pure* mixtum: ſignum enim eſt, partem jam ſuppuratam eſſe.

Si ſputum initio valde cruentum, flavum, ſincerum, album, rotundum; tunc enim pus jam adeſt; tunc pulmo antea jam fuit læſus, tunc *tubercula* rupta fundunt globulos pyrolentos. Spumofum vero ſputum designat,
ſum.

summa vi urgeri humores per vasa vix pervia in pulmone, atque ideo per vasa mucum ferrentia exprimi solito crassiores, & tenaciores humores.

Inter mala etiam peripneumonix signa sequentia numeranda sunt:

Mala, & fere lethalis peripneumonia est, quæ pleuritidi, anginx supervenit; pessima peripneumonix recidiva, cum pulsu celerissimo; durissimo.

Malum, si æger post assumptum potum urinam aquosam statim mittat; est enim signum morbi crudissimi, ad coctionem prorsus inepti. *Hippocrates coac. prænotat:*

Malum, si post tertiam venæ sectionem nec minimum morbi levamen observatur. Malum, si sanguis e vena missus semper crusta caret. *Bagliv. Huxham. T. II. p. 169,*

Pessima cum sudore in pectore: *Hoffmann med. rat. P. III. p. 333.*

Quibus morbus cum febre 5 aut 7 die ingravescit, & oculi caligant, illi 9 aut 11 die moriuntur. *Hippocrates*

Pessimæ peripneumonix cum respiratione mere abdominali, & pinnis narium tremulis.

Notandum tamen est, pleraque præfagia de infausto peripneumonix exitu de vera pul-

pulmonum *inflammatione* potissimum intelligenda esse: minus autem *rigorose* ad rheumaticas hujus visceris inflammationes pertinere. Nam dantur ægrorum historię, ubi e. g. quarto die febris & oppressiois augmentum aderant, & urinę jam ab initio coctę post quartam diem demum turbarentur, fausto tamen cum eventu, a) Aliam quoque historiam narrat *Swietenius* pleuritidis cum pulsu celerrimo, minimo, atque respiratione pinnis narium peracta, attamen non lethalis. Ast uterque morbus fuit rheumatico inflammatorius.

a) Ill. van Swieten constit. Epid. T. I. p. 20.

b) — — — — T. I. p. 80.

De crusta peripneumonicorum sanguinem tegente id notandum est, ejus seu pręsentiam, seu absentiam diversissimis circumstantiis deberi, ut ergo *Baglivii* pręsagium valde incertum sit. Multę enim peripneumonię acutissimę plurimos ægros occiderunt Hagę Bataavorum anno 1748. mense Martio, qui sanguinem fere totum coriaceum haberent, in ultima etiam venę sectione. Quibus vero sanguis dissolutus vena secta prędibat, hi ut plurimum servabantur. a)

a) De Haen op. posth. T. I. p. 342.

Cura

Cura Peripneumoniarum.

Iis, quæ ad morbi causas, characteres, decursum atque varia stadia, & infauftum prognosin spectant, expositis, ad peripneumoniarum curam progredimur, eamque ita explicabimus, ut sua cuique peripneumoniarum stadio medendi methodus respondeat; ex illis enim, quæ hæctenus dicta fuerunt, satis patet, generalem curæ methodum tradi non posse, quæ in omni casu sufficeret, cum adeo diversis viis in sanitatem abeat hic morbus.

Cura levis peripneumoniarum. Cura catarrhorum.

Aphorismo 144. N. 1. status levissimæ peripneumoniarum notatur, quæ nempe *suapte*, aut *levi apparatu* tollitur. Hæ vero plerumque non sub nomine peripneumoniarum veniunt, sed nomine vel simplicis, vel febrilis *catarrhi* insigniuntur. Cum in curandis catarrhis, & a plebe, & non raro a medicis graves errores committi soleant, operæ pretium esse existimo morbum hunc accuratius persequi.

Catarrhorum inflammatoriorum (nam de his hic tantum sermo est, sæpe epidemica constitutio observatur, tunc nempe, cum hyema-

malia tempora primo vere solvi incipiunt. Inflammatio enim, quæ per hyberna frigora dominabatur, molli nunc aura facta, pituitam nunc sibi junctam habet; ut ea constitutio, quæ ex inflammatoria & pituitosa febre quasi coaluit, *catarrhalis* a *Grantio* a) dicatur. Ea durante constitutione Vir hic sagacissimus quatuor morborum genera synchrona *Londini* observavit, quæ tamen ejusdem profapiæ erant; scilicet tusses, rheumatismos, erysipelata, alvi fluxus; quadraginta annorum spatium hosce morbos simul regnare vidit *Grantius*, atque perversa medendi methodo unum morbum in aliū transmutari. Omnes hi morbi inflammatoriæ indolis erant, sede tantum, quorsum materies inflammatoria decubuit, diversa. *Hippocrates* b) mentionem facit pulmonum erysipelatis, cum sputo tenui copioso, in veram tandem peripneumoniam conversæ, & *Huxhamus* c) quoque horum morborum consortium anno 1752 observavit: „ Tusses, catarrhi, rheumatismi & defluxus mense Novembri & Decembri valde erant consueti; tussi imprimis catarrhali fere quilibet aliqua ratione perturbabatur; paucæ tamen tantum occurrebant peripneumoniæ, aut pleuritides; nihilominus phthysi pul-

monali corripiebantur multi, & tabe moriebantur plurimi. “

a) Grant von den Fiebern. S. 140.

b) Hipp. de morb. Sect. IV.

c) Huxham Op. T. III. p. 98.

Quanta perniciēs a neglecta, aut etiam perversa catarrhi cura immineat, ipsum *Stolium* a) monentem audiamus. „ Sub exitu mensis Februarii 1777 febris catarrhalis sæpius visa, & rarior pleuritis, nisi ipsam hanc febrim catarrhalem compellare pleuritidem velis, sed cicurata, & acie refracta incurfantem, quæve ægros obambulare permisit, & acuta pleuritide præcedentium septimanarum diurnam magis. Febrim hanc catarrhalem antiphlogistica methodus sanavit, missiones sanguinis, & emollientia herbarum radicumve decocta, cum mitissimo nitri sale. Id generis catarrhofas febres temporibus phlogosi faventibus exortas, & hoc, & aliis annis non raro in immedicabilem pulmonum phthysin conversas vidi. Ejus rei rationem hanc deprehendi, quod multi in terris hisce ita opinentur, phlebotomiam catarrho nunquam convenire, neque disquirant, quænam illa catarrhi species sit, quæ id auxilium abhorreat,

quæ;

quæve e contrario exposcat. Hi sub eodem catarrhi vocabulo diversissimos re ipsa morbos complectuntur, & eandem semper ægritudinem arbitrantur, cui phlebotomia semper etiam officiat. Catarrhi hac rempestate a phlogistica corporis totius, sed præprimis pulmonum intemperie nascebantur, erantque aut inflammatorii, aut subinflammatorii, eosque pleuritides, vel peripneumonias mirificatas rectius compellasses. Has utique missus semel iterumque sanguis juvabat, & potio multa emolliens; nitrosa, & fracta tandem phlogosi, aut tussi nihilominus ob consuetudinem redeunte, narcoticum vespertinum pulmones irritatos componens. Sed ipsa morbi fallax lenitas non paucis imponit, ut ab aëre frigidiore non caveant, e victu nil detrahant, carneo, vinoso: morboque tam levi, quem etiam ob salubritatem quamdam imaginariam fauste, fortunateque sibi eventurum existimant, satisfecisse sibi male persuadeant, si semel, bisve per diem vasculi decocti cujusdam pectoralis hauserint. Interim, etsi non magna, pulmonum inflammatio perniciosos intus cuniculos agit, & pure clanculum nato, atque intra saccos concluso pulmones subruit, ocyus, serius. “

a) Stoll rat. medendi. T. II. p. 4.

Quatuor universim in catarrhorum curatione indicationes *Grantius* a) constituit. 1. Oportet inflammationem auferre. Conducet ergo summopere, si curetur, ut aër inspiratus tepidus & humidus sit, quo nil magis laxat. Unde muccinia aqua tepente madida, naribus supponere oportet, totamque atmosphæram, in qua æger decumbit simili halitu replere. Balnea vaporis pariter inferioribus corporis partibus applicantur, ut & aqua venis bibulis resorpta, sanguinem diluat, & laxatæ hæ partes majorem copiam humorum in se retineant; sicque impetum & copiam humorum a pulmone, quantum fieri poterit, subducant. Dein serum lactis, hordei, avenæ, panis decocta, & similia proderunt, quibus solis; cibi, potusque titulo assumptis, satis sustineri poterunt vires, donec levioris inflammationis resolutio facta sit. Diluens vero etiam vehiculum requiritur; aquosa hinc, imprimis farinosis incoctis tali copia, ut nimio lentore obesse nequeant, nitrosa, mellita, saponis nativi plantarum molies & blandi, & roob sambuci, plerique officinales syrupi summi usus sunt. Simplex certe hordei decoctum cum nitro & oxymelle huic indicationi-

tioni sufficit. Maximum autem, pulsu celeriori, duriusculo, & paulo majori pectoris oppressione, in venæ sectione habetur. 2. Materiam morbi attenuare, acremque involvere, cui indicationi victu præsertim vegetabili, subacido satisfit; additis illis, quæ junctæ, cognitaque acrimoniæ, e. g. biliosæ, arthriticæ &c. peculiariter inimica sunt. 3. Materiem morbificam tempore coctionis via maxime congrua educere. In eo maxime elaborandum esse *Grantius* monet, tum ob coctionis sæpe difficultatem & tarditatem, tum ob acriorem sæpe materiæ catarrhalis indolem, tum ob ipsum viscus affectum, per quod aliqua semper materiæ copia eliminanda venit, haud omni morbido humore per alia corporis colatoria integre sublato. 4. Robur tandem solidis partibus restituere.

a) *Grantius l. c. p. 141.*

Historiam morbi addere volui ex eodem Auctore, cum multa contineat, quibus methodus medendi catarrhis hucusque exposita optime illustratur.

Historia morbi.

Vir in ætatis flore constitutus, sanguinei temperamenti, coryza corripitur. Acris humore naribus stillans labium superius, ipsasque nares arodens. Secunda levis faucium inflammatio; cui tertia die irritamentum tussis gutturalis accessit. A perfrigerio ortum hunc morbum esse credebatur. Hinc per aliquot dies sudoriferis medicamentis utebatur æger, quin tamen victui consueto aliquid demeret. Sumpsit largam copiam mixturæ ex oleo oppresso & spiritu cornu cervi paratam; vesperi autem paregoricum. Tertia die, cum hoc remedio uteretur, nempe die morbi sexta ad ægrum vocabar. Fauces rubebant, ac si ab erysipellate affectæ essent; tumor modicus, at ardor & dolor ingens. Præ doloribus per internas fauces undique diffusis inspirationem inhibere cogebatur, præsentē licet molestissimo ad tussim impedimento. In utroque thoracis latere ad costas spurias dolor rheumaticus, respirationem lædens. In humero & cervice postica vesiculæ quasi erysipelatosæ; alvus dysenterica, capitis tumor, anxietas. Pulsus mollis, parvus, hand celer, irregularis. Urina parca, crudoque nunc conspicuo sedimento ante aliquot dies rubel-

lo. Cutis arida, aridæque fauces; sitis inextinguibilis. Paucis: Erysipelas, aut levis inflammatio cutis, pulmonum, intestinorum, cum rheumatismo. Putabam hanc humorum tenacitatem & acrimoniam ab impeditis se & excretionibus inductam membranam pituitariam inflammasse, atque malum hoc ab alcali volatili, & elixirio paregorio insigniter fuisse exacerbatum. Respirationis difficultas, & inflammatoria pulmonum obstructio pulsum mollem, parvum, irregularem efficiebant; atque diarrhæa illa tormina inter, & tenesmos ab eodem acri stimulo, quibus fauces & nares infestabantur, originem duxit.

Complicata hæc erat inflammatio, cum acri scilicet materie conjuncta; atque methodum medendi juxta illas indicationes, quas supra explicavi, institui. Facta hinc larga venæ sectio; clyisma emolliens cum melle; infusum seminum lini succo aurantium acidulatum; potus tepidus melliti, & vaporum tepidorum in fauces & nares attractio. Post aliquot horas tormina sæviora, ab acidis & melle, ut adstantes putabant; mellis itaque loco saccharo utebar; succo tamen aurantium insistebam, præscripto simul purgante ex manna & tartaro solubili.

Septima morbi die mane, sanguis e vena missus crusta flavescente tecta conspicietur, pauco sero. Alvus noctu sæpius mota, absque torminibus tamen, nullusque nunc intestinorum dolor. Pulsus plenior, magis evolutus, respiratio liberior; tussis tamen molesta, & dolor rheumaticus intensior. Omnia hæc recte, ut mihi videbatur, salubrem purgantium usum indicabant; tussis vero & doloris rheumatici augmentum a liberiori humorum motu oriebantur. Faucium quoque dolores mitiores evasere. A meridie neque diarrhœa, neque dolores colici; urina copiosa, nondum tamen omnino cocta. Æger de tussi & dolore utriusque lateris vehementer conquerebatur. Repetita venæ sectio. Usus emollientium continuatus. Vesperis pulsus mollis, celer, æqualis; respiratio emendata, tussis tamen frequens. Fomenta thoraci imposita; decocto emollienti parca quantitas syrupi diacodii addebatur, cum pauco melle & nitro. Crusta major, crassa magis; at plus feri.

Octava die mane ægrum invisens, cum noctem dormiendo transegisse percepi. Nullus faucium aut pectoris dolor. Intensior tamen utriusque lateris dolor, ab effectu ex-

terno auctus. Scarificatione in utroque latere instituta dolor vesperi mitigatus; pulsus minus celer, mollis, æqualis. Vesiculæ in colli externa plaga exsiccata, respiratio facilis; cutis non calida, attamen arida. Cum alvum nullam deposuit, enema applicatum.

Continuo horum remediorum apparatu usque ad 14 morbi dolores rheumatici tandem disparuere. Tussis tamen molesta, & sicca perstabat. Ictus arteriæ centum in uno minuto. Urina varia, sat copiosa, atque alvus fluens. Præscripsi emulsionem camphoratam cum spiritu mindereri & antimonio diaphoretico; potui ordinario major quantitas oxymellis addebatur.

Vigesima secunda morbi die sputum comparuit copiosum, paucio sanguine commixtum; ea sputa usque ad 24 diem majori semper copia prodire. Ab emulsione camphorata æger tunc abstinerebat, solum oxymelle usus. Enema, fonticuli in utroque brachio, victus mere vegetabilis. Hac methodo adjutus usque ad 42 morbi diem tussiebat, sputa ejiciebat, tandemque convaleuit. Tussis sensim sine sensu fatiscebat, & 52 morbi die omnino disparuit. Tunc primum carniū usus concessus est, & rusticationem ægro suasi. Sanatus itaque

que æger est sputis potissimum, quæ per 40 dies ferme durabant.

Cura instante critica evacuatione.

Omni medici labor eo redit, ut naturæ vires medicatrices dirigat, nullisque remediis vehementioribus salutare hosce conatus opprimat. Quid igitur faciendum sit, si materia aut per sputa, aut alvi fluxu, aut urina educitur, paucis exponam.

Dictum est superius sputis subinde pauculum sanguinis misceri; illudque fieri, non ob rupturam vel erosionem vasorum, sed a mera tantum dilatatione extremorum finium arteriosorum qui in cava bronchiorum hiant; tuncque pulcherrimo cum successu educi materiam obstruentem. Omnia ergo eadem requiruntur, quæ in præcedentibus laudata fuerunt: per illa enim solvitur & mobilis redditur morbi materies, simulque expediuntur viæ, per quas exire debet. Decocta hinc emollientia, & levissime depurantia, omni scopo his satisfaciunt. Qales variæ parari possunt ex emollientibus & lenissime apariantibus, una cum melle, syrupo quinque radicum, althææ *Fernelii* &c. Molli victu vires
su.

sustinetur facile, solumque lac, duplo vel triplo aquæ dilutum, hic sufficeret; cum & hoc modo satis brevi tempore soleat finiri hic morbus, si non turbetur intempestivis remediis salubris hæc materiæ morbosæ per sputa evacuatio. Dum enim minus periti medici sputa hæc sanguine tincta vident, vano metu perculsi pessima quæque ominantur, & de periculosa hæmoptysi solliciti, venæ sectione, adstringentibus, incrassantibus &c. tentant suppressere sputorum evacuationem. Sæpe etiam adstantium importuna sollicitudo extorquet similia a medicis, satis quidem peritis, neque tamen tanta adhuc pollentibus auctoritate, ut huic torrenti obistere valeant absque famæ periculo. Si quid enim in ancipiti hoc morbo contingit sinistri postea, in culpa habebitur medicus, ac si ægrum sua neglexisset incuria. Decet tamen ingenuum firmo potius animo oblectari, quam ignaræ plebeculæ auram captare ægrotantium damno. Omnia illa, quæ purgando, sudorem excitando, aliisve modis corpus turbant, vitanda pariter sunt ob eandem rationem.

Alia iterum via est, per quam morbi materia in peripneumonia exit de corpore, alvi fluxus. Omnia eadem requiruntur, quæ in præ-

præcedentibus laudata fuerunt, ad materiem morbosam solvendam & mobilem reddendam, atque vasa pulmonis expedientia, ut dimittere illa possint. Præter hæc vero & proderunt illa, quæ lubricant vias, versus quas natura materiam morbosam ducere molitur, & laxant vasa, per quæ transire debet. Clysmata hinc lenissima ex lacte mellito, decocto hordei cum syrupo althææ & similibus, parata injiciantur, ut crassæ in intestinis ultimis hærentes fæces educantur, & lubricentur hæc viæ. Fomenta ex decoctis emollientium herbarum parata, pannislaneis excepta, calida abdomini applicantur, ut ducatur materia, quo sponte jam vergere incipit; cavendo sollicitè, ne refrigescant hæc applicata, tunc enim nocerent. Decocta ex similibus parata exhibentur, addito melle, quod levi stimulo alvum solvit utcunque, simulque primas vias lubricat. Purgantium acriorum stimuli hic nocent potius, cum lenis tantum alvi solutio, non autem valida ejusdem perturbatio, hic requiratur.

Si autem materia per urinam evacuetur, omnia iterum eadem sunt; differt tantum locus, per quem excernitur morbi materia. Si urina crassa, stranguriosa, cum levamine pul-

mo-

monis fluere incipiat, novimus, naturam affectare hanc viam, ut corpus liberet. Similis ergo medela requiritur. Topica autem remedia nunc applicanda sunt renum regioni, fomenti vel & linimenti forma. Verum & clysmata emollientia hic egregie profunt, dum intestina crassa his repleta renibus, quibus adjacent optimum fomentum præbent, uti postea adhuc pluribus patebit in Nephritidis historia. Simul etiam prodest usus talium decoctorum, quæ larga aquæ quantitate augent urinæ copiam, simulque leni stimulo diuretico gaudent.

In omnibus ergo his tantum est indaganda via, per quam expulsionem materiæ morbosæ naturæ molitur; ubi enim hac rite constitit, nulla amplius superest in cura difficultas, ut in sequenti axiomate docuit Hippocrates: dicens: *Quæ ducere oportet, ducenda sunt, quo maxime vergat natura, per loca conferentia.* a)

a) Hippocrat. Aphor. 21. Sect. I. Charter. T. IX.
p. 32.

Cura peripneumonix gravioris.

Haftenus confideravimus, quid agendum fit, dum in benignam resolutionem tendit peripneumonia; vel ubi materia morbosa folu-
luta, & mobilis reddita, inepta tamen, ut cum fanis humoribus fluat absque turbatione æquabilis circulationis, per fputa, alvum, urinas exit de corpore. Sequitur jam, ut videamus, quænam requiruntur, dum idem morbus neque sponte resolvitur, neque signa tamen docent, mobilem redditam esse materiem, & ad exitum paratum. Adest inflammatio, quæ ergo omnes exitus inflammationis fupra enumeratos habere poterit: cum autem in vitali viscere hæreat malum, fola illa curatio, quæ resolvendo fit, optanda foret, cum periculofa admodum hic fuppuratio fit, gangræna femp̄ fere lethalis, crifeos erroneæ valde anceps eventus, & præter hæc omnia pulmonis fuma ad vitam neceffitas faciat, ut ingravefcente morbo sæpe fuffocentur ægri, antequam inflammatio in fuppurationem abire poffit. Totus autem remediorum apparatus, quo peripneumonix medelam aggredimur, fequentibus continetur.

Princeps remedium eft venæ fectio. Ea autem cito, & larga ad uncias X. XII. inflitua-
tur.

tur. Compescetur sic per venæ sectionem nimia circulationis velocitas; minuetur moles liquidi movendi per pulmonem; tolletur crassior pars, rubra nempe; simulque depletis vasis spatium concedetur diluentibus, forma balnei, clysmatis, potus &c. assumendis. *Si enim a sanguine morbi causæ provenerint, eas tollit venæ sectio. Si vero pituita seu spuma, seu quævis alia humiditas tumefaciat, venarum inanitiones ampliorum pulmonis locum faciunt ad respirationis transitum. a)*

a) Aræteus de curat. morb. acut. L. II. c. 1.

Neque tamen ad animi deliquium usque sanguinem mittere oportet. Dum enim animi deliquium patiuntur ægri, cessat cordis motus, atque omnia stagnant in pulmonis vasis; simulque frigore constrictis partibus extremis venosus sanguis in sinu venæ cavæ, dextra auricula, & cavo cordis dextri colligitur, stagnans ad concretionem disponitur, imo sæpe jam floccos polyposos colligit; unde paulo post, dum ex hoc deliquio resuscitantur homines, sanguis ille jam concreescens fere per pulmonem, in plurimis locis obstructum, pelletur; adeoque patet, periculum esse,

esse, ne inde morbus augeatur. Videmus enim homines, a quacunque causa in animi deliquium lapsos, dum reviviscunt, angere, suspiria ducere, & de pectoris oppressione conqueri, donec pulmonis & vasorum actione iterum divisæ fuerint, quæ jam adunari cœperant, sanguinis moleculæ; sicque restituantur liber sanguinis per vasa motus.

Nullum dierum definitum numerum, dari, ultra quem venam secare haud amplius liceat, supra indicatum est; hinc omni opera resolutio toto antiphlogistico apparatu tentanda est.

A prima venæ sectione magnum pectoris levamen ægri plerumque experiuntur; at post 4, 6 horas, brevi eadem vehementia morbus recrudescit. Vena tunc iterum secanda, etsi minori paulo copia sanguis educendus sit. Non autem eo usque sanguis mittendus est, donec nulla amplius crusta phlogistica compareat, sed thoracis libertas, ægrique vires medicum in sanguine mittendo optime dirigunt. Illustri *Tissot* a) in pulmonum inflammatione raro ad quartum usque venæ sectionem progrediebatur; imo pro pessimo omine *Stollus* habebat, si vel tertiam venæ sectionem haud magna & constans morbi emen-

emendatio sequeretur. Hanc de venæ sectionis in pulmonum inflammationibus utilitatem *Huxhamus* egregie demonstravit:

a) Tissot avis au peuple ch. 4.

b) Huxham opera, T. II. p. 775.

Cum omnis pulmonum inflammatio vel ægrotum, ob impetum sanguinis per illos transgressum subito jugulet, vel suppuratione, gangræna aut scirrho terminetur, nisi cito materia obstruens bene resolvatur, aut coquatur; omnem adhibere debemus operam, ut justæ sanguinis quantitatis detractatione, ut primum fieri potest, inflammationem diminuamus & auferamus; quando enim fortasse jam formatur abscessus, tunc sanguinis nullam affert utilitatem detractio. — — Quid quod si phlegmone jam longius est progressa, quam ut resolvi possit, sanguinis sane emissio nocet, cum operationem naturæ se a materia obstruente laudabili suppuratione liberandi, retardet: tali enim ratione, ut diutius stagnet materia & magis magisque reddatur acris, efficitur; quæ tandem partes vicinas afficiens multo majorem excitat abscessum, quam antea factum fuisset, si natura pro-

propriis suis moliminibus esset relicta: imo interdum evidenti gangræna & interdum pertinaci scirrho finitur, qui brevi, quod superest, vitæ spatium reddit miserrimum.

Sanguinis in vera peripneumonia detractionem post quartum vel quintum diem parum ad suppurationem avertendam, conferre, generatim annotaverunt medici. Omnis enim plhegmone eo tempore suppurare incipit, nisi antea sit resoluta: hoc imprimis eo magis & citius talibus partibus, quales sunt pulmones, eveniet, qui ab omni latere calore humido teguntur, & proprius absunt a corde, quod vim suam perpetuo & fortiter in inflammatoriam obstructionem exserit. — Ita ut, si symptomata peripneumonica magna cum violentia per quatuor, quinque aut plures subsequentes dies perdurant, abscessus aut plenaria destructio recte metuantur, parumque utilitatis a sanguinis detractione continuata sit sperandum.

At enim vero, si dolor, qui per satis longum temporis spatium cessavit, cum violentia redit, aut aliam pectoris partem afficit, hoc inflammationis denuo excitatæ est indicium; quæ non minus, quam in priori, licet non tanto in gradu sanguinis poscit detract-

tractionem: nam hic impetus accessorius ejusdem omnino indolis & in eodem est organo, ut prior indeque eandem methodum, ejus progressum & mala avertendi majora, requirit. Ægroti vires, & pulsus, doloris violentia & spirandi difficultas sunt præcipua, quæ quantitatem determinare debent, sic quoque sanguinis color & habitus atque feri quantitas & qualitas sunt considerandæ. Ego quidem interdum die a primo morbi impetu nono vel decimo sanguinem emittere jussi, & hunc tam viscidum, quam illum secundo aut tertio die emissum inveni, idque eo magis, si lanceola non timide demittebatur; sed crassamentum, licet tenacitate sua excederet, multum tamen in comparatione feri erat diminutum.

Excretionem antea quidem liberam & copiosam, ut primum alter iste impetus & dolor cum aliqua violentia accedit, prorsus cessare vel maxima cum difficultate peragi, plerumque observatur; dum doloris violentia, ut satis juxte expandatur thorax & pulmonum, pectoris & abdominis muscoli tanta vi, quanta ad materiam ejiciendam requiritur, agant, non permittat: haud mentionem faciam, inflammatione justam muci lubricantis impediri
fe-

secretionem, quæ naturaliter ad inungendam trachæ bronchiorumque membranam internam & ad evacuationem materiæ cujuscunque in eis contentæ juvandam secerni debet. — Atque inflammatione sanguinis detractione remota excretionem redire facilem & liberam, reipsa deprehenditur.

Igitur, licet in peripneumonia & pleuro peripneumonia nostrum in primis sit, sanguinis detractione ante diem quintum efficere evacuationem; novo tamen violenti doloris spirandi difficultatis & suppressæ excreationis in impetu iterum haud secus ac in novo morbo a) maxima vero cum cautione & temperantia incipere debemus, cum omnis recidiva his præcipue in casibus sit periculosa, ægrotus quotidie magis debilitetur & eo minus ullam sanguinis insignem perferre valeat evacuationem. Hanc quoque ob rationem, quocunque leni dolore accedente ad sanguinis detractionem confugere, minus prudenter agitur: dolor enim major vel minor sæpius febre prorsus cessante speciatim post pleuroneumoniam per longum temporis spatium, continuat: *debet prius cessare febris, & postea dolor affecti lateris*, ait Baglivius. b) — Sanguinis autem detractio in primis minus
con-

convenit, quando copiosa laudabilis materiae expectoratio satis facile procedit, etsi ista sanguine leviter tineta semper continuare debet; cujus rationem supra indicavi; scilicet, resolutionem & coctionem materiae inflammationis novae indicat. Imo eandem ob rationem cavendum est, ne materia ista sanguine leviter tineta cohibeatur, licet saepe imprudenter praescribantur, & inepte adhibeantur adstringentia: ast hoc efficiunt ii, qui parum ad naturae operationes & multo minus ad *Hippocratem* magnum ejus interpretem, attenderunt. — Dubio procul magis convenit, ut dolor & tussis importunitas lenioribus opiatibus, temperantibus; mollientibus, demulcentibus & leniter expectorantibus subleventur.

a) Hippocrates Anaxioni die octavo sanguinem detrahebat, quoniam dolor perdurabat. Lib. III. Epidem.

b) Baglivii opera. de pleuritide.

Alterum, quod in pneumonide plurimum valet, praesidium, vapores sunt emollientes balnei forma tum ad pulmones, tum ad reliquum etiam corpus applicandi. Laxantur enim per balnea vaporis pulmonis vasa,

ut

ut facilius transmittere possint humores. Dumque toti corpori similia applicantur, flaccescunt omnes partes, & maiorem copiam humorum retinent, quod hic requiritur. Præterea sanus etiam & robustus homo continua balnei vaporis applicatione sic debilitari poterit, ut langueat totus; adeoque poterunt in hoc morbo per eodem pro lubitu vires vitæ sic minui, ut nullum periculum sit, ne inmeabilis sanguis profundius in vasorum pulmonalium angustias adigatur, quod multum ad curationem facit. Simul etiam aqua eodem tempore se venis bibulis cutis insinuat, sicque optime diluitur sanguis. Optime autem illi vapores hauriuntur ab ægris ope intundibili, cujus ampla pars calido eadem decocto ex herbis emollientibus imponitur, angustior vero ore ægri tenetur; nam eo modo langiori etiam temporis spatium hoc balneo, sine ullo incommodo, ægri possunt uti. Subinde, si sputorum nimia sit tenacitas, & ægri suffocationi proximi sint, acetum aquæ calidæ vaporibus miscetur, quo remedio plures ex orci faucibus liberatos fuisse Tissotus asserit.

a) Tissot I. c.

Potus sit maxime *emolliens*, *tepidus*, cum melle, & pauco nitro, assidue hauriendus. Parva autem copia simul sumuntur, ne largiori haustu distensus ventriculus anxietatem augeat; neque subito ingestis his, aucta humorum copia, nimis gravetur infarctus pulmo. Frequens autem similibus assumptio facile compensabit quantitatis defectum. Calide autem forbentur, quia per calorem augetur vis diluens aquæ, simulque eadem opera, dum per oesophagum transeunt, blando calore foveantur vicinæ partes.

Opium vero, & omnia narcotica noxia sunt in peripneumonia, monente *Huxhamo* a) „ Ego vero largas opiatorum doses prorsus improbo, cum sæpissime eorum imprudentem usum in tali rerum ratione magnam orthopneam, & terribilia attulisse symptomata cognoverim; etenim sanguis extra vasa hærens aliquando excreari debet, aut nunquam convalescit æger; quod vero sine majori; vel minori tuti, qua is evocatur, fieri nequit. — Post talem peripneumoniæ speciem admodum insignia accessisse apostemata, aliquoties vidi, ubi per plures dies, imo per plures hebdomades febris supervixit æger. „ Lenissima tamen anodyna, v. g. flores papaveris rhæados,

dos, vel syrupus ex horum succo paratus concedi possunt.

a) Huxham. Op. T. II. p. 188.

Multum etiam ad sanationem contribuunt *clysmata*; nihil enim urinam & alvum magis efficaciter promovet, quam clysmata emollientia, laxativa, cum ea fomenti species & omnibus abdominis partibus lene sint stimulant, atque non urinam solum & alvum, sed flatus quoque evacuant, quibus sæpe abdomen & diaphragma distendentibus respiratio redditur difficilior. Sufficiet autem blandissimorum antiphlogisticorum usus, e. g. mellis unciae binæ, cum nitri media drachma, & decem uncis decocti hordei; cum indicatio curatoria non requirat, ut per alvum subducantur liquida, sed potius ut per omnes corporis vias talia subministrentur sanguini, quæ illum diluere, & inflammatoriam piliitudinem resolvere valent.

Interim omni cura, ait *Huxhamus* a), in id incumbendum est, ne profusior excitetur diarrhæa, quæ sine eo, ut morbum levet, excreationem supprimet, atque hoc respectu malum est symptoma, quando id pleuri-

tide & peripneumonia affectis contingit; quoniam, si magnus humorum defluxus adest versus inferiora, superiora fiunt arida, sputum cessat, & moritur æger; ita ut alvus non nimis adstricta sit, quod febrim augebit, neque nimis laxa, ne sputum & vires ægroti deficient. „

a) Huxham l. c. p. 196.

Victus tandem mere sit *vegetabilis*. Lentioris enim, vel copiosioris chyli molestiam pulmo illico sentit, etiam sanus; longe magis ergo, si morbus fuerit. Decoctum oryzæ, hordei, avenæ, panis, cum melle, roob sambuci & similibus omni scopo hic satisfacit. Radicum scorzonæræ, tragopoconis &c. decocta similem usum præstant. Leve autem, & dilutum nutrimentum in hoc casu sufficit; cum morbus, si hoc modo sanari possit, nunquam in longum tempus excurrat.

Quamdiu itaque, ait *Tissotus* a) morbus aut augetur, aut in eodem statu permaneat; in usu horum remediorum pergendum est; si autem tertia, (quod raro contingit,) quarta, aut quinta die aliqua morbi emendatio, febris remissior, tussis minus vehemens, sputa pau-

pauciori sanguine mixta, respiratio liberior, lingua humidior, urina minus rubra & copiosior, solum tunc antiphlogisticum regimen, dato omni vesperi enemate, morbi curam absolvent.

a) Tissot, l. c.

Methodus medendi in stadio suppuratorio.

Ad illud nunc morbi stadium pervenimus, quod *suppuratorium* vocatur. Videndum itaque est, quid agendum medico sit, si suppurationem aut imminere, aut jam fieri, aut pus omnino jam collectum, conclusumque in sacco, ex certis signis videat. Nam alia instante suppuratione, alia pure jam collecto, morbi medela requiritur.

Sola illa curatio peripneumoniæ, quæ fit per resolutionem, aut citam excretionem materiæ morbosæ solutæ & mobilis redditæ, tuta est. Verum non semper illa obtineri poterit, siue non satis cito idonea medela adhibita fuerit, siue ex sua indole, pertinacior morbus obstiterit. Inter reliquos autem inflammationis exitus optimus ille est, qui in suppurationem tendit. Quænam signa sint
pe.

peripneumoniæ in suppurationem vergentis in præcedentibus explicatum atque demonstratum fuit: resolutionem expectari non posse, si ad plures usque dies febris & reliqua symptomata, valida permanferint. Licet autem benigna suppuratio in aliis corporis locis, ad quæ manibus accessus datur plerumque satis commode curari possit; in vitali tamen hoc viscere nata vomica purulenta semper multum discriminis habebit; cum rupta talis vomica in pectoris cavum pus effundere possit, & empyema lethale facere, vel totam sanguinis massam purulenta cacochymia sic inficere, ut funesta sequatur phthisis. Nec minus periculum imminet, ne abscessus mole quotidie auctus, vicina vasa adhuc libera comprimens suffocet ægrum, antequam maturatio perfecta, & maturi abscessus ruptura fiat. Omni ergo ope nitendum est, ut quam ocyssime fiat maturatio; & deinde maturatione facta collectum pus citissime educatur. Quænam autem in hoc casu observanda sunt, ex sequentibus patebit.

1.) Ubi de abscessu agebatur, constitit, ad maturationem crudi inflammatorii conducere paulo majorem motum & in parte affecta & in toto corpore, tali moderamine ta-

men

men, ut nec nimis citātus motus subito rumpat vascula tenerrima, sicque gangrænā loco suppurationis producat; neque nimis torpens non valeat separare extremos vasculorum inflammatorum fines, & in bonum pus cum humoribus effusis convertere. Non ergo conducit in hoc morbi stadio sanguinis missio cum vires debilitet, adeoque maturationem retardet. Si autem summa pectoris oppressio illam etiam hoc tempore poscere videtur, vel nimis impetiosa febris compesci debet, parca sufficiet, & tali tantum copia, quæ levandis symptomatibus & justo febris moderamini satis est, non ultra.

2.) Loco externo corporis suppurando applicantur mollissima cataplasmata ex farinosis & emollientibus herbis parata, ut cito fiat maturatio. Ob hanc causam oportet curare, ut alimenta talia ingerantur, quæ similes dotes habent, ut chylus inde paratus, ad pulmonem delatus, emolliente & maturante vi præditus, suppurationem promoveat. Verum quidem est, lentiores utcumque ex talibus parari chylum, adeoque periculum fore, ne inde augeantur pulmonis angustiae: tali autem cum cautela hæc danda sunt, ut nec nimis glutinosa sint, neque nimia copia simul sumpta

pta pulmonem gravare possint. Ob hanc rem *Hippocrates* a) quarto, quinto & sexto die sorbitiones pingues commendat, quia ad sputum per superiora exscreandum conferunt. Sorbitiones multas, ptisanæ cremorem coctum cum melle, aquam mulsam &c. laudabat alibi. b)

a) De morbis. Lib. III. cap. 14, Charter. Tom VII. pag. 580.

b) De affectionibus. Cap. 4. ib. p. 641.

3.) Puri, dum maturus abscessus erit, conciliari debet exitus, & quidem quam citissime, ne mora acrius factum erodat tenebram pulmonis fabricam. Sola autem hæc via tuta erit, per quam in cava aërea pulmonis pus erumpit, cum aliter in cavum thoracis, vel mediastini dilatata vacua decidet, lethali fere semper cum eventu. Oportebit ergo statim ac signa suppurationis inceptæ apparent, balneo vaporis, una cum aëre inspirato hausto, sic emollire totam aëream pulmonis superficiem, ut liberrime huc versus ire possit collectum pus; simulque eadem opera efficitur, ut citius & facilius rumpi possit membrana pus factum continens. Solius aquæ calentis vapor hic sufficit, emollientium enim herbarum efficacia non consistit in volatili adeo

par.

parte, ut una cum hoc vapore ascendere possit, unde ab illis non multum boni expectatur, licet tamen sæpe illis utantur medici, ne remedii simplicitas ægris & adstantibus contemptum pariat.

Cum autem pus jam collectum esse intelligitur; duplex habetur indicatio: *prima*, id efficiendum est a medico, ut abscessus in bronchiorum cava rumpatur; altera, ut pure edueto ulcus consolidetur.

Primæ indicatione satisficit, si in usu remedium, quæ paulo ante indicata sunt, pergitur, atque simul arte excitatur tussis, ut sic agitato pulmone rumpatur abscessus. Oxy-mel itaque calidum sumatur vel solum vel decocto emolliente dilutum, uti etiam vinum calidum tussim excitare solet, plerumque satis validam, qua concussus pulmo sæpe sic agitur, ut crepet vomica, & collectum pus per sputa repurgetur. Non tamen semper hoc succedit illo tempore. Nisi enim cito maturatio facta fuerit, & materies maturanda hæserit in tali pulmonis loco, ut facillime in bronchia exire possit, longior temporis mora intercurrit, antequam rumpatur abscessus. Convenit interim omni artis molimine promovere crudi inflammatorii maturationem,

&

& maturi evacuationem, aliter enim justus metus est, ne natus abscessus collecto pure tumens vicina vasa comprimat, sicque novam inflammationem producat, quæ pariter suppurata novum abscessum faciet.

Acceleratur autem sacci purulenti ruptura omni motu corporis vehementiori, curru, navi; risu etiam ruptas novimus vomicas. At vomitorio veterum more, & ex præscriptis ipsius Hippocratis, tanquam remedio maxime infido, haud utendum esse existimo.

Rupta tandem felici eventu vomica in cava asperæ arteriæ, atque pure libere per spatium evacuato, cavendum ne æger phthysicus pereat. Convenit tunc hordei & oryzæ decoctum cum lacte; decoctum salap; diæta vegetabilis, aut sola, aut si febris absit, cum lacticiiniis. Absint vulneraria, balsama, cortex peruvianus, polygala, lichen, myrrha &c. ne nova in viciniis inflammatio oriatur. Nec valde profunt herbæ vulnerariæ, salvia, hyllopus, erysimum, fœniculum, chamædrys &c. Quies, non equitatio. Opium *caute* dandum; nisi enim febris desit, aut quietem non arcessit, neque tussim componit; aut et si id faciat, inflammationem, sudores noctur-

nos auget. Præstat emulsum ex feminibus papaveris albi cum syrupo diacodii. Scopo palliante in consummata phthyfi subinde dandum opium miserrimum levamen.

Notatu dignam historiam vomicæ ex neglecta peripneumonia ortam, ex *Huxhamo* a) adduxisse juvat:

a) Tom. II. p. 122.

Historia morbi.

Circa diem nativitatis Christi anni 1728 vir quidam nobilis D. T. II. honestus & sobrius, quadraginta circiter annos natus, corporis quidem habitu tenui, sed vivido agilique, dolore in dextro latere afficiebatur & paululum febricitabat; adeo tenuis erat dolor, ut ne domi quidem se teneret. Nihilominus sanguine detracto pauca quædam a suo chirurgo data sumebat. — Dum vero de die in diem dolor increfceret, tribus septimanis vel mense uno post primum impetum me consulebat — ego vero illum hecticco calore, tussis brevi & spirandi difficultate, a dolore lateris, ut ipse affirmabat, tantum excitata, laborantem deprehendebam: quod interdum sanguine nunc leviter erat tinctum.

etum. — Ut sanguis detraheretur & mixturam oleosam exscreantem lac ammoniacum, oxymel squilliticum, salinas potiones & decocta sumeret pectoralia jubebam, atque ipsi regimen refrigerans ac diluens præscribebam. Quibus auxiliis paucis diebus post largam purulentæ, cruentæ & foetidæ materiæ, ex lobi pulmonum sinistri vomica provenientis copiam exscreare incipiebat; nam ægritudinem ibidem sentiebat atque ex loco quo eam sterni lateris sinistri & quidem versus thoracis fundum provenire materiam ajebat. — Tandem parum valde neque foetidum neque cruentum exscreabat; tussis quotidie imminuebatur, neque ullum pondus insigne in ejus pectore remanebat: decoctum quoque pectorale balsamicum ex cortice peruviano calorem ejus & sudores auferebat; ita ut spe fretus valetudinis ejus recuperationem propius abesse crederem. — Omnibus autem his exoptatis symptomatibus irritis dolor lateris dextri perpetuo continuabat, & isto quidem in loco, quem primum occupaverat; quid? quod subita tanta violentia crescebat, ut quoque sanguinis detractionem iterum iterumque repetitam necessariam esse, putarem: sic quoque fomenta emollientia atque anodynum emplastrum

ex opio, camphora & emplastro e cymino applicare jubebam: atque, cum hæc nullum afferent levamen, parti ipsi scarificatæ imponebam cucurbitulas. — Oleum autem & opera erant perdita, dolor enim quotidie augebatur, neque ulla res, præter opiata repetita levamen ullum aut somnium afferebat. — Tandem pars ipsa magnopere intumescebat, & signa formati abscessus evidenter apparebant, in quo ea propter qualibet methodo convenienti promovendo, operam ponebam. Paucis diebus post ex illo a chirurgo inciso ingens purulentæ materiæ effluebat copia, ita ut aliquam ejus partem ex cavitate thoracis ipsius provenire existimarem. Facta uberiore exploratione duæ costæ exesæ atque nigre ac duo loci penetrantes, alter inter quintam & sextam costarum verarum (quæ cariosæ erant) & alter inter quartam & quintam ab inferioribus numerando, deprehendebantur. — Tandem summe debilitatus & febre hæctica emaciatus vivis interesse desinebat, die 29 Martii 1729.

Corpore examinato muscoli quidam intercostales, ferrati antici majoris aliqua & obliqui descendentes suprema pars apparebant nigre & sphacelo infectæ & apostema ipsum
us.

usque ad dorsi fere spinam extendebatur: pleuræ pars inferior prorsus nigra & eo in loco lividum erat diaphragma. Apertura superior penetrabat usque in dextrum pulmonum lobum, ubi partium vicinarum insigne spatium in pus erat conversum. — In lobo sinistro callositatis satis late extensæ occurrebat species, ubi probabiliter hærebat vomica; ac a vertebra proprius insignis tumor ovo gallinæ turcicæ major & aliquo modo jam suppurans deprehendebatur: quædam alia quoque minora aderant tubercula, quorum alia duriora & fere lapidea, alia suppurantis pure erant repleta. — Pulmonum lobus uterque maxime morbosus & quibusdam in locis omnino apparebat lividus. — Uterque plurimis in locis pleuræ firmiter adhærebat, aliæ harum adhesionum erant satis largiter extensæ, aliæ specie ligamenti fibrosi efficiebantur. — Thoracis in cavitate dextra circiter mensura dimidia materiæ valde foetida & obscurioris caloris inveniebatur,

Nobilis hujus viri pulmones probabiliter obstructione quadam antea erant affecti, quam dolor in ejus latere accedebat, quod interdum tussis sicca brevi esset obnoxius: humores vero acres in costas & musculos intercostales

irruentes liberamque respirationem impeditentes, non parum ad ejus pulmonum obstructionem atque suppurationem contulisse, persuasum habeo; & quoniam tali rerum ratione iusta thoacis expansio impediabatur, pulmonum ad minimum augeri poterat cum pleura cohærio.

Methodus medendi imminente metastasi.

Cum de vario peripneumoniz exitu in præcedentibus sermo fuerat, dictum est, triplex metastaseos genus dari, qua materia morbifica e corpore eliminatur.

Si itaque materia inflammatoria mobili effecta, pulmones deferente, vagante per corpus, inferiora fovenda, urinæ & alvus apeririendæ, huc determinanda materies, & observandum, num alicubi functio lædatur, aut dolor oriatur, & ibi figatur materies. Si ad crura materiam verti signa adsint, primo omnia ea adhibentur, quæ in præcedentibus enumerata fuere; deinde locus futuri abscessus sic disponitur, ut vasa laxata facilius admittere possint huc versus deponendam morbi materiem; simulque curatur, ut levi irritatione per frictiones, stimulantia, cucurbitas.

tas, impetus vitalis motus magis agat in eundem locum. Monuit *Hippocrâtes* a): *Quibus ex morbis resurgentibus aliquid doluerit, illic abscessus oriuntur*; deinde sequenti aphorismo addit: *sed & si aliquid ante morbum doluerit, illic morbus infidet*. Quotidiana in praxi observata veritatem dictorum probant. Ita hominibus, qui diu ulcera crurum passi fuerunt (familiare in scorbuto inveterato malum), si quodam morbo acuto corripuntur, recrudescere hæc ulcera solent, cum præsentaneo morbi etiam periculosi levamine. Naturæ ergo ductum sequimur, dum per epispastica, cucurbitas &c. efficimus, ut doleant illæ partes, verius quas minimo cum discrimine morbosa materia deponi potest.

a) Hippocr. aphor. 32. Sect. IV.

Randem medendi methodum *Huxhamus* comendat, atque simul gravem de vesicatorum usu cautelam addit a): „Interdum ad partes inferiores critice transfertur materies morbosa, phlegmonem, abscessus, erysipelatosos, vel cedematosos tumores, ulcera, cæteraque excitans; in primis in hominibus olim inflatis, aut ulceratis cruribus affectis, de quibus in fine morborum peripneumonicorum

maximo cum pectoris levamine intumescere iterum, sæpiusque exulcerari notum est. Pulmones subito affici, si ulcera in pedibus sicca fiunt, res est satis cognita; sic quoque hydropici harum partium tumores tibialibus interstrictis, fasciis cæterisque repressi statim affectus producunt asthmaticos: quæ cuncta consensum istum naturalem pectus inter, & partes inferiores, atque mutuo morbis affici posse, satis probant. — Qua de re in morbis severis pulmonum, ut humores balneis tepidis, vesicatoriis, cæterisque ad pedes deriventur, rationi consentaneum esse videtur; & re ipsa profecto hoc bono cum successu fuit adhibitum. — Quam crebro podagræ ad pulmones metastasin acrioribus applicatis cataplasmatibus, revulsione ad pedes facta, subito fuisse relevatam, deprehendimus? ubi periculum imminet magnum, omnia sunt tentanda. Quando vesicatoria pedibus in pulmonum morbis applicata, severius suppurant, plerumque magnum afferunt levamen; sæpe vero sanantur difficillime. Quod imprimis annis 1740. 1741 - 1746 - 1747, notatu erat dignum. Ego vero tunc, si vesicatoriorum exulceratorum subito suppresseretur evacuatio, non tussim solum atque spirandi difficultatem revertisse,

sed quoque interdum insignes alvi dejectiones, & interdum profusiores mox accessisse sudores, observavi : ita ut non paucis in casibus vel dolore & ingenti vesicatorium evacuatione prosterneretur, vel diarrhæa aut sudore colliquativo deperderetur æger : quam scenam mortiferam frequenter terminabant aphthæ terribiles. — Quæ probabiliter ab acrimonia lymphæ & feri oriebantur majori, quæ febre prægressa quasi in gelatinam mutata & nunc dissoluta in putridi ichoris speciem convertebantur, (quando enim serum calore concrevit status ejus proximus est liquamen putridum, vel dissolutio :) neque hoc tandem dejectionibus, sudoribus profusioribus eliminatur, sed & aliis viis pari ratione sibi exitum parat, prouti id fieri solet urina impura, acris, turbida, eruptionibus pustularum, tumoribus vehementissime dolentibus, vesicis aqueis excruciantibus & corrodentibus variis corporis in partibus, quales sunt axillæ, brachia, dorsum, pectus cæteraque. — Ex hujus generis observationibus veteres, (qui semper solliciti in id incumbabant, ut naturam sequerentur, ejusque conaminibus succurrerent) acris epithemata, ut sal, sinapi, cæteraque pectori, dorso & axillis in pulmo-

num

num affectibus applicasse videntur. — Magnum inter pulmones & cutim intercedere consensum res est verissima, prouti ex scabie, variolis, morbillis cæterisque retropressis manifestum est, quæ statim pectus affligunt. — Quam ob rem convenienti sanguinis copia detracta his partibus vesicatoria in primis versus februm peripneumonicarum declinationem applicare, methodus medendi videtur esse rationalis. ,,

a) Huxham Opera T. II. p. 297.

Eadem ferme remedia applicanda sunt, emollientissima nempe, si a transpositione materiæ morbificæ parotidum tumores oriuntur.

Si vero vel neglecta applicatione derivantium & attrahentium ad parotides, & crura, vel iisdem frustra adhibitis signa docuerint, ad hepar verti materiem morbi, atque in hoc viscere colligi, tunc primo ea remedia adhibenda sunt, quibus pulmo levatur, vires firmanur, & materies morbi quam maxime soluta & mobilis redditur. Cum autem non careat periculo hæc metastasis, & jure metuatur, ne abscessus in hepate natus pessimos morbos chronicos faciat, conducit simul & illa facere, quæ paulo ante de absces-

fu ad crura & parotides dicta fuere; hac spe,
 ut forte incipiens colligi in hepate morbi
 materies, nondum tamen ibi fixata omnino,
 ad alia corporis loca, minus periculosa de-
 duci posset. Simul autem adhibentur talia re-
 media, quæ admodum solvente vi prædita col-
 lectam in hepate materiem attenuare valeant,
 ut vel ad alia loca deponatur meliori meta-
 stasi, vel per ductum hepaticum ad intestina
 delata cito expellatur per alvum; ne manens
 in hoc viscere, & acrior reddita, teneram &
 friabilem ejus substantiam destruat. Decocta
 ergo meraca taraxaci, cichorei, graminis, fu-
 mariæ &c. cum melle potentur larga copia.
 Fomentis ex similibus paratis obvolvantur hy-
 pochondria. Clysmata ex iisdem facta inji-
 ciantur frequenter & retineantur diu, hac
 spe, ut resorpta venularum meseraicarum os-
 culis, in intestina patentibus, directe & in-
 tegris suis viribus ad hepar veniant. Simul
 etiam per eadem sic laxantur intestina, & il-
 lorum vasa omnia, ut facilis & expedita via
 fiat materiæ morbi, dum ex hepate versus al-
 vum ruit.

Crisis erroneæ effectus incurabilis.

Vix ullam medellam admittant eæ in pulmonibus mutationes, quæ ab effusione lymphæ coagulabilis oriuntur; nam præterquam quod subita transfusio lymphæ phlogisticæ in asperam arteriam ægrum plerumque suffocet, eaque transsudatio neque certo prævideri, neque etiam prævisa præverti possit, alias etiam criseos hujusce erroneæ modus, cum vel in ipsam pulmonis substantiam hæc mataries transprimitur, magnam granulorum induratorum congeriem efficiens, vel in cavum thoracis effusa in pseudomembranas coalescit, quibus pulmo pleuræ adligatur, ad omnia ferme remedia rebellis permanet. Tuberculosa pulmonum labes ad novas itentidem peripneumonias hominem prædisponit; pleuræ ad pulmones adhæsiio sæpius quidem innoxie per totam vitam ab ægris fertur, nonnunquam tamen magna inde respirationis incommoda oriuntur. Solventissima remedia, uti gramen, ejus saturissimum decoctum, extractum nil efficit; nec sapo venetus, nec alii saponēs. Indissolubilis enim est hæc cohæsiio granulorum. Si pleuræ cohæreat pulmo, tempore, motu multo assuescit æger; elongantur enim sensim cohæsiiones.

Gangrænæ nulla medella.

Si mali vehementia eo increvit, ut visceris hujus nobilissimi gangrænâ accedat, nulla arte æger servari potest. Anxietas ingens, summus virium vitalium languor, frequens animi deliquium, extremitatum frigus, tenuia, ex atro flavescentia, foetidissima sputa, maculæque subinde circa pectus nigræ, funestum hunc morbi statum significant.

Sputa suppressa.

Absoluta jam foret curatio peripneumonix consideratis omnibus, quæ agenda sunt, prout vario exitu terminatur hic morbus, vel diversis viis de corpore eliminatur morbi materia. Verum adhuc debebant expendi illa, quæ fieri oportet, dum peripneumonia, per sputa jam expurgari cœpta, incipit illa suppressa habere. Quanti momenti sit sputorum in hoc morbo excretio, & quam pulchre per illa eliminari possit morbi materies, antea vidimus: unde simul patet summa necessitas, ut omni molimine redintegretur evacuatio sputi, si suppressum illud fuerit. Simul conducet summopere, ut cognoscantur illæ causæ, a quibus sputa suppressi quandoque do-

docuit observatio ; ut nempe vitari possent, cum nondum adsunt ; & tolli vel emendari, dum jam præsentes inveniuntur.

Magnum frigus subito admissum. Quanti usus sit humidus aëris inspirati tepor in hujus morbi cura , jam sæpius dictum fuit, dum sic laxantur vasa , ut transmittere possint ; simulque quam optime disponuntur fluida , ut transire per vasorum ultimas angustias valeant. Inter causas peripneumonix aëris frigus numeratum fuit : constat enim , aërem gelidum pulmonem siccare , stringere, imo & ipsum sanguinem per vasa pulmonalia motum , & nudo fere aëri expositum , coagulare. Unde patet, ab eadem causa morbum jam presentem debere augeri & contractis vasculis excernentibus , sputa supprimi. Dum gelidum potum affatim bibunt tales ægri , aut imprudenter frigidissimus aër hyemali tempore admittitur subito in conclave , ubi decumbunt, sputorum periculosa suppressio ab hac causa nasci solet.

Exsiccatio undecunque nata. Dum nimium frigus , hic noxium, vitare volebant quidem, in alterum extremum inciderunt , nimia calefactione loci , in quo decumbunt ægri. Notum est, sanissimos homines, æstuante in aëre

ver.

versatos, siccissimam habere oris interni, narium, asperæ arteriæ, & pulmonis ipsius omnem superficiem, sic ut vix loqui aut deglutire valeant ob partium exsiccationem. Non mirum ergo & idem ab eadem causa in ægris fieri. Cavetur facile exsiccatio ab hac causa, si iuxta caloris temperies servetur (quod thermometer optime indicat) simulque æris tepori jungatur humiditas; quod facile obtinetur, si aquosis exhalationibus repleatur aer, quem ægri inspirant.

Febris calida superveniens &c. Notatum fuit, facilem illum peripneumoniam exitum, quo in sanitatem terminatur per benignam resolutionem, vel salubrem evacuationem materiæ morbosæ per sputa &c. tunc tantum locum habere, dum febris mitis est, & boni moris. Si ergo inceptæ tali excretioni superveniat febris calida, exsiccabitur brevi corpus liquidissimis expressis, & mutabitur illa morbi conditio, quæ salubri huic per sputa evacuationi favebat. Sic observamus in phthysicis, quibus quotidie per sputa pus in pulmone collectum evacuetur, vespertino tempore, dum hæctica illorum febris multum augeri solet, sputa suppressi cum anxietatis augmento; matutino demum tempore,
mi-

minuta febre, sputa iterum, externi cum summo levamine. Calefacientia autem medicamenta, in hoc morbi statu exhibita, similem effectum habere intelligitur ex illis, quæ de febrium causis dicta fuerunt: ibi enim probatum fuit, a talibus in sano etiam corpore febrim excitari posse; facile ergo ab iisdem augeri poterit febris, quæ jam adest.

Alvus liquida, nec critica. Omnia, quæ de corpore subducunt liquida ingenti copia, inter causas sputi suppressi merito numerantur. Per alvum quandoque morbi materiem in peripneumonia evacuari, vidimus: tuncque critica dicitur diarrhæa, & levamine morbi insigni facile distinguitur a noxio alvi fluxu. Observaverat jam in hoc morbo *Hippocrates* a) ab alvo liquida sputa suppressi; habet enim sequentia: *Si multus humor per inferiora secedat a quinto die, mortem infert. Secedente enim per inferiora humore, superiora siccescunt, neque sputis purgatio per superiora prodit. Inferiorem igitur alvum neque nimis sisti oportet, ut febres haud acute sint; neque nimis subduci, ut sputum sursum emitti possit, & æger viribus valeat.* Dum in phthificis fatalis illa diarrhæa, morbo & vitæ finem imponere solita accedit, miseris illico sputa supprimuntur.

Su.

Sudor ingens ob eandem rationem, nimiam nempe liquidi subductionem, sputi suppressi causa esse potest, uti facile patet.

Animi affectus vehementior. Quantum turbari possit corpus a validis animi affectibus antea vidimus. Sed & inter febrium causas numerati fuerunt : & in illo casu, dum segnis nimis febrilis motus non poterat morbi materiam subigere, movere, secernere & excernere, illum augeri posse excitato animi affectu dictum fuit. Cum autem in hoc casu, ubi per sputa evacuatur peripneumoniæ materies, justum adsit febrilis motus moderamen, patet, ingens discrimen adesse, dum per animi affectus vehementiores incitatur ille motus. Accedit, quod in validis animi affectibus semper in respiratione observetur facta mutatio, unde pulmonem directe quasi afficiunt. Sic ira summa motus homo validissime respirat illico, & anhelat; metu subito percussus statim ingentem circa pectus oppressionem sentit, molestissima ducit suspiria &c.

Simulac ergo supprimuntur hæc sputa, nondum educta omni morbi materia, vasa quædam manent obstructa, ab impetu sanguinis loca obstructa urgentis distenduntur, disten-

stenta comprimunt sibi vicina vasa, sicque malum brevi propagatur, & omnia symptomata, numeris hic citatis recensita, quæ jam minui inceperant, recrudescunt denuo, & angentur subito. Patet, summum inde discrimen metuendum esse, cum debilior jam a morbo prægresso æger novo huic insultui ferendo minus par sit.

Si itaque a sputis emanentibus valida pulmonum oppressio, & pulsus celer, durus, venæ sectio, quæ ægri viribus respondet, instituenda est. Pulcherrimum dein, quod tunc adhiberi potest, remedium est, si omni momento æger calidum & humidum vaporem naribus & ore hauriat, ut tota pulmonis aërea superficies humescat & emolliatur; sic enim laxantur contracta vasa, diluuntur & mesabiles redduntur spissiores redditique per exsiccationem prægressam humores, & binis his affectis concurrentibus sputi suppressi redintegratur excretio. Simul etiam novæ inflammationi, ab hac causa natæ, prospicitur quam pulcherrime, ut vel resolvi, vel per sputa curari possit; uti jam sæpius in præcedentibus monitum fuit. Ob eandem causam, vasis aqua calida plenis in cubiculo repositis, totus aër vaporibus humidis repletur. Eadem tempo-

re decocta hordei, avenæ, ficuum, herbarum emollientium & leniter aperientium (quæ antea jam laudata fuerunt), potantur larga copia, ut & sanguis his diluatur, & pulmonis vasa laxentur: additur mel, solvente blanda saponacea virtute adeo notum; & acetum parca copia, ut lenis tussis excitetur, per quam, solutis humoribus & laxatis vasis, expellatur omne, quod retentum fuerat sputis suppressis. Oxy-mel hinc tanti fecerunt veteres medici. Unde in tali casu *Hippocrates* a) dixit: *Hinc confert potiones bibere, quibus pulmo humectatur & expuit. Nisi enim expuerit, & durior pulmo evadit, simulque avescit & hominem perimit.*

a) De morbis Lib. I. cap. 11. Charter. Tom. VIII. p. 547.

Diacodiata autem & leniora opiata multum prodesse possunt, quatenus nimium febris impetum compescunt, alvum liquidam, sputi suppressi causam sæpe sistunt, & animi validos affectus sopiunt.

Illustr. Hoffmannus, a) Archiater Moguntinus, ad restituendam excreationis libertatem, sequens remedium commendat ex floribus

ribus benzoës gr. jv. Camphor. gr. ij. omni
bihorio talem fumendam.

a) Hoffmann vom Scharbock. Münster 1782.

Peripneumoniæ symptomaticæ.

Pulmonum inflammatio non raro aliis fe-
bribus supervenit, grave atque anceps malum,
cum & difficilis nonnunquam illarum cognitio,
& medela quoque sæpe incerta; cum & pul-
monum inflammationi, & *febri principi*, cui
peripneumonia accessit, mederi debeamus.
Accidit hoc persæpe in decursu febris putri-
dæ, ubi & aliorum etiam viscerum & pul-
monum præprimis dira inflammatio in exstipi-
ciis detecta est.

Ad symptomaticas ejusmodi peripneumo-
nias etiam pertinet *maligna* quorundam medi-
corum peripneumonia, quæ venæ sectiones
minus fert, ob magnam inde virium vitalium
ruinam. Talem anginam *Huxhamus* a) de-
scripsit: „ At enim vero nonnullæ extant pe-
ripneumoniæ species, quæ nulla ratione largam
sanguinis sustineant detractiōem, ut quidam
indubitatæ fidei annotaverunt scriptores me-
dici. — Ego vero idem illud variis peripneu-
moniis epidemicis vertente anno 1745, &
in-

ineunte anno 1746, b) observavi; quibus temporibus peripneumonia grassabatur epidemica, in qua post alteram (& interdum quoque post unicam) sanguinis emissionem pulsus & vires ægroti mirum in modum prosternebantur; & quæ in febris mutabatur speciem nervosæ, cum qua magni tremores, tendinum subsultus, profusi sudores, aut diarrhæa atrabiliosa cum lingua nigra, comate vel delirio erant conjuncta; quamquam in principio pulsus plenus & celeriter tremens, dolor, tussis & oppressio ita urgere videbantur, ut sanguinis emissionem quam maxime indicarent. — Quo in casu raro sanguis aliqua insigni crusta obtectus; sed plerumque floridus, *laxioris* tamen *molliorisque consistentie vel coloris obscurioris* & *tenuiore, cærulea aut viridescente incrustatus pellicula* occurrebat, sub qua *tenuis viridescens gelatina* & in fundo *obscure lividus* hærebat cruor. — Interdum quidem crusta erat & crassior & tenacior, sed *calore pallide rubicundo, baccis corni vel dilutæ ribesiorum rubrorum gelatinæ simili*. — Quod phænomenon sæpius in veris pleuropneumoniis observavi. — Si quando ego talem laxum dissolutum video sanguinem, in consilio plus sanguinis emittendi semper cau-

te verfor, in primis si post ejus detractationem pulsum vel quoque ægrotum magis languentem deprehendo, etsi oppressio, pondus, vel quoque dolor id requirere videntur. — Pari observationis genere *Lancisus* & post eum *Baglivius*, a continuanda sanguinis missione abstinendum esse, si nulla in eo secundum emissio appareat crusta tenax, caute admonent. *In pleuritide, peripneumonia, & hujusmodi inflammatoriis pulmonum morbis, si in sanguine e vena secta extracto non appareat in superficie crusta alba, quæ necessario apparere debet, pessimum, — si vero in altera sanguinis missione incipiat apparere, bonum: contra si in secunda ne quidem apparebit, abstineto statim a sanguinis missione, aliter interficies ægrotantem.* c) — Ego quoque cum *Baglivio* tam in priore, quam posteriore prædictionis parte, sanguinem in principio februm pulmonicarum detractum floridum pessime semper esse ominis, consentio; id enim, vel sanguinis crasin maxime perturbatam & dissolutam esse, vel crassum inflammatorium sanguinem in pulmonum arteriis impactum hære, neque aliquid præter tenuiorem & maxime ferrosam partem transire & ad cordis ventriculum sinistrum provenire posse, ostendit.

a)

- a) Huxhami opera T. II. Diff. de pleurit. & peripn. C. II. p. 168.
- b) Huxham de aëre & morbis epid.
- c) Baglivii opera Lugduni 1710. 4to Cap. de pleuritide p. 37.

Nihilominus facere non possum, quin annotem, interdum quidem in peripneumonia & pleuroperipneumonia primum & secundum quoque emissum sanguinem nulla crusta oblectum apparere, tertium tamen fore valde tenacem, idque præcipue fieri, quando in brachio destillat, neque pleno flumine profluit sanguis tunc vero & hoc observandum est, quod sanguis hic, licet appareat floridus, frigidus tamen redditus, sit tensior & tenacior; cum e contrario in casu supra relato, sanguis quidem satis floridus, laxioris tamen molliorisque esset contextus, neque unquam in ordinatum, firmum coiret crassamentum. — Tale laxioris, dissoluti & floridi sanguinis genus sæpius hominibus navigantibus in principio anni 1746 d) detrahebatur, eumque semper comitabantur pessima, sæpiusque mortifera symptomata. — Tales malignæ peripneumoniæ sæpissime profecto nautis post longa itinera & hominibus scorbuto insigni affectis, contingunt. — Qui primo præ reliquis diffi-

ficulter & brevibus intervallis spiritum trahunt, languescunt & levissimo motu debilitantur, ac vagis transientibus horroribus, æstu, & totius corporis doloribus afficiuntur, febris cum magno præcordiorum pondere, brevi, importuna, sicca tussi, pulsu celeriore, tenui & molliore, quam in peripneumoniis inflammatoriis consuecit, sudoribus frigidis inæqualibus, & perpetua inquietudine atque anxietate succedit; tandem *tenuem, glutinosam, cruentam* aut *obscurioris coloris* ac frequenter *insensibilis* odoris materiam rejicere incipiunt; præter ea istis rubrarum, castanei coloris, lividarum vel nigrarum petechiarum accedit eruptio. Urinæ color plerumque est obscure niger, vel *igneus lixiviosus, baud secus ac si parca sanguinis quantitas in ea sit dissoluta*; in hac parca quantitate emissæ nihil desidit; in illa vero nonnunquam occurrit larga livida hypostasis, nonnunquam nihil aliud, quam materia furfuri similis hinc illincque est dispersa. — Cum hæc symptomata maximo crasis sanguinis disturbatæ atque acrimoniæ humorum summæ sint argumento, sanguinis detractio largior non facile prodest, licet sæpius imprudenter suscipiatur,

a) Huxhami observat. de aere & morbi epid. Mensē
Januar. Februar. & Martio.

Idem autor ulterius de hac peripneumonia specie loquitur: a) Ex hominibus tali peripneumonia laborantibus detractus sanguis statum ejus dissolutum putridum monstrabat; crassamentum erat laxum & tenue, serum turbidum & rubicundum: lingua nigra & dentes crassis obscurisque sordibus obducti, respiratio infensa & urina colore obscuriore aut nigro tincta foetidaque, quæ in genere observabantur, magnam humorum indicabant corruptionem; & maculæ nigræ aut dysenteria cruenta, quæ sæpius quinto, sexto aut septimo apparebant die, multo magis hoc comprobant. — Quantum pulsus & ægroti vires post sanguinis detractionem talibus in casibus diminuerentur, mirum erat: interdum non sine maximo metu & sollicitudine magnam anxietatem, animi deliquium, sudorem frigidum & pulsum intermittentem, tardum, citius succedentem observabam, licet febris ipsius in principio hoc fieret & pulsus antea fortis & acceleratus videretur. — Hæc quoque in pleuroperipneumoniis, ubi dolor lateris vehemens, oppressio pectoris magna &

tussis insignis erant, vidi; alias enim illud, quod peripneumoniam adesse ostendebat, merum febris malignæ fuisse symptoma, credere quis potuisset. — Quas peripneumonias putridas alteram sanguinis emissionem nunquam bono cum successu, immo raro primam pertulisse, nisi pulsus adesset fortis & tensus pro certo habeo. b) — Quando ego, num sanguinem detraherem, dubius hærebam, scarificationem & cucurbitulas interdum cum successu applicabam, etsi uno alterove in casu effusio ex cute concisa valde erat profusa, neque prius prorsus cohiberi poterat, quam exspirabat æger.

a) Huxham, oper. Tom. II. Diss. de pleur. & peripn. Cap. II. p. 190.

b) Id de aere & morb. epid. mense Jan. & Febr. 1736.

Itaque hic quædam putredini resistentia medicamenta pectoralia requiruntur, decoctum ex ficibus, bardana & papavere rubro cum succo aurantiorum Hispaniensium vel limonum primum & postea gas sulphuris, aut elixirio vitrioli bene acidulatum redditum valde convenit. — Nitrum, olibanum, myrrha, sulphuris flores, & holus cum conserva

jugulæ, roob sambuci, aut ribesiorum, mucilage seminum cydoniorum & syrupo rubi idæi dari possunt: vini acetum camphora saturatum cum sambuci & rubi syrupo egregium quoque est medicamentum; quorum cochlear unum vel alterum interdum est exhibendum. Vinum pomaceum bonæ notæ, vinum & aqua cum succo aurantiorum Hispaniensem, vel limonum calide haustum exscreationem, si deficit, promovet & acrimoniam alcalinam corrigit. — Rosarum tinctura cum floribus papaveris rubri inordinatum tenuis cruenti ichoris defluxum temperat; nihilominus sæpe oxymel squilliticum & aqua cinnamoni fort; ad materiam evacandam necessaria sunt, si in trachea stridor insignis & spirandi difficultas, magnam in pulmonibus adesse quantitatem arguunt; at enim vero sæpe tussis importunitas & violentia elixirio asthmatico, diacodio, cæterisque est compescenda. — Sagu, panata, cornu cervi gelatina, poma tosta, decocti hordei cremor, aut avena decorticata cum paucio vino & limonum succo parca copia sed sæpius data ad ægrotum sustinendum sunt necessaria; fraga, rubi fructus, ribesia & cerasa interdum cum successu concedi possunt. Neque hæc medendi methodus

dus nova est; nam in pleuritidum curatione
 anni temporis fructus, ut ficus, cæteraque
 suadet *Aretæus* a) atque idem, in alimentis,
 recte ait b) medicamenta ponentur, quin im-
 mo in alimentis medicamenta sunt. — In
 parte diætetica fui verbosior; nam ut brevi-
 ter me expediam, in eo, ut convenienti ra-
 tione vires ægroti conserventur, & tempus
 prorogetur, donec humorum acrimonia cor-
 recta & pulmones a putrida exonerati sint col-
 luvie, cardo rei verti videtur; in fine ad
 minimum omnia a bene præscripta dependent
 diætæ; ubi panis tostus & vinum rubrum por-
 tugalense aqua dilutum, cocta cum cortici-
 bus aurantiorum fevilianorum, macis aut cin-
 namomo beneque acidulata miram præstant
 utilitatem. — Raro hoc in casu salutaria
 inveni vesicatoria, sæpius profecto noxia,
 cum magis arroddant & magnam tenuis cruen-
 tæ materiæ emittant copiam & interdum par-
 tium excitent destructionem.

a) De curatione pleuritidis.

b) *Aretæus*, L. c.

Quæstiones variæ.

Ex iis, quæ hucusque de inflammatione pulmonum dicta sunt, facilis est quæstionum, quas author ultimo hujus capituli paragrapho proposuit, solutio, ut longiori harum disquisitione haud opus sit, atque paucis possint absolvi:

Subita quandoque in peripneumoniarum initio apoplectica mors observatur. A magnitudine scilicet inflammationis, si utroque pulmone dirissime inflammato, totum hoc vitale viscus sanguini ulterius recipiendo atque transmittendo ineptum redditur, atque ob eam ipsam causam sanguis, cui liber a capite reditus intercipitur, in cerebro coacervatur, atque ægrum apoplectice ferit.

Mollis pulsus, qui in initio aderat, facta venæ sectione non raro plenior atque durior evadit; quoniam pulsus ob validam pulmonis inflammationem suppressus, infarctu hujus visceris inflammatorio a sanguinis evacuatione imminuto, magis evolvitur, atque eas vires acquirit, quæ vehementiæ inflammatoriæ febris respondet; ut igitur ex pulsuum in peripneumonico homine mollicie de magnitudine inflammationis recte judicium feras.

Pessimum signum est in his ægris respiratio solo abdomine peracta, atque sermo parvis crebrisque inspirationibus interruptus, dum interim de sensu oppressionis in pectore interrogati, se libere omnino respirare profitentur. Affectum encephalon id significat, ut ægri vel maxima respirationis impedimenta haud sentiant.

Prava metastasis phlogisticae lymphæ repente nonnunquam in iis est facta, quibus morbus negligebatur, quive aliquam salutis spem jam conceperunt. Eam autem actu fieri augurabamur, si cui thorace inflammato, neque pessime habenti, & diligenter curato ex improvise spiritus difficillime, celerrimeque, atque non nisi erecto, aut inter sedendum, antrorsum inclinato corpore, trahi cœpit^a, cum pulsuum tenuissimorum celeritate & frigore extremorum, & facie Hippocratica; pereunt haud multo post a *spurio hoc empyremate* suffocati. Servari forte tales possint paracentesi thoracis mox instituta, & lymphæ, priusquam in coagulum abiret,educta. a)

a) Stoll. rat. med. P. III. p. 54.

Sæpe ægri pulmonum inflammationibus detenti magnam copiam puriformis materiæ ex-

exspuunt, quin signa orituræ vomicæ præces-
ferint, atque tali exscreatione per septima-
nas etiam continuata, sensim sine sensu spu-
ta minuuntur, & ægri, qui pro phthysicis ha-
bebantur, pristinam sanitatem adquirunt. Hæc
materies lymphæ erat phlogistica, quæ sub pu-
ris specie imposuit.

Raro phthysin sanari funesta utique &
quotidiana experientia comprobatur. At il-
la præcipue phthysis omnium difficillime cu-
ratur, quæ ex hæmophthysi, vel peripneu-
monia, vel pleuritide suppurata orta est. —
Maxima enim difficultas ab inflammatione
partium abscessui vicinarum nascitur. „ Qui
enim hæmophthysi aut laborarunt aut adhuc
laborant, purulenta sputant sanguine sub-
inde tincta: per intervalla auctum late-
ris dolorem queruntur, omniaque illa sig-
na monstrant, quæ latentem & chroni-
cam pulmonum inflammationem indicant. —
Phthysicos ex hoc hæmophthysinatæ, vel cum
eodem junctæ ideam exactam habebit, qui
continuum, & chronicam pulmonum inflam-
mationem concipiet, vel chronicam quamdam
peripneumoniam cum sputo cruento ob vasa
pulmonum debiliora solito largiori, ubi pars
quædam inflammata in suppurationem transit,

re-

reliqua reliqui pulmonis inflammatione cruda persistente. „ a)

a) Stoll. l. c. P. I. p. 204.

Hinc etiam empyema post peripneumoniā lethale; nil enim ex pure etiam emissō expectes, cum pulmo interim suppuratoria labe conficitur.

Difficilis diagnosi peripneumonix in illis hominibus, qui aut ob naturalem, aut vi morbi inductam inscitiam, atque insensibilitatem, de pectoris oppressione nil conqueruntur, quod infantibus, & mente captis accidit.

Ex hac ratione medicus summa & oculorum & mentis acie respirationem in ægro examinet, ita enim vel maxime latentes inflammationes detegere poterit.

Cum sæpe admodum difficilis diagnosi empyematis sit, oportet omnia signa conferre, quibus certior fieri potest medicus. Multum nos sæpe juvabat in schola clinica *thoracis percussio*, quod signum ab clarissimo vindobonensi medico *Auenbrugger* commendatur; at non solum, sed cum toto morbi decursu collectum, pus collectum esse significat. Si enim thorax percussus non resonat, id tantum scimus pulmonem illius lateris aëris recipiendi in.

incapacem esse, deletas esse vesiculas pulmonales; modum vero quo id fit, materiam quæ hanc vesicularum compressionem facit, ut aër recipi nequeat, percussio non docet. Neutiquam tamen spernendum hoc signum, cum omnia alia signa subinde ambigua sint, ut hoc etiam accedente certa evadant; dein percussio docebit, quonam in cavo morbus hæreat.

Raro anatomicis ea felicitas contingit. ut pulmones fecent pleuræ non accretos. Puto id ob frequenter prægressos morbos thoracis fieri, cum sciamus, eos ut plurimum, si leviores sint, negligi, aut perversa medendi methodo omnino exacerbari. Hinc in illis pseudomembranis varia sæpe strata dignoscimus, ut inde ad prægressas olim diversis temporibus inflammationes concludere valeamus.

PLEURITIS LATENS CHRONICA.

Non tantum *acutas*, sed etiam *chronicas*, *latentesque inflammationes* dari in primo Volumine horum commentariorum animadversum est. a) Accidit id omnibus visceribus, præcipue autem pulmonibus. Omnium maxime *Baglivius* b) medicus de latentibus harum inflammation-

flammationum insidiis medicos perattentos fecit: consistit autem hic morbus in minutissimis doloribus pungentibus in unico tantum pectoris loco, digiti acumine nunquam majorem ambitum complectente, febre notabili aliisque vehementibus symptomatibus non associatus, a pluribus eodem laborantibus fere penitus negligitur, plerumque vero, licet mitissimam speciem præferat, vomitam, pes-simarum sequelarum scatebram, progignit. Si simul constans, etsi levior thoracis oppressio adfit, *pleuroperipneumonia latens* adest.

a) Commentar. T. I. p. 123.

b) Bagliv. oper.

Signa pleuritidis latentis.

Detegitur hæc occulta pleuritis aut peripneumonia:

1.) Aegri vix febrere a semetipsis, aut etiam ab medico observantur. Tussicula, sputa pauca, cocta, mucosa. Oppressio pectoris non nisi in motu corporis; appetitus viger, lingua modicissime albescens, sitis nulla.

2.)

- 2.) Si æger modo in hoc, modo in alterum latus se convertere jubeatur, atque attendere num quilibet decubitus æque ipsi facilis sit; num fors uni lateri incumbens tussitare debeat; num angustiores ipsi, difficilioresque fieri spiritum in hoc potius situ, quam in alio experiatur.
- 3.) Aeger jubeatur fortius inspirare, exploreturque, num is inter respirandum aliquid in pectore incommodi, aliquem dolorem punctorium, ardorem pressionemque sentiat.
- 4.) Data opera validius aliquoties in vario corporis positu tussitet, & attendat, num quid molesti, pungentis, ardentis, prementisque doloris sentiat.
- 5.) Status ægri prægressus diligenter examinetur; sunt enim morbi, qui hæc pleuritides occultas, & peripneumonias sæpissime post se relinquunt.

Causæ pleuritidis latentis.

Præter generales inflammationum causas, quæ minori vehementia corpori applicatæ chronicam & latentem pleuritidem valent producere, aliæ singulares dantur, quibus præ-

gres-

gressis pulmo eo certius hac subdola inflammatione affligitur.

1.) Inter eas causas primo ipse morbus pleuriticus non perfecte solutus numerandus est. Post veram enim, & essentialem pleuritidem restat nonnunquam aliquid in thorace incommodi. Nulla interim febris adest, & perfecta adesse sanitas videtur, si exiguum istud molestæ sensationis excipias, ob quam, postquam reconvaluerint jam ex morbo, data quæcunque occasione, relapsus denuo in peripneumoniam aut pleuritidem fit; nam leve hoc post pleuritidem incommodum rarius ab adhæSIONIBUS novis pulmonum cum pleura, frequentissime vero a superstite exigua phlogosi particulam pulmonis pertinacius occupante deduci posse videtur. Hinc ejusmodi ægri, etsi a morbo restituti, perpetuum tamen novarum pleuritidum fomitem intra thoracem foveant. Post rheumatismos febriles ac inflammatorios, post pleuritides ac peripneumonias rheumaticas idem accidit.

2.) Alia frequens pleuritidis latentis causa *catarrhus* est. Sunt qui prægresso catarrho per multas septimanas, quin & menses levi alterutrius lateris dolore, ardore quodam, licet exiguo, sputis non purulentis, sed puriformi-

mibus, coctisque vexantur, quin præterea decumbunt.

3.) Qui pulmones *tuberculis* obfitos habent, si quacunque ex occasione incaluerint, vino, motu, sole, atque circuitum humorum incitarint, his sæpe unum alterumve tuberculum inflammatur, quin propterea febre universali totumque corpus prehendente corripiantur.

4.) Peculiaris corporis dispositio est, quæ chronicæ thoracis inflammationibus plurimum favet, atque a *Stollio*, & ab *Huxbamo* a) inter causas frequentiores pleuritidis chronicæ relata est. Huc etiam illa dispositio corporis pertinet, quæ a præcoci corporis incremento, quod in rachiticis sæpe observatur, originem ducit. b)

a) Commentar. Vol. I. 123.

b) Stoll. Prælect. p. 19.

Qui hac dispositione multati ex quacunque causa humorum motum excitante, & ad pulmones præcipue urgente in hanc latentem pleuritidem incidunt, ex tabe tandem per-eunt. Cruda enim iis longissimo tempore inflammatio perstat absque aliquo consueto inflammationum aliarum exitu. Tandem sputa cocta, non purulenta, sed puriformia, sanguine

guine nonnunquam permixta prodire incipiunt, copiosaque, quæ pectoris oppressiōnem, doloremque pūctorium minuunt. Verum cum ea magna quantitate, & diuturno tempore evacuentur, æger emaciatur, contabescit, moritur, quin unquam vere purulenti quid deprehensum fuerit. a)

a) Stoll. Rat. med. P. I. p. 117.

Cura pleuritidis & peripneumoniæ latentis.

Cura chronicæ hujus inflammationis consistit in methodo antiphlogistica, at non in generosa, sed refracto ejusdem usu morbi longæ durationi, atque ægri viribus respondente. Profunt itaque parcæ, sed iteratæ sanguinis missiones; sanguis ferme semper crustam pleuriticam exhibet. Profunt emollientia, mucilaginosa, præcipue autem decoctum Salab, quod longiori etiam sub usu vires digestionis non labefactat. Omnium maxime autem convenit antiphlogistica vivendi ratio, quæ ferme semper hos ægros relevat, in multosque annos conservat. In cadaveribus illorum, qui ex tali phthysi perierunt, & vomicæ, & partium his abscessibus vicinarum cruda inflammatio reperta sunt; ut itaque his extirpiciis, & ex antiphlogistica medela
sa.

fatis pateat, morbum hunc ad chronicas & latentes inflammationes pertinere.

Hinc patet, quare tanta sæpe strages, a catarrhis neglectis sequatur, dum latens illa inflammatio aut non cognita, aut remediis roborantibus, adstringentibus tractata in phthisin immedicabilem transit.

Si labes hæc hæreditario modo in proles transfertur, unica ferme salus in antiphlogistico regimine habetur, vitando scilicet omne genus stimulantium, atque humorum circuitum incitantium, seu alimentorum, seu remediorum, aut validioris corporis exercitii.

Observatum est sæpius, ejusmodi ægri plurimum levari, imo etiam sanatos esse, si arthritis, podagra regularis, aut hæmorrhoidum fluxus accesserit. Solet id tunc fieri si materia arthritica, quæ sanguinem inflammabat, ad alias partes derivatur, aut fluxu hæmorrhoidum e corpore eliminatur.

Nocent in hoc genere phthysicos remedia tonica, lichen islandicus, &c. materiam expectorandam supprimunt, & pectoris incommoda augment. Balsamica, cortex, equitatio hanc phthysicos speciem brevi morbiferam efficiunt. Quando autem his remediis locus sit, tunc dicetur, cum de phthysi sermo erit.

Pleur-

PLEURITIS SICCA.

Pleuritis morbus pectoris est & frequentissimus, & inter eos recensendus, qui cætervatim subinde sæpius grassantur, atque haud exiguam stragem edunt. Signa, quibus periculosus hic morbus ab aliis inflammationibus distinguitur, hæc sunt:

1.) Febris acuta continua.

2.) Pulsus duris. Subinde tamen fictitie debilis, mollis est, tunc præsertim, si ægri ob auctum ab inspiratione dolorem spiritum diutius cohibent.

3.) Dolor acutus, punctorius; non enim omnis dolor laterum pleuritis est, subinde enim solum rheuma vagum musculos intercostales occupat. Dolor is vehementer augeatur dilatato per inspirationem thorace, distractis nempe partibus inflammatis; ob eandem quoque causam lenior erit dolor inter expirandum, vel dum ægri animam retinent. Respiratio autem tunc ad vitam necessaria, immoto ferme thorace, solo abdomine peragitur subinde, at non semper tussis sicca adest, quæ autem, ob validissimum dolorem, quem excitat, mox intercipitur.

Prima pleuritidis divisio.

Ubi per tussim sputa educuntur, qualiacunque hæc fuerint, vocatur *Pleuritis humida*, si vero sicca & inanis tussis ægros vexet, siccat dicitur; indeque habetur prima, & maxime obvia pleuritidis distinctio. Cum autem monuerit Galenus, a) in pleuriticis & peripneumonicis affectibus, illam excretionem, quæ per spatu fit, similem esse urinarum sedimentis, quæ cruditatem vel coctionem in morbis acutis designant, adeoque dixerit, siccam absque ullo sputo tussim idem significare, ac urinam aquosam, quæ crudissima, & pessimi ominis merito habetur, patet, multum ad prognosin facere distinctionem pleuritidis in humidam & siccam. Ab omnibus enim damnatur pleuritis sicca, tanquam periculosa, & molestissima curatu; & concoctu difficilis, quæ vel celeriter hominem rapit, vel non nisi longo tempore solvitur.

a) Galenus de crisi- bus. L. I. c. 18.

Differentia itaque pleuritidis siccæ ab humida, seu inflammatione bronchiorum in eo consistit, quod hæc tussim sibi junctam habet, qua sputa plerumque sanguinolenta educuntur,

tur, in priori vero vix aliqua tussis, eaque sicca adest.

Sedes Pleuritidis.

Alia disputatio est de sede morbi. Aliqui enim pleuram affectam esse contendunt, alii vero solos pulmones pleuritidis sedem esse affirmant. Quid in utraque opinione verum sit, huc forte redit:

1.) In pleuritide sicca pleuram & inflammata, & suppurata, & gangrænosam inventam fuisse, accuratis utique anatomicorum observationibus constat.

3.) Attamen id etiam verum est, eas pleuritides, quarum sedes in sola pleura est, rarissimas esse. Nam *Hallerus* exempla refert pleuritide mortuorum, qui dissecti sanissimam pleuram, & pulmonam alterutrum inflammatum exhibuerunt. *Servius* asserit Romæ ultra trecentum pleuritide defunctorum cadavera dissecta, quorum omnium inflammati pulmones fuere. *Morgagni* sectiones cadaverum a *Valsalva* institutas recenset, ubi in 26 cadaveribus hominum ex pleuritide mortuorum pulmones inflammati reperti absque ulla pleuræ læsione sunt. Res quidem capti paulo diffi-

cilior est, quomodo pulmo ferme indolens, & paucis nervis præditus tam acute dolere possit. Sunt qui in pleuritide membranam pulmones vestientem potius, quam inferiorem ejus substantiam inflammata, indeque tam acutos oriri dolores credunt; e contrario vero in sola peripneumonia interiora pulmonum magis inflammata arbitrantur, ut idcirco unum idemque viscus tam in pleuritide, quam peripneumonia, sed diversæ ejus visceris portiones affectæ existimantur; non negandum tamen est, tam in peripneumonia, quam in pleuritide pleuram subinde affectam inflammatione reperiri, quod ob membranarum vicinitatem capi haud difficulter potest.

3.) Cum raræ admodum sint illæ pleuritides, in quibus inflammatio pulmonum non simul adfit, aut superveniat, plurimi medici nullam pleuritidem siccam inter & peripneumoniam distinctionem statuerunt. *Sydenhamus* a) tantam affinitatem inter pleuritidem & peripneumoniam agnovit, ut expensis omnibus pleuritidis phænomenis concluderet: „ morbum illum nihil aliud esse: quam febrem a propria & peculiari sanguinis inflammatione ortam, qua natura materiem peccantem

tem

tem in pleuram deponit; nonnunquam & in pulmones, unde peripneumonia suboritur; quam a priore gradu tantum, & pro majore ejusdem causæ intensiōe, extensūque latiori differe autumat. „ Eadem etiam *Pringlii* a) opinio est; atque ipse *Stollus* c), de sede pleuritidis dubius hærebat: „ quorsum referre causam doloris punctorii oporteat in pleuriticis vel pleuoperipneumoniacis necdum videtur exacte constare. Id solummodo certum per observationes est, pleuram ea ratione absolvi posse, ut dolor ab ejus inflammatione, utpote quæ sæpius abest, non semper repeti debeat, quamvis si revera phlogosi teneatur, ea sic affecta citra acuti doloris sensum respiratorio thoracis motu distrahi nequeat. Fors non inepte doloris causam ex arctis illis pulmonum cum pleura nexibus moltoties explicare possumus, cum pulmo turgens, seque ipso durior majorque factus, versus alterum thoracis latus prominet, aut, ut phrasi Hippocratica utar, ad *latus prolabitur*, quod certe fieri nequit, quin simul nexus hi urgeantur, ac distrahantur, & pleuram sollicitent. „

a) Sydenham. op. Sect. VI. cap. 3.

b) Bringle Beobachtung über die Krankheiten einer Armee. §. 168.

c) Stoll. rat. med. P. I. p. 153.

Aliæ Pleuritidis divisiones.

Reperiuntur dolores laterum cum febre, qui respirationis liberam actionem utcumque lædunt, neque tamen adeo periculosum exitum habent. Hinc illa distinctio pleuritidis in *veram* & *spuriam* nata fuit. *Vera* est, si ipsa pleura vel partes huic proximæ inflammatae sunt; *spuria* autem, si superiores his partes, & integumentis externis magis vicinæ laborant. Diversum discrimen in utraque pleuritidis specie imprimis inde patet, quod eo magis impediatur vitalis inspiratio, quo magis versus interiora hæserit malum; & suppuratio natam inflammationem sequens extrorsum tendat potius, si in exterioribus partibus morbus fuerit, & contra versus pectoris cavum ruat, si profundius malum hæserit. Pulchre hæc notavit *Calenus* a), signaque recensuit, quibus bini hi morbi adeo affines distingui possent. Postquam enim de pleuritide dixerat, sequentia subjicit: *Sunt vero alii laterum dolores cum febris, per quas*
æ-

necessario densa & parva respiratio fit; nihil autem exspuitur, ut ideo sputis expertibus pleuritibus similes fiant; verum facile ab illis discernuntur; tum quod nulla sit tussis, cum sputi expertes (pleuritides.) siccam tussim habeant, tum quod neque tensionem, neque duritiem ullam referat pulsus, neque adeo acuta febre laborent, & respirationis difficultas minus illos molestat; nonnulli etiam, prementibus nobis extrinsecus locum inflammatum, dolent. Illis repurgatio non sit per sputa, quia ab initio nihil humoris inflammationem excitantis ad thoracis spatium pervenit. Concocta vero inflammatione, nisi prius discutatur, ad cutim attolitur, & secatur.

a) Galenus de locis affectis. L. V. c. 3.

Alia iterum divisio pleuritidis est in idiopathicam, & symptomaticam. Idiopathica dicitur, quando pleuritidis causa a primis ipsius morbi initio adfuerit; symptomatica autem quæ in decursu cujuslibet febris, vel in ipsa putrida febre observatur. Uti enim e. g. parotis, ita & peripneumonia, pleuritis, fero quandoquo nascitur. Frequens morbus est, & quasi prava crisis, & metastatica prioris febris; hinc tanti momenti est bene spirare in morbis acutis.

Cau.

Causæ prædisponentes pleuritidis.

Docuerunt observata fidelia, non omnem ætatem & temperiem æque huic morbo obnoxiam esse, imo & varium anni tempus, ærisque vicissitudines, considerationem hic mereri, de quibus nunc agendum erit.

Pleuritis morbus inflammatorius est, adeoque maxime metuendus illis, qui sponte in hos morbos vergunt. Tales autem sunt, quibus vasa robusta & contracta, humores densi sunt, acriores, & celerius moti. Pulsus his hominibus majores & crebriores esse solent, corpus gracile, agile, robustum, calidum. Adultos hinc potius invadit, quam juniores, in quibus solidorum laxior compages, & fluidorum minor densitas reperitur; unde & *Hippocrates* monuerat, pleuritidem & peripneumoniā ante pubertatem non fieri: interim tamen quandoque licet rarius & junioribus hic morbus contingit. Ob eandem rationem notaverat *Aurelianus* a), maribus frequentiore quam foeminis esse hunc morbum: testatur autem *Trillerus* b), foeminas pejus affici quam viros, si hoc morbo corripiantur, licet hoc rarius contingat. Valide enim tunc videntur fuisse causæ, quæ in corpore foeminino, minus ad hunc morbum prædispositio, pleuritidem

ex-

excitare potuerunt. Monuerat autem Hippocrates c) sequentia: *In morbis minus periclitantur, quorum naturæ, ætati, habitui, & anni tempestatì morbus magis familiaris fuerit, quam quibus in horum aliquo non familiaris sit.* Et Galenus d) in commentariis in hunc textum optime notavit, periculi magnitudinem tunc non pendere ab ipsa constitutione corporis ægrotantis, sed a vehementia causæ, quæ morbum produxerat. Possunt facile conciliari modo dicta, cum illis observationibus, quæ videntur probare, peripneumoniam pueris & fœminis, & laxis hominibus rarius contingere, atque facile, & fere sponte, sanari, quatenus nempe ipsa fluidorum & solidorum dispositio naturalis in his hominibus minus favet huic morbo. Interim tamen ubi causæ procatarcticæ tanta efficacia est, ut in minus prædispositis talibus corporibus validam tamen pleuritidem excitare possit, non repugnat, periculosum morbum esse posse quandoque, licet tamen in duro & exercitato corpore ab eadem causa pejor adhuc nasceretur morbus, & a leviori etiam causa in tali corpore excitaretur.

a) Acutor. morbor. lib. II. Cap. XIII. p. III.

b) De pleuritide p. 4.

c)

c) Aphor. 34: Sect. 2. Charter. Tom. IX. p. 75.

d) Ibidem p. 76.

Observavit Sydenhamus a), quod hic morbus temperamento sanguineo præditos præ reliquis aggreditur, sæpe etiam rusticos & duro jam fractos membra labore. Densus autem illis & exercitatis corporibus imprimis perniciosum esse hunc morbum, jam monuerat Hippocrates. b) Et in macilentis & siccis corporibus frequentius se hunc morbum observasse, quam in obesius & humidis, testatur Trillerus. c) Rigida enim in his vasa, & humores densi observantur. Ob hanc causam Aretæus d) credidisse videtur, senes imprimis pleuritidi obnoxios esse, sed & sæpius evadere cum valida phlegmone in senili ætate raro excitetur. Contrariam vero de juvenibus, & in flore ætatis constitutis hominibus, dixit, nempe, minus frequenter hoc morbo affici, sed & raries emergere, quia majori impetu in talibus fuere solet pleuritis. Solidarum autem partium firmum robur huic morbo favere, colligi etiam potest ex illis, quæ apud Hippocratem in libro de aere, locis & aquis e) habentur. Notat enim, homines, qui incolunt urbes septentrioni oppositas,

robusta & sicca habere corpora, sed & pleuritidi obnoxios vivere; contra vero illos, qui civitates austro oppositas habitant, imbecilliora, ἀτονωτέρα plerumque corpora habere, sed & raro pleuritide corripiti. f)

a) Sect. IV. Cap. III. p. 333.

b) Coac. Prænot. N. 398. Charter. Tom. VIII. p. 875.

c) De pleuritide p. 3.

d) De caus. & sign. morb. acut. lib. I, Cap. X.

e) Chart. Tom. VI. p. 191.

f) Ibid. p. 190.

Cibos potusque vel acri sua indole, vel & sola copia nimia, febres excitare posse, antea vidimus; adeoque patet, lautius potos & pastos, si simul in morbos inflammatorios ex propria temperie & ætate proni fuerint, facillime in pleuritidem incidere. Unde & copiosam vini ingurgitationem pro causa pleuritidis habuit Hippocrates, a) Longe peior adhuc spirituum fermentatorum abusus, cum & ab his liquidis coagulum inducatur, & solidæ corporis partes corrugentur; ideoque frequentissimæ & acerrimæ pleuritides illis accidere solent, *qui potui spirituosiori, præsertim*
vi-

vini spiritui, plus justo per vitam sunt assueti, uti observavit *Trillerus*. b) Sæpe tertio vel quarto die jam lethales pleuritides in ebriosis hominibus vidit *Swietenius*.

a) Hippocr. de morb. L. I. Cap. II. Charter. Tom. VII. p. 546.

b) De pleuritide p. 4.

Acidum raro eructantes. Monnit in aphorismis *Hippocrates* sequentia: Qui *acidum eructant, raro pleuritici sunt*. Ubi autem de morbis spontaneis ex acido humore agebatur, constitit, boni sanguinis inopiam, debilitatem fibrosæ compagis vasorum & viscerum, atque defectum animalis motus merito inter causas acidæ acrimoniæ numerari. Verum patet ex ante dictis, talia corpora minime ad morbos inflammatorios disposita esse: unde intelligitur facile ratio hujus Aphorismi. Postquam autem *Helmontius* b) statuerat, hostile acidum, pleuræ tanquam spinam, infixum pleuritidem facere, longe aliam hujus Aphorismi explicationem dederunt medici, qui hanc opinionem tuebantur. Putabant enim ideo sæpius hoc morbo affligi illos, quia acidum sanguini mistum, morbo huic originem dabat

Quam

Quam vana autem hæc sit opinio, ex causis pleuritidis postea recensendis, uti & ex tota hujus morbi historia, satis patebit.

a) Sect. VI. Nro. 33. Charter T. IX. p. 179.

b) In Capitulo Pleura furens. Nro. 13. p. 319.

In morbos inflammatione vergentes. Hoc autem cognoscitur ex corporis habitu, & morbis prægressis.

Verno tempore: Pleuritis quidem omnî anni tempore a causis postea enumerandis nasci potest; verum quando Epidemicorum in morem regnat pleuritis, tunc potissimum verno tempore aggreditur; imprimis autem illa parte anni, quæ *inter ver atque æstatem ambigens*, *utriusque quasi fibula est*, uti Sydenhamus a) monuit; quod & propriis Epidemicarum constitutionum observatis confirmatum vidi.

a) Sect. V. Cap. V. & Sect. VI, Cap. III. pag. 306. 330.

Aut hyberno in acerimæ frigido vento. Per frigus adunari sanguinis moleculas, adeoque causam obstructionis in arteriarum angustiis nasci, antea demonstratum fuit. Si jam
fri-

frigidus ventus magna vi aërem gelidum in pulmonem impellat, qui pleuræ contiguus est, simulque totum corpus undique afflet, loca intercostalia ab utraque parte tam interiori, quam exteriori exponuntur agri frigori. Imprimis autem pleuritidis periculum tunc adest, dum ex calidis hypocaustis in aërem frigidissimum, non satis tecto vestibus corpore, prodeant incauti homines.

Ideo *Hippocrates* dixit, hyeme pleuritides & peripneumonias fieri maxime, & quidem vehementissimas a); & *Aretæus* b) similia monuit.

a) De affectionibus Cap. III. Charter Tom. VII. pag. 621.

b) De causis & signis morborum acutor. L. I. Cap. X. p. 9.

Quinam homines pleuritidi maxime sint obnoxii, sequentibus aphorismis *Trillerus* a) comprehendit:

„Pleuritis in omne hominum genus impune sævit sine distinctione.„

„Plus tamen mares infestat, quam fœminas, adnotante quoque *Cælio Aureliano*. „

„ Ex illis juvenes magis & statura ætate viros, quam senes. „

„ Ex his rursus macilentos & ficos magis, ob vasa nempe sanguifera ampliora, quam obesos & humidos, propter vasa angustiora & depressiora. „

„ Minus vero, qui acidum ructant, quia nempe habent vasa debilia, sanguinemque tenuem, fluidum, nec facilem inflammari. „

„ Omnium minime infantes, ob nimiam, ut videtur, corporis tenelli, fluxi & perspirabilis laxitatem, acute observante *Aretæo*. „

„ Vidi tamen puellam IX. annorum a sæva pleuritide subito raptam, quæ forsan tamen servari potuisset, nisi parentes crudeliter misericordes opportunam sanguinis missionem; præter rationem nimium reformidascent. „

„ Frequentissime contra in eos acrius sævit pleuritis, qui duro atque impuro victui, in fructibus legumiosis, carnibusque & piscibus salitis & fumo induratis, potuique spirituosiori, præsertim vini spiritui, plus justo per vitam sunt adsuæti. „

„ Hinc venatores, milites, olitores, rusticos, cursores, aurigas, equifones & id genus ex ima cavea alios, sæpenumero pleu-
ri.

riticos fieri, certa fidaque experientiae constat.,

„Fœminas autem ubi corripit dirum hoc malum, tum majores plerumque tragœdias excitat, quam in viris. „

„Dextrum ut plurimum latus obsidet, & tum benignior est. „

„Sinistrum vero rarius adôritur, ubi autem contingit, tum in atrocius discrimen adducuntur ægroti, & morbus diutius durat, contrarium licet statuentibus *Ruso*, *Rase*, atque *Avicenna*.

a) Trillerus de pleuritide.

Causæ excitantes pleuritidis.

Causæ singulares, quibus inflammatio ad latera urgetur, hæ potissimum sunt:

Hæreditaria subinde datur dispositio, ut ægri in hoc vel illo viscere frequentius inflammationibus corripiantur; quod sæpissime de thoracis etiam inflammatione observatur.

Pleuritidem male solutam homines ad novas demum thoracis inflammationes disponere, supra jam adnotatum est. Natura epidemici morbi prædominantis. Quamvis pleuritis

tis sæpe ortum ducata causis manifestis, aëre v. g. frigido corpus a valido motu æstuans afflante, tamen observatio fidelis docuit, nasci & pleuritides, multosque homines affligere eodem tempore, licet nulla causa noscatur, cui morbi origo tribui possit. Verum quidem est, communem pluribus afflictionem, aliaque suadere, latentem talem causam in aëre hære: interim tamen nemo facile determinabit indolem illius noxiæ, quod morbos populariter grassantes afficiat, cum nulla mutatio qualitatum sensilium aëris detegatur, cui adscribi merito posset talis effectus. Mirabatur non sine ratione hoc *Sydenhamus*, quod febres tales epidemicæ nunc caput affligerent, alio tempore intestina, & dysenteriam facerent, alio iterum tempore pleuram potius & pulmones invaderent. Observavit tamen & rem magni in praxi medica momenti, quod nempe per mutationes qualitatem sensilium aëris epidemica constitutio deflecteret utcumque a pristina indole, quatenus nempe alia pars corporis affectaretur. Ita dum febris epidemica grassabatur, quæ caput invadebat, contigit, ut mense Octobri tota insolitus aëris tepor adesset, quem subito excipiebat frigida & humida tempestas; unde oriebantur

tusses integras familias affligentes. Verum tusses illæ feбри epidemicæ sternebant viam, ita tamen, ut febris nata post tussim non caput, sed pleuram & pulmonem nunc invaderet; & tamen in curatione similia requirebat auxilia, ac ante adhibita fuerant, dum caput peteret. a) Patet ergo & ad hanc pleuritidis causam in praxi attendendum esse.

a) Sect. V. Cap. V. p. 305.

Aer frigidus. Dum a valido labore æstant homines, vel & a calore foci multum incaluerunt, videmus totam cutem externam rubere, signo manifesto, sanguinem rubrum vasa multa ingressum esse, in quibus naturaliter esse non solet, dum corpus quiescit, vel in aëre non adeo calido versatur: error ergo loci tunc adest. Si ergo per aërem frigidum subito tunc constringuntur vasa, & advenitur magis liquidorum in valis hærentium molculæ, liquida crassiora in vasorum minorum angustias impulsa hærebunt, fiet obstructio, inflammatio, & quæ inde sequuntur mala. Pleuritides frequentes a tali causa natas observaverunt omnes practici; uti & arthritides, rheumatismos, & quidem difficillime curabiles.

Om.

Omniū autem maxime nocet aër frigidus per angustas rimas violente actus in nudatum corpus, quia tanto major est frigoris actio in corpus nostrum. Verum quidem est, aërem foliis celerrime expulsum in pulbum thermometri etiam satis sensibilis non efficere, ut liquor in thermometro descendat; sed per talem aëris motum diffatur aër, jam calefcens a vicinā corporis, & omni momento applicatur aër frigidus, & hinc augetur frigoris sensus & effectus. Hinc tot rustici, bajuli & similes homines talibus morbis pereunt, quod a valido labore æstuantēs nudo fere corpore quiescant, & gratam adeo auram frigidiusculam captent. Imo *Sydenhamus* a) putabat, plures homines ab hac causā perire, quam peste, gladio, & fame.

a) Sydenh. Sect. VI. Cap. I. p. 325.

Potus gelidus. Majus adhuc inde discrimen, quam ab aëre frigido. Certe nunquam pleuritides magis sævas & citius lethales vidi, quam a potu gelido affatim hausto, æstuantē corpore. In nobili juvene, pilæ lusu dum calefceret totus, potus gelidissimæ aquæ cum succo limonum intra trihorium lethalem

pleuritidem fecit. *Diemerbroeckius* a) observavit, hominem, qui media æstate fœno colligendo occupatus erat, & valde sudabat, illico pleuritidem intra paucos dies lethalem contraxisse, dum frigidam cerevisiam largo haustu biberet. Innumera talia apud practicos occurrant, quæ hoc confirmant; facile autem intelligitur ratio. Sanguis de sanissimi hominis vena incisa in aquam frigidam exstillans concrescit illico in strias fere solidas. Verum dum affatim gelidus potus ingurgitatur, œsophagus, in suo decursu truncis intercostalium arteriarum quarundam satis propinquus, eo repletur, dein totus ventriculus potu frigido distentus adjacenti diaphragmati, hepati, lieni &c. subitum & insolidum frigus communicat; cavæ ascendentis truncus, ingens sinus dexter cordis, tenui tendinosæ parti diaphragmatis incumbens, similiter afficiuntur, sanguis ibi collectus ad concretionem disponitur, qui paulo post per pulmonis angustias transire debebit. Non mirum ergo toties lethalem subito pleuritidem & peripneumoniam a tali causa nasci, uti & similia in visceribus ventriculo adjacentibus mala. Augetur periculum, quod per validos corporis motus, sudore excitato, liquidissima
san-

sanguinis pars diffolata fuerit, & quod aqua frigida similiaque non tam cito a calore corporis nostris incalescant, quam aër. Demonstravit enim *Celeberrimus Boerhaavius* b), eo citius calefcere ab eodem igne corpus, quo rarius est.

a) Anotom. L. II. Cap. XIII. p. 309.

b) Chemia Tom. I. p. 201.

Summo ergo jure *Lancifius* a) inter subitanæ mortis causas numeravit frigidi potus vel balnei usum, ex calefacto corpore.

Materia denique quæcunque acris in humorum massa oberrans, si ad thoracem deponitur, pleuritidem excitat. Sic in variolis observavit *Sydenhamus* a), licet confluentes vix unquam diem quartum præstolentur, sed citius erumpant, tamen quandoque acutissimum dolorem, nunc in regione lumborum, nunc in latere, *qualis pleuriticos vexat*, fieri & tunc variolas serius erumpere; morbi nempe materia, quæ superficiem corporis versus tendere debebat, aliis locis impacta, ut videtur. Inprimis autem talia symptomata tunc oriuntur, dum calido nimis regimine variolis decumbentes tractantur. In morbilis idem ob.

obtinet, sed ibi major peripneumonix metus est, uti *Sydenhamus* passim observavit.

a) Sydenh. Oper. Sect. III. Cap. II. p. 166.

Symptomata pleuritidis.

Sequitur jam descriptio pleuritidis per sua phaenomena, quæ paulo ante morbum incipientem, in ipsius morbi initio, & dein per reliquum morbi decursum observantur. Horum autem phaenomenorum cognitio simul diagnosin format. Propriis ex observatis hæc collegit *celeber, Boerhaavius*, & similia etiam inveniuntur apud *Sydenhamum* a). Appetitus quandoque validus præcedit, ita ut mirentur acriorem solito famen, nondum tunc aliquid mali percipientes. Paulo post incipiunt rigere, vires labescunt, & sequuntur omnia mala, quæ febrim incipientem comitari solent. Hactenus nullum adhuc signum pleuritidis adest. Verum postea dolor latus alterutrum occupat, quandoque dorsum, pectoris anterius, & omnia illa loca. Certum autem tempus, quo ille dolor memorata symptomata sequitur, non est: in quibusdam citius, in aliis serius apparet. Observavit Ill.

Swie-

Swietenius quandoque prima incipientis morbi hora dolorem satis acutum; & contra observavit pleuritides verno tempore anni 1729. ubi secundo die morbi dolor oriebatur, neque adeo acutus tamen, & interim omnes tales ægri admodum periclitabantur. Urina illa crassa, jumentorum dicta ab initio morbi aderat, pulsus incipiebat vacillare, paulo post sequebatur delirium, stertor in pectore, mors. Quamvis autem dolor ille, si acutissimus fuerit, magnum discrimen notet, & citam possit opem, tamen non confidendum est, licet in initio levior tantum dolor urgeat. Sic vidit pleuriticum, cui prima die morbi mitis tantum dolor aderat, qui tamen quarta die periit, cum omnibus signis natæ gangrænæ, licet efficax & prompta medela adhibita fuisset. Similes pleuritides videtur & *Hippocrates* b) observasse, pariter satis periculosas; dicit enim: *Quod si per initia molles quidam detinuerint dolores, post quintum vero & sextum diem acuti, illas ad duodecimum (diem) finiuntur, & non admodum effugiunt, periculum autem maximum est usque ad septimum (diem) imo ad duodecimum; post hoc autem sanantur. Quæ vero ab initio quidem molles sunt, post septimum autem & octavum acutæ;*
ad

ad decimum quartum diem decernunt, & sanantur. Similia & habentur in prænotionibus coacis. c)

a) Sydenham. oper. Sect. VI. Cap. III. p. 330.

b) Hippocrat. de morbis L. III. Cap. XV. Charter. Tom. VII. p. 590.

c) Id. Nrb. 387. Chart. Tom. VII. p. 873.

Dum autem ille dolor adest, respiratio valde læditur: debent enim in inspiratione costæ a se mutuo deduci, adeoque inflammatae illæ partes distrahuntur cum summo doloris augmento. Ob hanc causam miseri ægri vix inspirant, adeoque vix dilatant pulmonem, unde cor dextrum se libere evacuare nequit. Sanguis ergo a capite per venas jugulares redux, non poterit locum invenire in sinu & auricula dextris jam plenis; hinc interiora encephali a turgidis vasis compriuntur, ægri tales torpidi & hebetes fiunt, & minus dolorem sentiunt, pulmo sensim magis magisque impletur, & sæpe subito suffocantur, dum imperiti, ægri quærelis non moniti amplius, morbum mitescere credunt, cum summum adest periculum. Pulsus, qui antea velox, plenus & durus erat, jam incipit molli-

lis

lis & parvus fieri, imo & tardior quandoque, licet rarius, plerumque enim celeriter micat debilis talis pulsus. Videantur illa, ubi pluribus agebatur, quæ sequuntur impeditam pulmonis per aërem inspirantum dilatationem, in angina inflammatoria. Notandum enim est, quod pleuritici in morbi summo vigore non pereant ob inflammationem pleuræ, vel partium costis accumbentium vel incumbentium, sed ob respirationem impeditam repleto pulmone suffocentur.

Inde desinit in varios eventus &c. omnia, quæ de diverso exitu inflammationis dicta fuerunt ad numeros hic citatos, etiam in pleuritide locum habent; & statim videbimus, quomodo etiam diversa curatio adhiberi debeat; prout blanda resolutio inflammationis, suppuratio, gangræna &c. sequuntur.

Verum & natura loci, quam pleuritis occupat, attentionem meretur. Si enim exteriores pectori incumbentes partes affectæ fuerint tantum, minus discrimen est, & magis sperari poterit puris, si forte suppuratio sequatur, exitus versus exteriora; contrarium obtinet, ubi malum profundius reconditur. Præterea maximum periculum in pleuritide pendet inde, quod ob doloris acerbitatem libe-

libera inspiratio impediatur. Verum in physiologicis demonstratum est, quod, prima costa per subclavium musculum fixata, novem sequentes inspirationis tempore eleventur sursum, & vertantur extrorsum: ita tamen ut ille motus longe major observetur in mediis costarum arcubus, quam circa sternum, aut prope vertebrae. Ergo & pleuriticis occupans latera, ceteris paribus, maximum dolorem facit. Simul facile patet, pleuritidem eo pejorem esse, quo plura ex locis enumeratis occupat.

Prout impetus circulantis liquidi violentior. Quænam mala ex nimia velocitate motus circulatorii humorum fiant, patuit ex illis, quæ ad numeros in textu positos habentur. Verum & in historia inflammationis dictum fuit, nunquam benignam inflammationis resolutionem expectari posse, si motus humorum per vasa admodum citatus fuerit, sed tunc semper suppurationem, vel & gangrænam metuendam esse; quod ergo & in pleuritide, utpote morbo inflammatorio, verum erit.

Aut major malignitas ipsius morbi principis. Pleuritidis enim febrem acutam comitem habet; & hæc febris, ut modo dictum fuit, sæpe notabili tempore præcedit dolorem lateris.

ris. Morbi principis ergo nomine intelligitur hic febris acuta continua, pleuritidem veram comitans semper, præcedens sæpe.

Hæc autem febris non semper similis est in diversis constitutionibus epidemicis, uti optime *Sydenhamus* passim in suis operibus monuit; & speciatim in pleuritide hoc notandum esse sedulo docuit. a) Prout ergo hæc febris plures functiones lædit, prout vires citius prostermit, prout pejoribus stipatur symptomatibus, eo periculosior erit pleuritis. De illis autem signis, quibus major minorve malignitas febris acutæ continuæ cognoscitur, dixit *Illust. van Swieten* ad §. 734.

Imprimis respirationis & pulsus vitia. Ab his enim vita pendet, unde & vitales actiones solent vocari. Verum hic morbus ex sua indole respirationem lædit, adeoque merito ejus magnitudo a majori minorive respirationis impedimento desumitur. Sed ut sanguis libere e venis pellatur in cordis cava, & inde moveatur per arterias, requiritur in homine nato liber ex corde dextro in cor sinistrum sanguinis per pulmonem transitus, qui supponit alternam pulmonis expansionem & contractionem, quæ a vitali respiratione fit. Si ergo eo usque impedita sit respiratio in
pleu-

pleuritide, ut liber sanguinis per pulmonem transitus admodum minuat, pulsus fiet celer quidem, sed parvus simul; aucto malo, incipiet intermittere, & sæpe subita tunc mors sequitur. Unde *Galenus* a) dixit: *maximum sane indicium letalis pleuritidis est, si pulsus sit valde durus, & simul parvus, & ob ambobæ, caloremque, celeberrimus: nullus servatus est pleuriticus cum tali pulsu.*

a) *Galen. de prælag. ex pulsibus Lib. IV. cap. V. Chart. T. VIII. p. 299. 300.*

Ut & excretorum. Urinæ nempe, fœcumque alvinarum. Sed imprimis ad sputa hic attenditur, quæ plurimum docent de conditione morbi, prout nempe in salutem vel interitum tendit.

Exitus pleuritidis in sanitatem. Resolutio benigna.

Cum vera in pleuritide inflammatio obtineat, omnia requisita ad resolutionem inflammationis & hic locum habebunt. Cognoscimus autem illa requisita, quæ spem faciunt resolutionis, adesse, ex symptomatum benigni-

ni-

nitate. Si enim talis æger laxæ & humidæ temperiei sit, dolor lenis sit, respirationem non multum impediens, febris levis, non magna in pulsu durities, nulla symptomata sint, quæ functiones alias læsas demonstrent, excreta non recedant a naturali conditione, novimus, resolutione curatam iri hanc pleuritidem. Non est tunc opus venæ sectione, Imprimis larga, cum non exorbitet febrilis motus, sed talis sit, qui sufficiat subigendæ morbi causæ. Interim prudentia requirit, ut medicus in initio talis morbi ægrum sæpius ad-
eat, & omni cum cura exploret, an idem maneat morbi status, an vero augeatur dolor, & reliqua symptomata, tuncque alia curandi methodus institui debeat. Unde etiam prudenter *Galenus* monuit. a) *Si æger primo die habeat manifestissima salutis signa, huic omnino in primo quaternario finietur morbus. Utrum vero per crisin, vel solutionem, magnitudine & parvitate distinguitur. Magni enim morbi judicantur omnino; qui autem parvi, solvuntur solum.*

a) *Galenus* Lib. III. de crifibus Cap. IV. Chart. Tom. VIII. p. 433.

In tali casu optima medicina est, nullam medicinam facere, tenui tantum victu sustinere ægri vires, subministrare sanguini copiam diluentis & leviter attenuantis liquidi, fovere locum dolentem mollissimis remediis, ut vasa facile dilatabilia transmittant illud, quod hæret.

Evacuationes criticæ.

I. *Evacuationes sanguineæ.* Numerosa satis observata in morbis acutis inflammatoriis, uti & in pleuritide, docent, causam materialem morbi loco moveri quandoque, & alias partes corporis occupare sæpe satis subito. Sic aliquoties in pleuritide periculosa talem metastasin versus caput observavit *Swieten*, filente omnino lateris dolore, qui denuo recruduit, liberato capite. Verum videtur & contingere eandem illam causam materialem morbi, loco motam, per vasa aperta sponte natura in quibusdam locis corporis viam invenire. Ita *Aretæus* a) de pleuritide agens, postquam enumeravit illa quæ contingunt morbo in perniciem tendente, dicit: *At si in melius vergat, sanguinis e naribus eruptio cum impetu, tumque repente morbus solvitur.* Adstipulatur

tur etiam *Galenus*, postquam enim monuerat, phrenitidem quidem hæmorrhagia narium solvi, lethargum vero & peripneumoniam non gaudere hac evacuatione, addit sequentia. *Inter ipsas autem pleuritis medium locum obtinet: minus enim quam peripneumonia & lethargus profluvio sanguinis solvitur.* b) Verum optime monuit *Trillerus* c) plerumque servari pleuriticos naturæ beneficio, etiam neglecta sanguinis missione, si intra primum & quintum diem sanguis purpureus floridusque affatim de naribus profluat. Quod etiam aliquoties *Ill. van Swieten* observavit; vidit & serius hæmorrhagiam narium ortam, cum levamine quidem morbi, sed non cum perfecta solutione; ita ut morbus in longum excurreret postea, & multis aliis evacuationibus indigeret, antequam sanaretur.

a) *Aretæus* de causis & signis morb. acut. Lib. I. Cap. X. p. 9.

b) *Galenus* de crisi- bus Lib. III. Cap. III. Charter. Tom. VIII. p. 430.

c) *Triller* de pleuritide p. 7.

Idem videtur merito expectari posse a simili sanguinis evacuatione per vasa hæmorrhoi-

hoidalia, quod & *Trillerus* a) notavit, forte tamen non adeo frequenter contingit: saltem in plurimis, quos hoc morbo decumbentes tractavit Swiet. non novit unicum fuisse, cui morbi solutio per hæmorrhoidalem evacuationem contingit. Tamen veteres medici monuerunt, hæmorrhoides a pleuritide præservare, & a suppressis male hæmorrhoidibus pleuritidem quandoque fieri. Ita *Hippocrates* habet sequentia: b) *Qui hæmorrhoides habent, illi nec pleuritide, nec peripneumonia &c. corripiuntur.* Testatur & se vidisse *Galenus* c), a suppressis hæmorrhoidibus pleuritide correptos fuisse multos. Adeoque non sine ratione & ad hanc evacuationem in hoc morbo attendendum jubent summi in arte viri.

a) Triller de pleuritide l. c.

b) Hippocrates de humoribus textu XXVI. p. 576.

c) Galenus Comment. III. in lib. Hippoc. de alimento. Chart. Tom. VI. p. 271.

II. *Urina.* Monerat *Hippocrates* a) quod *urina subrubra in pleuriticis habens læve sedimentum, securam judicationem significat.*

Verum ibi videtur eam potius pro signo habuisse bonæ coctionis, quam quidem pro evacuatione-

evacuatione absoluta omnis materiæ morbosæ. Interim tamen, si copiosa fluat talis urina, & plurimum talis sedimenti habeat, cum levamine omnium malorum, certi sumus materiam morbi evacuari. Præcipue autem spem habemus morbi sic finiendi, si in initio hoc contingat, antequam per morbi longitudinem plura in corpore a sanitate recesserint. Si enim serius fiat, rarissime per solas urinas sanatur pleuritis. Vidit hoc *Illustris Swietenius* in pleuritico, cui sexto die morbi incredibilis copia urinæ profluerat non tantum cum facilitate, sed & cum oblectamento; & licet tantam copiam laudabilis sedimenti haberet urina emissa, levamen quidem fiebat insignis morbi, minime vero integra sanatio. Videantur & illa, quæ de tali urina dicta sunt, dum de peripneumonia agebatur.

a) Coac. prænot. N. 586. Chart. T. VIII. p. 887.

III. *Alvus*. Notavit & *Aretæus* a) salubrem quandoque in pleuritide esse per alvum factam evacuationem; imo videtur & satis fortem alvi perturbationem laudasse, cum utatur hac phrasi κοιλίης ἀρακδείσης χολωδων; uti etiam de peripneumonia, simile de eva-

cuatione sanata, agens b) utitur *εξτραγγελίο* vocabulo. *Hippocrates* autem, talibus utitur vocabulis, quæ moderatam & lenem tantum alvi evacuationem significant. Vidit Ill. *Swietenius* talem alvi evacuationem quandoque insigniter profuisse, etiam post quartum diem. Et videtur *Aretæus* c) hoc etiam notasse, nam addit modo dictis sequentia. *Si autem a secunda hebdomate hæc inchoantur, decimo quarto die sanantur.* Notandum vero est, quod in initio pleuritidis quandoque adsit fluxus alvi symptomaticus, noxius & sæpe periculosus, minime levans pleuritidis symptomata, unde *Aretæus* d) salutari futuræ evacuationi huic adjungit sequentia: *respiratio conquiescit: mens recte se habet, febres minuuntur, cibos appetunt.*

a) *Aretæus* de causis & signis morbor. acut. L. I. Cap. X. p. 9.

b) *Ibidem* L. II. p. 11.

c) *Ibidem* L. I. Cap. X. p. 4.

d) *Ibid.*

Hæc est ratio, quare talem diarrhæam symptomaticam initio morbi supervenientem, tanquam periculosam & plerumque, non tamen

men semper, lethalem damnaverit eruditissimus *Trillerus* a); sæpius vero salutarem fuisse in morbi progressu, mitigantijam sævioribus symptomatibus, & propriis & aliorum observatis confirmaverit.

a) *Triller de pleuritide* p. 5.

IV. *Abscessus*. De his in peripneumonia dictum est.

V. *Dolor lateris si transit ad humerum, manum, dorsum, cum stupore, dolore, gravitate illarum partium*. Docuerunt fideles observationes, in morbis acutis inflammatoriis morbi materiem aliquando locum mutare; eventus autem bonus creditur hujus metastasis, si ad talem partem corporis fiat, quam minori cum periculo occupare potest. Ita in phrenitidis historia notatum fuit, dolorem ad pectus, pedesque, vel & vehementem tussim supervenientem sæpe solvere malum; pluribus ex libris epidemicorum *Hippocratis* casibus hoc tunc demonstratum fuit. Sed & in *anginae* historia probatum fuit, causam materialem morbi locum mutare & in alias partes transire quam frequentissime. Verum tunc simul constitit, non semper felici eventu ta-

lem metastasin fieri, quamvis etiam materia morbi ad loca satis diffusa, & quæ minus periculosa videbantur, derivantur. Sola ergo sollicita observatio decursus morborum docere poterit, quænam morbi metastasis utilis sit, & versus quæ corporis loca tuto fieri possit.

Verum quidem est, in pleuritide magnum periculum imprimis ideo adesse, quod ob doloris acerbitem inspiratio impeditur, adeoque suffocationis metus sit; vel si mitior fuerit morbus, nec resolvendus tamen, suppuratio periculosa timeatur, ob empyematis metum. Adeoque multum boni sperandum foret, si materia morbi locum mutaret: atque ad hunc scopum videtur & *Hippocrates* a) curam dixisse, dum suadet in curatione pleuritidis siccæ, post venæ sectionem & alia remedia, latus affectum tegere *fomentis tepentibus extrinsecus admotis*, ut morbus per totum corpus dispergatur. Patuit tamen fidelibus observatis multum differre pro felici eventu versus quas partes hæc metastasis fiat. Ita *Hippocrates* b) dixit: metuendas esse illas pleuritides, in quibus dolores sursum vergunt. Similia his alio etiam in loco c) habet. Hæc & confirmantur illis, quæ de phrenitide symptomatice, a tali metastasi orta, notavit Ill. *Swietenius*.

- a) Hippocrat. de morb. Lib. I. Cap. XI. Chart. T. VIII. p. 547.
- b) Coac. praenot. 381. T. VIII. p. 873.
- c) Coac. praenot. Nro. 73. chart. T. VIII. p. 856.

Verum & observavit *Ill. Swietenius*, dolorem ex latere versus abdominis inferiorem partem ivisse, absque bono eventu, nam post duodecim horas denuo latus occupabat dolor, & quidem longe acerbior, quam antea. In robusto homine pleuritico, decima tertia die morbi, dum jam in melius vergere videbantur omnia, subito oriebatur dolor intensus in pede sinistro, absque ullo tumore, vel rubore, urina reddebatur tenuis, post aliquot horas delirabat, jacebat aphonus, moriebatur. E contra in alio viro, dum post binas venæ sectiones satis largas, fomenta calida nocte dieque applicata &c. jam mitigaretur admodum dolor pleuriticus, quarto die morbi oriebatur dolor validus circa pedis utriusque pollicem prope metatarsum; & statim dolor lateris & febris aberant omnino, & felicissime sanabatur. Notandum etiam, quod nullam unquam podagram antea passus fuerit ille æger, neque quantum novit, postea hoc morbo laboraverat. Quam dispar eventus a metastasi ad partes corporis inferiores!

Ubi

Ubi autem humerum, scapulas, dorsum dolor occupat cum levamine doloris pleuriticæ manifesto, læta prognosis est, & evadunt fere omnes, saltem non meminit *Swietenius*, se ullum vidisse pleuriticum, qui periit hoc morbo, dum illa metastasis ad has partes aderat. Quam rem & suis observationibus confirmat *Eruditiss. Trillerus* a). Forte notari meretur, quod illi dolores sæpius contingant sexto die morbi, saltem sic vidit relegendo, historias pleuritico-
rum, qui illius curæ commissi fuerunt; & apud *Trillerum* ex octo ægris, quibus illi dolores contigerunt, quinque perceperunt hanc morbi mutationem sexto die. Præterea non videtur illa metastasis morbum tollere, sed potius salutaris crisis esse nuncia.

a) Trillerus de pleuritide p. 5. Ex historiis aegrorum ibid. p. 69. 77.

Hippocrates videtur hæc symptomata, pleuriticis quandoque contingentia, observasse quidem, sed non monet, inde præsagium fere certum pro salute ægri desumi. Ita enim habet a): *Quod si dolor quidem ad claviculam sui det signum, vel ad brachium gravitas; aut*
cir-

*circa mammam, aut supra septum transversum, secare juvat internam, neque copiosam sanguinem detrabere cunctandum est, usque dum multo rubicundius, aut pro puro & rubicundo lividus fluat, utrumque enim contingit. Similiter & venæ sectionem commendat in hoc casu alio loco ejusdem libri b). Interim felicem curam vidit Ill. Swietenius, uti & Eru- diff. Trillerus suis observatis confirmat, licet nulla venæ sectio institueretur, postquam hi dolores aderant in humeris, scapulis, & dorso. Tamen & alter textus Hippocratis in eodem libro habetur c), qui videtur docere, quod aliquid boni a dolore circa claviculam in pleuritide expectaverit. Dicit enim: *At sectio (venæ) non similiter dolorem solvit, nisi dolor ad claviculam pertingat.**

a) Hippocrat. de acutor. victu, text. 10. Chart. T. XI. p. 41.

b) Ibidem. p. 159.

c) Ibidem textu 8. p. 41.

Forte in quibusdam epidemicis constitutionibus & aliæ metastasis salutares fiunt in pleuritide. Ita Baglivius a) in variis Italiæ Xenodochiis observasse se testatur, omnes pleu-

pleuriticos sanari, quibus interiora auris dolor occuparet, deinde abscessus fieret, & pus erumperet. Præsertim & Romæ, dum post rigidissimam brumam sævissime pleuritides grassarentur.

a) Baglivii Praxis med. L. I. cap. IX. p. 54.

VI. *Sputa*. *Aretæus* a) laudavit sputa in hoc morbo, si tertia die incipiant, & facile prodeant, levia, æqualia, humida, rotunda. Vidimus antea, quod ficas pleuritides habuerint omnium difficillimas antiqui, & quod veræ pleuritidi propriam hanc excretionem crederet *Hippocrates*, dum monet spuriam pleuritidem per sputa non expurgari. Licet autem *Sydenhamus* b) expectorationi materiæ morbosæ in pleuritide non credere videatur, sed per venæ sectionem potius curam aggredi voluerit, tamen, dum pleuritidis symptomata erant, c) fatetur, quod *febris cum funesto comitatu omni, tussi scilicet, sputo sanguinis, dolore &c. pro ratione liberioris materiæ morbificæ expectorationis, sensim minuantur*. Locum tamen affectum in hoc morbo plenam vel musculos intercostales statuit, de qua sede pleuritidis actum fuit.

a)

a) Aretaeus de morb. acut. Lib. I. cap. X. p. 9.

b) Sydenh. Op. Sect. VI. cap. III. p. 337.

c) ibidem p. 381.

Debet autem sputum esse liberale, satis magna copia excretum & facile; semper enim fere per tussim de superficie interna tracheæ aliquid muros abrasitur, verum hoc non minuit morbi causam. Illam autem minui novimus, si cum sputo prodeunte minuantur dolor & reliqua symptomata, adeoque manifestum levamen percipiant ægri. (Inde *Hippocrates* a) generalem hanc regulam posuit.) omnia sputa mala esse, quæ dolorem non sedant, omnium vero optima esse illa, quæ dolorem sedant.

a) In prognost. sentent. chart. T. VIII. p. 645.

Sine coryza. Si enim hæc adsit, ingens copia sputorum sæpe prodit, quæ sputa nihil faciunt ad materialem causam pleuritidis, sed tantum mucum catarrhosum evacuant. Videtur & *Hippocrates* simile quid indicare voluisse, ubi de sputis bonis & malis, quæ in morbis apparent, agit: a) subjungit enim sequentia: *Coryzas autem & sternutationem in*
om-

omnibus circa pulmonem morbis & præcessisse, & consequi, malum.

a) In prognost. sentent. 49. p. 653. & coac. prænot. Nro. 399. ibidem p. 875.

Mox puriforme, album statim, vel ante diem quartum. Pluribus egit *Ill. van Swieten* de his sputis, & conatus fuit rationem dare, quare puriformia dicantur, etsi alium colorem habuerint, quare in albedinem cito mutari debeant. Vidit sæpius album illud coctum puriforme sputum sanasse pleuritidem: imo in muliere jam quinto mense gravidam secundo pleuritidis die sputum illud aderat copiosum, omnia symptomata levabantur illico, & quarta die morbi jam sana fuit. Primo morbi die venæ sectio instituta erat, nec opus fuit illam repetere. Quod imprimis notandum, quia *Hippocrates* a) absolute lethalem in gravidis hunc morbum pronunciavit; & b) alibi omnem morbum acutum in gravidis lethalem dixit. Quamvis autem jure acerbam hanc prognosin limitaverit *Celsus* c) solummodo docens: *mulier quoque gravida acuto morbo facile consumitur*; tamen certum est, pleuritidem graviditatis tempore natam semper esse magis periculosam.

a)

- a) Hippocrates de morbis L. I. Cap. II. Chart. T. VII. p. 533.
 b) — Aphor. 30. Sect. V. Chart. T. IX. p. 213.
 c) — Lib. II. Cap. VI. p. 55.

Interim tamen non sola illa sputa alba cocta profunt, sed & flava illa cum paucio sanguine admisto. Vidit *Ill. Swietenius* & quandoque sputa tenacia, rubro sanguine colore tincta, æquabiliter cum levamine in initio hujus morbi excreta. *Galenus* a) explicans textum Hippocratis, satis certe difficilem, & ob brevitatem obscurum, quo vetat sanguinis missionem in illis, qui sanguinolentus exspuunt, si adsit pleuritis, dicit se vocatum fuisse ab ægro, qui credebat se hæmoptoicum esse, cum *sanguinolenta a latere spueret*; licet autem habitus & vires hujus ægroti tales essent, ut venam secuisset illi, si hæmoptysi laborasset, illud non fecisse, quia pleuritis mitis erat; additque, hunc ægrum aliis remediis congruis, absque venæ sectione, levatum fuisse: *mitissimæ enim pleuritides sunt, in quibus sanguinolentem spuitur*. Ideo Hippocrates maxime salutare illas pleuritides affirmavit, in quibus flava cum parco sanguine sputa prodirent, quas ideo *biliarias simul & san-*

sanguineas pleuritides vocavit, & ut plurimum nono vel undecimo die judicare dixit. Biliosa autem dicuntur hæc sputa a colore flavo, nam in *Prognostico*, & in *Coaca Prænotione* Nro. 390. idem illud sputum, quod paulo ante *biliosum* vocaverat, *flavum* appellat. *Duratus* c) autem in *Commentariis* ad hunc locum monet, se non sine mœrore aliquoties vidisse, sanguinis missione tunc instituta a medicis imprudentibus, suppressa hæc sputa fuisse lethali cum eventu. Idem & suis observatis confirmat *Baglivius*. d)

a) Galenus *Comment.* 3. in 5. *Epid. chart.* T. IX. p. 472.

b) In *coacis prænot.* Nro. 387. *chart.* Tom. VIII. p. 873.

c) In *coac.* Hipp. p. 252.

d) *Baglivii Praxis med.* Lib. I. cap. IX. p. 36.

Cura pleuritidis levioris.

Ubi ergo pleuritide laborantem accedit medicus, primo attendit, an morbus adeo benignus sit, & levis, ut blanda resolutio expectari possit. Symptomata levia, ægri laxa temperies (in duris enim & exercitatis cor-
po-

poribus talem morbi exitum vix sperare licet) hoc docebunt; si autem morbi major intensitas adsit, ita ut crura per simplicem resolutionem non sit expectanda, sed requiratur, coctio, & excretio materiæ morbosæ, tunc sollicitè indagandum, an artis auxiliis validis hic opus sit v. g. sanguinis missione larga, clysmatibus, aliisque, quæ nimium febris impetum moderari valent.

Deinde attendendum, an quædam phænomena morbi doceant, naturam moliri talem coctæ materiæ evacuationem, vel depositionem ad alia loca minus periculosa. Ubi hæc de re constat, cum observationes practicæ docuerint ab omni ævo, sic cito & tuto curari hunc morbum, facile patet, nihil esse mutandum, sed statum præsentem conservandum esse, quod fit sequentibus.

I. In omni morbo vitæ & viribus conservandis consulendum est, ad quem scopum cibi & potus serviunt. Verum hæc ingesta non restituunt illa, quæ per vitæ actiones perierant de corpore, nisi prius subacta, & mutata fuerint per vires corporis superstites. Cum ergo per morbum, etiam leviolem, langueat corpus, & multæ functiones minus prompte perficiantur, quam in sanitate, patet facile,

ta-

talía in victu subministranda esse, quæ sanis humoribus jam fere similia subigi possunt quam facillime. Pleuriticis *Hippocrates* a) ptisanæ hordeacæ cremorem dabat, chylo jam ferme similem, ut humectaret corpus simul, & aleret. Similia laudavit, ut & avenacea decocta *Trallianus* b), & generatim talia exhibenda jussit, quæ humectent, nec tamen refrigerent, aut calefaciant vehementer. Unde & simile moderamen aëris necessarium erit. Cum autem vigilæ turbent etiam corpus firmum & sanum, somno potius indulgendum est; qui, si sponte non adit, emullis farinaceis ex amygdalis, seminibus frigidis &c. conciliari poterit, additis levissimis anodynis, inprimis illis, quæ ex papaveris erratici floribus parantur, quæ nunquam nocent. Validiora enim, & narcotica hic non requiruntur, cum soleant sæpe multas corporis excretiones sistere; huc etiam spectant corporis & animi quies, ut turbetur nihil, sed omnia pacata fileant in corpore, dum natura coquendæ & excernendæ materiæ morbosæ intenta est, Nec alia requiruntur remedia, quam quæ diluendo omnes humores reddunt meabiles, & laxando vasa disponunt, ut facile transmittant humores dilutos.

II. Quæ modo dicta sunt, conveniunt in omni excretionē, vel metastasi materiæ morbosæ: verum & alia adhiberi possunt, & debent, ubi constat de loco criseos.

Si ergo (107. N. 1.) medicus noverit ægrum pleuriticum ante hæmorrhoidibus obnoxium fuisse; vel dolor, rubor, pruritus circa anum, aut irritatus alvum deponendi conatus docuerint, tale quid exspectandum esse, balneo vaporis, cataplasmatibus mollissimis ano applicatis, clysmatibus ex similibus paratis, continuo hæc loca foveri curat. Simul ac incipiunt prodire tumores illi varicosi circa anum, foveantur mollissimis, dein lanceola pertunduntur, ut sanguis exire libere possit. Omnium autem frequentissimo in usu est, ut hircines applicentur turgentibus hæmorrhoidibus, quæ animalcula inflicto vulnere sanguinem exsugunt, & hoc satura decidere solent; tuncque pergunt sanguinem stillare hæmorrhoides; imprimis si tunc temporis in fedili perforato locetur æger, & partes hæ tepidæ aquæ vapore foveantur.

Si (107. N. 1.) observatur; ea locum habent, quæ de simili evacuatione in peripneumonia dicta sunt. Cum autem per sudorem imprimis, uti & per alias evacuationes,

avocetur quasi a renibus pars diluentis vehiculi, hinc & illæ vitandæ sunt. Hinc & laudatur aëris minor calor, quia sic & sudor cavetur, & etiam in sanis hominibus videmus, sub aëre frigidiusculo minus liquidi per cutis spiracula, plus vero per renes transire.

In casu (107. N. 3.) eadem valent, quæ supra de peripneumonia diximus.

In casu (107. N. 3.) qui cum illo in peripneumonia convenit, hinc eadem quoque agere oportet. Notandum autem est, tales abscessus cito aperiendos esse; non enim requiritur hic maturatio crudi inflammatorii in bonum pus; verum illud pus alibi jam factum ad hæc loca deponitur tantum, & sic subito abscessus nascitur, licet cutis nullo modo mutata appareat. Locus autem talis post aperturam abscessus irritatur levibus suppuratoriis remediis, sicque prohibetur, ne statim iterum concreascit.

In casu (107. N. 5.) ubi nempe dolor ex latere transit ad humerum, manum &c. Fidelis observatio docuit levare sic morbum; adeoque ars conatur, per diluentia, alterantia &c. solvere, & mobilem reddere morbi materiem, simulque leni frictione, fomentis mollibus, emplastris, aromaticis, v. g. de labdano, me-

liloto, vel similibus, fovere, & leniter stimulare hæc loca; ut versus illa facilius, & citius derivetur illud, quod per salutarem metastasin huc deponendum erat.

Denique in ultimo dato (107. N. 6.) omnia hic eadem sunt, ac in peripneumonia, quæ per sputa curatur.

Præter has críticas evacuationes, aliæ etiam crises a medicis subinde observatæ sunt. *Amatus Lusitanus* a) refert pleuritidem sævam sine venæ sectione die decimo quarto per sudorem sanatam. *Piso* b) refert pleuritidem die 7mo. sudore solutam, *Lotichius* b) pleuritides refert hæmorrhagiis die septima judicatas. *Forestus* vidit pleuritidem hæmorrhagia uteri die septima solutam; aliam hæmorrhagia narium die 14to.

a) *Amatus Lusitan.* cent. 7. cur. 28.

b) *Piso de colluvie serosa.* p. 128. Edit. 4.

Cura pleuritis gravioris.

Vidimus in præcedentibus, quomodo operaturæ pleuritis in sanationem abeat, absque multo artis molimine; totum enim, quod medico in illis casibus agendum incumbibat, erat.

ut in benigna resolutione statum præsentem conservaret, mutaret vero nihil. Ubi autem per coctionem & excretionem causæ sanabatur pleuritis, loca & vias, per quæ hæc excretio futura prævidebatur ex tignis, laxare, emollire, fovere conveniebat, vires sustentare victulevi & blando, diluere humores. Hæc sufficiebant ad hunc scopum.

Verum si pleuritis valida sit, quod cognoscitur dolore acerrimo, respiratione admodum impedita, febre valida, tunc resolutio illa blanda sperari nequit. Si nulla spes sit, materiam morbi cito coquendam & excernendam esse, & præcipue, si nulla, vel pauca sputa absque levamine ullo prodeant, tunc sicca pleuritis dicitur, & concluditur facile sponte sua tam gravem morbum in sanitatem minime abiturum esse, imprimis si in robusto & exercitato corpore fuerit talis morbus. Oportet itaque ea remedia recensere, quibus tam gravis morbus feliciter plerumque profligatur.

I. Sanguis mittatur quantocyus, & quidem satis magna copia, habita tamen ratione ætatis, & virium in diversis ægris. *Sydenhamus* a) maximam spem in venæ sectione posuit, atque mox ubi accersebatur, sanguinem

e brachio *lateris affecti* ad uncias decem aut circiter, mittendum curavit. Quandoque & majori copia tuto educitur, in prima præcipue venæ sectione.

a) Sydenh. Op. p. 265.

Quo proprius lateri affecto sanguis educitur, eo citius salutarem effectum inde expectare possumus. Confirmatur hoc notabili exemplo, dum in binis juvenibus, idem vitæ genus ducentibus, eodem temporis puncto, & ob easdem causas pleuritide correptis, experimenti gratia diversis in locis vena aperiabatur. Ille, cui vena in brachio lateris affecti aperta fuit, licet pessimè deliraret, brevi ad se redibat, nec iterata venæ sectione opus habuit. Alter, cui et major copia sanguinis ex pede ejusdem lateriseducta fuerat, nullum inde levamen sensit, & sequenti die altera venæ sectione in brachio lateris affecti opus habuit, unde illico mitigabantur omnia symptomata, & postea felici crisi liberatus fuit a periculoso morbo, sed biduo serius, quam prior. a)

a) Triller de pleuritide p. 30.

Ubi larga, & subita venæ sectione opus est, præstat ægrum supinum in lecto jacere, sic enim absque animi deliquio facilius hanc jacturam feret, quam si sederet erectus.

Quandoque contingit in pleuritide, adeo sævum dolorem esse, ut pectus vix ullo modo dilatare possint; hinc pulmones parum sanguinis transmittunt, atque ideo venæ quidem plenæ sunt, sed aorta paucum sanguinem recipiens non urget magna vi sanguinem venosum, unde ex vena aperta sæpe parum sanguinis effluit. Simul ac vero suspirando pulmonem magis dilatant ægri, vel tussiendo illum concutiunt; sanguis cum impetu exit. Observavit hoc *Tulpius* a) in muliere pleuritica, & monet medicos, ut in simili casu tussim excitent; ægri enim tales quandoque adeo sævum dolorem patiuntur, ut a minima dilatione pectoris fere convellantur. Unde illis persuadere non potest sæpe medicus, ut fortius inspirent. Optimum tunc est vini, vel aceto calidi cochlear unum alterumve dare titulo cardiaci remedii, vel eadem naribus supponere; sic enim invitis etiam excitatur tussis, & subito sæpe dolor pleuriticus cessat, vel saltem insigniter imminuitur.

a) Observat. media L. II. Cap. III.

San-

Sanguis autem in prima venæ sectione non ad animi deliquium usque mittendus est, sed manifestam doloris imminutionem.

Alia quæstio est, quinam debeat esse sanguinis mittendi terminus. Alii in solo pulsu venæ sectionis mensuram posuere; is autem non raro fallit: in *gravi* e. g. pleuritide; in pueris, infantibus, fœminis, quibus irritabilis admodum fibra est. Hinc etiam *utroque* carpo pulsus explorandus est. Alii tantum sanguinis iteratis vicibus educendum esse existimant, donec omnis crusta phlogistica disparereat; at nullis certis legibus crustæ hujus apparentia adstringitur; imo in convalescentibus etiam crusta pleuritica sæpius visa est. Sola quoque doloris evanescencia de vena ulterius non secanda nos non omnino tutos reddit; nam dolore etiam evanido, inflammatio gravis forsan pulmones occupat. Omnium optime igitur terminus venæ sectionis ex libertate respirationis petitur; hæc enim redeunte pulmones a phlogistica labe liberatos esse, certo colligimus.

Cum igitur omnis ferme salus a sanguinis missione peti debet, neque tenella ætas, neque senium, neque graviditas ab hoc præsidii genere medicum deterreat, cum certis
ob-

observationibus hodie constat, etiam in his venæ sectionem tuto institui posse; tali tamen quantitate, quam ætas, & vires indicant. Nec abstinuit a venæ sectione Swietenius, si respiratio multum impedita erat, licet menstrua fluerent, & bono quidem cum successu. Pariter & in puerperis pleuritide correptis, licet lochia fluerent, sanguinis missio profuit insigniter, quod & suis observationibus confirmat *la Motte* a), qui a lochiis bene prodeuntibus, repetitas etiam in brachio venæ sectiones instituit. Neque diarrhæa venæ sectionem prohibet monente *Sydenhamo* b), „neque, quæ nonnunquam supervenit diarrhæa repetendis venæ sectionibus obicem ponit; quæ quidem ipsa hac methodo brevi sistetur, etiam non adhibitis remediis adstringentibus, stimulo nempe inflammatorio ad intestina converso.

a) *La Motte traité des accouchemens*, L. II. ch. 21.

b) *Sydenh. op.* 266.

Et si autem venæ sectio mox in initio instituta impetum morbi summopere frangat, ea tamen etiam serius nonnunquam adhibita sanitati ægros restituit. Non enim, ut de peripneu-

pneumonia agens adnotavi, adeo definitus inflammationis terminus datur, ut adultiori etiam morbo sanguinem mittere non liceat. Constat enim plurimis observationibus cum fructu sero etiam in pleuritide sanguinem de vena missum fuisse. Notabile exemplum legitur apud *Hippocratem* a) de *Anaxione*, qui pleuritide sicca decumbebat, frustra calidis fomentis tentata; insomnis erat, sexta morbi die delirabat, septima dies molesta erat, febris enim augebatur, nec dolores remittebant. Octavo die multum sanguinis educebatur secta in cubito vena, unde levamen doloris sensit, & post repetitas criticas evacuationes die 34 prorsus judicatus est. Hippocratis vestigia legit *Trillerus* b), & octavo die morbi libram circiter sanguinis, aperta brachii vena detraxit, cum levamine insigni; imo ineunte die nono, dum suffocationis metus ingruerat, denuo ex pede sex septemve uncias sanguinis emisit; sicque hunc ægrum ex orci faucibus eripuit.

a) Hippocr. Epid. 3. ægrot. 8.

b) Triller de pleuritide ægr. 7. 99.

II. Methodus omnium antiquissima pleuritidem curandi videtur constituisse in applicatione remedium externum ad locum dolentem. Antequam enim medicina in artis formam redacta fuit, singuli homines sibi ipsis levamen dolorum quærebant tentando varia, vel ab aliis in simili malo cum successu adhibita. Nihil autem videtur citius tentari debuisse, quam externa talia remedia, & hinc antiquissima monumenta horum inveniuntur. *Romæ* in *Aesculapii* templo in insula tiberina inventa legebatur & inter alias inscriptio græca a), de *Lucio* quodam pleuritico, cui, desperato ab omnibus habito, oraculum reddidit Deus, ut tolleretur ex ara cinerem, & cum vino mistum imponeret lateri; unde illum convaluisse legitur, & publice Deo gratias egisse. Notum est ex historia antiqua quod callidi sacerdotes, ut templis suis & idolis majorem conciliarent celebritatem, remedia præscripserint credulis hominibus, ac si a numine revelata fuissent. Hæc videtur causa esse, cur *Hippocrates* b), qui antiquissimas illas observationes collegerat in suos usus, in laterum doloribus incepit curam morbi a calidis fomentis applicatis, etiam antequam sanguinis missionem institueret.

a) Mercurialis de arte dynast. L. I. c. 1.

b) Hippocrat. de victu acutorum.

Magnum igitur dolorum lenimen præstant fomenta calida, atque cataplasmata emollientia thoraci dolenti imposita. Neque tantum prodest mollissimorum talium remediorum externa applicatio, quia per hæc felicissime inflammatio resolvitur, vero etiam, si vel ferro nimis medela tentata fuerit, vel pejor morbi indoles in suppurationem vergat, tunc per eadem hæc applicata sic laxantur loca intercostalia, ut spes sit, pus versus exteriora duci posse, & periculosum empyema sic præcaveri.

Ea quoque sanguinis depletio, quæ scarificando, aut sanguisugis in latere affecto instituitur, inflammationi tollendæ apta est. Scarificationem tunc præcipue in peripneumonia suadet *Huxhamus*, a) si pulsus & vires ægri sanguinis ex vena majori emissionem haud permittere videntur, tossis tamen oppressa, laboriosa, dolens, atque suffocatio valde urgent.

a) Huxham. opera. T. II. p. 179.

III. Quænam remedia interno usui propinanda sint, in curatione peripneumoniæ dicendum

ctum est. Simplex decoctum hordei, cum oxymelle & nitro sufficit frequenter, cum in hoc omnia requisita ad curam habeantur. Magna autem copia emollientia decocta sumenda sunt, sed divisis dosibus, ut singula media hora unciae tres, vel plures talis decocti; vel ptisanæ hordei summantur, sed calidæ.

IV. In omni febre curanda vitæ & viribus prospiciendum est per cibos, & potus fluidos, facileque digerendos. Cum autem pleuritis raro ante septimum diem finiatur integre, sæpe etiam in longius spatium excurrat, patet facile, & hic vires vitæ idoneo victu sustinendas esse. Talia autem conveniunt, quæ facillime superari possunt ab ægro, & per varias evacuationes debilitato corpore. Solam ptisanam hordaceam dabit *Hippocrates* a) in acutis morbis; imo vel ab ipsa ptisana tota, ist est hordeo per colaturam non ablato, metuebat, dum cruda abhuc pleuritis nulla coctionis signa dabit, tuncque solum succum ptisanæ, & quidem dilutum exhibebat. Dein, ubi in tuto æger esse videbatur, mitesciente morbo, exiguum ac tenuem cremorem hordaceæ ptisanæ dabit, admisto melle. Ubi autem sputa facile educebantur, respici.

spiratio bona esset, & lateris omnis dolor abesset, tunc paulo crassiores, & copiosiores cremores ptisanæ dabat, bis de die. *Sydenhamus* b) carnibus & carniū jusculis etiam tenuissimis, omnino interdixit in pleuritide, sola hordacea, avenacea, & panatellam concessit, & dum symptomata omnia jam mitescerent, per aliquot dies tamen ægros suos ab omnibus liquoribus spirituosīs, & a crassioribus cibis arcebat.

a) Hippocrat. de victu acutorum,

b) Sydenh. Opera p. 265.

V. Pleuritis morbus inflammatorius est cum febre acuta, adeoque omnia, quæ diffundendo aquosam partem sanguinis, ejus densitatem augent, motumve febrilem accelerant, aut calorem accendunt, summopere noxia sunt. Solent hinc adeo periculosi errores committi in hoc morbo, dum gelida tempestate frequentem sæpe pleuritidem calidissimis aggrediuntur remediis ignari, & sudore, vitalium remedium expulso, curari posse credunt. Observavit *Sydenhamus* a) & alias febres in pleuritidem mutari, dum initio nimis calidis remediis tentabantur, doluitque nobiles scæmi-

nas male medicandis pauperibus, quam iisdem pascendis, charitatem suam testari. Verum si perversa talis medela morbum diversum a pleuritide mutat in pleuritidem, facile apparet, pleuritidem jam natam a simili causa debere reddi pejorem. Vidit sic *Swietenius* pleuritidem secunda die lethalem, dum a flatibus dolorem hunc ortum suspicatur mulierculæ, dederant repetitis vicibus spiritum destillatum ex seminibus levistici. In alio homine & fortiter contigit, ut, dum quinta die adhibita venæ sectione aliisque remediis modice laudatis jam in melius vergeret morbus, & spes felicitis curæ affulgeret, vespere proprio consilio dolenti pectori applicuerit lateres calidos admodum, sicque expresserit validos sudores, unde sibi gratulabatur miser; sed sequenti mane moriebatur.

a) Sydenham l. c.

Ex his, & aliis similibus casibus patet, quam bene *Sydenhamus* monuerit, cavendum esse, ne æger pleuriticus nimis exæstuet; unde liberum reliquit ægris, ut quotidie per aliquot horas lecto eximerentur, si vires ferrent. Imo observavit, & largam sanguinis missionem,

nem, & alia remedia refrigerantia nihil quandoque profecisse, si æger lecto affigatur perpetuo; imprimis si stragulis, vel cultriciis nimium obruantur.

Usus vesicantium in pleuritide.

Cum ergo omne irritans, calefaciens, impetum augens damnosum habeatur in pleuritide, quid cogitandum est de vesicantibus ex cantharidibus paratis?

Summe practica quæstio est, an uti vesicantibus liceat in genuina pleuritide. At facile patet, id nunquam licere in primo pleuritidis genuinæ stadio, atque raro etiam in secundo. Vis enim cantharidum neutiquam in solam, cui applicatur, partem agit, sed ob resorptas acres particulas, in totum corpus, agitque *inflammando*. Nam & stranguriosus mictus, & mictus subinde cruentus, & tormina, alvus cruenta a nimio aut tempestivo vesicantium usu notissima symptomata sunt. Cum indicatio sit indubitata in pleuritide inflammatoria massam sanguinis minuere, motum humorum vehementiorem componere, fibras crispatas irritatasque delinire, emollire, neutiquam certe velicans conveniet, viribus præ-

præditum e directo contrariis. Gravissima hæc quæstio est, & ut diligentissime excutiat, certe digna, cum praxin vix non ubique contrariam videamus. Sed & vesicantia vi gaudent sudorifera; post unam enim alteramve horam æger largam diaphoresin patitur; hinc etiam ex hoc capite in morbo inflammatorio pleuritico, eoque adhuc crudo persistente vesicans, & sudores intempestivos, noxiosque movens contraindicatur. Nihilominus in secundo morbi stadio *subinde* pulcherrime conveniunt; ubi videlicet materies sputorum tenax, & ductilis est, ita, ut ob ipsum lentorem educi per anacatharsin nequeat, ubi vires ægri morbo & venæ sectionibus fractæ sunt, ubi data expectorantia stibiata ad vias secundas non transeunt, sed alvum potius, utpote uso mellitorum per se nimis plerumque lubricam movent, convenit languentes ope vesicantium vires erigere, & viis primis insalutatis permissis cantharidum stimulis intra massam sanguinis, sputorum materiem attenuare, ac anacatharsin promoveri. Alvi intempestivam lubricitatem eadem quoque vesicantia tollent, utpote quæ alvina evacuatio adplicatis vesicantibus semper parcior esse solet.

Sed

Sed alia datur pleuritidis species, cui maxime vesicans convenit — *Pleuritis nempe rheumatica*.

Non opus est ea nunc repetere, quæ in primo volumine commentariorum de differentia *genuinæ & rheumaticæ* inflammationis dicebantur; a) sed signa tantum, quæ *rheumaticam pleuritidem* adesse significant, breviter exponam.

a) Comment. I. p. 183.

Dignoscitur autem pleuritis rheumatica his fere notis:

- 1.) *Dolor antea alibi existens*. Plerumque enim præcedunt artuum sive superiorum, sive inferiorum dolores lacerantes, rheumatici.
- 2.) *Dolor diffusus, vagus, acutus ad attactum*. Dolor enim in pleuritide, rheumatica ad præcordia, ad abdomen, ad totum sæpe thoracem, ad locum infra-scalpulem se extendit; in genuina vero pleuritide dolor intra arctius spatium concluditur. Dolor pleuritidis rheumaticæ sæpe ab uno loco in alium migrat; stabilior is est in genuina pleuritide.

At-

Attactum locorum dolentium persæpe non ferunt ægri in rheumatica pleuritide; contrarium in genuina.

3.) *Tempus arthriticum, rheumaticum.* Talis erat illa constitutio autumnii hyemis-que subingredientis anni 1675. quam *Sydenhamus* descripsit.

4.) Sanguis in utraque pleuritidis specie summe phlogisticus, hoc solo discrimine, quod in pleuritide *rheumatica* crusta sit crassior ut plurimum, majorque, ita, ut parum, aut nihil ferme nonnunquam crassamenti appareat. In genuina pleuritide crusta plerumque contrahitur fibrillis circumcirca assurgentibus.

5.) Sedes inflammationis rheumaticæ in hac pleuritidis specie in pleura, muscoli intercostalibus, ipsis quoque pulmonibus est; hos enim ab inflammatione rheumatica affectos esse demonstrant sputa sanguinea.

6.) Alia signa diagnostica pleuritidis rheumaticæ, etsi non ita perpetua, *Stollius* a) collegit.

a) *Stoll. Ratio med. P. I. p. 90.*

Cura pleuritidis rheumaticæ consistit :

1. in venæ sectione una, vel pluribus, prout circumstantiæ exigunt.
2. in potu emolliente, nitroso tepido.
3. in applicatione matura vesicantium ad locum dolentem, vel etiam quemcunque alium. Subinde sola antiphlogistica methodus, ut *Stollius* ait, sufficit, quin vesicantium necessitas sit. Verum ubi doloris acerbitas (ea nempe persæpe multo gravior est, quam ingenuina pleuritide) venæ sectionibus non mitigatur, vesicans datum ad locum dolentem, vel inter scapulas applicatum brevi dolorem omnem abstergit. Vix tres horæ quadrantes ab admoto emplastro vesicante labebantur, cum jam doloris expertem se æger diceret. Hinc patet ab resorpto vesicantium acri stimulo potius, quam a diuturna loci affecti erosionem levamen hoc esse repetendum.

In hac itaque pleuritidis specie vesicantium applicatio maxime convenit; atque ad hanc speciem illæ *pleuritides* pertinebant, quibus *Pringle* a) tanto cum emolumento vesicantium usum opposuit. Etenim morbus hic anno 1743. in Belgio, tempore verno, no-

ctibus adhuc frigidis, nebulosis, solve vero interdum paulo magis calente, amœnoque, alterna frigoris, calorisque commutatione, commoratione sub tentoriis, loco videlicet humido erectis, in milites sæviit. Plurimi fuerunt pleuritici, & peripneumonici, nec multo minor rheumatismo laborantium copia, ut hinc ex ipso æquali propemodum, & rheumate & affectis pulmonibus decumbentium numero utriusque morbi affinitatem conspiciere liceat. Præterea dolor pleuriticus sæpe adeo extendebatur, ut inflammationem viscerum abdominalium mentiretur. Vesicantia in morbi initio statim post primam sanguinis missionem, imo priusquam ea instituta fuisset, modo paulo post subjungeretur, adplicabantur. Dolore hac ratione sublato consultum videbatur, alteram phlebotomiam celebrare, nisi fors obortus sudor dolorem solverit, ubi nulla amplius remediorum necessitas supererat.

a) Pringle von den Krankheiten einer Armee.

His jam consideratis *Stollus* circā usum vesicantium in pleuritide sequentes canones observandos statuit.

1.) Vesicantia in pleuritide rheumatica ferme specifica sunt, debentque mox in morbi principio adplicari, præmissa sanguinis missione, subinde & iterata.

2.) Suppuratio post excitatam vesiculam excitari non debet; hinc epidermis non aufertur. Medicamenta suppurationem excitantia dolores inanes faciunt, & febrim augent; non enim suppuratio, sed stimulus vesicantium prodest.

3.) Vim cantharidum medicatricem experiuntur ægri, cuicunque corporis parti vesicans adplicetur. Præplacet tamen locus inter scapulas medius.

4.) Vesicantia *pleuritidem veram*, atque *inflammatoriam* exacerbat: hinc quamdiu phlogosis viget, ab iisdem omnino abstinendum.

5.) Neque instituta una alterave phlebotomia in pleuritide inflammatoria confugiendum mox ad vesicantia est. Atque ut paucis dicam, quamdiu aliqua adhuc inflammatio adest, etsi ea ob celebratas sanguinis missiones a suo vigore multum remiserit, quin imo, quamdiu vel prudens suspicio, metusque est, ne de novo phlogosis recrudescat, vesicantia periculosa sunt.

6. Quodsi vero fracta penitus phlogoseos vis sit; si præcedens ægrotantis conditio in statum contrarium, nimia scilicet fibrarum elasticitas tensioque in laxitatem, humorum inflammatoria densitas in lentorem oppositum frigidumque, eorundemque abundantia in penuriam abiverit: si præterea expectorandæ materiæ copia pulmones inundet, opprimatque, aut ejusdem visciditas eos infarciat, vis dejecta vitæ anacatharsi haud sufficiat, vesicantia palmare auxilium suppeditabant.

Cæterum de pleuritide rheumatica adhuc notandum est :

1. Pleuritidem *rheumaticam* cum *genuina* pleuritide complicari, atque in hanc non nunquam abire.

2. Sæpe biliosa simul colluvies adest, & pleuritidem bilioso - theumaticam producit. Hoc in casu expendendum est, quodnam in corpore vitium, *rheumaticum*, an vero biliosum magis urgeat. a)

a) Stoll rat. med. P. I. p. 24.

3. In hac pleuritidis specie debilissimos subinde pulsus observavit *Stollius* a), qui detracto sanguine fortiores evadebant. Metuebat in paucis quibusdam fœminis, laxioribus,

&

& fere chloroticis, frequentius ac copiosius menstruantibus, cum dolore tali pleuritico corriperebantur, & pulsus exhiberent mollissimos, debilissimos, secare venam; hinc primo timide, parcissime sanguinem detraxit, visurus, quomodo ferant; mox audacior factus plus detraxit, pulsu inde validiore effecto, & secuto mox levamine.

a) Stoll ratio medendi. P. III. p. 94.

4 Etsi autem vesicantia pleuritidi rheumaticæ plerumque convenient, accidit tamen subinde, ut speratum effectum ab hoc remedio non obtineas. Observavit *Stollius* constitutiones rheumaticas, quibus id ferme proprium erat, ut a vesicantibus nullum levamen accederet; materia forsan rheumatica tunc tenaciori, atque cute ad diaphoresin minus disposita.

Methodi antiphlogisticæ terminus.

Bina inprimis hic metuenda erant, nempe inflammationis exitus in periculosam hic loci suppurationem, vel gangrænam fere semper lethalem, & pulmonis infarctus ob impeditam respirationem præ doloris acerbitate.

Ut

Ut hæc pericula vitentur, sanguinis liberalis & repetita evacuatio, fomenta, & reliqua modo enumerata remedia adhibeantur. Verum cavendum etiam, ne nimis debilitato ægro per sanguinis missiones imprimis, non sufficiant viros ad subigendam, & excernendam morbi materiem, unde postea languores chronici difficulter superabiles sequuntur. Adeoque licet aliquis dolor supersit, modo respiratio satis sit libera, nec pulsus durus adeo sit, nec magna velocitas circulationis, per fomenta applicata, & diluentia, & attenuantia, larga copia potata, superabitur malum. Felicitas enim curæ in talibus morbis consistit in eo, ut ita temperetur febris continuæ pleuritidem comitantis impetus, ut nec exorbitet, nec torpeat nimis.

Et si inter illas, quæ febris exorbitantem impetum minuant, etiam clysmata refrigerantia locum habent; tamen *Sydenhamus* enemata vel omittebat, vel maximo inter repetitas venæ sectiones intervallo curabat injicienda, & tantum simplicissima, ex saccharo in lacte soluto; maximam enim, & merito quidem, spem curæ ponebat in sanguinis missione & ideo enematibus parcius usus fuit, ne nimis debilitaret ægros; uti etiam, ne al-

vi fluxum, in initio pleuritidis symptomati-
cum & noxium acriori clysmate proritaret.
Ubi jam remittit morbi impetus, tunc sensim
solvi incipiet illud concretum inflammatorium,
& per varias vias de corpore exitum quæret.
Unde ad hæc attentus tunc esse debet medi-
cus, ne intempestiva medela turbet materiæ
morbosæ coctionem, vel coctæ excretionem.

Ubi jam cessit morbus, cavendum maxi-
me, ne nimis cito impleantur convalescentes
ægri. Sæpe enim in hoc morbo vitæ pericu-
lum non redimitur, nisi insigni sanguinis ja-
ctura; ea autem jactura humoris boni impe-
dit ingestorum assimilationem in naturam li-
quidi vitalis sani. Unde metuendum est, ne
subita repletionem per chylum crassiores ob-
ruatur pulmo, & periculosa fiat recidiva.
Quod prudenter monuit *Hippocrates* a), ubi
de pleuritidis cura agit, dicens: *post judica-
tiones autem vires levibus cibis reficiendæ, &
quiescendum: præterea vitandi soles, venti,
plenitudines, acida, salsa, pingua, fumus, ven-
tris flatus, labores, Venus; si enim reversus
fuerit morbus, sequetur mors.*

a) Hippocrat. de morbis L. III.

Vidimus jam, quomodo pleuritis abest in sanitatem auxilio naturæ per resolutionem benignam, vel per coctionem & excretionem materiæ morbosæ: simul etiam expendimus, quomodo per artem sanari possit absque alio morbo sequente. Sequitur jam ut consideremus pleuritidem, dum in alios morbos abit, vel in mortem tendit; & ut videamus, quid ars possit in sanandis morbis, ex pleuritide infelicitur curata, natis.

EXITUS PLEURITIDIS IN ALIOS MORBOS.

S u p p u r a t i o.

Primo agetur de pleuritide in suppurationem tendente. Cum autem alia cura requiratur hoc in casu, quam ubi spes est resolvendæ pleuritidis, debemus cognoscere illa signa, quæ docent suppurationem futuram.

1. Generalia inflammationis in suppurationis tendentis signa, supra, cum de peripneumonia in suppurationem abeunte agebatur, p. 88. exposui.

2. Si febris continua, dolor, tussis &c. ad *undecimum* usque diem eadem ferme cum
in-

intensitate excurrant, tunc enim magna cum probabilitate suppuratio metuitur. Monuit autem *Swietenius*, tunc tantum certam esse suppurationem, si toto hoc tempore æquali gradu processerint hæc symptomata, vel & aucta fuerint potius, quam minuta. Sæpe enim contingit in pleuritide curanda, ut per sanguinis missionem, aliaque remedia, mitescant omnia symptomata, & paulo post, quandoque & sequente die denno redeant æque vehementia, imo hoc quandoque ter, quaterve contingit; non tamen ideo credendum est, quod in tali casu pleuritis necessario in suppurationem itura sit.

3. Si resolutionis nulla spes sit, neque ulla critica evacuatio præcesserit. Non tamen semper mox in initio absoluta prognosis futuræ suppurationis haberi potest, cum signa coctionis & criseos sæpe serius in hoc morbo appareant, ægro tamen postea ex integro restituto.

Præcipue vero neglecta venæ sectione, quæ adeo necessaria est in pleuritide valida; & si cito instituat, & repetatur pro re nata, satis feliciter sanat. Hoc enim remedio neglecto, succedit empyema, febris hectica, tabes.

Sig.

Signa abscessus formati.

Abscessus hic natus habet quidem omnia signa communia cum reliquis abscessibus, qui in externis partibus corporis fiunt; verum pleraque ex his hic non possunt distingui, cum in interioribus apostema lateat: hinc operæ pretium est hic colligere & alia omnia indicia, quæ suppurationem hic fieri docere possunt. Horrores illi vagi, nulla certo temporis periodo recurrentes, magni momenti signum dant. Multum etiam huc facit morbi tempus jam in longum excurrens, & minori tamen cum vehementia symptomatum, quam in principio: si enim omnia symptomata manerent æque valida, vel augerentur, potius gangræna & mors expectanda forent, quam benigna suppuratio; quæ licet hic periculosa sit, tamen longe adhuc melior, quam peiores illi pleuritidis exitus in gangrænam vel mortem. Ita *Hippocrates* a) de pleuritide agens habet sequentia: *At quibus statim expuitiones cujusvis sunt generis, & dolores admodum acuti, illi tertio die moriuntur; quem si effugerint, convalescunt; qui vero septimo, aut nono die, aut undecimo die sanus non fuerit suppurare incipit. Præstat autem suppurari, minus enim lethale est, quamvis la-*

bo-

boriosam sit. Verum tunc additur in illa prænotione coaca, quod tertio vel quinto die moriantur; si vero illos effugerint, *non multo levius se habentes*, tunc septimo, aut nono, aut undecimo suppurari incipiant. Ex quibus patet, tunc *Hippocratem* expectasse suppurationem, dum pleuritis non esset pessima; vel si admodum valida in initio parum jam mitesceret, eumque adhuc præcipuos dies criticos observasse, an non ibi molimen naturæ adverteret, a quo sperari posset materiæ morbosæ jam subactæ evacuatio, vel metastasis ad alias partes: ubi vero nihil tale videtur, tunc statuit, suppurationem incipere.

a) Hippocr. de morb. L. III. Cap. XV. Charter. Tom. VII. p. 591.

Ex his ergo signis fieri apostema novimus, adeoque & ex iisdem symptomatibus diu manentibus apostema jam factum esse cognoscimus. Verum tunc & alia succedunt signa, quæ hanc diagnosin confirmant, & a distractis vel compressis vicinis partibus per tumorem purulentum ducunt originem. Notum enim est, in suppurationibus partium externarum corporis dolorem augeri, dum abscessus jam maturus pure turget, & cutim validis-

diffime distendit: imo tunc quandoque dolores illi a partium vicinarum distractione ad alia loca propagantur; sed talis abscessus post pleuritidem natus removet pleuram ab intercostalibus locis & distrahit summo cum dolore, quandoque se per totum pectus & dorsum propagante, pulmonem vicinum premit, irritat, hinc suffocationis metum, & tussim, molestissimam quandoque facit, tanto quidem plus, quo saccus ille pure plenus major est. Omnia hæc symptomata *Hippocrates* variis in locis enumeravit. *Ad latus dolore ex suffocatione accedente, bi suppurantur.* a) Et in alio loco b) habent sequentia: *Quum tuberculum lateri oboritur, tussis dura detinet & dolor, & febris pondus in latus incumbit, & dolor acutus eundem locum semper occupat, & sitis vehemens, & calidum potum eructat, & decubitus in latus affectum non sustinet, sed in sanum. Verum ubi decumbit, vel ut saxum ipsi suspensum videtur: intumescit, ac rubet, pedesque tument. Atque iterum alibi c) dicit: Si in latere tuberculum oriatur, & purulentus fiat (æger), hæc patitur: rigor detinet & febris & tussis sicca per multos dies, & latus dolet, & dolor in mammam, & claviculam & scapulam impetum faciens obsidet.*

- a) Coac. prænot. Nro. 113. p. 856.
- b) Hippocr. de morb. Lib. II, Cap. XXXV. Chart. T. VII. p. 575.
- c) Hippocr. de internis affect. Cap. X. Chart. Tom. VII. p. 644.

Verum quandoque pus natum hic loci per sputa ex pulmone educta evacuatur, felici successu. Præterea frequentissime invenitur pulmo accretus pleuræ in illis, qui validam pleuritidem passi fuerint, & in tali casu facilius intelligitur, quomodo pus ex abscessu pleuræ in pulmonem accretum venire posset. In cadavere hominis, cujus morbum non noverrat *Ill. van Swieten*, cum a vespillone furtim ablatum redemisset in usus anatomicos, invenit pulmonem sinistrum firmiter accretum pleuræ lata admodum plaga; dum scalpello solvebat hanc cohæsionem, ut pulmonem educere posset, ingens copia puris effluxit: interim tamen patuit, examine instituto, pulmonem non fuisse purulentum, sed tantum accretum firmiter huic succo purulento ex suppurata pleuritide nato. Certe, si ille homo diutius superstes fuisset, pus illud videtur jam sibi facturum fuisse per pulmonem contiguum, & adeo firmiter adhærentem. Quacun-

cunque demum via pus post pleuritidem suppuratam in pulmonem veniat, observatis certis constat, illud quandoque sputo per pulmonem evacuari: nec credit ullum medicum, in luculenta praxi constitutum esse, quin hoc aliquoties viderit, uti Ill. *Swietenio* sapius illud videre contigit. Memorabilis casus est, quem habet *de la Motte*), ubi in pleuritico, qui morbum omnino neglexerat, octavo die ingens puris copia cum tussi mediocri per pulmonem rejiciebatur, felici eventu. Imo & *Hippocrates* b) idem manifeste statuit, dicens de pleuritide. *Indicatur autem hic morbus, brevissimus quidem septimo die, longissimus autem decimo quarto die: quo quidem si pus a latere per sputum rejectum fuerit & repurgatum, sanus evadit. Si vero non per sputum rejectum fuerit, purulentus fit, & morbus longus.* Et similem certo prognosin in aphorismis c) habet: *Pleuritici, qui intra quatuordecim dies superne non repurgantur, illis in empyema transit.*

a) *Traité complet de chirurgie* T. I. p. 248.

b) *De affection* Cap. III. *Chart.* T. VII. p. 621.

c) *Aphor.* 8. *Sect.* V. *Chart.* T. IX. p. 199.

Signa, quæ vomicam formatam esse significant *Stollus* aphor. 213. recenset. Sunt autem sequentia:

1.) Febris mitigata, absque signis prægressis coctionis, & criseos.

2.) Dolor obtusus, qui prius erat acutus.

3.) Febris mox a pastu, & vesperi exacerbata, atque sudoribus nocturnis terminata.

4.) Genarum rubor; sitis; volæ manus, frontis, & genarum color intensior.

Signa vomicæ ruptæ.

1.) Si signa præcefferint, ex quibus supurationem jam formatam esse concludimus:

2.) Si morbus jam ad vigesimum usque diem duraverit, doloribus antea mitescentibus, nunc iterum auctis; falsus tunc sæpe metus novæ pleuritidis oritur. Dum enim abscessus pure pleno turget, membranæ pus coercentes sensim distrahuntur, atque molestissimum dolorem faciunt, & quidem eo acriorem, quo rupturæ proprior fit talis vomica purulenta. Hoc quandoque fefellit minus peritos medicos, dum dolorem illum acutum novæ inflammationi tribuebant, & viribus jam fractos ægros

ægros ob longitudinem talis morbi repetitis quandoque sanguinis missionibus exhauriebant.

3. Simulac autem talis abscessus ruptus effudit in cavum thoracis pus, cessat dolor subito; & anxietas a compresso per turgentem vomicam pulmone nata minuitur multum; unde miseri ægri se integre sanatos sæpe credunt, subito tale levamen experti. Verum aucta copia puris accumulati, redit eadem anxietas, tussis & reliqua fere omnia symptomata recrudescent, & vanam fuisse ægrorum spem arguunt.

Signa Empyematis.

1. Febris *suppuratoria* continuo incre-
scit, exacerbationes vespertinæ manifestiores.

2. Difficilis in latus sanum decubitus,
ob molem puris in sanum pulmonem gravi-
tantis.

3. Oedematofus lateris, in quo empye-
ma factum est, tumor, modice dolens ab at-
tactu, atque calidius.

4. Pectus in affecto latere magis am-
plum, oedemate calido suffusum, striis pur-
pureis notatum.

5. Tussis sicca.

6. Inspiratio latere sano tantum peracta immoto ferme latere affecto, eo magis, quo propius puri effuso est.

7. In situ ægri erecto scapula in affecto latere depressior, atque spina dorsi versus idem latus incurvata.

8. Sonus percussæ thoracis aut dorsi infra scapulam nullus; de quo signo superius actum est.

Puris versus exteriora derivatio.

Cum præcipuum discrimen pleuritidis suppuratæ inde pendeat, quod pus collectum in pectoris cavum, rupto abscessu, delabi soleat frequenter, hinc, ubi signa docuerunt, suppurationem jam fieri, merito tentandum est, ut illi puri versus exteriora paretur exitus. Huc faciunt fomenta, cataplasmata, emplastra &c., quæ lateri dolenti adhibentur etiam in initio morbi: illa enim emolliendo partes exteriores efficiunt, ut huc versus derivari forte pus posset. Cum autem hæc sola ad hunc finem raro sufficiant, sapientes veteres medici acriora tunc emollientibus admiscuerunt, ut irritando partes externas latens in reconditis magis partibus malum evocarent. . Sic

Aretæus a) in cura pleuritidis dicit; *si morbus productior sit, & dolor pertinax, & humida sit expurgatio, purulentum hominem fore speratur; tunc sinapi & cichrys (Semina) cataplasmatibus admiscenda sunt.* Post hæc autem applicata commendat, ut post septimum diem magna cucurbita cum multa flamma applicetur dolenti loco, & dein scarificetur; vulnusculis autem sal vel nitrum inspergi jubet, & dein sequenti die iterum cucurbitam applicari. Notum est, partes corporis sub cucurbita positas, multum minuta atmospheræ pressione, statim intumescere, sicque potentissimam derivationem fieri versus loca, quibus cucurbitæ affiguntur: simul etiam irritata per salis vel nitri insperfectionem vulnuscula eodem scopo serviunt.

a) *Aretæus de curat. morb. acut. L. I. csp. 10. p. 10.*

Quin imo, dum certi sumus abscessum fieri, conducit vel causticis applicatis, vel scapello dividere incumbentes partes fere ad pleuram usque, & suppurantibus applicatis apertum tenere diu hunc locum, hac spe, ut pus ex interioribus per exteriora, jam vix resistencia exeat. Unde in ipso pleuritidis
ini.

initio operæ pretium foret parvo quodam emplastro notare locum maxime dolentem, quia ibi abscessus nasci solet, dum nec resolutione, nec coctione & excretionem sanatur pleuritis; sicque sectio, vel causticum, postea loco huic certe cognito adhiberi possent. Raro quidem hoc a medicis hodie fit, & non omnes ægri talem cautelam admittere vellent, interim tamen tentari hoc meretur, ut pectori empyema, adeo periculosum, caveatur. *Hippocratem* in simili casu hanc curam instituisse patet. Sic de pulmonis tuberculo agens a) monet illa, quæ facienda sunt, ut rumpatur tuberculum, & pus collectum expuatur, dein dicit: *Quod si non eruperit (quibusdam enim procedente tempore ad latus abscedit, & intumescit) illum oportet, ubi hoc contigerit, secare & urere.* Et paulo post b) de lateris tuberculo agens eandem curam præscribit; tamen & ibi videtur sectionem & unctionem instituisse in latere dolente, ubi aliquis tumor & rubor jam aderant; tunc enim certiores adhuc sumus, quod collectum pus versus exteriora tendat. Cum autem felix successus in hoc casu fere tantum sperari possit, dum pus adhuc blandum manserit (si enim mora & stagnatione jam putrescere inceperit, sæpe per-

eunt) monnit hoc *Hippocrates* c) dicens: Qui suppurati urantur aut secantur, si pus purum & album effluat, evadunt, si vero subcruentum, & cænosum, & graveolens, pereunt. Notat autem *Galenus* d) in commentariis suis ad hunc aphorismum, quod *Hippocrates* præ ceteris *ἐμπύους*, sive suppuratos, vocet illos, quibus inter pectus & pulmonem pus collectum est, quos veteres urere consueverant; quod & ex vetusto comico autore probat. Hinc videtur admodum probabile, quod & unctionem, & sectionem quandoque tentaverint, ubi certi erant de suppuratione præfenti; licet nullus tumor aut rubor in externis thoracis partibus adessent; imprimis cum inde nihil mali metuendum sit, & multum boni sperari possit.

a) Hippocrat. de morb. L. II. cap. 22. Chart. T. VII. p. 374.

b) Ibidem cap. 24. pag. 575.

c) Aphor. 44. Sect. 7. Chart. Tom. IX. p. 315.

d) Ibid. p. 310.

Quod autem a similibus artificialibus viis, si diu aperte tenentur suppurantibus, multum boni expectari posset pro evacuatione materiæ purulentæ etiam profundius hærentis, docet

eet sequens casus. Post pleuritidem neglectam ortus fuerat tumor sub læva scapula, & per integrum biennium ibi manserat absque multa molestia: postea casu læsus est tumor, qui tunc dolore incepit, simulque accessit, valida tussis, noctes diesque molestæ: expuebat olidum, flavum, tenue pus cum paucio sanguine mistum: pulsus erat celer, durus, calor magnus, corpus extenuatum, appetitus deletus. Prudens medicus credebat non sine periculo pertundi posse tunc tumorem. Veterumque vestigia secutus, qui inurendo loca intercostalia fonticulos excitabant in supurationibus internis, setaceum curavit applicari inter binas costas, quæ tumoris parti infimæ proxima erat, cavendo tamen, ne ipse tumor acu pertunderetur. Copia puris magna per setaceum exhibat, omnia symptomata emendabantur, vires redibant, tumor subsidebat, & a tanto morbo feliciter evasit æger a) satis brevi tempore.

a) Medical Essays vol. V. part. 2. p. 629. &c.

Plurimæ observationes memoriæ mandata fuerunt a medicis, quæ docent, pus collectum in locis intercostalibus sibi ipsi vias
fe

fecisse satis miras versus exteriora. Unicum tantum casum satis singularem memorat *III. van Swieten*, quem ipse vidit. Juvenis viginti annorum post celerem cursum, ultra vires protractum, pleuritide corripitur, quam in initio neglexerat; hinc in suppurationem abivit morbus, cum magna oppressione pectoris. Trigesimo quarto morbi die incepit sputa purulenta copiosa educere, magna cum facilitate, & insigni levamine quidem, sed tamen dolor obtusus manebat in pectore dextro, & costæ omnes illius lateris incipiebant eminere extrorsum, licet per triginta dies continuos quotidie multum puris rejiceret: accedebat diarrhæa multum debilitans, manebat febricula hæctica, & totum corpus tabescebat. Pertæsus longi morbi miser æger omnia remedia respuebat; hisque malis conflictabatur diu: Decimo autem mense in medio sterni tuber apparuit molle, nucem avel lanam æquans, & in ambitu tumoris exëssi ossis sterni margines distincte digito tangere potuit: sponte post paucos dies rumpebatur ille tumor, & ingens copia puris boni erupit: pergebat per octo menses, & ultra, puris effluxus, ita ut merito metueretur, tandem succubiturum ægrum. Libram detergen-

tis

tis decocti cum melle rosarum una vice per siphonem injicere poterat chirurgus in cavum hunc saccum, nec penetrabat liquor injectus in cavum thoracis, sed inter pleuram & costas videbatur hærere, & facile effluebat de novo per illam aperturam ossis sterni. Convaleuit tamen ille æger, sensim minuta puris exeuntis copia, & vidit illum octo annis postea adhuc superstitem, & satis vegetum: manebat tamen foramen in sterno apertum, & quotidie aliquid puris exibat.

Plures alios casus vidit *Swietenius*, ubi per loca intercostalia viam sibi paraverat pus post suppuratam pleuritidem, & multas novit superstites mansisse, de quibus fere videbatur desperandum esse. An ideo dixit *Hippocrates* a)? *Et quicumque ex peripneumonia vel pleuritide fiunt suppurati, non moriuntur, sed convalescunt.* Dum autem Hæmoptoën, vel & in aliis phthisis speciebus nascitur ulcus pulmonis, fere omnes perire dolent medici, cum ex maximis suppurationibus, post morbos inflammatorios pectoris & pulmonum natis, emergant plures: si nempe vel per sputa, vel per aperturam, sponte vel arte factam, exeat pus, antequam delapsum fue-

fuerit in thoracis cavum: ubi hoc enim contigerit, longe majus periculum imminet.

- a) Hippocrat. de locis in homine C. VII. Chart. Tom. VII. pag. 366.

Empyematis sanatio.

Quamprimum vero signa adsunt, pus formatum vomica rupta effusum esse, cura in sequentibus consistit.

1. Pus aperto thorace educere. Quo loco, quibus instrumentis paracentesis thoracis institui debeat, a scriptoribus chirurgicis docetur. Nisi enim cito educatur pus hic collectum & pulmones alluens, illud mora tenuius & acrius redditum miserrimam tamen producet, & frustra puris educatio tentabitur serius, tabefactis jam a pure diu relicto pulmonibus. Casum factæ paracenteseos, additis in operatione cautelis observandis, *Stollius* refert. a)

- a) Stoll rat. med. P. III. 156.

2. *Vulnus percurare*: tum victu, tum medicamentis.

At paracentesi etiam peracta anceps sæpe salus est, neque ægrum evasurum fore teme-

me.

mere prædicendum est, nisi hæc adsint conditiones.

1. Si pus bonum est: id est leve, æquale, foetoris expers, specillum non colorans; alias enim conclamatum est de rebus ægri.

2. *Pulmones integri*: Hinc nunquam licet paracentesin instituere in pleuroperipneumonia; etsi Archiater Moguntinus *Ill. Hoffmannus* a), etiam in eo casu, ubi pus in pulmonum superficie collectum hæret, paracentesin fausto cum eventu institui posse pronuntiet. Cum tamen signa certa atque manifesta de regione pulmonum suppurata plane desint, inter temerarios ausus empyematis operationem pulmone læso institutam referre non dubito.

a) Hoffmann Münsterische Medizinalverordnung.

3. *Abitus corporis bonus*. Si enim cachymia purulenta adsit, aut alia quæcunque acrimonia humoribus inhæreat, certa tabes insequitur.

4. *Absens prædispositio ad phthisin*. In hoc enim casu antiquam pulmonum labem merito suspicamur.

5. *Virium constantia*. Iis enim jam detritis purulenta scaturigo non exsiccat.

6.

6. Optimum tandem signum reditutæ a paracentesi sanitatis est *febris tabificæ vix inchoatæ cessatio.*

Pleuræ coalitus cum pulmone.

Alius frequens morbosus pleuritidis exitus est, dum locus ille inflammatus callosus redditur, atque pleura in eo loco cum pulmonibus coalescit. Signa hujus exitus habentur a respirationis incomodis, a pastu & motu auctis, absentibus tamen signis abscessus aut empyematis. In morbi hujus initiis subinde sanatio possibilis est, si ægri corpus duris laboribus exerceant, rusticatione, & forti equitatione utantur. Quandoque autem omni remediorum apparatu vix aliquid proficimus.

Crisis erronea.

Variis itererum eventus est lymphæ coagulabilis:

1. Lympha coagulabili subito & magna copia in pectoris cavum transsudante, ægri, uti de peripneumonicis dictum est, repente suffocantur.

2. Si parca copia, atque partitis vicibus hæc transsudatio contingat, atque in vasa aërea deponatur, æger, materie hac per sputa sensim sine sensu educ̃ta, sanatur.

3. Sæpe autem lymphæ illa coagulabilis in præternaturalem membranam coalescit, quibus pulmones arctantur, & vinculis præternaturalibus cum pleura colligantur. Duplex inde malum oritur. Asthma insanabile, de quo superius, dum de peripneumonia agebatur, dictum est; alterum autem malum, quod inde oritur, frequens est in novas pleuritides relapsus. Quamprimum enim tales ægri in aliam febrim incidunt, symptomaticæ accedunt pleuritides, ob præexistentem hanc thoracis labem. Hæc autem consuetudo contrahendi pleuritidem amittitur, morbusque præpeditur: 1) vitando causas excitantes cognitæ; 2) vitando, curandoque catarrhos; 3) venæ sectione prophylactica.

Gangræna.

Funeſtiffimus pleuritidis exitus est in gangrænam, non solum lateris, sed etiam pulmonum. Causa autem gangrænæ a vehementia inflammationis, aut ab acri conjuncto sti-

mu-

mulo materiæ arthriticæ, veneræ &c. derivanda est.

Prognosis gangrænæ his ferme continetur:

Sputa purulenta, subbiliosa: signat enim ulcus non boni moris, & facile gangrænescens.

Rorunda significant initio morbi fistulosos jam antea in pulmone abscessus, & cacochymiam; hinc metus ulceris mali moris, & gangrænosii.

Purulenta subfanguea, sed sanguine obsoleo, bruneo, nigrescente, dissoluto, foetido.

Male olentia: Vidimus pessimum ulcus in pulmone, ubi totum cubiculum intolerabili foetore replebatur. Novimus foetorem gangrænæ a decubitu.

Vultu mæstu &c. Est nempe facies gangrænosorum dicta *Hippocratica*, sibi plane dissimilis. De facie Hippocratica legi meretur *Christiani Largii dissertatio in primo Tomo thesauri semiotices pathologicæ, quem Vir Cl. Christ. Schegel edidit Stendaliæ. 1787. p. 423.*

Oculi rubro-flavi: notant enim magnam humorum degenerationem.

Sputa initio varia, scilicet nunc purulenta, sanguinea, nigra, cœnosa.

Stertor &c. Tunc enim est simul summa peripneumonia pleuritidi superveniens, & in gangrænam versa.

Exacerbationes die critico: mortem enim sequenti die critico prænuntiant.

Sedimentum in urinis nigrum: vidit *Stollus* talem urinam in scarlatina, ex qua tamen æger convaleuit.

Lingua nigra, cum bulla nigra lethalis est: id est, si cæteris rebus malis lingua livescens sit, vel in toto, vel in parte, sicque gangrænosa bulla in lingua sit, lethalis. At datur *lingua nigra*, nobis multoties visa, veluti ab roob sambuci, sine periculo.

Reliqua etiam signa, quæ aph. 229. enumerantur, summam humorum depravationem adesse significant.

Quo plura horum signorum adsunt, eo major gangrænæ imminentiæ metus est.

Gangrena imminente Antiqui & *Boerhavius* unctionem lateris proposuere; at solo dolore, tanquam stimulo potuit prodesse. Præstant irritantia ad latus applicata, atque intus ingesta. Hinc vesicans mox lateri applicandum; interne omni remediorum anti-septi-

septicorum apparatu tentandum est, an imminens malum possit adhuc præverti.

Cum autem gangræna inflammatas partes jam occupat, symptomata pleuritica absque manifesta causa mitescunt, pulsu interim parvissimo, omni modo vario, celeri, frigidaque respiratione. Hinc generale axioma practicum *Hippocratis*, quod de omnibus viscerum inflammationibus valet, certissimum est: *secundum rationem levantibus non oportet credere.* a)

a) Hippocrat. aphor. 27. Sect. II.

Ægri tandem in breve delirium incidunt, aut in statum soporosum, thorax livescit, morte mox insequente.

Exitus pleuritidis in mortem.

Ob magnitudinem nempe inflammationis, cum æger vehementissima accedente peripneumonia, indeque omni sanguinis per pulmones transitu abolito, repente suffocatur. Hic est omnium citissimus exitus in pleuritidem. Si enim acutissimus dolor omnem dilationem pectoris impedit, accumulatur sanguis

guis in arteria pulmonali, tenuissima pars tantum in venas transprimitur, crassum aggeritur, & subita fit suffocatio.

Hunc pleuritidis exitum pulchre etiam notaverat *Aretæus* a), sic enim habet: *nonnunquam sane intra hujus temporis spatium omnium in pulmonem transitus est: trahit enim pulmo in se ipsum, & rarus, & calidus existens, & ad proxima trabenda se commovens, tuucque morbi transpositione repente homo strangulatur.*

a) *Aretæus* de causis & signis morborum, §. I: cap. I.

Pueri infantes tunc pereunt convulsi; item meliores sæpe sub hanstu frigida pereunt.

Quæstiones variæ.

Cur sæviori pleuritidi peripneumonia accedat, in præcedenti paragrapho explicatum fuit.

Morbus hic maxime exitiosus est senibus, ob solidorum rigiditatem, atque sanguinis humorumque lentorem, quibus fit, ut accedente pulmonum inflammatione, compositum quoddam

dam peripneumoniæ genus oriatur. *Vera* nempe *inflammatio* in pulmonibus *pituita* repletis, seu peripneumonia *notba* cum peripneumonia vera complicata.

Norunt practici febre valida orta puerperii tempore iliaco febre lochia supprimi. Infelicem talem casum vidit *Swietenius*, dum viginti quatuor horis ante partum gravida mulier acuta corripiebatur pleuritide; peperit infantem mortuum, lochia post partum mox cessabant, dolor venæ sectione parum mitigatus increvit ilico immaniter, & licet repetitis sanguinis missionibus levaretur parum morbus, febris manebat æque acuta, pulmo incipiebat oppleri, & septimadie periit.

Periculosiorem esse pleuritidem graviditatis tempore, nemini mirum videbitur, cum & a febre acuta, pleuritidis comite, abortus periculum immineat, & subitæ vasorum depletiones per repetitas sanguinis missiones non adeo tutæ sint in gravidis. Præterea distento jam multum abdomine difficile respirant gravidæ, cum inter inspirandum diaphragma multum descendere nequeant, adeoque major dilatatio pectoris requiritur; quæ dum impeditur ob dolorem pleuriticum, summæ fiunt angustiae, & metus est, ne cito leth-

thalis peripneumonia sequatur. Non tamen absolute in gravidis lethalis est pleuritis, & meminit *Swietenius* gravidæ mulieris, quæ sputorum excretionem feliciter sanata fuit. Imo in alia foemina bis curavit pleuritidem, dum gravis erat; semel sexto graviditatis mense & semel octavo; utroque tamen in casu feliciter peperit, & puerperii tempore satis commode se habuit.

Dum inspiramus, costæ a se mutuo remouentur, & diaphragma deorsum pressum, thoracis cavum reddit amplius, simulque tunc abdomen assurgit. Dum autem pleuritis adest, absque acerbis doloribus costæ a se mutuo deduci nequeunt. Ubi ergo fasciis circumductis ita adstringitur thorax, ut costæ quasi immobiles reddantur, tunc dilatatio thoracis inter inspirandum fit a solo descensu diaphragmatis versus abdomen, & non distrahantur loca intercostalia: unde ergo insigne doloris levamen percipiunt ægri, & minor metus est, ne ob impeditam inspirationem infarciatur pulmo sanguine immeabili. Interim tamen & hoc notandum, minui quidem sic dolorem pleuriticum, sed manere ejus causam, cui ergo efficax medela adhibenda est, ne in suppurationem inflammatio hic nata abeat,

dum ob levamen doloris minutam esse morbi vehementiam falso quandoque crederet medicus.

Variæ quoque hinc pleuritidis divisiones, quæ passim apud auctores occurrunt, facile intelliguntur. *Ascendens* nempe pleuritis dicitur, quæ simpliciter versus jugulum vergit, *descendens* vero, quæ infra thoracem est. Ita communiter accipiuntur hæc vocabula. At melius *pleuritis ascendens* ea vocanda est, quæ superiorem corporis partem, scilicet thoracis latus occupat simpliciter; *descendens* vero, quæ infra thoracem est, in mollitudine laterum, ut ait *Baglivius*. In priori enim pulmo affectus; in posteriori vero sæpissime primas vias saburra affligit. Prior periculosior, altera non item. In prima ceteris coindicantibus venæ sectio, in altera purgatio. Hæc distinctio ascendentis pleuritidis & descendens male intellecta, cum, an vena secanda, vel purgandum sit, inde desumatur, ut *Hippocrates* jubet, gravium sæpe errorum causa fuit. Descendentem enim pleuritidem illam putarunt, quæ inferiorem thoracis partem, sive inferiores pulmonum partes afficeret. Quid sub nomine pleuritidis dorsalis, duplicatæ, acutæ, chronicæ intelligitur, vel ex solis nominibus patet,

Pleu-

Pleuritides infantum difficulter dignoscuntur, cum pulsus, ob summam corporis tenelli irritabilitatem medicum nil doceat, neque infans ipse sedem doloris verbis possit significare. Optimam hujus mali diagnosin attentæ respirationis observatio subministrat. Si enim causa ad eum morbum producendum idonea præcesserit, quæ plerumque in perfrigeratione consistit, febris supervenit convulsionibus stipata, infans inter clamores respirat, thorace ex uno latere fere immobili, altero intraducto, pleuritidem adesse recte conjicies.

Opium pleuritidi veræ non convenit, cum inflammans sit remedium, alvum & urinas suppressat, sudorem pellat; neque expectorantia remedia, utpote moventia, in statu pleuritidis inflammatorio conveniunt.

Neque vesicantia veræ pleuritidi conveniunt; at in rheumatica, ut supra ostendi, & in vera quandoque, viribus vitæ, ob evacuationes sanguineas prægressas, collapsis, cardiacum remedium sunt cantharides.

Empyema in pleuroperipneumonicis lethale; nam etsi sectione pus eduxeris a latere, pulmo tamen tabe consummitur.

Pulsus mire in pleuritide fallit, in corpore enim valde irritabili irregularis, inter-

mittens; subinde in brachio lateris affecti durus; subinde in utroque brachio mollis observatur.

Multi practicorum contendunt, se plures pleuritides, ubi dexter thorax affectus erat observasse; quamvis alii pleuritidem sinistri lateris æque frequentem esse dicant. Id tamen probabile est, sinistri thoracis pleuritides ob pericardii atque ipsius cordis viciniam magis funestas esse.

Muliebri sexui, ob minorē in inflammationes propensionem, rarior pleuritis contingit; at tum in fœminis tum in viris, rarior utique ante pubertatem pleuritis, at si quondam occurrit, periculosior esse censeatur.

DIAPHRAGMATITIS.

Inflammatio diaphragmatis, quo nomine hujus partis inflammatio, si analogiam vocabulorum spectas, quibus reliquarum partium inflammationes compellantur, aptius certe insignitur. *Paraphrenititis* enim nomen, merito ex practico systemate exterminandum est a) cum paraphrenitis mitiorem delirii febrilis gradum notet; in ipsa autem diaphragmatis inflammatione delirium haud constans morbi nota fit. Delirium enim illud mite, quo a phrenitide paraphre-

phrenitis discriminatur, quibuscunque aliis etiam inflammationibus a diversa materie non raro accedit.

a) Cel. Selle rudiment. pyretholog. Edit alt. pag. 127.

Sedem hujus mali statuit *Boerhaavius* vel in pleura, diaphragma obtegente, vel in ipsa diaphragmatis substantia. Cum autem variæ sint regiones hujus membranæ, quæ inflammari possunt, varia quoque inde symptomata oriuntur.

Et si ab *Avenzoar* memoretur hic morbus, tamen prætervisus est a posteris. Confunditur sæpe cum ipsa pleuride, ob membranæ succingentis continuitatem; cum hepatide gibbæ partis, cum qua tamen non raro conjungitur; cum morbo maligno, ob pulsus tenues, inquietem, frigus extremorum; cum morbo bilioso, ob vomitus æruginosos.

Quidquid movet, tendit, concutit, deprimit, sursum urget diaphragma, *dolorem inflammatorium facit.*

Ad hæc symptomata accedunt alia adhuc signa:

I. *Respiratio sub motu thoracis peracta, secus ac in pleuritide.* Miseri enim

ta-

tales ægri superiores costas elevare & deducere nituntur, ut aliqua pectoris dilatatio pro inspiratione adhuc fieri possit. Hinc sublimis illa, & parva respiratio; sed & frequens simul cum suffocationis molestissimæ sensu.

2. *Introsursusumtractio Hypochondriorum:* Hypochondria autem introsursum revelluntur, quia omni molimine cavent ægri, ob summum dolorem, ne diaphragma descendat inspirando; hinc illud quasi retractum sustinent; sed sic simul hepar, ventriculus, lien, magis sub hypochondriis quasi reconduntur. Imo videtur *Galenus* a) illam hypochondriorum revulsionem pro signo pathognomonico diaphragmatitidis habuisse: ita autem habet: *Atque ut summatim dicam, eorum symptomatum, quæ phrenitidem antecedere diximus, aut nullum apparet, aut perexiguum in iis, quibus diaphragma inflammare incipit; ut, rursus sursum revelli hypochondrium, ilico ab initio septi transversæ affecti, proprium fit; in cerebro vero affecto posterius accidit, non incipiente affectu, sed cum factus jam fuerit.* Et *Celsus* b) etiam ait: si septum transversum perculsum est, præcordia sursum contrahuntur.

a) Galenus de locis affectis. L. V. C. 4.

b) Celsus. L. V. C. 26.

Dantur tamen alia adhuc signa, quæ ita adsunt inflammato diaphragmati, ut etiam stante hac inflammatione abesse possint. Atque primo *delirium*, quod tamen non semper & ubique inflammatum diaphragma comitatur; *Convulsio* in irritabilibus accedit. *Risus sardonius* etiam in aliis aliarum partium inflammationibus adest; vidit *Stollus* hoc symptoma etiam in cynanche scarlatinosa, in inflammationibus gingivarum dente exitum moliente, in dormientibus.

Exitus habet eosdem cum pleuritide, excepto *ascite purulento*. Si nempe abscessus natus in diaphragmate pus suum effundit in abdomen, producit ascitem purulentum, repleto cavo abdominis, & distento a pure hic accumulato. Sed difficulter determinatur, an pus in pectoris cavum vel in abdomen effusum sit, nisi totum jam abdomen magna copia puris repletum insigniter tumeat; sed hoc non nisi diu post ruptum abscessum contingit, adeoque sero tentaretur puriseductio.

Cura quoque cum pleuritidis cura hinc maxime convenit. Clysmata injecta, cum per totam longitudinem intestini coli usque

ad

ad ilei finem venire possint, multum boni faciunt, quia intestinum colon, ubi circa hep̄ar & lienem pergit, diaphragmati vicinum est; adeoque illud intestinum molissimis decoctis per clyisma injectis repletum, fomentum applicat blandum & resolvens inflammato diaphragmati.

Historiam addo diaphragmatitidis lethalis gangræna terminata ex *Huxhamo. Op. T. I. p. 301.*

Historia morbi.

Vix sane observavi unquam cruorem, ab ægrotantibus detractum, magis densum atque glutinosum, quam hoc tempore, idque sæpe post quartam imo & sextam sanguinis missionem — hoc profecto notavi præcipue in primario *nosocomii* nautici chirurgo, qui ineunte mense *paraphrenitide* fuit peremptus.

Bonus hic & ingeniosus certe vir mane, tertio *Aprilis*, inhorruit, mox rigore maximo correptus, inter visitandum ægrotus, se recepit, protinus sævissimo dolore dorsi ac imi pectoris dextri percitus subcubuit, febricitavit vehementer. Missus est extemplo sanguis ad Unc. sedecim; me dein accersiri voluit. Fotum emollientem, & laxans *enema*, præci-

cipio, *nitrique* plurimum & *spermatis ceti*,
 potum diluentem porro & subtepidum, li-
 beralem; furente tamen usque dolore, sub
 noctem alteram sanguinis missionem ad Unc.
 sedecim, fotumque iterum, & *enema* e lacte
 dulci cum sale marino plurimo, quo bis, ter-
 ve deiecit alvus; mox *Diacodii* Unc. semis-
 sam sumpsit ac *Tinct. Thebaic.* gutt. xxjv. —
 Tota nocte ejulavit, difficillime spiravit, tus-
 sicula arida vexatus nil exspuit — bene ma-
 ne adeo, die quarto Unc. xjv. sanguis detra-
 ctæ sunt, fomenta etiam & *cataplasmata* de-
 mulcentia admota, pauloque post injectum est
 emolliens *enema*, quo rejecto epotus est hau-
 stus *anodynus*: pacata hinc omnia per horas
 aliquot, accessit vesperi somnus. — Infidæ
 autem hæ induciæ! Nox maximis in molestiis
 acta; febris vehemens, spiritus brevis, in-
 interruptus, difficillimus, dolor acerrimus, fi-
 tis ingens, lingua arida. — Ergo V. Aprilis
 H. 9. a. m. repetitur venæ sectio ad Unc.
 XII. saltem, *mannæ* porro Drachm. X. cum
 sale mirabile Glauberi Unc. Semiss. ex juscu-
 lo avenaceo assumptæ sunt; ter hinc, qua-
 terve respondit venter, sævissimus tamen us-
 que urget dolor, pulsusque celerrime vibrat,
 exilis quidem, sed durus admodum: bis no-
 ctu

Cui sunt repetita *anodyna*, unde sopor aliquis,
 at perturbatus valde. — Cum parum hæc om-
 nia proficere viderim, *camphoram* cum *nitro*
 &c. exhibui, *haustusque salinos ex Sale Corn.*
Cerv. succo Limonum &c.; ut nimirum per
 sudores forsan morbum elicerem; fœmoribus
 porro atque dorso *vesicatoria* applicari jussi. —
 Sudavit paululum inæqualiter, mox autem ri-
 gor invasit, dolorque dorfi & lateri imma-
 nis recrudit, adeo ut jam non modo excla-
 maret, sed & fureret plane; quinta adeo vice,
 die 6 nempe, post meridiem, sanguis emit-
 titur ad Unc. XV. circiter; ad fomentum dein
 & *clysmā*, nec non *anodynæ* confugimus, hinc
 quies aliqua, sed languor magnus, obrepit
 denique somnus. Post sex vel octo horas
 inalgescens horruit, ejulavit, deliravit, se
 flammis atque ferro excruciatum intus, dex-
 tro e latere, exclamavit; (durum valde, sed
 retractum, persensit hypochondrium dolens)
 anhelavit quasi ex citissimo cursu, interim
 maximo nisu, at summo angore, quasi gladio
 perfossus, suspirium edere anxie desideravit. —
 Dubius omnino quid facerem, ultra sextam san-
 guinis missionem suadeo ad Unc. XII. circiter,
 fomenta iterum *cataplasmata & anodyna*. —
 Supervenit sopor, tremor, tendinum subul-
 tus,

tus, singultus, atque se relevatum prædicat; quievit utique plurimum, sed aliena murmurans & incondita — Frigidiculus occupat sudor frontem, dum genæ intenso rubore flagent, nigrescunt ungues, frigescunt manus; facilius vero movet, imo & se sponte in lecto erigit, melius se multo autumans, si modo gravitas spiritus immensa, & aliquantus usque lateris dolor ac pondus abessent. — At ego hominem plane moribundum video, septo transverso nempe *sphacelato*: tamen sopores inter singultus & deliria, attingit noctem die septimo mensis, paulo ante meridiem, obiit vir, si quis alius, vita dignus longiore. — Mox post mortem lividum quasi a contusione apparuit totum latus dextrum: os *ilium* ad usque. Hic casus fuit vere *paraphreniticus*, cujus perpauca extant apud scriptores medicos historiæ: credo equidem longe sæpius occurrit quam vulgo putatur.

Ab hoc ægroto intra quatrimum detractæ sunt sanguinis uncia fere centum, cujus singula portio erat quam maxime viscida, etiam ultima, licet sero permulto tenuissimo limbo innatabat crassamentum (parvula velut insula globosa, pene tamen prorsus submersa)

sa) quod firmissimo quasi corio etat obductum, vix utique scalpello penetrandum.

INFLAMMATIO MEDIASTINI, PERI- CARDII, CORDIS.

Triplex hæc partium thoracis inflammatio cognitu non raro difficilis est, eo quod ob vicinum situm, una facile in alteram trans-eat, aut etiam binæ, aut omnes simul adsint. Non tamen magnus inde error practicus, medicum in transversumaget; characteribus enim inflammationis topicæ manifestis, quæcunque demum pars inflammata sit, antiphlogistica methodus adhibetur.

Signa *mediastini* inflammati præter febrim continuam inflammatoriam sequentia apud *Avenzoar* a), & *Petrum Salium Diversum* b) notantur: Inquietudo magna, & sitis ingens, respiratio frequens admodum, & celeris; circa vitalia æstus validus; in thorace tamen nullus acutus dolor, sed ad sternum angustia quædam potius, quam dolor; tussis, sicca in initio, prodeuntibus postea sputis coloratis, unde certo illos pro pleuriticis habuisset, nisi dolor lateris obfuisse. Optime autem notat *Salus Diversus*, minus dolere inflammatum mediastinum, quia dilatato inter inspi-
ran-

randum thorace non distrahitur, ut pleura. Ubi vero inflammatio ad pericardium adeo vicinum propagatur, tunc syncope solet accedere, & pulsus mira perturbatio. Fatetur autem se eo diligentius ad hæc omnia attendisse, quia junior adhuc sub præceptoribus celeberrimis studio medico operam navans, viderat nobilem virum morbo; omnibus enumeratis symptomatibus stipato, decumbentem, præter spem occubuisse nono morbi die, dum omnia in melius tendere videbantur: aliquoties tamen ante mortem syncopen passus fuerat. Cum autem medici de morbo dubitarent; amici vero venenum datum fuisse suspicarentur, voluerunt, ut in cadavere mortis causa investigaretur. Inventus autem fuit in mediastino tumor inflammatorius notabilis magnitudinis, & simul apparuit, inflammationem pro parte & pericardium occupasse. Nec ulla alia mortis causa in demortui cadavere inventa fuit.

a) Avenzoar L. I. Theisr. T. 16. c. 11.

b) Salius diversus de febre pestilenti. p. 247.

Frequentius forte contingunt *mediastini* & *pericardii* inflammationes, quam creditur.

Cer-

Certe illæ causæ, quæ frequentissime pleuritidem producere observantur, efficaciter agere possunt & in has partes; ær nempe frigidus, vel & potus gelidus magno haustu ingestus, ab homine a labore, vel calore æris admodum æstuante. Signa autem præcipua inflammati pericardii sunt, causæ prægressæ, æstus magnus circa thoracem medium, doloris pleuritici absentia, pulsus perturbatio, & animi deliquia. Sæpe potest & talis morbus pleuritidem vel paraphrenitidem comitari, & miram pessimorum symptomatum syndromem facere.

In prognosi majus periculum statuitur, quam in pleuricide, imprimis si pericardium inflammatum fuerit, ob cordis viciniam, & velocissimam hic humorum circumductionem. Adeoque curatio pleuritidis subito instituenta, ut per resolutionem sanari possit hæc inflammatio; omnis enim alius exitus inflammationis vel mortem subitam producit, vel molestissima, & vix superabilia relinquit mala. Si enim suppuratio hic oriatur, pus collectum in cellulosa illa substantia, quæ mediastini duplicaturæ interjacet, miras sibi poterit parere vias, dum proprio pondere descendit inter pleuram & corpora vertebrarum, sicque sinus

nus & fistulus insanabiles producet, uti facile patet. Si in pericardio suppuratio facta fuerit, in ejus cavum delabi poterit, & cor undique alluere. *Rondeletius* a), qui hunc morbum observavit, in nobili viro invenit cor seroso humore in saniem verso, aut, quod mihi probabilius, lymphâ coagulabili transfluente, obducto.

a) *Rondeletius de cognoscendis morbis. C. X.*

Vehementem ejusmodi mediastini inflammationem *Huxhamus* a) observavit anno 1746. „ Est etiam, & jam passim insolita quædam pleuritis (si sit ita nominanda), ut inter scutula operta acerrimus sævit dolor, qui ad sternum usque protenditur, maxima cum gravitate pectoris, & spirandi labore; interdum & per totam dorsî spinam, & hypochondrium immaniter cruciat, adeo ut vix respirare, aut tussire valeant; imo in molimine tussim aliquando suppressere nituntur ob doloris vehementiam; volunt se subinde in lecto esse erectos, mox vero ejulantes, impatientes, atque prorsus impotentes recumbunt; urget adeo jactitatio perpetua, anxietas horrenda, tormentum intolerabile; continua vexantur tussicu-

ficula, at parum aut nihil exspuunt, vel spumosa & cruda penitus; accedit interdum singultus, quem paulo post sequitur inæqualis, frigidus oleosus sudor, brevique mors. Est profecto acutissima febris, & intra perpaucos dies jugulat: robustum quemdam juvenem quarto die inter tussendum violenta nervorum distentione correptum atque abreptum novi. “

a) Huxham Op. Tom. I. p. 336.

At ipsa etiam cordis substantia inflammatione subinde corripitur. Signa carditidis sunt calor magnus circa vitalia, dolor inflammatorius obtusus in regione cordis, anxietas summa, syncope, & pulsus omni modo irregularis.

Hinc ratio habetur collecti puris, feri, aut lymphæ coagulabilis in pericardio. Abscessum cor undique circumplectentem, & inde jam ferme putrescens invenit *Columbus* a) Idem discipulum in Romana Academia mortuum secuit, sæpius in syncopen delapsum, qua & periit; credidit autem pericardium omnino defuisse; sed longe videtur probabilius illud cordi fuisse accretum. *Ruyschius* b) obser-

servabat cor hominis, qui febre continua cum intolerabili dolore circa pectoris anteriora laboraverat; cor autem scabrum in superficie exteriori pericardio concreverat. *Freind* c) testatur, se vidisse pericardium, in toto suo ambitu quartam pollicis partem æquans crassitie, & accretum cordi adeo firmiter, ut nullibi separari potuerit absque laceratione; partim autem scirrhosum erat pericardium, partim plenum parvis abscessibus.

a) Columbus de re anatom. L. XV. p. 267.

b) Ruyschius. Thesaur. anat. VI. N. 36.

c) Freind. History of physick.

HEPATITIS ET ICTERUS MULTIPLEX.

Divisio & fallaciæ hepatitidis.

Non infrequens morbus *hepatitis inflammatio* habenda est; nam eædem causæ, quæ inflammandis aliis visceribus idoneæ sunt, hepar quoque non raro inflammant, atque hepatitidem *originariam* producant; etsi quandoque causæ hepatitidem producentes *intus* nascantur, & humore quocunque acri ad systema hepaticum depositio *hepatitidem symptomaticam* constituent.

Sæpe medicis imponit sub specie *pleura-peripneumoniæ*, tunc scilicet, si gibba hepatis pars inflammata respirationem difficilem reddit, atque in dextro latere dolor punctorius, vehemens ad jugulum usque pertingit, tussis atque inspiratione auctus. Error tamen is, cum eadem medendi methodus adhibenda sit, ægro nil detrimenti adfert. Magis funestus is error est, cum medicus hepatitidem pro *febre biliosa* habet. Sæpe medicos in eum errorem seductos vidi, 1) ob colorem faciei, oculorum, urinæ similem in utroque morbo; 2) ob amarorem oris, nauseas, vomituritiones, vomitus biliosos; 3) ob anxietatem &c. Verum facile is error vitari poterit accurato ægri examine, & constitutione epidemica simul perpenſa.

Causæ hepatitidis.

Ad causas generales, quæ hepatitidem producant, pertinent præcipue metastasis materiæ, seu inflammatoriæ, aliud prius viscus occupantis, seu febrilis, quæ cum humore biliformi commixta ad hepar decumbit. Frequens hæc metastasis in febribus biliosis, dum materies morbi nondum debite soluta inepta medicatione

ne

ne ad exitum urgetur. Subinde tanta est bilis abundantia, aut acrimonia, ut summa vi in hepar ruat, idque inflammet.

Hinc æstas adulta præ ceteris, anni temporibus hepatitidi favet. Ita *Bianchi* a) fervidis, aridisque æstatibus in nosocomiis militum epidemicum tale malum observavit. Acutissima statim orta febre ægri percipiebant ardorem summum in hypochondrio dextro; urina aderat flammea; vix tumor ad hepar apparebat, vel tensio, in aliquibus macula quædam saturate rubra totum dextrum hypochondrium occupabat. Illis, qui evasuri erant, tertia die symptomata minuebantur, & quarta die evanescebant absque manifesta crisi. Perituris vero nec febris, nec symptomata remittebant, sed subita correpti phrenitide moriebantur quarta vel quinta die: notat autem, non adfuisse dolorem gravativum, neque tensivum, sed acutissimum, & perterebrantem quasi. Similem utcumque hepatitidem æstivo tempore ortam pariter, a bubulæ carnis esu & ebrietate descripsit *Hippocrates* b) ibique notat: *dolores acutos ingruere, neque ulla hora deferere, sed semper magis urgere.* Erysipelatosam autem hanc hepatis inflammationem fuisse contendit *Bianchi*, partim ex rubore

hypochondrii dextri, tum etiam, quia in muliere quadam similem morbum viderat, qui tertia die mortem minitabatur; verum subito tota facie erysipelate fervidissimo occupabatur, & quarta die febris, & hepatis malum absque ulla alia evacuatione cessabant.

a) Bianchi histor. hepat. p. III. T. I. p. 426.

b) Hippocrat. de internis affectionibus.

Examinandæ veniunt nunc nonnullæ causæ, quæ huic loco maxime propriæ sunt.

Obesitas omenti ingens. Omentum, quod in abortibus & recens natis infantibus subtilissimi serici tenuitatem superat, quando nullam pinguedinem in se continet, imo & in adultis, sed macilentis hominibus tenerrimæ structuræ apparet, potest mele augeri immaniter, dum in obesis optima pinguedine repletur: turgentis in his aqualiculi moles pro maxima parte ab omenti obesitate pendet. Videmus in saginatis bobus quandoque centum libras æquare omentum, quod tamen omni pingui inde ablato, paucas tantum membranulas relinquit. Hinc tanta omenti moles premendo vicinâ omnia viscera nocere potest. Verum majus discrimen obtinet, dum
per

per motum corporis validum, vel febrim acutam stagnans hoc pingue funditur, & circumstantibus humoribus miscetur. Per corporis enim exercitia valida, & morbos acutos moveri stagnantem pinguedinem & exire de corpore docent certissima, & quotidiana observata. Sed omentum nullum habet vas excretorium, & omnis illa pinguedo fusa, vel motu per morbum, vel calidos labores, per epiploicas venas directe abit in venam portarum, adeoque subito totum hepar inundatur hoc pingui oleo, quod difficillime per ultimas angustias vasorum transit, & pessimas obstructions producere potest; imprimis in illo viscere, quod primo oleosæ hujus plethoræ impetum excipit.

Atrabilaria sanguinis biliosæ temperies.
Talem hepatitis causam Hippocrates a) posuit: *Hic morbus oritur ab atra bile, quando ad hepar confluerit.* Monet etiam quandoque adeo perniciosum esse hunc morbum, ut subitam mortem inducat. Ubi nempe in magnam acrimoniam simul degeneraverit atrabilaria hæc saburra, tuncque subito omnia destruat.

a) Hippocrates de internis affectionibus.

Acrimonia. Pus, ichor, scorbuticus humor, si ad hepar metastasis sit, acrimonia sua hoc viscus inflammant.

Bilis. Ubi enim bilis cystica mora acrior facta per calorem aëris æstivi, motumve corporis validum ad putredinem vergere incipit, tunc certe vicinum hepar, cui vesicula felle dimidia fere sui parte accrescit, pessime afficere poterit.

Lapis &c. Ad causas prementes, quæ premendo vasorum fines coarctare possunt, pertinent calculus, lapis, scirrhus, steatoma, abscessus &c. premendo partes contiguas possunt impedire & turbare liberum sanguinis venarum portarum per hepar transitum, vel & bilis secretæ jam exitum liberum sistere.

Causæ vero præcipuæ, quibus sanguis per venam portarum movendus ita disponitur, ut libere transire nequeat per ultimos fines angustos venarum portarum in hepate sequentes sunt.:

Subita perfrigeratio. Maximo se discrimini exponunt, qui a laboribus æstuentes gelido potu affatim haustu ventriculum replent; longe magis, si glacie frigidissime redditum potum ingurgitant. Simile etiam discrimen imminet a natatione, dum quis sudans a labo-
ri-

ribus aquæ frigidæ corpus immergit; vidit *Swietenius* aliquoties ab hac causa hepatitidem, & pertinaces admodum icteros natos fuisse.

Sitis diuturna; quia sanguis venosus vasorum abdominalium defectu liquidi per venulas meseraicas resorpti, crassimus redditur, antequam per venam portæ in hepar propellitur, adeoque hærebit facillime in angustiiis ultimis vasorum.

Febris ardens. Ob sitim enim in hac febre immanem, atque ingentem in totius corporis siccitatem inflammatio in hepate facile poterit excitari. Quondam pessima illa methodus invaluerat, ut etiam in fervidissimis morbis omnis omnino potus miseris ægris negaretur, vel saltem concederentur parcissima tantum copia. Facile patet tunc, & similia in hepate nasci potuisse mala, ac dictum fuit. Sapientes veteres medici sollicita morborum observatione didicerant, in pessimis morbis ab hac causa sæpe hepar affici, hinc hypochondria explorabant in tali casu, an tumere aut dolere inciperent, & præcipue hypochondrium dextrum, atque inde pulcherrimæ deducebant præfagia circa varios morborum exitus in sanitatem, mortem, vel alios morbos.

Sum.

Summæ animi perturbationes. Videmus enim in his animi affectibus omnia vasa constringi subitissime, unde statim anxietatis, & ponderis gravantis sensus circa præcordia percipitur, humorum libero transitu per vasa impedito. Præterea a validis animi motibus atrabilariam humorum temperiem produci notum est.

Vomitoria. Vehementi enim vomitu motus sanguinis venosi abdominalis acceleratur, adeoque majori impetu ruet per venam portarum in hepar. Si vasa pervia sint in hepate, & sanguis meabilis, ab hac motus acceleratione non multum mali exspectandum est. Verum si atrabilaria materies per concussus illos inter vomendum subito mota in hepar ruat, vel viscus illud antea jam labefactatum in morbis chronicis fuerit, magnum sæpe malum imminet ab accelerato motu sanguinis per venam portarum. Observatum sæpius fuit in tali casu, lethalem hypercatharsin, sanguinisque sursum & deorsum evacuationes subitas secutas fuisse post vomitorium datum.

Mala hypochondriaca inveterata. Ubi in toto sanguine mobilioribus a quacunque causa dissipatis, crassiora & minus mobilia coiverint, producitur illa sanguinis cacochymia,
quæ

quæ atrabilaria medicis vocatur. Ubi vero eadem causa perennante, quæ hanc cacoehymiam produxerat, in visceribus abdominalibus colligitur materies atrabilaria, tunc vocatur morbus hypochondriacus sine materie; adeoque ex illis, quæ paulo ante dicta fuerunt, satis intelligitur, quare tale malum inveteratum hepatitidis causa esse possit, si nempe causa quædam solvens hanc materiem atrabilariam, & movens in hepar accesserit.

Prognosis hepatitidis in genere.

Ut autem ex artis regulis in hoc morbo determinetur, quid boni sperandum sit, quantumve mali metuendum, præcipue attendendum ad sequentia.

1. Varietas dispositionis præcedentis in hepate. Si enim hepar antea scirrhosum fuerit, vel calculosis concretionibus infarctum, facile intelligitur, difficilius sanari hepatitidem, quam si hæc mala non præexistissent.

2. Varietas materiæ motæ & inflammantis: Pinguedo e. g. omentis subito soluta, & in hepar mota, pessimas inflammationes facere poterit. Ubi vero atrabilaria materies acris jam reddita, in hepar propulsa, morbi

cau.

causam constituit, facile patet, nullam spem superesse.

3. Pro varietate causæ pellentis. Si enim valida admodum febris comitetur hepatitidem, tanto major metus est funesti eventus, cum resolutio inflammationis sedatum motum sanguinis requirat.

Effectus Hepatitidis.

Effectus hepatitidis varii sunt pro varia parte inflammata hepatis.

1. Si *suprema* pars sit inflammata, cum vicino diaphragmate, sæpe cum thorace ipso erit dolor *punctorius*.

2. Si medium hepatis inflammatum, erit anxietas inexplicabilis, jactatio, impedita secretio bilis per viscus inflammatum, color cereus, aut cæreo coccineus, ardor, fitis ingens, febris ardens, pulsus exiles, formicantes, leipothymix crebræ.

3. Si infima pars cum vesicula fellea, ductu hepatico, cystico, choledocho, sæpe cum intestino ipso, erit vomitus æruginosus cum ictero & prioribus symptomatibus auctis.

Sed ulteriores adhuc dantur effectus, ex quorum præsentia hepatis inflammatoriorum

vitium innotescit. Ob circulationem humorum per viscus inflammatum impeditam, plethora oritur abdominalis, sanguis in vena portæ congestus, hinc terribilis anxietas.

Hepar inflammatum tumet, tumore vicina premit, potissimum ventriculum; inde vomitus ab ingestis, ventriculus distentus versus hepar urgetur, inde major anxietas. Costæ spuriae extrorsum premuntur, inde dolor. Tumor tactu deprehenditur, pressusque dolet.

Impedito humorum motu per hepar, sanguis in vena portæ sistitur, itemque in arteria cœliaca. Hinc cardialgia. Falso accusatur tunc ventriculus.

Bilis nondum secreta icterum non facit, sed faciem ceream, & cacochymiam biliosam. Neque tamen semper obstructio requiritur in pulsu hepatico, aut cystico, aut communi; nam vidit *Stollius* a) patulis viis his icterum.

a) Stoll ratio medendi Tom. III.

Signa hepatitidis.

Consideratis hepatitidis effectibus, illorumque causis explicatis, signa, quibus hepatitidis ab aliis viscerum inflammationibus dig-

noscitur, ulteriori explicatione non indigent. Sunt autem ea signa, præter febrem acutam inflammatoriam, sequentia:

1. Dolor gravativus hypochondrii; dolor obtusus, tactu auctus.

2. Decubitus facilius in dorso; minus facilis in sinistro; difficilis in dextro.

3. Respiratio thorace potissimum dextro peragitur; inspiratio difficilis, facilius expiratio.

4. Signa febriliteralia.

5. Anxietas.

6. Alvus tarda.

7. Urina parca, crocea, oleosa, cum sedimento lateritio.

8. Inflammatio partium vicinarum.

9. Hæmorrhoides.

10. Icterus.

EXITUS HEPATITIDIS IN SANITATEM.

L y s i s.

Benigna morbi solutio locum habet, si inflammatio recens, rheumatico, arthritico, venereo stimulo intermixta. Ars tunc tantum subministrat copiam diluentis vehiculi,

re-

remedia talia , quæ absque motus circulatorii augmento solvunt illa, quæ hæere incipiunt in angustiis vasorum hepaticorum : qualia sunt serum lactis recens, juscula diluta, quibus incoquuntur lactucæ, borraginis folia, scorzonæræ radices &c. hordeum, oryza, succi fructuum hordeorum recentes, vel leviter cocti, roob ribesiorum, sambuci, & similia, cum nitro, sale mirabili Glauberi &c. Eliguntur autem imprimis illa, quæ putredini hic metuendæ, quam maxime adversa sunt, & simul mollia satis, cum blanda humorum indoles ad curam per resolutionem obtinendam semper necessaria sit. Epithemata ex similibus parata eidem scopo inserviunt. Clysmata autem laudantur pariter, quia & in collo hærentia blandum fotum hepati largiri, & quia remedia solventia sic injecta, venis bibulis resorpta, directe, & in integris suis viribus ad locum affectum in hepate pervenire poterunt. Frequenter in febribus autumnalibus levis talis hepatitidis signa inveniuntur; anxietas quadam circa præcordia potius, quam dolore, faciei ceraceo quasi colore, urinis biliosis, levi quandoque flavedine in albo oculorum, imprimis circa angulum majorem cognosci hoc poterit, & solet simili methodo feliciter cu-

rari talis morbus, qui neglectus in principio, vel maximo motu, per vomitoria excitato, dum urgetur materies nondum resoluta, & profundius impingitur in extremis vasorum angustis, chronicos morbos difficillime curabiles postea producere poterit. Tales leviores hepatitidis etiam in febre biliosa nonnunquam ante turgescentiam oriuntur.

Crises hepatitidis.

Variae sunt viæ, per quas materia morbi cocta cum felici successu exire solet de corpore, quæ singulatim expendi meretur.

1. Judicatur hepatitis diarrhæa biliosa, non eo sensu, quod bilis alvo educatur, sed quod materia flavo colore bilem referat. Subinde materia hæc alvo rejecta, sputorum peripneumonicorum ad instar, striis sanguineis permixta sunt, ut quandoque dysenteria adesse credatur. Ante quartum autem diem talis diarrhæa accidere debet, quia, si serius accidit, per se jam non benigna resolutio, sed suppuratio speranda est, nisi per artem succaratur.

Generalem regulam posuit *Hippocrates* a) in morborum curationibus: quæ ducere oportet,

tet, ducenda sunt, quo maxime vergat natura, per loca convenientia. Cum ergo alvus incipit fluere biliosa cum paucis cruore ante diem quartum, illam evacuationem promoveri oportebit, non quidem per valida purgantia, quæ totum corpus turbant, sed per lenia illa abstergentia, quæ materiem morbi amplius attenuare valent, & mobilem reddere, & leni stimulo simul alvum promovent. Serum lactis recens, vel æstivo tempore, dum armenta lacte virentibus herbis pascuntur, optimum est, & pro potu communi, & medicamenti titulo; efficacius adhuc illud redditur, si decoquatur cum herbis lactescentibus e. g. radicibus endiviæ, cichoræi, scorzonæræ, taraxaci &c., quarum egregiæ vires in resolvendo viscido febrili notæ sunt. Conveniunt hic etiam subacida, vel acescentia e. g. tamarindi, roob sambuci, syrupus e succo citri, diluta in sero lactis, decocto hordei, avenæ &c. Simul etiam epithemata & fomento dextro hyponchondrio, imo & toti abdomini applicantur. Clysmata ex similibus parata injiciuntur frequenter, ut eluantur intestina crassa, & simul hac spe, ut pars eorum, si diutius retineantur, per venas mesentericas resorpta, directa via in hepar tendat,

tia, ibique diluendo, resolvendo, abstergendo profit. *Hippocrates* b) sic in cura hepatitis betæ decoctum cum melle & nitro laudavit pro clysmate; dedit sorbitiones hordeatas cum melle; pro potu mel, aquam, acetum simul permista, quæ similem, ac modo dicta, effectum præstant.

a) Hippocrat. aph.

b) Idem de internis affection. Cap. 1.

2. *Urina*. Uti materia inflammata soluta in hepate biliosa vasa intrans commode per potum hepaticum in intestina delabitur, & per alvum exit, ita & eadem materia ex finibus venæ portarum obstructis in venam cavam ire potest, sicque circulantibus humoribus permista, per varias vias expelli de corpore. Cum autem per urinas naturali lege plurima exeant de corpore, quæ relicta nocerent, ita & in hoc casu fieri poterit. *Galenus* copiosis urinis profluentibus hepatitisdem levare posse tradidit; & *Trallianus* a) radicis apii leve decoctum cum oxymelle commendat in hepatitis, ubi inflammatio concoqui incipit: nam per urinas materia subtrahitur ait, & tumor imminuitur.

a) Trallianus L. VIII. Cap. 1.

Pro-

Profunt hinc fere omnia , quæ numero præcedenti laudata fuerunt ; imprimis si larga copia aquæ vel feri lactis diluta sint, ut copiosum præbeatur urinæ vehiculum. Taraxacum, & similia vi detergenti diuretica huic scopo pariter inserviunt. Non enim hic requiruntur acria diuretica, sed leniora tantum.

3. *Superveniens dolor mitior lienis.* Mitior talis lienis dolor non juvat, quatenus excretionem materiæ morbosæ facit, sed tantum est signum, quod hepatis vasa infarcta liberari incipiant, adeoque per alias tunc vias excretio materiæ solutæ & mobilis redditæ erit expectanda. Simul etiam apparet, tunc mitiorem talem lienis dolorem pro bono signo habendum esse tantum, ubi nulla signa suppurationis adhuc adsunt; quia in valida hepatide, & in vomica hepatis jam nata, talis dolor in liene nascitur ideo, quod vena lienaris impediatur sanguinem suum tradere venæ portarum. Sic observatur quandoque talis dolor circa lienem, ubi hepar in scirrhum indurescit; uti etiam in ictero pertinaci. Etiam in hoc casu nihil aliud requiritur præter illa, quæ modo dicta sunt.

4. *Hæmorrhagia narium.* Quantum boni in morbis acutis salubris narium hæmorrh-

hagia faciat, omnibus notum est. Neque talis hæmorrhagia solum prodest, quatenus copiam sanguinis minuit, cum multo plus juvare observetur, quam aliæ quævis per artem factæ sanguinis evacuationes. Sæpius observatur in morbis, critica tali hæmorrhagia exire sanguinem magis nigricantem, neque colore illo rutilo præditum, qui sanguini arterioso proprius est, & quidem summo cum levamine. Vidit *Swietenius* in pleuritico juvene post quintam etiam venæ sectionem vix mitigari potuisse morbum, per nares autem erumpente sanguine crasso, nigricante, satis copioso, ilico sedari febrim, & levare omnia symptomata. Similem effectum & in hypochondrii tumore duro & dolente notavit *Hippocrates* a) *Accidit autem & his in primo circuitu sanguinis e naribus profluvium, & plurimum confert. Et Galenus pariter affirmat, omnes, quæ in hypochondriis sunt, calidas & acutas inflammationes, hæmorrhagiarum judicari.* Verum addidit, quod per directum fluere debeat sanguis; hepate nempe affecto ex nare dextra; & vicissim liene, vel locis vicinis ægrotantibus ex nare sinistra; quod solis observationibus antiquorum medicorum constat. Forte tamen quandoque hæc regula

la

la exceptionem patitur. *Heraclidæ* conjugii c) febre acuta laboranti, tertia morbi die ictericæ factæ, quarto die sanguis ex nare sinistra probe effluxit, & septima die integre judicata fuit. Verum quidem est, quod huic mulieri & menstrua ordinate fluxerint, & simul sudores toto corpore manantes & criticos habuerit, adeoque morbi solutio solæ per narem sinistram hæmorrhagiæ tribui non debeat. Verum & sæpius observatur, non unica tantum, sed pluribus diversis evacuationibus criticis morbos curari, & quidem in simili morbo. Nam *Hippocrates* alibi monuit d) in febribus ardentibus quibusdam ægris sexto die icterum supervenisse, talibusque profuisse per vesicam purgationem, aut alvi exturbationem, aut largam hæmorrhagiam; notatque simul, tres has evacuationes contigisse *Heraclidæ*, qui vigesimo die judicatus est.

a) *Hippocrates* in prognosticis.

b) *Galenus* de crisibus Lib. III. Cap. IV.

c) *Hippocrat.* Epidem. VII.

d) — — Epid. I.

Quibus signis prævideatur futura narium hæmorrhagia, in primo horum commentario-

rum volumine dictum est; quæ ergo dum ad-
sunt, salubre hoc naturæ molimen promoven-
dum est, quod pulcherrime fit fomentis te-
pidis fronti applicatis, & imprimis vapore
tepidus per nares attracto, qui longe plus la-
xat & emollit, quam ipsa aqua calida. So-
lent larga tali & critica narium hæmorrhagia
statim minui omnia symptomata, & rarius con-
tingit, ut periculum immineat a nimis copio-
so sanguinis fluxu: simulac enim debilitari in-
cipiunt ægri, & in animi deliquium fere de-
labi, contrahitur patula in naribus arteria,
& cessat hæmorrhagia. Si vero his signis ap-
parentibus pergeret, adhuc sanguis effluere,
tunc compesci deberet hæmorrhagia; non ali-
ter: magnum enim periculum immineret reci-
divæ periculosa, si intempestive nimis meti-
culosus medicus narium hæmorrhagiam sup-
primeret.

5. *Sudor.* Criticis etiam sudoribus,
quamvis rarius, hepatitis solvitur. Ipsam bi-
lem infarcto hepate, in sanguinem regurgi-
tantem per sudores amaros exivisse de cor-
pore in ictericis, observavit *Galenus* a); &
spissum sudorem, lintea croceo colore tingen-
tem in icterica muliere prodiisse, evanescente
post hunc sudorem ictero, vidit *Chomel*. b)

a) Galenus de sanitāte tuendā. L. IV. c. 4.

b) Academie des scienc. l'ann. 1737. p. 69.

Sudores tales critici sustinendi sunt largo usu diluentium. Calida autem sudorifera, quæ movendo celerius humores effectum præstant, hinc minus tuta sunt. Largus seri lactis calidi potus una cum tepore lecti, feliciter talem sudorem criticum sustinet & promovet, novoque liquido subministrato sanguini impedit, ne per sudores copiosos liquidissima sui parte orbetur nimis.

Quamdiu motus febrilis durat moderatus, & simul solventia illa remedia adhibentur, possunt obstructions tales in hepate natæ referari, & in integrum sanitas restitui; verum si in melius vergente morbo æger pertæsus curam ulteriorem respuat, vel minus attentus medicus morbi residuum non expugnet, solent manere mala chronica curatu difficilima, & imprimis scirrhusæ in hepate indurationes. In febribus autumnalibus epidemicis, post fervidissimas æstates natis toties hoc contingit, ut levis simul hepaticis adsit; & dum sublata febre nondum sublatum est omne, quod hepatis vasis infarctum hæserat, sæpe postea languidam vitam ducunt, pallidi, subflavescentes

tes

tes, & difficillime ad integram sanitatem reducantur: saltem longe pluribus opus erit postea, ut tollatur hepatitis obstructio jam inveterata. Hoc autem ideo imprimis fit, quia sanguis venæ portarum, jam venosus factus, minori impetu movetur, carens jam maxima parte motus a corde & arteriis sanguini communicari. Unde *Hippocrates* a) sub alio quamvis nomine hepatitidem describens, optime monuit, quod multis sedatus (non curatus integre) ejusmodi morbus revertatur, tuncque periculum fit, ne æger contabescat: deinde addit, quod sedato morbo optimam adhuc victus rationem instituere debeat æger, & per 45 dies lac vel serum lactis bibere, si anni tempus faveat, quia morbus gravis est, & multa cura indiget.

a) Hippocrates de internis affectionibus Cap. I.

Quænam curatio requiratur ad morbos inflammatorios, ubi adhuc spes est inflammationem resolvendo curari posse, interim nulla signa docent, coqui & ad excretionem disponi materiam morbi, satis explicatum fuit in morbis acutis inflammatoriis hætenus pertractatis: similis enim medela requiritur. Unde & *Hippocrates* a) simpliciter dixit. *Huic*

(he-

(hepatitidi) confert, cum dolor detinet, tum alia, tum fomenta eadem, quæ pleuritidi admove. Adeoque hæc non repetentur. Verum leniter alvum subducentia, absque majori motu excitato, hic imprimis laudantur; quia & conducit intestina crassa nullis fœcibus distenta esse, cum colon notabili sui parte secundum hepar decurrat; tum etiam quia illud, quod in hepate hæret immeabile, dum solvitur, facilem viam per ductum hepaticum in intestina invenit. Clysmata autem laudantur ad eundem finem, tum etiam quia hæc injecta, diuque retenta, sicque per venas meseraicas resorpta, in hepar deferunt integras vixque mutatas remediorum vires. Simile quid indicasse videtur *Aretæus* b), cum dicit: *Inedia primum jubenda est, postea ciborum paucitas, ut ingredientibus (medicamentis) hepar vacuum fit: Id est, ut hæc facile penetrare in vasorum angustias possint. Distinguuntur sic variæ icteri species a diversitate causæ, quæ illas produxit; idem manet huic morbo nomen, dum interim diversam curationem requirit.*

a) De internis affection. Cap. XXXIX. p. 650. |

b) De curatione morbor, acut, Lib. II, cap. VI.

p. 106. 107.

Effectus hepatitis præsentis enumerati sunt, qui simul signa diagnostica exhibent hujus morbi. Inter illa signa & color ictericeus numeratur. Designat autem semper talis color, bilem, vel bili saltem proximam materiem in sanguinem regurgitasse, ubi naturaliter adesse non debebat, adeoque vitium esse in illo viscere, quod bili secernendæ, & in intestina secernenda servit. Omnium autem prima coloris ictericii indicia in adnata oculorum tunica apparent, & omnium ultima; reliquis hepatitis symptomatibus jam cessantibus, vel saltem plurimum imminutis, talis color adhuc ibi manet, quamvis dilucior. Pariter & in urina intensior flavedo observatur, & fœces alvinæ vel albicant, vel griseo colore argillam fere referunt, dum bilis vel omnino non, vel saltem longe minori copia in duodenum intestinum exit, quam in sanitate solet.

Ubi ergo nulla amplius flavedo in oculis observatur, nec ceraceus ex pallido flavescent color, urina & fœces naturalem colorem habent, nullus dolor circa hypochondrium, &c. sanitas perfecta adest.

Crisis erronea.

A crisi erronea variæ chronicæ ægritudines oriuntur. Ea enim est lymphæ coagulabilis natura, quam in explicatione peripneumonix, & pleuritidis exposui, ut in varia corporis cava effundi soleat, atque præternaturales partium inter se cohæsiones efficiat. Hinc colica chronica insanabilis; alvi segnities, vomitus ingestorum; volvulus; ileus. Quorum morborum origo ex repetitis, fisdisque anatomicis sectionibus extra omne dubium positus est.

Suppuratio hepatis.

Quomodo & quibus de causis inflammatio in suppurationem tendat, jam antea dictum fuit, tam in historia inflammationis, quam in morbis acutis inflammatoriis antea pertractatis, adeoque sufficiet hic notasse illa, quæ in hepate suppurationem periculosiorem reddunt, quam in aliis locis corporis.

Totum hepar sanguine plenum est, molle, & friabile viscus, unde *Aretæus* a) dixit. *Totum jecur est instar sanguinis gelati*; sed sanguis ille proximam bilis materiam habet, & præterea insignis hepatis pars ductibus

bus secretoriis, bilē jam continentibus, constat: unde omnia hic adeo in putredinem prona sunt. Sed ad benignam suppurationem etiam requiritur humorum blanda indoles, adeoque patet, hic semper funestam putredinem metuendam esse, & longe frequentius obtinere, quam benignam suppurationem. Unde *Aetius* b) dixit: *Omnino consimilia ex hepatis ulceribus promanare solent his, quæ a mortuorum corporibus destillant.* Sæpius vidit *Illust. Swietenius* in defunctis ab hepaticide fœdo spectaculo ex ore & naribus cadaverum amurcosam talem olidissimam materiam exivisse. Ideo & *Hippocrates* c) pulcherrime notavit diversum exitum suppurationis in hepate natæ, dicens: *Qui suppurato hepate uruntur, si pus purum & album fluat, evadunt; in tunica enim his pus inest: si vero qualis amurca fluat, pereunt.* Ubi enim bona suppuratio fit, in uno loco circumscripto pus colligitur: & forte hoc tunc imprimis fit, quando circa exteriorem convexam hepatis partem vomica hæret, per externam hepatis membranam coercita & tecta: ubi vero in intima substantia hepatis abscessus fit, tunc in amurcæ similem putrilaginem omnia convertuntur, & nulla spes superest.

- a) Aretæus de curat. morb. acut. Lib. II. c. 6.
- b) Aetius ferm. 10. lat. edit.
- c) Hippocrat. aph. 45. sect. VII.

Signa abscessus futuri in hepate.

Ubi certi sumus in hepatitidem inflammatoriam prægressam fuisse, tunc non adeo difficilis est diagnosi exitus hujus inflammationis in suppurationem; nempe:

1. Ex signis anamnesticis, quæ prægressam inflammationem revocant in cognitionem medici.

2. Si neque resolutio, neque critica excretio præcesserit.

3. Ex doloris remissione, succedente pulsationis sensu, manente ictero, & horribus vagis, qui, ut in reliquis inflammationibus in suppurationem tendentibus, accedunt, ita hepatis quoque orituros abscessus prænuntiant.

4. Longior inflammationis duratio, neque resolutione, neque critica evacuatione subsequuta, symptomatibus tamen haud ita ferocebus, ut gangrænam metuas.

Sig-

Signa facti abscessus.

Factum esse noscimus:

1. Ex signis prægressis hepatitidis.

2. Ex tumore loci. Notum est ex anatomicis, quantum spatium in abdomine occupet hepar; adeoque in variis hypochondrii locis talis tumor apparere poterit. Præterea non tam facile sensibus deprehenditur talis vomicus hepatis, nisi versus exteriora promineat; si enim circa concavam hepatis partem hæserit, neque magnæ molis fuerit, patet facile, difficulter distingui posse talem tumorem.

Præterea vesicula fellis, contento liquido distenta, fundo suo prominere ultra limbum costarum, posset & fallare abscessus specie. *Swietenius* anno 1732. cadaver aperuit mulieris pauperculæ, quæ diuturno ictero conflictata, ultimis duobus vitæ mensibus nullos cibos ferre poterat, sicque lento marasmo confecta perierat. Ante aperturam lustrans cadaver invenit summam macilentiam, cutim ubique flavissimam, & in ilio dextro tumorem mollem, qui ab ultimo limbo costarum ad cristam ossis ilii usque pertingebat; & cum dolorem pertinacem ante mortem diu in toto hypochondrio, & in ilio dextro habuisset,

su-

susplicabatur , forte vomicam ingentem hepatis hic latere posse. Verum aperto cadavere sequentia invenit.

Ventriculus erat ingens , flatulenta materia distentus , & a binis suis orificiis pendulus tam profunde descendebat , ut fundus ventriculi tribus tantum digitis transversis differret ab osse pubis. Omentum ventriculi fundo nexum , & colum profundius adhuc detrusa fuerant ; hepar luridi coloris apparebat , durum , exsuccum , ultra limbum costarum dextrarum multum prominens , scirrhosis tuberculis asperum ; sed nulla vomica in hepate inveniebatur , verum venæ portarum rami per hepar dispersi admodum distentierant ; similiter & venæ omenti , mesenterii , intestinorum varicosæ inveniebantur , & sanguine turgidæ , licet reliquum corpus in omnibus partibus appareret exsanguis. Verum tumor ille in ilio dextro apparens erat fundus vesicæ felleæ , distentus contento liquido , ad os ilium dextrum usque pertingens. Continebat vesica fellea plus quam libram liquidi limpidi , inodori , saporis leviter subsalsi , parum subviridescentis ; simulque calculos plurimos diversæ magnitudinis , & figuræ , qui extrinsecus crustam duriores albam habebant , dif-

fra-

fracti vero in meditullio continebant materiam admodum flavam, sed molliorem.

Postea legit fidelibus observatis constitisse, sæpius vesicæ felleæ repletæ, & protuberantis tumorem pro abscessu hepatis habitum fuisse a); fateturque *Petitus*, consilio instituto inter plures medicos & chirurgos, tumorem similem omnium votis habitum fuisse pro abscessu hepatis, & ipsi traditam fuisse provinciam aperiendi hunc tumorem. Verum discissis jam integumentis subsidere incepit ille tumor, unde egregius ille chirurgus, similia casuum antea observatorum probe memor, ab ulteriori sectione abstinuit; prædixitque brevi per alvum prodituram bilem, quæ in cystide fellea hæserat accumulata. Vix applicatus fuerat apparatus chirurgicus vulneri integumentis abdominis inflicto, quin æger copiam bilis viridis alvo deponeret, & intra paucos dies convaluit.

a) Memoires de l'Academie royale de chirurgie. T. I. p. 155.

Exitus diversi abscessus hepatici.

Varios exitus abscessuum in hepate natorum *Boerhaavius* enumerat. Duo autem, aut
ex

ex aphorismo 275 patet, hepatis suppurati *stadia* sunt, scilicet ante & post abscessus rupturam.

1. Pure intra hepar adhuc concluso *phthisis hepatica* oritur. Pus enim relictum in loco clauso augetur continuo, vicina consumit & erodit, quod longe magis adhuc obtinebit in hepate, cujus substantia adeo mollis & friabilis est. Imo & pus omni nota bonam hepatis substantiam consummere posse, observavit *Diemerbroeckius*. a) In cadavere enim invenit hepar vastæ admodum molis, ex quo, licet boni coloris, & integræ substantiæ esse videretur, eduxit undecim libras civiles puris albi, bene cocti, & non foetentis.

a) *Diemerbroeck. Anat. L. I. cap. 14.*

Illa mala, quæ fiunt, dum hepar a purulenta vomica consummitur, partim pendent a resorpto pure, cacochymiam purulentam sanguini inducente; partim vero ab impeditis illis functionibus, quæ a visceris hujus integritate pendent. Quotidie enim augetur puris collecti copia, unde immani quantitate quandoque in hepate collectum fuit inventum,

tum, sicque distrahendo & premendo partes hepatis vicinas plurima mala producere poterit. Unde *Aretæus* a) inter symptomata suppuratum hepatis comitantia, numerat dolorem acutum ad jugulum usque & summum humerum pertingentem, quia diaphragma, & ipsi nexa pleura distrahitur. Præterea pus illud in loco calido hærens, conquassatum respirationis motu, tenuis, acriusque redditur, & facilius adhuc venis reorbetur. Febris hinc oritur hectica, partim ob lentam visceris destructionem, partim ob continuam partium suppurato loco vicinarum inflammationem.

a) *Aretæus* de causis & signis morborum. L. I. Cap. 13.

Quo minor ciborum, eo major potulentorum, imprimis acidorum desiderium in ulcere hepatico laborantibus observatur; id quod naturæ medicatricis molimen esse videtur; cum enim partim febrilibus horum ægrorum commotionibus, hisque conjunctis sudoribus profusissimis humores corporis dissipentur, exque illo magna copia eliminantur, partim vero putrida & alcalina in primis viis excrementa hæreant. Ecquid naturæ magis con-

sen-

spontaneum, quid illi salutaris, quam ut desperditi humores multo potu restaurentur, & acrimonia alcalina acidis extinguatur. a)

a) Theodor. Gulielm. Schröder. Comment. medica de phthysi hepatica. p. 28. Götting. 1783.

Verum icterus simul aderit, si abscessus mole sua premendo impediverit bilis cysticæ liberum exitum. Anxietas autem summa adest, quia a tumente abscessu, vicinis vasibus per hepar distributis, compressis, sanguinis venosi abdominalis per venam portarum transitus impeditur.

Urina autem saturissimi & obscuri coloris, imo fere nigricantis fit in pessimo ictero, vel etiam, dum putridum illud, & amurcosum liquamen consumpti hepatis sanguini commistum per urinam exit.

Putredine autem nata extricatur ex humoribus aër, & elasticus redditur, & flatulentam abdominis expansionem facit, quæ tympanitis vocatur, quia percussum manu abdomen instar tympani resonat. Sufficit hic notare, putredine nata in visceribus abdominalibus, talem expansionem abdominis fieri paulo ante mortem, pessimo semper omine; &

quandoque cito post mortem sic turgēt abdomē, ut fere crepet; uti sæpius in cadaveribus hoc morbo defunctorum vidit *Swietenius*. Sic etiam videmus cadavera submersorum animalium, dum putrescere incipiunt, tumidissimo abdomine emergere, quod paulo post crepat, & horrendam mephitim late diffundit.

Ultimo tandem, [consumpto hepate, putrido, amurcosa sanies per intestina ruit, & per resorptam hanc putrilaginem totus sanguis dissolutus, & putrefactus per vasa mēseraica in intestina exit. Talis solet esse funestus exitus phthisis omnis; & in hoc casu tanto magis, quia major putredo adest. Unde & *Arctæus* a) in hoc casu monet, quod, si male olentia putredinis instar per alvum expellantur, tunc & acris febris oriatnr, omnia in deterius ruant, carniū fiat colliquatio, pulsus parvus, respiratio difficilis, & non multo post vitæ finis imponatur.

a) *Arctæus* l. c.

Quamdiu nondum magna puris copia in hepate collecta est, nec diu ibi hæsit, nec magna corruptio adest, aliquid sperari potest: verum ubi a pure retento, & acriori reddito consummitur totum hepar, facile patet,

nul-

nullam spem superesse, nullam medelam haberi, ad superandum tale malum.

In morbis autem incurabilibus medici adhuc illud officium superest, ut mitigando symptomata morbi tolerabilem magis vitam miseris ægris reddat. Sed & hic parum præstare potest ars. Anxietas enim molestissima leniri nequit, cum expediri via sanguini venoso abdominalium viscerum per venam portarum non possit. Sitis inextinguibilis nullo potu sedatur, ob putridum fomitem, cujus malignitate quotidie augetur. In initio acida grata, multa aqua diluta juvant, ut succus citri, aurantiorum, granatorum, acetum, spiritus nitri dulcis &c. Sed provento magis morbo, nec ab his ullum amplius levamen, & a potu ingurgitato, dum distenditur ventriculus, augetur anxietas. Nulla autem cardiaca summam illam debilitatem a putredine natam levare poterunt. Unde sola mors tot malorum finem facere valet.

2.) Alius exitus abscessus in hepate natus est, cum membrana pus coercens, puris copia, vel acrimonia rumpitur, & pus in abdominis cavitatem effunditur. Id autem contingit, si abscessus vel inferiori jecinoris parti insidet, dum partes sibi proximas illoque

inferiores corrodit sanies, atque perforat; vel si puris collectio in alio quopiam, præsertim superficiei hepatis gibbæ loco præsto est, in quo autem casu ruptura raro fit ex sola ichoris corrosione, sed & plerumque ex simul præsentē magna ejus quantitate, ex subitaneo validoque ægri motu atque nisu, aut vehemente in locum affectum pressione; vel tertio effundi in cavum abdominis potest sanies, si internam jecinoris substantiam corripuit suppuratio, eamque fere totam exilit eousque, ut materies sit externæ hepar cingenti membranæ proxima, quo fit, ut & hanc sæpissime perforet, sicque tandem in illam cavitatem erumpat. a)

a) Schroeder l. c. p. 48.

Ante disruptionem abscessus ægrum plerumque vehementior febris exacerbatio corripit, dolores in loco affecto augentur, & subito postea strepitum in vomicæ loco deprehendit æger, tuncque multa nova incidunt symptomata. Non raro enim statim ex disruptione, si magna puris copia effusa est, animi deliquia observantur diuturna, adeo fortia & periculosa, ut syncopum nomine vocari

ri mereantur. *Morgagni* a) istas leipothymias non raro mortem pedissequam habuisse testatur. Vasa enim hepatica antea a vomica compressa, nunc pure elapso exonerantur, & sanguis majori vi in illa irruit, nec raro enim ipsa disrumpuntur, quum plerumque a saniei contactu fere semiexesa sint, tuncque magna sanguinis quantitas in ipsum abdominis cavum elabitur, quo fit, ut cerebri, & reliquarum partium superiorum vasa nimis subito evacuentur. Ascites purulenta novo assiduo pure effuso, febris phthyfica, & corporis contabescencia ad summum usque gradum augentur. Facile patet tale malum pariter insanabile esse, neque & hic curam palliativam multi boni facere posse.

a) Morgagni Epist. XXXVI. N. 6.

3. Non raro pus rupta vomica in intestina transgreditur. Solet autem hoc triplici modo fieri. 1) Si locus abscessus in parte hepatis concava potissimum, atque pus exesis finibus meatuum biliosorum per ductum hepaticum in intestina delabatur. 2) Abscessu ita sito, ut ejus superficies intestinum quoddam contrectet, huicque accrescat, sanies & absces.

scellus membranam, atque intestini etiam tunicas, arrodit atque perforat, & in tubum intestinale effunditur. 3) Eadem possunt contingere, si abscessus superficies tunicam ventriculi externam attingit.

Varia autem sunt signa, ex quibus hunc exitum prognoscere & cognoscere valemus. Initio quandoque ægros sopor corripit, creberrimi horrores invadunt, tuncque vehementissima ventriculi & intestinorum symptomata urgent. Dolores colici, non raro nausea & conatus vomendi, posteaque ipsa materiæ saniosæ, amurcosæ, putridæ, subinde sanguine permixtæ per os ejection. Una cum hoc vomitu, vel absque illo murmuratio in intestinis contingit, posteaque alvi excretiones saniosæ & foetentes erumpunt, quibus non raro & sanguis, & frustula hepatis evacuantur. a) Cum quibus omnibus vehementiores febris phthysicæ exacerbationes, profusissimi sudores, debilitas summa, & omnium virium jactura, anxietates inexplicabiles, & in dies increscens emaciatio advertuntur.

a) Bianchi histor. hepat. T. I. p. 371.

Et hunc exitum cum summo periculo conjunctum esse, quicumque facile intelligit, & *Boerhaavius* hasce alij excretiones brevi lethales esse professus est. Sed in prognosi formanda ad evacuatae materiae qualitatem, & reliquas ægrorum vires respiciendum esse constat. Deinde etiam in eo multum consistit, an illis excretionibus omnis ab jecinore remota sit purulenta materies, utrum remanserit quædam; quo in casu eadem, quæ in pulmonum vomica contingere solent: quæ enim restat materies, proximas partes arrodit, partimque hasce ita destruit, ut muneribus suis impofterum non fungi queat hepar, partim vero sanguinis massam corrumpit, corpus maxime debilitat, sicque mortem accelerat. Interdum autem contingit, ut subito rumpatur abscessus in intestina, & æger pristinam valetudinem recuperet. a)

a) Medical Essays by a Society of Edingburgh. T. IV. p. 425.

4. Puris in thoracis cavum transmigratio. Hic exitus in eo tantum casu contingit, cum nempe abscessus supremæ hepatis parti infidet, ut summa hujus superficies septum con-

contrectet transversum. Tum vero in vomicae obtenfa membrana, præfente calore & inflammatione eodem loco & diaphragmaticædam phlegmone communicatur, qua fit, ut ambo coalescant, posteaque & ambo a fanie perforentur, vel saltim semiexedantur, ita, ut dein minori etiam nisu, sternutatione, tuffi &c. facile rumpatur abfcelfus, tuncque in thoracis cavum effundatur. a) Quandoque vero cum illo diaphragmatis hepatis jam annexo loco pleura etiam & pulmonis pars vel jam coalitæ sunt, vel nunc coalescunt b), in quo casu, sicuti quidem testantur observatores c), in hepatis abfcelfu præfens ichor huius ipsius membranam diaphragma & pleuram perforans, pulmones ipsos erodit, perque hos sibi viam parat.

a) Morgagni Epist. XXXVI. N. 4.

b) Diemerbroeck anat. p. 72.

c) Stalpart van der Wiel. Observat. p. 202.

Cujus exitus signa haud semper æque certa, ac præcedentium evadunt. Dolores in hepate perseverare consueverunt, dum omnis faniosa materies in thoracis cavitatem raro transferri queat, sed plerumque quidquam
illius

illius in abscessus cavo remaneat, quod acrimonia sua nervos irritat, & proximas partes corrodit, hincque dolores vehementissimos gignit. Per sæpe etiam in thoracis loco hepatis proximo pungentem, & gravativum dolorem sentit æger, quandoque etiam fluctuatio ibidem observari potest. Ista vero materies in thoracis cavitate collecta, brevi ut plurimum temporis intervallo pulmones quoque acredine sua afficit, & eorum consumptionem progignit, sicque simul phthysin pulmonalem procreare valet, tuncque sputa purulenta tussi ex pulmonibus ejecta sæpissime in hoc morbo ab observatoribus deprehensa animadvertuntur.

Sed variis quoque aliis modis sputa hæc purulenta in phthyfi hepatica possunt contingere: 1) Si sanies in thoracis cavitatem effusa, antequam pulmones ipsos erodat, a venis resorbetur, & in bronchia deponitur. 2) Si abscessus membrana, diaphragma, pleura, & pulmo coaliti sunt, ab ichore acri perforantur, sicque immediato tramite in pulmonem, & bronchiorum ramos ascendit purulenta materies. a) 3) Sputa ex pulmonibus in phthysi hepatica purulenta, quin abscessus diaphragmati contiguus sit, continget.

gere queunt, si nempe pus ex hepate in sanguinis massam resorbeatur, sicque communi humorum circuitu ad pulmones transferatur, nullique ejiciatur; quò in casu a deposita in pulmonibus materia hi ipsi facile arrodi possunt. b) Tandem ista spota observandi occasio præbetur, si præexistentia pulmonum vitia, tubercula præprimis, ex mala humorum diathesijam inflammantur, posteaque suppurantur, vomicasque clausas progignunt, quæ serius occlusæ rumpuntur, nec raro phthisi hepatica ægri morte jamjam destinata, & pleuritidem inducunt, hæcque illius anxietates adaugent, ejusque instans lethum certo certius reddunt. Reperiendi autem, certissimisque viis demonstrandi, qua in pulmones pervenerit purulenta materies, quam difficile fit, docet inter multas alias historia, quam tradidi *Roncalli*, c)

a) Valcarengli constit. Epidemic.

b) Schenk observ. med. L. III. obs. XXV.

c) Rancalli hister. morb. p. 244.

5. Puris in sanguinem transitus. Frequens est puris ex hepatis abscessu in sanguinea vasa transmigratio, ut hoc ipsum rarissime

me ulla via absque ejus simultanea in sanguinem resorptione evacuetur. Quem vero transitum duplici ratione fieri constat: 1) vel enim a venis bibulis, iisque adhuc integris resorbetur purulenta materies; 2) vel vasis perforatis atque exesis sanguini admiscetur, id quod non ita recente ulcere hepatico in hunc morbum cadere solet. Quantum corpori ex abscessu puris exitus detrimenti injungat, inferatque, intelligitur facile, si rarissima boni in hepate puris generatio perpendatur. Transponitur autem resorpta sanies vel per metastasin ad alium locum, vel cordi data secundum cognitam circuli humorum normam subigitur, & sanguini commiscetur.

Evidentissime in oculos incurrunt ex resorpti puris *acrimonia* pronascentes noxæ. Putrida receptæ saniei acredine universam quoque sanguinis massam dissolvi manifeste patet, quo facto omnes etiam ex illa secernendi humores, ut liquores gastrici, alique putridam induunt indolem, ita, ut suis muneribus fungi porro haud queant; cuncta quoque excernenda dissoluta, & putrida evadunt, continentes partes *acrimonia* sua irritant, sicque varia symptomata maligna progignunt. Observantur nempe sudores colliquativi fœ-

ten.

tentes, ex quibus eruptiones eutanæ sum-
mæ dolorificæ nascuntur; urina rubicunda om-
nino, & nigricans, summæ putredinis signum,
ischuriæ & stranguriæ fons evadit; alvi flu-
xus observatur colliquativus, copiosissimus,
puridissima & amurcosa sanie refectus; ruit
enim hæc ipsa, vel immediato tramite per in-
testina, vel & per resorptam hanc putrilagi-
nem totus sanguis dissolutus & putrefactus per
vasa meseraica in intestina exit. Nascuntur
inde tormina, non raro & enteritides, dolo-
rum ardentissimorum fontes. Si autem porro
tam acris ichor in toto corpore cum sangui-
ne per breve tantum temporis spatium cir-
cumagitur, non raro omnes universim machi-
næ functiones turbantur semel & simul, su-
bitaque mors oritur.

Sola indicatio medica tunc hæc est, elue-
re de sanguine illud corruptum, magna co-
pia liquidi diluentis & blande detergentis ex-
hibita; putredinem hic maxime metuendam
cavere, vel natam jam emendare, quantum
per artem possibile est; simulque blando, &
a putredine alieno nutrimento, novos humo-
res suppeditare corpori in locum illorum,
quæ jam corrupta eliminari debent de corpo-
re. Serum lactis recentis cum acetosa co-
ctum,

etum, juseula carniū cum succo citri vel aurantiorum, vinum rhenanum, decocto panis, oryzae, avenae &c. dilutum, tunc præ reliquis profunt. Spiritus acidi fossilea, impri-
mis ex sale marino, alcoholis vini tripla copia permisti, & repetitis destillationibus bene uniti, putredinem emendant quam efficacissime. Laudantur tunc & aquae minerales, quatenus per omnia fere vasa mobiles, abstergunt, abluunt, & per urinæ vias, quandoque & per alvum educunt. Verum magna plerumque debilitas comitari solet hunc morbum, & observant omnes practici, aquas illas, ceteroquin adeo salubres, nihil prodesse, nisi tantum de viribus vitalibus adhuc supersit in corpore ægro, ut moveri possint.

6. Ultimus tandem exitus hepatis suppurati is est, cum abscessus in anteriore & gibba hepatis parte sedem figit, cum peritoneo ibi coalescit, atque tumorem versus exteriora apparentem producit.

Is tumor vel sponte integumenta perforat, perque hæc sibi viam parat, vel chirurgus abscessum operatione aperiendi officium imponit. Res est medicis notissima, in iis corporis humani locis, quibus viscera membranis circumdantur; in statu sano tenuissimum

ha-

halitum ex minimis æque visceris ipsius, ac cingentis membranæ superficierum arteriolis exspirantem unius cum altera coalitum impedire ; præsentē contra alterius utrius partis inflammatione alteram hujus participem fieri, & partim ob earum calorem, partim ob humorum densitatem phlogisticum istum humorem neutiquam exhalare, tumque istas partes facillime coalescere. Cujusmodi rationem videmus pulmones inter & pleuram, cor & pericardium, & in nostro casu habemus hepar inter, & peritoneum. Quodsi igitur in hypochondrio dextro tumor nascatur mediocriter circumscriptus, in quo fluctuatio satis manifeste percipiatur, sciatque medicus, laborasse antea hepatitide ægrum, hic ipse, si febre remittente exacerbationibus vespertinis detineatur cætera hucusque fuscè explicata symptomata appareant ; medicus omni jure vomicam in hepate hærentem opinari, & huic malo accomodata remedia applicare, optima conscientia convictus potest. Quas conditiones proponere oportuit, cum duplex præter illum tumor eodem loco quandoque observetur, qui minus attento atque perito hepatis abscessus videri posset. *Primus* in vesicula fellis a bile inclusa oritur. *Alter* tumoris spe.

species nascitur ex abscessu intra musculos abdominis, vel in peritonæo præfente. Falsū ejusmodi judicii *Ioannes Schenckius* mentionem fecit. a) „Puerō, ait, ea parte, qua musculi recti ad sternum pertinent, cum abscessu in ventre tumor manifestus, digito cedens obtigit. Vocati fere judicarunt abscessum in rectis musculis; alii in ventre, quia attenuato fere puero, & consumptis musculis, facile emineret tumor. Paucissimi in hepate (quod quibusdam hepar totum ventrem ad partes sinistras pertendat); aperto loco, exiit pus virosum, & graviter fœtens, corrupto peritonæo. Abscessus sedes in parte hepatis, quæ illic proveniebat. Quod magis apparuit, mortuo, & dissecto puero.,

a) Schenk. observ. med. L. III. N. 24.

Confundi quoque subinde ex hepate tumorem cum peritonæi intumescencia quadam circumscripta, hic loci quandoque obveniente, testatur *Aretæus* a): „Tumor sub mammis, costisve assurgit, quem in peritonæo esse, multi falso opinantur. Verum si super costas nothas tumor exstet, jecur, dolore pressum, intumescit, quia humore plenum est.,

a)

a) Aretæus de signis & causis morb. Lib. I. cap. XIII.

Quicumque vero abscessus, quum non potuerit, quin phlegmone prægressa oriatur, obtenfa quoque præfenti abscessui membrana, æque ac ejus margines durante morbo continuo fere inflammatione laborent: in hocce casu salutaris ille halitus ex utriusque superficiei innatis arterioliis quod jam cesser, peritonæum quoque inflammationis particeps fiat, hocque ipsi hepatis adnascatur, non sane mirum. Post factum coalitum præfens in vomica pus quandoque intensam sibi membranam, peritonæum, musculos tuncque integumenta communia corrodit, sicque sibi ipsi viam e corpore aperire consuevit. Rarius vero huc pervenire solet abscessus; æger enim ejusmodi quid sentiens, medicum, vel chirurgum consulat plerumque, qui, ut naturæ præveniatur, suadebunt. Quandoque vero accidit, ut famæ suæ consulens abscessui, sui ipsius potestatem cedat chirurgus, vomicam nimis magnam, & a puris evacuatione subitam mortem metuendam esse intelligens. Ejusmodi casus *Fabricio Hildano* a) obtigit, qui ad ægrum vocabatur, in quo cutis totius ferme lateris ab ilei osse ad costas veras, lineamque,

al.

albam & spinam dorſi puris plena elevata & extenſa erat. Dolor continuus, & magnus, leipothymiaë, item naufea, appetitus viriumque proſtratio aderant. Efflagitabant adſtantes, ut abſceſſum aperiret; propter maximum vero, & inſtans morbi periculum, ne imperiti chirurgi nomen ſibi compararet, manum adhibere recuſavit. Poſt ejus abitum barbitonſor in conſilium vocatus vomicam aperuit, & maxima puris cõpia impetuoſe effluxit, & intra biduum æger animam Deo reddidit. Fa-cto enim abſceſſum peritonæo acreviſſe, omnino & hoc ipſum perforaſſe pus, nonne tum telæ cellulosaë ſeſe inſinuabat purulenta materies, & potius hydropem quaſi anaſarcam producet? Notandum etiam, non ſemper accreſcere peritonæo vomicam. Videmus igitur, in quocunque caſu chirurgi manus ad aperiendum abſceſſum invitari, quæ ubicunque, abſceſſu vero non adnato, præ reliquis caute atque provide inſtituenda.

a) Fabricius Hildanus. Obſervat. chirurg. Cent. II. N. XXXIX.

Quem exitum in genere, non æque ac ullum ex præcedentibus periculofum evade.

re, quicumque facile intelliget; non enim pauca ab observatoribus tradita sunt historiae, quae talem phthisin hepaticam sanatam esse testantur, ubi abscessus adhuc satis novus, massa sanguinis non inquinata erat, & cum selecta diæta methodus ratione & experientia conveniens adhibebatur. a)

a) Cl. Theodor Schroeder de phthyisi hepatica, pag. 64 — 69.

In hoc casu quandocumque via puri in hepate collecto paranda est: optime enim *Aretæus* a) monuit: *Si extra feratur abscessus, non secare utique malum est, si enim ita sinatur, a pure jecur eroditur, nullaque mortis dilatatio est.* Interim tamen, cum adeo sanguinolentum viscus hepar sit; & omnium venarum originem, & ipsius sanguinis fontem, in hepate statuerint veteres Medici, hinc summum periculum metuebant a sectione; unde *Aretæus* b) mox subjungit: *si secare autem malis, profluvii sanguinis periculum instat, statimque hominem perdi contingit, nam sanguinis e jecore profusio nulla modo coerceri potest.* Ideo veluti sectionem institutuendam esse ferro candenti, ut simul & secaret & combureret, at.

atque ita metuendam hæmorrhagiam cauterio actuali compesceret eodem momento, quo vulnus infligeretur. Et *Hippocrates* c) in eodem casu, quum hepar maximum fuerit, & extrorsum prominuerit, inuri iussit. Interim tamen videtur a sectione prudenter instituta non tantum periculum esse lethalis hæmorrhagiæ: dum enim pertunditur talis abscessus, cultelli vel lanceolæ apex hæret in sacco pleno pure, quod removet ad magnam satis distantiam membranam pus coercentem a vasis suppositis. Præterea observata docent, viscerum totam substantiam per abscessus purulentos quandoque consumi, absque ulla hæmorrhagia, licet maxima etiam vasa sanguinea adsint. Docet hoc phthisis, in qua sæpe totus pulmo consumitur, æque-
 quam moriantur, nec tamen hæmorrhagia per-
 eunt: & in hepatis abscessu, quo pertuso
 libra una & media puris effluerat, & in
 cujus cavo post mortem pugnus circumro-
 tari poterat absque ulla resistantia, mi-
 rabatur *La Motte* d) nihil sanguinis exi-
 visse. Præterea *Arctæus* e) voluit, ferrum
 candens tantum intrudi debere usque ad pu-
 ris locum: verum hæmorrhagiæ metus tantum
 esset a vasis exesis, vel cultello ledentis,

quæ in profundo hærent vomicæ; adeoque patet cauterium ne tunc quidem pervenire ad locum, a quo hæmorrhagia metuenda foret. Porro si eschera inuratur, aliquot sæpe dies requiruntur, antequam illa, optimis etiam remediis emollita, a vivis partibus separata cadat, quod non est, dum nondum faccus ille purulentus apertus est: qualis casus habetur apud *Bianchi* f), ubi causticò potentiali quamvis profunda eschëra inusta fuisset, tamen adhuc scalpello pertundi debebat. Cum autem hoc in casu periculum in mora sit, patet sectionem ustioni præferendam esse, Præstat autem prius scalpello dividere integumenta abdominis, ut abscessus pars prominens in conspectum veniat, & tuto dein absque ulla læsione partium vicinarum pertundi possit.

Cum autem eventus periculosi hujus mali incertus sit, & qualitas puris emissi fere tantum docere possit, an æger superstes esse possit, vel non; monendum prius est, certam instare perniciem, nisi cito paretur puri in hepate collecto exitus, nequë tamen, aperto abscessu, certam salutem promitti posse. Sic medicus prudenter famæ suæ consulat.

- a) De causis & cum signis morb. Lib. I. Cap. XIII.
- b) Ibidem.
- c) De affect. cap. XXX. Chart. T. VII. p. 66. |
- d) Traité complet de chirurg. Tom. I. p. 327.
- e) De causis & sign. I. c.
- f) Historia hepat. parte tertia T. I. p. 368.

Quænam notæ boni malive puris sint, Aph. 283 & 284. enumerantur. Omnes enim dotes puris educti Aph. 824. enumeratæ designant illud degenerare a conditionibus boni puris enumeratis; & quidem illo ordine, quo recensentur in textu has diversitates puris emissi, periculum infausti exitus crescit, & major corruptelæ gradus indicatur. Simul etiam tunc novimus, pessimam debere esse conditionem loci, in quo corrupta talis materia hæsit, & sæpe satis diu.

Interim tamen & observata medica docuerunt, quandoque evasisse ægros, licet aperto abscessu præter pus bonum & alia exirent. Juveni enim quatuordecim annorum, postquam calefacto admodum corpore pedes aquæ frigidæ immerisisset, orta fuit febris, quæ tantum abscessum magnum in hepate fecerat, unde totus corporis habitus marcescebat. Aperto dein abscessu & educto pure, dum reno-

va-

vabatur apparatus chirurgicus, exhibat materies sanguinolenta, spissa admodum, quandoque flava, amara, omni dote biliosa, & semper aderant flocculi, qui ipsam hepatis vasculosam substantiam manifeste referebant. Ne autem stagnans in hoc ulcere materia resorberetur & sanguini denuo admisceretur, cannulam argenteam, pluribus foraminulis a latere pertusam, & obtuso apice instructam, immisit aperturæ ulceris peritissimus chirurgus, ut sic liberrime semper exire posset collecta materiæ: ne autem excoriaretur a depluente liquido acriori vicina cutis, lamina plumbea illam tegebat. Febricula lenta, quæ hæctenus adfuerat, minuebatur quotidie, redibat solita torositas corpori sensim, & brevi consolidabatur ulcus a). Verum notatur in miro hoc casu, vomicam hæsisse in anteriori & convexa hepatis regione, nec recensentur talia signa, quæ magnam putredinem simul adfuisse docerent.

a) Académ. des sciences l'année 1730. Hist. p. 53.

Quandoque & alius liquor præter pus exivit, superstite ægro. Ita *Liferus* in Epistola ad *Cel. Bartholinum* a) notat, quod,
he-

hepate suppurato, per candens ferramentum via facta fuerit puri, copiose erumpenti, quod per plures dies confertim effluxit. Dum autem chyrurgus stilum profunde in ulceris cavum dmitteret, aquæ citrinæ copia ad tres libras & ultra profluxit; quo fluxu cessante, pus iterum prodiit, & perrexit ultra annum exire, sed mediocri quantitate, & relicta fuit in dextro hypochondrio fistula.

a) Epist. Thom. Bartholœm. T. II. p. 639.

Unde apparet, semper quidem magnum discrimen adesse, ubi a bono pure degenerans materia exit; certum tamen interitum tunc tamen prælagiri, ubi putrida exit sanies. Unde *Hippocrates* in *Coacis* a) statuit: *Quibus hepate inusto velut amurca exit, lethale.* Fæx autem illa nigricans & subpinguis, quæ in oleo olivarum expresso subsidet amurca dicitur, uti patet ex *Dictionario Erotiani* b), qui plures dictiones *Hippocratis* collegit & explicuit. Designat autem talis amurcosa materia, aperto abscessu profluens, ipsam hepatis substantiam in putrilaginem diffluere.

a) Nro. 451. Chart. Tom. VIII. p. 878.

b) Charter. Tom. II. p. 110.

Scirr.

Scirrhus hepatis.

Bilis, atque atrabilaria sanguinis materia
 hepatitidi producendæ, uti in prioribus di-
 ctum est, maxime idoneæ sunt. Accedit præ-
 terea, quod leniori impetu sanguis venæ
 portarum moveatur per hepar; unde ubi fe-
 brilis motus, vel sponte sua, vel per venæ
 sectiones, aliqua velocitatem circulationis
 minuentia remedia, nimis cito sopitur, ante-
 quam solutum fuerit illud inflammatorium
 concretum, vel benigna suppuratione sepa-
 ratum, tunc talis scirrhusa durities in hepa-
 te manet, & postea chronicis morbis difficil-
 limis dat originem. Hunc hepatitidis exitum
 notavit *Aretæus* a) dicens: *verum si a phleg-
 mone hepar non suppuratur, nemini dubium
 fuerit, tumorem durum subsidentem in scirr-
 hum mutari, ac stabiliri; quando continuus
 dolor non infestat, cumque adest, obscurus sen-
 titur.* Et postquam varia mala, quæ scirr-
 hum hepatis comitari, vel sequi solent enume-
 ravit, dicit: *malorum autem colophon hydrops.*
 In dydropicis autem cadaveribus frequenter
 inventum fuit hepar scirrhusum. Quando-
 que hepar scirrhusum redditum immaniter
 mole augetur simul, qualem causam habet
Bonetus b) mulieris, cui post ulcus sub dex-
 tra

tra axilla diu apertum, dein imprudenter consolidatum, dolor circa hepar obortus est, & tumor, qui sensim auctus icterum producebat, frustra tentatis pluribus remediis, in tantam molem excrevit, ut die noctuque in sella, dextro latere versus terram reclinato, sedere cogeretur. In cadavere totum hepar scirrhosum repertum fuit, & quatuordecim libras civiles in lance pendens. Aliquoties invenit *Swietenius* in cadaveribus totum hepar exsiccatum, instar corii rigidi, sed contractum, & mole insigniter minutum. Mira hepatis facies deprehensa fuit a *Cornelio Velfe* c) in cadavere hydropicæ mulieris; totum enim hepar erat mole parvum, durum, ac rigidum, & in omni superficie tam gibba, quam concava asperum tuberibus solidis, & sibi mutuo fere contiguis, quæ ex basi latiori, ipsi hepatis substantiæ insidente, in apices obtusos, & rotundos desinebant. In hepatis discessu interioribus nulli scirrhi, nec vomicæ repertæ fuerunt. Nec tamen misera hæc mulier de molestiis in hypochondrio dextro conquesta fuerat, sed quidem circa cardam, & fatetur egregius vir, quod in vivente nullum tumorem, aut peculiarem duritiem hypochondrii dextri percipere potuerit.

- a) Aretaeus de causis & signis morborum, Lib. I, C. XIII.
- b) Bonet. Anat. pract. L. III. Sect. XVI. obs. 3
- c) Velle Diff. de muruo ingressu intestin. p. 43.

Facile autem patet, tales tumores scirrhosos premendo vasa vicina producere omnia fere eadem mala, ac recensita fuerunt, nisi quod omnia lentiori gradu procedant, quia tumor inflammatorius augetur velociter, scirrhosus autem lentissime solet incrementum accipere. Frequentius autem scirrhus tales indurationes in hepate nascuntur, quam forte creditur, imprimis si febres autumnales, post fervidissimam æstatem epidemice grassantes, nimis cito corticis peruviani usu supprimantur: solet tunc superesse color ictericus in oculis, ponderis prementis sensus circa præcordia, auctus repleto post pastum ventriculo. Nisi tunc subito solventissimis remediis, magna copia & diu sumptis, succuratur, indomabilis postea scirrhus manet; languent tales ægri diu, pallidi, subicterici, & sæpe in hydropem tandem incidentes pereunt. Ubi autem confirmatus jam scirrhus diu hic hæsit, & vel per febrim natam, aut acria remedia, agitetur, vel vomitoria v. g. purgantia va-

li,

lida & similia in cancrum degeneretur, uti ex doctrina de scirrho patet. Quandoque observatum fuit, post icterum diuturnum horrendes nasci in abdomine dolores, sanguinem magna copia sursum & deorsum exire, unde animi deliquium & mors: tunc verosimile videtur, cancrosum acrem ichorem erosisse vasa. *Bonetus* a) ex *Ballonio* talem casum recenset, ubi hepar post mortem, cancri modo affectum, reperiiebatur.

a) *Anatom. Pract.* Libr. III. Sect. 18. Observ. V. Tom. II. p. 299.

Evidens est, summa prudentia opus esse, ut talis morbus tractetur, & sola illa tuta esse, quæ absque acrimonia, absque augmento velocitatis humorum, solvendi vim exserunt, de quibus antea jam dictum fuit. Sed & simul patet, talibus remediis incipientem in visceribus scirrhum superari posse, non vero sufficere, ut durissima & lapidea fere molles scirrhusa in hepate tollatur. Unde & *Galenus* a) dicit: *Hepatis autem scirrhum, incipientem quidem, sæpe curavimus, inveteratum vero neque sanare potui, neque alium novi, qui posset. Omnes enim ita affectos omni-*

no sequitur hydrops. Plurimi autem longiori temporis spatio intereunt, nonnullos vero brevi perire vidi, quibus alvus multa dejiciebat.

a) Lib. II. method. med. ad Glaucon. cap. VII.
Chart. Tom. X. p. 380.

Si autem in hepatis exigua parte inflammatio uncula hæserit, non producet magna mala, & ideo vix cognita negligitur; dum tamen in loco affecto similes effectus producit, licet minores, ac valida inflammatio, in toto hepate nata. Poterit ergo & inde manere parvus scirrhus, quandoque & minimus calculus, dum humores in hepate secreti, imo & sanguis venæ portarum humorem secernendum continens, adeo in concretionem pronus est. Dum evolvimus scripta eorum, qui in cadaveribus demortuorum causas morborum scrutati sunt, invenimus satis frequenter repertas fuisse, & in hepate, & in aliis visceribus, leves tales vix animadversorum morborum reliquias, quæ nullis indiciis in viventibus se manifestaverunt. Idem toties observaverunt anatomici, qui violenta morte peremptorum hominum cadavera in usus Academicos quotannis dissecant. Interim tamen
&

& hoc verum est, durum talem tumorem, licet exiguum, premere tamen & utcumque impedire ipsi adjacentia vasa; effectu quidem non adeo sensibili, tum pacato motu per vasa moventur humores; verum ubi per febrem velocius moti humores vasa simul plus distendunt, tunc in omni ambitu duri talis tuberculi facile inflammatio nascitur, & per vicinam propagatur, unde plurima mala fiunt. Sic observamus scirrhum in mammis in corporibus euchymis sæpe per plures annos manere innoxium, nec mole augeri: ubi vero ab alia causa febris excitata movet celerius sanguinem, augetur subito, & brevi in cancerum degenerat. Patet ergo facile, ob eandem rationem & in hepate a similibus causis, licet in initio levibus, multa mala produci posse.

Exitus hepaticidis in mortem.

Hucusque considerati fuerunt diversi hepaticidis exitus, dum vel in sanitatem benigna resolutione, vel coctione & excretionē materiæ morbosæ terminabatur, vel in alios morbos abibat, facta suppuratione vel relicto scirrho. Superest jam, ut consideremus, quomodo pessima hepatitis quandoque mortem,

tem, & subito quidem producat, ut medela efficaci illico adhibita succuratur, vel saltē si arte omni major morbus fuerit, ex signis observatis mortem brevi secuturam prævideat medicus, & prædicat, sicque omni culpa vacet. Ideo *Hippocrates* a) monet medicos, ut prognosi formandæ in morbis incumbant seduli, cum sanos omnes ægrotos facere nemo possit: *Sic enim omnes eum merito admirabuntur, & medicus optimus censebitur. Namque & eos, qui servari possunt, multo etiam melius servare poterit, ex longo tempore singula præmeditatus; & eos, qui tum obituri mortem, tum evasuri sint, si præviderit, prædixeritque, omni prorsus culpa vacabit.*

a) In prognost. initio Chart. T. VIII. p. 583. &c.

Ubi ergo materiæ inflammatoriæ, angustiiis vasorum impactæ, tenacitas maxima est, & copia tanta, ut obstruendis omnibus vasis sufficiat, simulque febris valida urgeat sanguinem in loca obstructa, totum hepatis tumet, omnia vicina comprimit; adeoque & bilis exitum in intestina impedit, unde subito ictericus color per totum corpus diffunditur. Verum cum adeo friabile hepatis sit, & mollia

om.

omnino ac pulpofa vafa habeat, illa, jam diftenta ultra modum, tantam vim fuffinere diu non poterunt absque ruptura; hinc effundentur humores in cavum abdominis, & cita mors fequitur. Præterea in tali cafu aboletur influxus vitalis humoris in arterias, effluxus per venas, tuncque gangræna adest brevi omnia hic putrefaciens. Validiffima autem talis & subito perimens hepatis, raro fit, nifi ubi subito tenax materies fufa & mobilis reddita, in hepar irrui, & fimul ac femel omnia ejus vafa opplet. Ita *Hippocrates* a) monet, quandoque ab atra bile, in hepar irruente, acutam adeo nafci hepatitidem, ut æger animam subito efflet. Subitam talem vaforum rupturam & enormem hinc hæmorrhagiam pariter in hepatitide metuiffe videtur *Aretæus*. b) Sic enim habet: *Sanguinis utique profluvia ex hepate omnium maxima funt: venarum enim radicatio (eft): neque in ipfo valida pblegmone haud ita frequenter, neque in partibus magis præcipuis oritur, homo enim vita excedens prævenit. Et paulo poft fubjungit fequentia: Si vero a majori caufa plaga vel continuis corruptionibus multorum vitioforumque ciborum, ebrietate, vehemènti refrigeratione, pblegmone in portis jecoris fiat,*
ce.

celerrima perniciēs. Ita etiam si caloribus æstivis, vel validissimo corporis motu, pinguedo omenti fusa magna copia & impetu in hepar ruat, & difficilius transire patens per vasa minima, obstruat ultimos venæ portarum fines, ruptis vasis, subito mors fit. Calido æstivo tempore hoc quandoque observatur in armentis, quæ lætis in pascuis pinguescunt: incipiunt languere, angī subito, vertiginosa fieri, oculi flavescunt, paulo post concidunt mortua, & totum abdomen plenum sanguine inveniuntur. In equis, imprimis obefioribus, post quietem subito validissimo cursu exercitatis, idem quoque contingit satis frequenter, & pariter sanguis extraversatus, quandoque & fusæ pinguedinis aliquot libræ inventæ fuerunt in abdominis cavo.

a) De intern. affect. Cap. XXIX. Chart. Tom. VII.
p. 659.

b) De caus. & sign. morb. acut. Lib. II. Cap. VII.
p. 19.

Signa autem funesti talis in hepatitide eventus sunt:

1. Si v. g. in atrabilario corpore vel in homine valde obeso calidissima tempestate,
&

& exercitio corporis, stagnantia dudum in motum deducta fuerint, vel si quis sudante post validum motum corpore frigidissimæ aquæ se immerferit subito, tunc novimus tales causas prægressas fuisse, unde jure tale malum metuitur. Si tunc subito ingens anxietas, ob denegatum sanguini venæ portarum per hepar transitum sequatur, intumorem elevetur hypochondrium dextrum, oculi flavescere incipiant, febris valida insurgat, novimus jam adesse illum morbum, & quidem periculosissimum.

2. Alia, neque infrequens lethalis mox in principio hepatitidis causa erysipelatosæ, septicoque inflammationi adscribenda est, quæ tam cito ægros interrimit, ut ex veneno mortem illatam fuisse, suspicio nonnunquam oritur.

3. Signa hic recensita docent, vel vasa rupta sanguinem larga copia fundere, tuncque summa illa & subita virium resolutio observatur, & subitus pallor oritur in vultu; vel gangræna nata, omnia jam putrescere. Quandoque ruptis vasis hepatis, sanguis in cavum abdominis delabitur; aliquando & in intestina vel ventriculum venit, tuncque sursum vel deorsum expellitur. Memorabi-

lis talis casus habetur apud *Vesalium* a) de celebri juris consulto, qui languida valetudine dudum vixerat; cumque nonnulla per transsennam percunctatus fuerat de morbo suo *Vesalium*, qui circa hepar hærere obstructionem dixit, promisit se sequenti die futurum anatomicæ demonstrationi, circa viscera abdominalia instituturæ, ut nempe morbi sui sedem attente consideraret. Verum eodem die, paucis postea horis inter coenam de mira corporis imbecillitate conquestus fuit, ac impedita respiratione, & paulo post expiravit. *Vesalius* sequenti die tam subitæ mortis causam in cadavere inquirens invenit, universum corporis sanguinem adhuc calentem in peritonæi cavum confluisse rupto venæ portarum trunco. Hepar totum candidum erat, & multis tuberculis asperum, & tota anterior jecoris pars, & universa sinistra sedes, instar lapidis indurata erat; posterior vero pars, ubi vena cava hæret, putredine vitiata & mollis apparebat. Si autem in chronicis & lentis talibus hepatis morbis tandem rumpantur vasa, an non idem metuendum erit, dum subito infarcto toto hepate febris acuta urget sanguinem valido impetu in loca obstructa. In epidemicis *Hippocratis* b) talis casus habetur,

qu

qui hoc docet. *Chartadi* enim febris ardens oborta erat, cum bilis copiosa sursum & deorsum evacuatione, & circa lienem tumor rotundus observabatur, signum dans, sanguinis transitum ex liene per hepar impediri: eadem die sanguinis ad congi mensuram per alvum exivit, repetita etiam vice; tertia vice grumos concreti sanguinis excrevit: aderat autem anxietas circa cardiacum, quæ postea augebatur; accedebant animi deliquia, & delirium; sub vesperam magna jactitatio corporis præ anxietate: pedes frigescebant, pectore & capite incalescentibus, & instante jam morte pravis sudoribus disfluebat: ubi vero aliquid per alvum dimitti velle sibi dixisset, oculis defixis, paulo post expiravit: Qui omnia hujus morbi phænomena considerat, non dubitabit, ægrum hunc acutissima hepatitis laborantem, ruptis vas sanguine per alvum effusum, subito periisse. Unde & in *Coacis* dixit: *Sanguinem splendidum dejicere, malum est, dum alias, tum si quis dolor adfuerit.* Et alibi dicit: *lethalis autem & alvum sanguinem dejicere, multa grumosa dejectione: item album & liquidum cum ventris tumore.* Ubi notandum, quod alba illa & liquida dejectio cum ventris tumore satis indicant bilem non ve-

nire in intestina, adeoque circa hepar malum latere.

- a) In Epistola de rad. Chinae Tom. II. op. p. 674.
- b) Lib. VII. Aegrot. XIV. Chart. T. IX. p. 558.
559.
- c) Nro. 605. Chart. Tom. VIII. p. 388.
- d) Ibid. Nro. 611.

Inde etiam apparet; quare *Hippocrates* a) sanguinis vomitum cum febre damnaverit.

- a) Aphor. 37. Sect. 7. Chart. IX. p. 311.

Ubi autem una cum febre intensissima, & siti inexplebili, per alvum olidissima & cadaverosum foetorem spirans amurca exit, certo novimus hepatis inflammationem in gangranam abiisse, totumque hoc viscus pessima putrilagine corrumpi, adeoque certam mortem instare. Singultum autem in hoc morbo pro pessimo signo haberi, jam antea ex *Hippocratis* locis constitit. Verum & singultus oriri potest ab effuso copioso sanguine, uti alia occasione monitum fuit. Pleraque ex pessimis illis symptomatibus, dum hepatis in subitam mortem tendit, habet *Aretæus* a), dicens:

cens: *Ignis enim profundus, obscurus, acer, pulsus torpidi, doloris species varia omnis generis: nonnunquam enim dextra in parte defigitur, adeo ut acutum telum adactum esse videatur; interdum torminibus similis est: rursum vero interdum dolor aurum summa gravitate conjungitur, atque inter dolendum prostratio virium & vocis privatio &c. colore ex atro viridi infecti sunt, plumbeo quasi &c. magna est in corpore segnities, extrema frigent, tremor adest, horrores, singultus inanis convulsivus, icterus, mera bilis, totum corpus bilioso corpore perfunditur.*

a) De causis & signis morb. acut. Lib. II. Cap. VII. p. 19.

Corollaria practica.

Sequuntur jam corollaria quædam practica, quæ ex illis, quæ hætenus de hepatitide dicta sunt, sequuntur, & multis lucis tam cognitioni, quam curationi morborum affundunt.

I. In febribus acutis duplex imprimis discrimen observaverunt medici: vel enim aderat validior sanguinis circumductio, calore mag-

magno totius corporis, respiratione cita,
 anhelosa; pulsu celeri, forti, magno: vide-
 bant tunc omnia, quæ humorum copiam &
 motus celeritatem minuunt, insigniter pro-
 deisse, ut venæ sectionem, diluentia, nitro-
 sa &c., & sæpe feliciter per artem sanari hos
 morbos, licet in initio invaderent summo cum
 impetu. Verum & aliud febrium acutarum
 genus observatur pejus longe & periculosius,
 ubi illico vires prosteruntur; calor longe
 minor adest, sæpe & frigus extremorum, an-
 xietas magna, pulsus celerrimus, debilis,
 maxime inæqualis, sæpe quasi evanescens sub
 digiti tangentis medici, sitis sæpe vix ulla.
 Has febres ob subitam illam, etiam in robu-
 stis virium prostrationem, absque ullis eva-
 cuationibus factis malignas vocaverunt medi-
 ci, & non sine ratione. Docuit jam obser-
 vatio, in talibus febribus profuisse illa reme-
 dia, quæ vires oppressas erigerent, & aro-
 matico stimulo incitarent utcumque: scor-
 dium, ruta, angelica & similia, alexipharma-
 ca dicta, dabantur in his febribus optato cum
 successu, dum larga copia aquæ infusa, ad-
 dito pauco vino, vel aceto, calida potaban-
 tur. Dum enim his impletum foret corpus,
 blandus sudor solebat sequi, per quem surge-
 bant

bant vires vitales, & expellebatur sæpe de corpore epidemicum illud miasma, quod omnia hæc mala fecerat. Ubi autem prioribus febribus, in quibus magnus calor & inflammatoria sanguinis spissitudo aderant, talis medela fiebat, omnia ruebant in pejus, & summo periculo exponebantur ægri. Unde *Sydenhamus* adeo insurgebat in illud malignitatis vocabulum, quod medici omnibus morbis gravioribus applicabant, etiam inflammatoriis; & calido regimine ac sudoribus vi expressis perdebant plures ægros, qui bona medendi methodo servari potuissent.

Cum autem in hepatitide magna sæpe adsit anxietas, & ab impedito libero transitu per venam portarum impediri, vel turbari saltem, debeant omnium viscerum abdominalium functiones, magna quandoque debilitas simul adsit ob corruptum sæpe in hoc morbo bilem, circa præcordia hærentem, minusque periti quandoque tractaverunt hepatitidem inflammatoriam pro febre tali maligna, magno certe ægrorum damno. Sedula observatio causarum hepatitidis, & effectuum, qui simul signa morbi præsentis sunt, non patietur attentum medicum hic falli.

2. Bilis inter humores inquilinos corporis acerrima est, & cito putrescens sanguis ipse venæ portarum proximam bilis materiam continet: verum bilis efficacia talis est, ut sanguinem solvat; unde post diuturnum icterum, soluto nimis sanguine a bile admixta, solet immedicabilis hydrops sequi. Præterea sanguis venosus, ab intestinis & ventriculo redux, continet fluidissimam partem, quam venæ mesentericæ resorpsierant; ex liene per venam splenicam veniens sanguis dilutus est attenuatus; omenti sanguis venosus habet in se resorptum tenuissimum rorem, qui in cavum abdominis ex arteriis exhalaverat: unde patet ratio, quare sanguis venæ portarum dilutus sit & solutus, quamvis venosus jam redditus perdiderit multa, per arteriosas secretiones inde ablata: omnibus enim bene consideratis, videntur plura reddi huic sanguini, quam inde secesserant. Verum talis sanguis, in maximo trunco portarum venæ & majoribus ejus ramis, obstructo hepate, stagnans, in loco adeo calido, respirationis perpetua actione conquassatus, proximam bilis, facile putrescentis, materiam continens, cito corrumpitur; & ideo, suppuratione in hepate nata, raro [bonum
pus

pus fit, sed potius metuenda est funesta putredo.

Hepatis cum diaphragmate & corde magna vicinitas. Quam larga superficie hepar diaphragma tangat, ex anatomicis notum est: quin imo & contiguo hepate diaphragmatis dextra pars magis sursum premitur in thoracem quam sinistra. a) Præterea diaphragmatis superficies abdomen spectans undique tegitur peritonæ, præterquam circa cavam venam, ubi hepar nudum contingit. b) Non mirum ergo hepatis morbos diaphragma sæpe etiam afficere.

a) Albin. histor. muscul. Lib. III. Cap. LXXXI.
p. 300.

b) ibidem p. 308.

Verum & magnam viciniam corde habet: nam inter hepar & pericardium, cor continens, tenuis tendinea diaphragmatis pars interjacet. Præterea vena cava inferior hepatis innascitur, & ubi ex hepate emergit, mox diaphragma penetrat, & facit sinum venosum dextrum. Ex quibus patet hepatis morbos insignes & vicino cordi nocere posse.

3. Quidquid enim per venam portarum fluit, duplici via inde exit: vel enim per canales secretorios venit in portam hepaticam, vel per fines ultimos venæ portarum in ramos venæ, per hepatis totam substantiam distributos, pergit, sicque in cavam, sinum venosum & cor dextram. Cum autem bilis hepatica, a sanguine venæ portarum secreta, ipso sanguine sit tenuior, si obstaculum hæreat circa fines biliosos, patet satis, quod facile materia hæc biliosa una cum sanguine dilabatur in venam cavam, totamque sanguinis massam cachexia biliosa inficiat. Verum quidem est, canales bilem a sanguine venæ portarum secretum ferentes difficiliter obstrui, cum ex angustis in latiore canali partem sit hujus liquidi motus; sed circa ingressum ductus communis in intestinum duodenum major angustia est, & ibi sæpe nascuntur obstacula. Præterea, uti jam antea notatum fuit, imo & ipse sanguis venæ portarum bili proximam materiam continens, admodum inclinat in calculosas concreciones, quæ semel natæ & auctæ quotidie, has vias obstruere possunt. Deinde omnes tumores in hepate nati, inflammatorii, suppuratorii, scirrhusi, steatomatosi &c. premendo vicinas partes,

tes, quibus adjacent, tale impedimentum producere poterunt.

Verum uti obstructis canalibus biliosa, transitus fit materiæ biliosæ in cavam venam, sic & obstaculo nato circa ultimos fines venæ portarum, ita ut sanguis in venam difficulter transire possit, quandoque videntur sic dilatari rami secretorii bilem vehentes, ut & sanguinem transmittant; qui tunc in duodenum exit sæpe larga copia, & sursum vel deorsum expellitur de corpore. Ab atrabilaria tenacitate imprimis difficilis talis transitus sanguinis ex ultimis finibus venæ portarum in cavam nasci solet, & putat se in praxi tales casus sæpius observasse, & fere semper in macilentis hominibus, atrabilariae temperiei; imprimis in illis, qui tabaci fumo abutentes quotidie ingentem copiam salivæ exspuendo perdunt, quæ cæterum deglutita sanguini redditur, unde secesserat. Vidit *Swietenius* hominem, cui post anxietatem circa præcordia, & cardialgiam molestant, oriebatur sanguinis vomitus, & paulo post per alvum magna copia etiam exhibat, unde intra paucas horas defecit. In cadavere, cum quibusdam amicis, in anatome satis versatis, lustravit magna cum cura omnia viscera abdominalia, nec ullum

vas ruptum invenire potuit; nullam insignem labem in ullo viscere observavit. Plures postea tales casus vidit, sed non semper funestos; imo plurimos vidit evasisse, & postea satis sanos vixisse, licet tam valida sanguinis evacuatio contigisset, ut convellerentur præ inanitione subita vasorum. Facile tamen patet, semper magnum discrimen adesse, licet & multi evadant post talem sanguinis vomitum vel secessum. In omnibus illis vomitum cruentum præcesserat tensio abdominis molesta, & diu affixerat cardialgia, imprimis repleto ab assumptis cibis ventriculo, Verum postea, ubi de *anxietate febrili* agitur, notabitur, licet in hepate hæreret obstaculum, præcipuum tamen ægritudinis sensum circa cardiam percipi ab ægris, unde & illud symptoma hanc opinionem confirmat. Videntur autem illi evadere, quibus non ruptis vel erosis vasis, sanguis effunditur, sed dilatatis vasis biliosis exit in duodenum; unde & illa, quæ in angustis sinibus venæ portarum hæserant infarcta, omni pressione sanguinis a tergo urgentis liberata, retropelluntur in vasa majora, solvitur feliciter hepatis obstructio.

Similia in praxi videns incoepit intelligere, quare *Hippocrates* dixerit: *Quicumque sanguinem vomunt, si quidem sine febre, salutare: si cum febre, malum. Curare refrigerantibus & adstringentibus.* Talia adhibuit *Swietenius* certe cum optimo successu, ut dilatatis & distractis vasis rediret debita firmitas; juvat etiam, quod multò sanguine evacuato, ægrisque talibus multum debilitatis, vasa minori copia liquidi, & lentius moti, repleta, sponte sua contrahantur. Alius adhuc apud *Hippocratem* memorabilis locus habetur, qui huc spectare videtur: *Quibus dolores hypochondriorum, cardiæ, hepatis, partium circa umbilicum, excreto sanguine (per alvum dejecto forte) servantur, non autem excreto moriuntur.*

Semper icterus supponit vel impeditam secretionem bilis a sanguine venæ portarum, vel impedimentum tollens liberum exitum bilis secretæ in intestinum duodenum. Primum ergo differt icterus, prout bilis hepatica vel cystica, vel utraque, in sanguinem regurgitat: deinde & differt pro varia indole ipsius bilis, cum & illa colore, & aliis suis attributis, admodum diversa esse possit.

Verum ingens varietas icteri est ratione causæ, quæ secretionem bilis, vel ejus libe-

rum exitum in duodenum impedit. Vidimus enim in præcedentibus, talem casum quandoque esse inflammationem, & quidem iterum vario intensitatis gradu diversam: deinde & suppuratio inflammationem sequens, icterum producere poterit, vel jam natum una cum inflammatione valida incipiente perennare faciet. Sed & pro diversis viis, quibus pus in hepate collectum, sibi parat exitum, recensitæ fuerunt icteri species variæ. Ultimo & scirrhus, vel benignus, vel jam in cancerum degenerans, ictero originem frequenter dedit. Si jam simul consideretur, partes hepatis vicinas, & imprimis circa cavam hepatis regionem locatas, a similibus causis tumentes, bilis exitum impedire posse, patebit satis, quam multiplex icteri idea sit, & quod idem nomine morbus a diversissimis producatur causis; quarum tamen cognitio accurata tantum lucem adfert curationi instituendæ, uti & ad formandam prognosin circa facilem vel difficilem, possibilem, vel impossibilem icteri sanationem.

4. Cur aliquando facile sanetur, & quando? Occurrunt tales icteri quandoque, qui satis cito sanantur, quando nempe causa illos produciens levior est, vel obstaculum, impediens

diens liberum bilis exitum, sponte sua removetur, vel saltem levi negotio tolli potest. Sic e. g. a leviori hepatitide, quæ per benignam resolutionem, vel coctionem & excretionem causæ morbosæ curari potest, natus icterus facile cedit. Ita ubi in gravidis vel ab utero tumente, vel a fœcibus duris in colo intestino collectis, compresso ductu cystico vel communi fit icterus, excusso fœtu & expulsis fœcibus, sponte sua cedit hoc malum. In recens natis infantibus frequenter talis icterus facile curabilis observatur: illo enim tempore, quo in utero materno latuit infans, respirationis motus non egit in contenta abdominis, unde accumulatur in cystide fellea bilis; mucosa viscida oblinuit totam intestinorum seriem, tenax meconium magna solet copia adesse; hinc sæpe impeditur exitus bilis in duodenum, & dilatandis facile in hepate vasis retrogreditur in sanguinem, & sic icterum producit. Quandoque & infantibus ubera ducentibus colostrum caseosum in duodeno hærens simile impedimentum præbet. Saponis veneti scrupulus in aquæ unciiis tribus dilutus, addendo unciam syrupi cichorei cum rheo, si cochlearim detur sæpius de die, solvit hæc concreta,

ab.

abstergit blande intestini latera, & simul hanc saburram per alvum expellit; sicque cito sequitur sanatio. Imo & in adultis pituitosa colluvies in primis viis hærens, icteri causa fuit: per attenuantia mobilis ubi reddita fuit talis materies, dein per vomitoria aut purgantia facile excutiatur. Talis icteri, a pituita nati, meminit etiam *Hippocrates* a) illumque minime lethalem & facile sanabilem pronunciavit. Quandoque & contingit, bilem in cystide fellea diu hærentem (ut in literatis sedentariam vitam degentibus frequenter fit) inspissatam & viscidiorē redditam difficilius exire posse; tuncque *Galenus* b) notavit, idem contingere vesicæ felleæ, quod in vesica urinaria a reventa nimis diu urina observatur, nempe illam quasi paralyticam fieri, nec commode posse suarum fibrarum ope bilem jam spissiorē exprimere. Illis sine febre icterus nascebatur, urgente in dexto hypochondrio gravitatis cujusdam sensu; affirmatque *Galenus*, se tales, præmissis aperientibus remediis, dato purgante cholagogo, sæpe uno die sanasse. Si nondum cederet parum pertinacius malum, dabat potentiora aperientia, & dein vehementius purgans, quo cœrula potius, quam flava bilis expelle.

lebatur, sequente pariter sanatione felici & subita.

a) De internis affect. cap. XL. Charter. Tom. VII.
p. 666.

b) Lib. V. de locis affect. cap. ultim. Charter. ibid.
p. 504.

5. Cur sæpe sit pertinacissimus. Si nempe causa icteri talis fuerit, ut vel omnino non, vel difficillime tolli possit, vel per morbum destructa fuerit aut adeo mutata hepatis fabrica, ut postea bilis secretio & excretio nunquam rite perfici possit. In cadavere dissecto cervicem vesicæ felleæ tophis obturatam vidit *Benedictus* a): sed noverunt chirurgi, quam difficile sit tumores in tophum induratos resolvere, etiam in locis, ad quæ manibus accessus datur: turgebat autem hæc vesicula fellis sero pellucido insipido, quod ad ignem coagulabatur instar albuminis ovi; unde patet bilis bonæ secretionem in hoc ægro jam abolitam fuisse. Inventus fuit & ductus cysticus omnino concrevisse, ita ut stylus immissus per aperturam ductus communis, nullo modo potuerit penetrare in ductum cysticum, nec vesica fellea, quæ bile plena duo-

rum pignorum magnitudinem habebat, compressa, vel guttula contentæ bilis exiverit: imo discissa vesica fellea non poterat distinguui ullo modo apertura ductus cystici ex vesica fellea exeuntis b). Quandoque etiam, licet via ex cystide fellea in duodenum aperta sit, jam adeo degeneravit hepatis fabrica, ut morbus æque incurabilis maneat, uti docet cel. Viri *Du Verney* jam sequens observatio c). In cadavere virginis triginta circiter annorum, post icterum nato hydropse ascite mortuæ inventum fuit hepar obscure flavescens coloris, pro magna sui parte exsiccatum, vesicula fellis in saccum ingentem dilata, & qui levi vi dilacerabatur, continebat hydatides copiosas, & materiam quandam partim glutinosam, partim lymphaticam & biliosam, una cum grumis nigris, qui intra digitos contriti colore flavo illo inficiebant; apertura autem ductus biliferi ad duodenum usque adeo patula erat, ut digitum minimum facile admitteret, unde facilis via erat contentis in vesica fellea ad intestinum duodenum, & fœmina, quæ ægræ adfuerat morbi, tempore, testabatur, per alvum exivisse, dum viveret, omnia similia his, quæ in cadaveris vesica fellea deprehendebantur.

Un-

Unde patet nova ratio pertinaciæ icteri, licet viæ apertæ sint, ob insignem morbosam hepatis degenerationem. Ex ante dictis patet etiam a scirrho hepatis natum icterum debere esse pertinacissimum.

a) Tabldor. theat. p. 58.

b) Medical Essays T. II. Nro. XXI. p. 310.

c) Academie des sciences l'année 1701. memoir. p. 193.

6. Gur sæpe cito, sæpe tarde admodum occidat. Ubi atrabilaria materies, in aliis visceribus collecta, soluta, & acris facta, impetu subito in hepar ruit, cita mors sequitur; uti etiam ubi adeo valida inflammatio hepatis est, ut vel rumpantur vasa, vel fiat gangræna brevi totam visceris substantiam in putridam tabem resolvens. Quando autem ulcus in hepate natum est, tunc nisi ad exteriora tumeat, & pertundi possit, lenior mors, quamvis certa, sequitur. Longe autem diuturnior icterus est, ubi a scirrho, calculosis concretionibus, atrabilario sanguine tenacissimo sensim in hepar aggesto, perducitur. Curavit *Ill. van Swieten* sexagenariam mulierem, quæ per duodecim annos laboraverat ictero,

in initio per periodos redeunte, sed ultimo anno manebat continuus, & nigro ferme colore totum corpus tingebat, solis oculis profundissima flavedine perfusus, ita ut horrorem omnibus illam videntibus incuteret misera ægra. Rertinaci usu succi graminis, feri lactis & similium, verno tempore, æstivis mensibus aquis spadanis, hyeme magna copia saponis veneti cum melle, tandem incoepit solvi impacta hepatis materies, & secutus fuit alvi fluxus per integros sex menses durans, & cum levamine omnium symptomatum: evacuabatur autem materia argillacea, olidissima, granulis asperis parvis, calculosis, undique respersa. Dum autem vires bono victu sustinebantur, & in lauta re constitutæ nihil deesset, a tam pertinaci morbo evaluit, & supervixit sana satis per plures adhuc annos. Integro biennio hanc medelam adhibuit constantissime, quod raro in difficillimis chronicis morbis impetrare ab ægris possunt medici: tanto autem magis mirabatur ægrotæ longanimitatem, quod primis octodecim mensibus vix quid proficerent omnia hæc artis molimina, omnesque ejus consanguinei & amici suaderent, ut missis omnibus remediis pacata

men-

mente expectaret mortem, quam certam & unicam malorum medelam prævidebat.

7. Tales icteri in praxi sæpius occurrunt, primo satis leves, & longis interval-
lis redeuntes; dein ingravescente malo re-
deunt citius, & affligunt vehementius. In ini-
tio sæpe non detegitur a medicis, vel minus
peritis, vel non satis attentis, morbus hic,
dum post levem cardialgiã, & anxietatem
aliqua circa præcordia; sequenti die levis
flavedo in adnata oculi apparet, & urina pa-
rum coloratior mingitur; tales ægri optime
postea se habere videntur, donec post aliquot
menses, in quibusdam citius, in aliis serius,
redeant improvise eadem symptomata. Cum
autem flavo illo colore apparente in oculis
omnes molestiæ, quæ paulo ante adfuerant,
cessant; hinc multi medici hunc icterum criti-
cum crediderunt, & salutarem. Imo & Sy-
denhamus a) minus recte hujus morbi causam
intellexisse videtur: sub nomine enim colicæ
hypochondriacæ, aut hystericæ, illum mor-
bum descripsit sequentibus: *Regionem ventri-
culi, nonnunquam & paulo inferiorem, dolor
haud mitior, quam in passione colica iliacave
primum obsidet, quem vomitiones sequuntur
enormes, nunc vero flavæ. His accidit (quod*
sæ

sæpe observavit Swietenius) major animi dejectione desperati que, quam in morbo alio quocunque; post diem unum alterumve facessit dolor, qui post paucas septimanas revertitur, nibilo lenius sæviens quam antequam solveretur paroxysmus. Icterus quandoque satis spectabilem comitem sibi adciscit intra dies pauculos sponte evanescentem. Hæc autem descriptio exactissime quadrat morbo jam adultiori, primi enim insultus leniores fere semper esse solent, & levem tantum flavedinem in oculorum albo faciunt, de die tantum observabilem, nam ad lumen candelæ omnia leviter flavescencia apparent alba, verum in urina semper adest flavedo satis conspicua, etiam in primis hujus morbis insultibus. Cum autem frequentes habuerit occasiones hunc morbum videndi, non inutile duxit illum hic paulo accuratius describere.

8. In juniore ætate rarius occurrit, sed adultos, & in senium jam vergentes frequentius corripit; & præcipue quidem illos, qui diuturno mœrore afflicti, vel & memores iras diu noctuque sub pectore versant: omnium maxime sedentariam vitam agentes (hinc literatis viris frequens morbus), uti & lautius viventes, dum post pastum, plene admodum
ven-

ventriculo, mensis affident prono corpore sicque omnia abdominalia viscera comprimunt. Incipiunt conqueri de quadam tensione molestia circa præcordia, & ponderis quasi gravantis sensu, quibusdam aliquot a pastu horis acris satis cardiæ dolor fit, quem vidit *Swietenius* quandoque per plures menses præcessisse icterum talem periodicum. Observatur tunc levis quandoque flavedo in cantho-oculorum majori, urinæ parum plus coleratiæ sunt, & per alvum biliosa excrementa deponuntur. Postea subito, nulla sæpe causa procatarctica accedente, oritur inexplicabilis anxietas, dolor intolerabilis circa cardiam, imo etiam per totum abdomen, quem tunc colicum vel iliacum dolorem credunt; accedit febris, vomitus enormis, & dum per aliquot horas hæc symptomata duraverunt, remittunt, sed totum corpus icterico colore perfunditur. In quibusdam vidit *III. Swietenius* primo tali insultu totam faciem & pectus flavescere, non vero reliquas partes corporis; urina tingitur saturissimo colore flavo, & satis commode se habent: quosdam & molestus dolor lumbos & latera obsidet, antequam icterici fiant, quod & videtur observasse *Hippocrates*, dicens: *quibus lumborum*

rum ac lateris dolor sine manifesta causa, icterici fiunt. Post viginti quatuor horas, quandoque citius, quandoque serius, tales ægri commode se habent, & cum pondus illud gravans præcordia non amplius sentiant, integram sanitatem brevi futuram confidunt. Urinæ sensim fiunt minus coloratæ, flavus cutis color evanescit successive, & post paucos dies nihil omnino de morbo superesse videtur. In quibusdam etiam vidit intolerabilem pruritus adfuisse toto tempore, dum corporis cutis bile perfusa flavescerebat. Verum post aliquot septimanas, quandoque etiam aliquot menses, tota hæc malorum series eodem ordine redit; & ubi plures tales insultus passi sunt ægri, manet perpetuus icterus, subinde quidem ingravescens; sed non tam validis symptomatibus insultus stipatur: calor ictericius tunc saturatissimus per universum corpus diffunditur, ipsa saliva amarescit (quod rarius tamen observatur), tandem procedente tempore nigrescunt fere toto corpore, pedes incipiunt tumere sensim magisque, & abdomen, & hydropici pereunt.

a) Coac. Praenot. Nro. 325, Charter. Tom. VIII.
p. 870.

9. Quandoque & contingit insultum huius morbi adeo validum esse, & febrim comitem adeo intensam, ut vera hepatis inflammatio sequatur cum subita quandoque morte, aliquando & hepatis suppuratio adeo periculosa, qualis casus in actis Edinburgensibus a) habetur. Frequentius autem prior morbi decursus obtinet, tandem nisi curentur, lenta morte finiendus. Fæces alvinæ quandoque aliquot diebus ante hunc paroxysmum incipiunt esse albæ, griseæ, argillaceæ; quandoque in primis morbi insultibus incipiunt flava per alvum prodire, dum simul ictericus color in cute & urina apparet.

a) Tem. II. Nro. XXIX. p. 345.

Omnia hæc symptomata manifeste docent, morbi huius causam esse impedimentum, quod bilis cysticæ exitum in intestinum duodenum prohibet; unde bilis retenta, copia aucta quotidie, vesicam felleam distendit magis magisque, donec vel mole collectæ bilis, vel majori acrimonia stagnando nata, aut obstaculi impediens, in cervicem angustiores vesiculæ felleæ pulsæ, irritatione, oriantur dolores, spasmi abdominales, vomitus enormes,

rc.

corporis inquietissimæ jactationes ob anxietatem vix tolerandam. Omnibus autem his, adeo validis concussionibus, & imprimis validissima pressione diaphragmatis & musculorum abdominalium simul agentium expeditur illud obstaculum bilis egressum impediens, vel bilis in cystide contenta retroprimitur in sanguinem; sic causa nimis distendens vesicam felleam tollitur, vel saltem insigniter minuitur; sed icterus fit, etsi causa, exitum bilis impediens, non fuerit simul remota, sentim iterum accumulata bile eadem redit tragoedia. Verum ubi sæpius in sanguinem retropressa bilis fuit, sic dilantatur hæc vasa, ut hoc fieri possit longeminori vi; & tandem videtur fieri facillime, tuncque manet icterus perpetuus, subinde quidem saturati magis coloris, post levem anxietatem perceptam vel lenem vomitum, sed nonquam tunc tanta cum vehementia redeunt hæc symptomata, cum levior vis sufficiat ad retro urgendam bilem per hepar in venam cavam.

Sæpe miratus fuit *Swietenius*, tales ægros, licet continuo ictero laborarent, tamen & appetitum satis integrum habuisse, digestionem ciborum utcunque successisse, alvi evacuationem pariter. Forte hepatica bilis tunc copio-

piofior & acrior pro tempore fupplet cysticæ bilis hepaticæ actionem augere. Vias enim adesse ex poro hepatico in cystidem felleam docuit anatome. Omnes tamen tales ægri emaciantur plus minusve, & tandem diuturnitate morbi, nimis diffoluto a bile admista sanguine, hydrops nascitur.

Patet ex omnibus his, quodvis obstaculum, bilis exitum ex vesica fellea, impediens, posse hujus morbi causam esse, & variam esse difficultatem curæ, prout hæc causa facilius vel difficilius tolli potest. Quandoque vidit *Swietenius*, bilem, instar tenacis glutinis coherentem vomitu redditam fuisse, nunquam postea redeunte ictero. Verum observationes numerosissimæ docuerunt, frequentissimam periodici icteri causam esse calculosas concretiones in vesica fellea natas, & ubique apud auctores tales casus inveniuntur: bilis enim retenta satis cito calculos producit: quod & observavit in bile, quam spon- te in vase vitreo puro reliquerat, ut putresceret; in fundo enim vasis grumos calculosas invenit. Inter plurimos, quibus hoc morbo laborantibus medicinam fecit, nullum vidit fere curatum fuisse, quin in fœcibus alvinis calculi majores minoresve reperti fuerint

(quas ideo semper follicite inspiciendas curavit.) Plura cadavera hunc morbum passorum dissecut, & semper invenit tales calculos. Magnitudo autem & figura horum variant admodum, uti & durities & color. Omnium frequentissimi *Swietenio* occurrerunt tales, qui externe colorem & unctuositatem fere saponis veneti habebant, diffracti vero nucleum ostendebant flavum. Septuaginta tales calculos servabat diversæ magnitudinis, pyramidalis fere figuræ omnes, quos per alvum excrevit vetula, quæ postea ab hoc morbo per plures annos immunis vixit. Centum & ultra tales calculos ex vesica fellea eduxit alterius vetulæ, quæ post dinturnum icterum hydropica perierat. Curam habuit Ill. *Matronæ*, quæ per biennium jam ictero laborabat, & quotidie fere calculos per alvum excernebat; nigros quandoque & durissimos, subinde albos nigris punctis variegatos, rarius flavescentes, qui molliores erant; simul & magna satis copia sabuli quasi crassioris in fœcibus inventa. Plus quam ducenti jam calculi prodierunt, quorum maximi tamen pisum mole non superant; unde adhuc majores latere suspicabatur, licet icterus jam minui inciperet. Ante paucos menses in

ca.

cadavere nobilissimi viri, post icterum periodicum aliquoties perpeſſum hepatitide mortui, invenit in inteſtinis tenuibus calculum, colore hyſtericis americani adeo famoſum lapidem referentem, in exteriori ſuperficie ſatis mollem, ſed nucleum longe duriorẽ & magis fulci coloris habentem.

Patet jam facile, tales calculos icterum non producere, niſi exitum bilis ex veſica fellea impediverint, adeoque potuerunt inveniri in cadaveribus, licet icterum non animadverſerint medici, neque inde concludi poteſt, quod cauſæ icterum producentis vice fungi non poſſint tales concrectiones calculoſæ. Simul & intelligitur, calculis his ſitum mutationibus, liberam viam denuo fieri poſſe bili in inteſtina, imo & quandoque una cum ictero fœces alvinas flavefcere; dum nempe validis illis inter vomendum conatibus, qui icteros hos comitari ſolent, aliquid bilis in duodenum exprimitur; calculis quidem impediẽtibus liberum exitum non tamen adeo exacte obturantibus, quin magna tali vi adhibita aliquid adhuc exprimi poſſit. Certe omnia ſymptomata ſimilia obſervamus, ubi calculus veſicæ liberam urinæ emiſſionem impedit. Sic apparet, male *Helmontium* a) in me.

medicos insurgere, quod icteri causam ponerent in obturatione ductus cystici; ut nempe suum fermentum stercoreum, de quo tam multa somniaverat, stabiliret.

a) In tract. Scholarum humoristarum passiva decoctis &c. Cap. IV. p. 820. &c.

Quandoque & contigit, quamvis rarius, bilis cysticæ exitum impediri, & fæces albefcere, absque ullo colore icterico in cute observato; verum tunc bilis retinetur quidem in cystide fellea, sed nimis tenax & viscida in hepatis vasa regurgitare nequit, sed sensim aucta copia immaniter distendit cystidem felleam: qualis casus satis mirus habetur a) puero duodecim annorum, qui delapsus ex alto dextrum hypochondrium valde contuderat, & deinde post varia mala perpeffa hydropicus factus perierat. In cadavere inventa fuit cystis fellea prodigiosæ molis, continens octo libras bilis spissioris, ex qua jam varii sacci concentrici formati fuerant, tanto firmioris consistentiæ, quanto magis propinqui erant cystidis lateribus; illi vero qui versus centrum cystidis hærebant, teneriores erant & minus opaci, ductus communis

cho-

cholidochus solito amplior erat, plenus multis lapillis spongiosis, & parvis, flavescentis coloris, qui aquæ immissi innatabant: interim tamen notatur, præter colorem album fæcum alvinarum nulla adfuisse icterici symptomata in hoc puero.

a) Medical Essays. Tom. II. Nro. XXX. p. 352.

Ubi ergo tales icteri periodici *Swietenio* occurrebant in praxi, a *Boerhaavio* monitus primo, & dein in hac sententia medicarum observationum lectione confirmatus, semper cogitavit de calculis in cystide felles hærentibus, atque ad hunc scopum totam indicationem curatoriam direxit, satis felici sæpe successu.

Sponte patet, duo tantum hic prodesse posse, vel ut solvantur calculi concreti, vel ut expediantur viæ, per quas transire possint in duodenum: tunc enim spes est, per alvum cum reliquis contentis intestinorum exire posse.

Multa tentavit *Swietenius*, ut inveniret menstruum, quod solveret hæc concreta calculosa, & simul tuto & integris viribus pervenire posset ad illa loca; sed non
fuit

fuit tam felix, ut tale quid detegere potuerit. Verum quidem est, quod largo & continuo usu succi graminis, taraxaci, cichorei, fumariæ & similium observaverit, minuta quasi fragmenta calculorum cum fœcibus alvinis exivisse, imo quandoque excrementa alvina dura extrinsecus his granis quasi aspera fuisse, & in transito per anum excoriasse finem intestini recti; verum non certus ideo erat, quod forent calculorum comminutorum partes, cum in cadaveribus tales minores asperi calculi, imo & sabulum in vesica fellea, ductu hepatico, & ipsa hepatis substantiâ, quandoque inventa fuerint. Memorabilem talem casum vidit *Vesalius* a) in cadavere *Prosperi Martelli*, Patricii Florentini, qui multis annis morbo regio laboraverat, ac dein subita morte perierat. Invenit enim *bilis vesiculam* duorum pugnorum magnitudinem facile adæquantem: & exiguis lapillis quodammodo plenam, qui invicem connexis granis seminibusve milii, aut potius asperæ superficiei vulgaris officinarum sutie, erant simillimi. Videtur ergo quandoque contingere, bilem retentam in grumos minores tantum concreescere, neque etiam longo temporis spatio in majores calculos formari, & falso quis crederet, dum

hæc

hæc quandoque alvo exeunt, quod vi remedium in partes minores comminuti fuissent majores calculi.

a) In epist. de rad. chinæ Tom. II. p. 674.

Præcipua ergo curationis spes est, ut calculi hic hærentes, sensim dilatatis viis, exeant per angustum satis collum cystidis felleæ, & inde per ductum cysticum & communem in intestinum duodenum. Anatome quidem docet, arctam hanc viam esse, verum observationes certissimæ & satis numerosæ docuerunt, miro modo illam dilatari posse, ut magni etiam satis calculi exitum inveniant. Idem etiam contingere videmus in ureteribus, qui miro modo dilatantur in illis, qui sæpius calculos renales excreverunt; & vidit *Swietenius* illos in cadavere hominis calculosi, adeo amplos, ut digitum indicem facile intrmittere potuerit. Sed & videmus automatico motu in his morbis moliri naturam horum calculorum expulsionem: enormis enim vomitus solet comitari colicas illas, ictericas dictas, ut violentis illis concussibus abdominis propellatur calculus. Verum & similis vomitus excitatur, dum calculus a rene per ure-

terēs in vesicam depellitur, uti noverunt omnes medici. Ubi autem semel dilatatæ hæ viæ calculum majoris utcumque molis transmiserunt, tunc postea minori cum molestia & plures expelluntur, uti ex observationibus jam memoratis constat. Imo non facile desperandum esse de expulsionē magnorum calculorum experimenta practica persuadent. Vidit in propriæ uxoris matre, post plures periodicos tales icteri paroxysmos, subito ortum fuisse dolorem satis intentum, cum animi ferè deliquio, & quidem in illo loco (quem digito monstrabat) ubi duodenum locatur: post quadrantem horæ cessabat dolor, cumque sollicite lustrabantur fæces alvinæ, post biduum in illis fuit inventus calculus pollicis articulum æquans, albicans exterius & durior, unctuosus tamen, in meditullio habebat nucleum flavum & molliorem. Cum autem in illo calculo binas quasi foveas ejus superficiei impressas observaret, suspicabatur & alios adfuisse ipsi adjacentes; & postea adhuc bini alii, magnitudine non multum cedentes priori, prodierunt. Deinde autem satis bene se habuit, ab ictero illo libera. Plures similes casus in praxi vidit, & in historia medica adhuc longe majorum calculorum per anum excre-

cretorum exempla habentur, ubi omnia symptomata docuerant, illos non fuisse genitos in intestinis, vel diuturnam in illis mora insigniter mole auctos, sed ex vesica fellea expullos, intra paucorum dierum spatium exivisse per anum, & manifesta sedis dolentis mutatione transitum suum per intestinalem fistulam indicasse, dum vel asperitate, vel majori mole, non nisi cum quadam difficultate propelli poterant. Talis autem recensendis immorari inutile esset, cum haecenus dicta sufficiant ad demonstrandum, quod in icteris periodicis de calculo, ut causa, semper cogitandum sit, nec facile desperandum de possibili horum calculorum egressu ex cystide fellea in duodenum, licet etiam satis magnae molis fuerint, cum miris modis arctae hae adeo viae dilatari possunt; uti docuerunt aegri, sanati a pertinaci ictero post talium calculorum expulsionem, & observata anatomica in cadaveribus evicerunt pariter. *Cel. L. Hesterus* a) in vesica fellea cadaveris foemini publice dissecti invenit calculum nucis jugulandis magnitudine, intense flavum sed satis fragilem. Verum ductus communis in duodenum hiantis orificium, quod ceteroquin nonnisi accurata inspectione detegi potest

adeo amplum erat, ut digitus minimus facillime immitti potuerit; procul dubio a calculis talibus majoribus, qui antea exiverant, eo usque dilatatum.

a) Acta physico-medico natur. curios. Volumn. I.
p. 404.

Cura autem talibus agris adhibenda est, vel illo tempore, dum magna illa anxietas, vomitus, dolor adsunt; vel dum hæc jam cesarunt, & icterus successit. Illo tempore, dum molestissima illa symptomata urgent, nihil melius est, quam dare magnam copiam decocti hordei cum melle; sic facilius vomunt repleto parum ventriculo: & præterea vomitus ille diutius susinetur, dum nauseanti adhuc stomacho post singulos vomitus molle tale remedium ingeritur. Salubre enim hoc naturæ molimen conducit quam optime, ut loco suo moveantur calculi, & bilis accumulata exprimatur, si nondum penitus impeditus sit exitus; vel saltem reprimatur in hepær cum levamine omnium malorum. Prodest & idem remedium forma clysmatis injectum, ut eluantur crassæ fæces in colo hærentes, quæ, uti ante monitum jam fuit, vias has impedire possunt.

Ubi

Ubi vero intolerabilis anxietas, & nimis violentus vomitus; aut dolor acerrimus, urgent, opiata dantur cum successu optimo, ut compescantur illæ turbæ. Nec nocebit hoc calculorum expulsionem, imo observatum fuit, potius prodelle: summæ enim fiunt tunc imprimis molestiæ, quando calculus in angustis ductus cystici, vel & in ductu communi prope duodenum hæret, contractis sæpe ab irritatione asperioris, vel mole majoris calculi, his partibus adeo, ut nullo modo transire possit. Optima autem, uti omnibus medicis notum est, dolorem sopiendo, simul spasmum contractas partes resolvunt, sicque faciliorem exitum parant, unde etiam ob eandem rationem, ubi calculus a renibus delapsus in uterum angustis hæret, tam felici cum successu opiatum utuntur medici, cum simul decoctis emollientissimis, oleo amygdalarum copioso, balneo &c. lubricant vias. Ubi autem signa docent, inflammationem metuendam esse, vel plena satis sanguine vasa a validis illis vomendi conatibus nimis distendi vel & rumpi posse, tunc sanguinis missio conducit; quæ cæteroquin, ut facile patet, ad tollendam morbi causam nihil efficere valet.

Post.

Postquam illa symptomata sedata sunt, sæpe intra paucos dies tales ægri se integrè sanatos credunt, & omnem ulteriorem curationem respuunt. Sed serio monendi sunt, latere adhuc mali radicem, unde postea repullulabunt denuo dira hæc symptomata, nisi tollatur. Indicatio tunc est, ut solvantur vel expellantur illæ concretiones calculosæ; quod eo feliciter fiet, quo citius hoc malum cognoscitur, & cognito efficax medela adhibetur. In initio enim molliores sunt & minores illi calculi; hinc forte vel solvi poterunt, vel saltem facilius expelli. Videntur enim *Glissonii* a) observata evincere, quod hyemali, tempore in bobus natæ incrustationes calculosæ vasorum solvantur denuo, dum verno tempore recenti gramine pascuntur armenta. Ante multos annos hominem curavit *Swietenius* ab hoc morbo, qui quotidiano labore sibi & suis victum parare coactus, expensis remediorum impar erat, simul tamen constantis animi, & recuperandæ salutis avidissimus: hinc promittens curationem facile persuasit illi, ut solo gramine viveret. Decoquebat magnam quantitatem graminis, in aqua pura, & decocto, melle edulcerato, utebatur pro potu communi: tenerum gramen verno tem-

pore pullulans, vel & post primam sectionem renascens, incoquebat carnum iusculo, illoque solo fere utebatur cibo. Primo tempore curæ libere fatebatur talem victum sibi minus placere, sed sensim assuetus absque ullo postea fastidio sumfit, & per integrum fere biennium, solis hyemalibus mensibus, saltem pro parte excerptis. Narrabat illi, se solo sapore optima jam posse distinguere pascua, & clam debere sibi victum in pratis colligere, dum rustici experti, quam magnam copiam graminis quotidie absumeret, illum vi abigerent. Sanatus autem fuit a pertinacissimo ictero sola hac methodo, licet jam saliva ipsi amaresceret; & vidit illum pluribus annis postea incolumi sanitate frui. Multis profuit, quotidie si potarent sex vel octo libras feri lactis recentis per menses: illud enim totam graminis efficaciam habet, demto butyro & colosiro caseoso; sed non omnium ventriculus patitur tantam copiam potus quotidie. Ideo meracissima decocta ex gramine, taraxaco, fumaria, cichoreo & similibus dedit, cum sero lactis parata, & in libra talis decocti unciam mediam salis polychresti dissolvit; dein addidit uncias duas vel tres syrupi quinque radicum aperientium, fumariz,

vel similis: hora ante ientaculum, prandium, & cœnam tertiam partem talis decocti fume-
bant per trimestre spatium; dein æstivis men-
sibus aquas spadanas, autumnali vero & hye-
mali tempore dedit magnam copiam saponis
veneti, superbibendo decoctum quinque ra-
dicum aperientium. Sic vidit pertinaci usu
talium remediorum sanatos fuisse tales icte-
ros, & semper in fœcibus tunc invenit cal-
culos magna satis copia. Simul monebat,
ut sæpius de die vola manus dextrum hypo-
chondrium circa illum locum, ubi fundus ve-
sicæ felleæ infra hepatis limbum eminent, con-
cuteretur, equitationibus in rheda, deambu-
lationibus corpus moverent, ut sic & ad se
mutuo attriti calculi, minuerentur, vel sal-
tem illorum incrementum impediretur, sic-
que ad faciliorem exitum disponderentur.

[a) Oper. vol. 2. Anat. hep. Cap. VII. p. 113.
114.

Ubi autem calculi in vesica fellea hæ-
rentes admodum magni sunt, vel viæ, per
quas transire debent, non satis dilatabiles,
tunc parum spei superest, cum hætenus non
sint cognita remedia, quæ calculum talem
certo solvere possent.

Ob-

Observata docuerunt, quandoque tumentem retenta bile cystidem felleam accrevisse peritonæo, & inflammatione & suppuratione sequente fecisse ulcera fistulosa, ex quibus dilatatis ingentes calculi educti fuerunt, qui ex vesica fellea, in fundo suo per suppurationem aperta, viam sibi fecerant. Unde non sine ratione *Cel. Petit* a) tanquam possibilem & utilem proposuit sectionem vesicæ felleæ; ut educerentur calculi; si nempe constaret, fundum cystidis felleæ peritonæo accrevisse. Signa autem, quibus hoc cognosci potest, ibi recensentur, & plures observationes ibi habentur, quæ hanc rem illustrant; dum nempe pro abscessu habebatur tumor vesicæ felleæ distentæ, & pertundebatur. Notandum autem, periisse illos, quibus bilis, non accreta peritonæo vesica fellea, in abdominis cavum per vulnus factum decidere poterat; adeoque hoc prius sollicite indagandum esse, merito inculcatur. Forte prima fronte audax apparebit facinus talia moliri, sed certe audacior ille fuit, qui primus ex vesica urinaria sectione calculum educere tentavit.

a) Memoires de l'academie chirurgie. T. I. p. 135.

6.) Calamitosus icterus ante septimum diem: quia potius morbi augmentum designat, & hepatis hactenus liberi infarctum a materia adhuc cruda. Unde *Hippocrates* a) dixit; *quibus in febribus icteri oriuntur ante septimum diem, malum*. Subjungit autem: *nisi humores per alvum cedant*. Si enim pulsa in hepar materia difficulter quidem transcat, tamen satis cito dilatatis vasis biliosis in intestina venire potest, per alvum ruit, & liberatur hepar; tuncque transitus est quasi materiae minus meabilis, per febrim motæ quidem in venam portarum, sed non diu ibi hærentis, & absque flammo hepatis inflicto per ductum hepaticum in duodenum intestinum expulsa. Vidit *Swietenius* plures tales casus, & inter illos hominem curandum habuit, qui media nocte in aquam delapsus, summopere territus tunc, sequenti die acuta satis pleuritide in latere sinistro ægrotare incepit: quarto die morbo color ictericus in oculis aderat, & hypochondria admodum tumeabant; verum eodem die vesperi quinquies alvum deposuit cum levamine, & perexit alvi fluxus usque ad diei noni finem. Materia alvo excreta primo erat flava, satis foetida, dein fusca, ultimo cinerei coloris, olidissima; die deci-

ma

ma quarta , largus sudor criticus morbo finem imposuit. Ex his intelligitur alter locus Hippocratis. In biliosa febre ante septimum diem icterus cum rigore superveniens febrim solvit ; sine rigore vero , si fiat intempestive, lethale.

a) Hippocrat. aph. 62.

b) — — de acut. morb. victu.

7.) Difficilis sanatu post septimum diem. Si enim inflammatione jam diutius durante hypochondrium indurescat, signum est materiam illuc delatam retineri , ibique vel vomicam excitare, vel liquidiori parte dissipata scirrhum nasci.

8.) Dysenteria larga , cito desinens sæpe hepatitidem judicat : quia tunc per intestina exit illud, quod hepar gravaverat. Verum cito desinere debet dysenteria , aut salutaris sit, evacuata nempe omni materia morbosa , & non læsa inde visceris integritate. Secus enim corrupto hepate diuturna & insanabilis dysenteria nascitur. In illis febribus epidemicis ab *Hippocrate* a) descriptis, in quibus ægris quibusdam sexto die morbus regius accedebat, notat, plerisque morbum in dysenteriam

de.

desilisse. Laudavit & dyfenteriam non longam in lienosis. b) Verum omnis humor lienis in venam portarum derivatur, & inde per hepar in intestina venire poterit. Unde iterum patet, solemnem satis hanc naturæ viam esse, ut materia morbosa ex aliis locis corporis in hepar deferatur, atque inde fluxu dyfenterico eliminetur de corpore.

a) Hippocrates Epidem. I.

b) Coac. prænot.

9. Icterus & causa, & effectus hepatis inflammati nonnunquam est. Causa quidem, quatenus hepate obstructo, accedente causa excitante, facile hujus visceris inflammatio oritur. Hepatis autem inflammationem, pro vario exitu icterum producere, in hac ipsa de inflammato hepate protractatione dictum est.

10. Sanguinis eductio, cum hepar inflammatum est, non solum non obest, sed maxime necessaria est, ne inflammatio in supurationem abeat, quæ in hujus visceris inflammatoria affectione præcipue metuenda est.

11. Vomitoria in infarctu inflammatorio hepatis non conveniunt, febriles enim

motus inde augentur, & inflammationis incrementum accedit. Conveniunt tamen in lenta, pituitosa hepatis obstructione, non febrili, præmissis multis solventibus, & fotu præcordiorum emolliente. Idem de purgantibus, & resolventibus, atque frictione mercuriali, quæ in *Actis Hafniensibus* comendatur in hepatitide, verum est.

12. Quantum intersit, ut in omni morbo acuto, præcipue autem in hepatitide, hypochondriorum conditionem exacte examine-
mus, facile ex præcedentibus patet.

13. Lobus hepatis inflammatus ventriculo incumbens sæpe pro cardialgia imponit, ut medici de sanando ventriculo, quam de inflammatione hepatis tollenda potius cogitent; magnum sane in ægri detrimentum, cum remedio quocunque evacuante, aut roborante, inflammationis vis increascit.

14. Signa saburralia, quæ viscerum abdominalium inflammationem non raro comitantur, medicos sæpe seducunt, ut hepatitidem pro febre biliosa habeant, & emeticum præscribant.

15. Constans observatio est, prima icteri signa in oculis & urina apparere. Bilis autem, cum saponacea sit, facillime in aquosa
par-

parte sanguinis solvitur, & cum illa per talia vasa movetur, quæ tenuitate sua & sanguinem rubrum & ejus serum excludunt. Verum tunica adnata oculi tota talibus imprimis vasis constat, & nudis fere, vel saltem tenuissima tantum membrana tectis; hinc color flavus a bile sanguine permixta statim ibi animadvertitur. Renum vero vasa, urinam secernentium, pariter excludunt sanguinem rubrum & serum, solam aquosam partem sanguinis cum salibus & oleo sanguinis acrioribus redditis, ipsi permixtis, admittunt; unde ob eandem rationem, bile sanguini admixta, statim tingitur urina. In reliquis vero partibus corporis cutis crassior impedit, quo minus tam cito flavedo appareat, vel copiosa vasa sanguine rubro plena colorem flavum minorum vasorum obfuscant, ut in labiis v. g. ubi pariter crassa cutis adest. In diuturno vero ictero solvitur sanguis a bile admixta, pars rubra sanguinis sensim minuitur, copiosa in sanguinem retropulsæ augetur quotidie, unde tunc totus corporis habitus flavescit, simulque fæces alvinæ, nulla bile tinctæ amplius, apparent albæ, vel grisei coloris; & simul ac illæ denuo flavescere incipiunt, urinæ & cutis flavedo minuitur. Interim tamen

videtur bilis non facile transire per illa vasa, quæ chylum vehunt, vel lac a sanguine separant: nam chylus in vasis lacteis, cisterna lumbari, ductu thoracico, semper albus invenitur, & dulcis, licet naturaliter in sanis bilis contentis intestinorum permisceatur. Vidit *Ill. Swietenius* ictericam mulierem, cui facies & totum pectus saturata flavedine tangebantur, reliquæ corporis partes non; infans, quem lactabat, non repudiavit ubera materna, & lac invenit albi coloris absque ulla amaritie. Difficilius etiam transit per intricatam fabricam glandularum salivalium, nam in ictero incipiente nunquam meminit ægros de amaro salivæ sapore conqueri; in icteris autem inveteratis quandoque hoc contigisse observavit, sed non semper. Tandem in pertinacissimis icteris adeo corrumpitur biliosa cacochymia sanguis, ut vix aliquid de florido & rubicundo colore supersit, & omnes partes internæ & externæ bile tingantur, nequidem ipsis ossibus & cartilaginibus exceptis: quin imo & tenuissima fluida, quæ per oculorum vasa fiunt, ita tinguntur, ut omnia objecta flavo colore appareant perfusa, quod bis se observasse testatur *Cel. Hoffmannus*. 2)

a) Frid. Hoffmanni med. ration. system. T. IV. p. IV. p. 353.

16. Cur vitia inflammatoria, suppuratoria &c. Primo, quia hepar pluribus partium memoratarum incumbit cava sua parte, adeoque vel sola vicinia hæ partes male affectæ nocere hepatis possunt. Secundo, quia sanguis venosus a visceribus abdominalibus redux in truncum venæ portarum confluit, atque inde per totum hepar distribuitur, sicque facile vitia in his visceribus nata hepatis communicantur, vel saltem turbatur in hepate bilis secretio.

17. Cum tam enormiter &c. Ob eandem rationem: nam impeditur, hepate obstructo, liber transitus sanguinis per venæ portarum angustias, adeoque & venæ viscerum abdominalium chylopoiesi inservientium evacuari nequeunt, dum arteriæ pergunt adferre; unde omnia hæc vasa plena manent & distrahuntur. Sic intelligitur ratio illius anxietatis circa præcordia, dum male affectum est hepar; uti etiam quare dolores validi diversa sæpe abdominis loca occupant, uti & lumbos, quibus mesenterium affigitur, dum mali causa in hepate hæret. Hinc toties nephritidi, intesti-

sinorum inflammationi, aut spasmodicæ contractioni adscribuntur illi dolores, dum paulo post sequens icterus veram causam demonstrat: quod & sibi contigisse *Mortanus* a) candide fatetur.

a) Oper. med. Lib. III. Cap. XIII. p. 138.

18. Cur jecur tam immensum augeri &c. Quantum molem hepar acquirere possit, dum suppuratione facta abscessus ingentes ibi puris copiam colligunt, in prioribus dictum est. Verum & obstructione hic nata, dum pergunt huc adferri tumores, vasa hepatis mollia & pulposa distenduntur facile, sicque moles hujus visceris augetur sæpe immaniter. Sed hæc dilatatio vasorum, quæ hujus visceris substantiam constituent, tunc locum habebit, si humores ad hepar venientes nullam aliam viam inveniant, per quam exire possint. Videtur autem quandoque contingere, obstructis biliosis in hepate meatibus, ita dilatari ultimos fines venæ portarum, qui cum venæ cavæ ramulis per hepar dispersis communicant, ut facillimus transitus sanguinis ex vena portarum in cavam fiat; tunc minus urgebuntur vasa obstructa, nec dilatabuntur; imo collaben-

tur tandem, & concreſcent cum liquido contento quieſcente, ſicque hepar minuetur mole, exſuccum & aridum quaſi reddetur. Præterea detectæ fuerunt quædam venæ in meſenterio, quæ non exeunt in venam magnam meſentericam, ſed ſanguinem ſuum in ipſam venam cavam deferunt: hinc non improbabile videtur, impedimento nato circa venæ portarum anguſtias in hepate, ſanguinem per binas arterias meſentericas allatum, & per hanc viam redire poſſe ad cor, inſalutato hepate. Forte etiam & retrogrado motu venoſus ſanguis in arterias redire poteſt, cum hic nullæ ſint valvulæ. Dum hoc fit, omni functione hepatis ſublata, languidam vitam trahunt tales ægri; illudque viſcus incredibiliter mole minuitur.

Vidit in cadavere viri, aſcitidem cum tympanitide paſſi, & cui ſanguis ſurſum & deorſum copioſe exiverat, lienem tumidum *Tulpius a)*, hepar vero aridum & retorritum. In mulieris ictericæ ſimul & hydropicæ cadavere invenit b) *jecur aridum, atrum, exſuccum, & inſtar corrugati corii ita in ſe contractum, ut vix æquaret geminum pugnum. Exſucca & arida talia jecinora aliquoties in cadaveribus ictericorum & Swietenio videre contigit.*

a)

a) Observ. med. Lib. II. Cap. XXXV. p. 153.

b) Ibid. Cap. XXXVI. p. 154.

In doctrina de hydropē demonstratur, defectum partis crassioris rubræ in sanguine disponere ad hydropem, verum in iëtero pertinaci, bile continuo regurgitante in sanguinem, illè sic dissolvitur, ut nulla penitus rubedo supersit. Præterea in physiologicis inter alios usus omenti & ille recensetur, quod venosis osculis bibulis resorbeat tenuissimum illum halitum, qui in abdomine vivi, & sani animalis semper adest: cum autem venosus sanguis omenti omnis in hepar erat, si in hoc viscere impedimentum fuerit, non poterunt venæ omenti evacuari, adeoque & impeditur illa resorptio a nimia venarum plenitudine, colligitur in abdomine latex illæ tenuissimus, sicque ascites nasci poterit. Novērunt autem omnes practici, quam raro curetur hydrops, cujus causa sa male affectis visceribus, imprimis ab hepate, pendet. Licet enim per punctionem abdominis, aut alia quacunque methodo, evacuentur aquæ, superstes tamen insuperabilis sæpe causa hydropem regenerans, & sæpe satis cito.

Quæ dysenteria hepatica? Si collecta in hepate materies per porum hepaticum in intestina viam invenerit, quæ acrimonia sua irritando tormina & dolores sæpe validos, cum continuo tenesmo deponendi alvum producit. Dum sic evacuari potest materia morbosa, manente visceris hujus integritate, salubris erit talis dysenteria; uti paulo ante observationibus *Hippocratis* confirmatum fuit. Ubi vere pus ex hepatis abscessu, acrius jam redditum, in intestina depluit, longe periculiosior dysenteria est. Si vero corrupti hepatis liquamen liquidissimum, vel scirrhi in cancerum degenerantis acris ichor, in intestina venerint, lethalis sequitur dysenteria, nulla arte curabilis. Non sine ratione *Hippocrates* a) malas dixit esse dysenterias, quæ cum hepatis inflammatione invadebant. Salubres vero illæ dysenterix, quas observaverat in Epidemicis ægris, quibus sexto morbi die icteri fiebant, contingebant circa morbi finem; quod magnum discrimen facit.

a) *Prædict.* lib. II. Cap. XIII. Chart. Tom. VIII. p. 821.

Hepatitis latens.

Validas viscerum inflammationes & cognoscere, atque iidem etiam in principio mederi, etsi opus omnino arduum haud sit, video tamen passim medicos, spretis adeo manifestis phlogoseis signis, ægros suos perdere, quos certe servassent, si de cognoscenda inflammationis præsentia magis fuissent solliciti. Cum autem id in validiori etiam inflammationis impetu tam frequenter contingat, plura atque graviora pericula ægris imminet, si inflammatio clandestine in viscus quoddam incumbit, neque prius medentis oculos ferit, quam tota visceris compage ita labefactata, ut omnis ars tollendo malo impar sit. Vidimus id toties in peripneumonia latente, ut etiam proprio capite de subdolo hoc morbo agendum esse *Stollio* e re videretur; atque id ipsum de hepatis etiam inflammationibus verissimum est.

Jam pridem id a sagacissimo medico, *Fo-doco Lommio* a) observatum est: expolitis enim validioris hepatitidis signis, ita habet. „Hactenus ea signa posuimus, quæ vehementiori debentur jecinoris inflammationi. Verum hæc tamen (quod nos frequenter usu medendi observavimus) adeo interdum levis, par-

vaque est, ut dolor, gravitas, totusque morbus, magna potius respiratione deprehendi, quam tactu debeat. Omnia sub hoc casu mitiora sunt, ipsumque vitium multis sæpe mensibus trahitur. „

a) Lomnii observat. medicin. p. 188.

Uti hepatis inflammatio, ita ejusdem etiam visceris ex neglecta inflammatione tabes lente incedit a) „ jecur quoque corruptionem tota pati substantia, ut pulmo solet, unde homo spatio contabescit. Is morbus sensim oritur, sensimque crescit; quare per initia hominem lecto non afficit, sed obire etiam vitæ munia finit, tumque febris nulla esse deprehenditur, quæ tandem tamen crescente admodum malo lenta oritur. Non ingens sitis, non tumor in hypochondrio est: summum vini meracis optimique desiderium, maximum carnis, & præcipue calentis fastidium afficit; totus homo languet, tum animo, tum corpore, sæpe anima deficit, idque ubi tandem violentius fit, sudor frigidus erumpit, sub quo æger perit. „

a) Idem l. c. p. 189.

Ean-

Eandem animadversionem^a vir Cl. *Theodor Schroeder* proposuit, atque exemplum tristicis hujus eventus adfert: „Tangit modo animum memoria juvenis, optimæ sanitatis specie præditi; in cujus corpore omnes ac singulæ functiones rite procedere videbantur; qui etiam adversus quæstionem de ejus valetudine nunquam hanc esse non optimam responderebat. Aliquando vero rarius de prætervolitantibus in dextro hypochondrio doloribus ex attactu præcipue vel pressione conquerebatur. Nihili vero illos æstimavit, diætã, jam satis lautã, ne in bilo quidem commutavit, & istorum dolorum causam potius in flatibus, quam vero hepatis vitio latere credidit. Post duorum autem annorum intervallum pungitivi isti dolores vehementiores evaserunt, intumit hypochondrium dextrum, habitus hucusque floridus evanuit, & hucdum occultus hepatis abscessus in manifestum commutatus ægrum intra anni intervallum consumsit penitus, dum in amplam magnitudinem accretus abscessus ruptus materiem in abdominis cavum effunderet.,

a) Theodor. Schroeder de phthisi hepatica. p. 71.

GASTRIDIS.

Signa inflammati ventriculi.

Signa, quibus inflammatio stomachi (ab aliis aliorum viscerum inflammationibus) dignoscitur, sequentia sunt :

1. Febris acuta continua, quæ omnes inflammationes alicujus momenti, imprimis in visceribus, comitari solet.

2. Dolor ardens, fixus, pungens in loco stomachi superiorem & anteriorem abdominis partem ventriculum occupare, pro parte hepate tegi, lienem ipsi a sinistris adiacere, pancreas vero supponi, & diaphragmatis partem ventriculo contiguam esse, ejusque orificium superius per diaphragma transire, ex anatomicis notum est. Unde in vicinis partibus nata inflammatio diagnosin dubiam forte facere posset. Accedit, quod ventriculi situs mutetur in eodem homine, prout aut vacuus, aut flatibus vel ingestis distentus est. Præterea quandoque & miræ varietates in situ viscerum observantur, & præsertim in ventriculo.

3. Exacerbatio in ipso puncto, quo aliquid ei ingeritur. Illud signum ferme pathognomicum est, dum ab ingestis, etiam parca

copia, & talibus, quæ cæteroquin facile fert ventriculus, exacerbatur dolor. Si enim in vicinis ventriculo partibus inflammatio hæserit, illa irritatur quidem a ventriculo distento, sed non illic sentitur doloris exacerbatio, si parum simul in ventriculum ingeratur. Solet tunc illico sequi vomitus, sed summo cum dolore, dum pars hæc inflammata convellitur, ac diaphragmate & musculis abdominalibus simul agentibus, validissime comprimitur.

4. *Anxietas summa & perpetua circa præcordia.* Hinc observantur a venenis assumptis tantæ anxietates, dum adhuc in ventriculo hærent; imo dum bilis corrupta ventriculum irritat, vel adeo facile perfacienda piscium hepata majori copia fuerunt assumpta, intolerabilis anxietas nascitur, donec vomitu hæc excussa de ventriculo fuerint.

Causæ gastritidis.

De causis vero generalibus inflammationis jam sæpius dictum fuit, quæ omnes & hic locum habere possunt. Omnium forte frequentissima causa hujus mali est potus gelidus, calefacto prius a laboribus corpore; de cujus

noxa jam sæpius in præcedentibus morbis inflammatoriis dictum fuit. Verum directe in ventriculum delabitur talis potus, adeoque ibi imprimis mala producet; & quandoque subito spasmus sic stringitur utrumque orificium ventriculi, ut sursum vel deorsum ne guttula quidem exire possit, præcipue si maximam copiam potus gelidissimi, a laboribus æstuans homo & sitibundus, simul & semel ingurgitaverit; a qua causa mortem post intolerabiles anxietates intra paucas horas factam vidit *Swietenius*. *Frid. Hoffmannus* a) plures similes casus recenset inflammationis ventriculi ab hac causa natæ, & merito statuit, hunc morbum sæpius contingere, ac quidem vulgo creditur.

a) *Frid. Hoffmann Opusc. pathol. practica decad. diff. 2. VII. p. 466.*

Vicinas autem partes inflammandas simile malum in ventriculo producere posse, satis patet, & in partibus externis corporis sæpe videmus inflammationem per vicina loca se dispergere latius. Hinc non mirum in hepaticide, paraphrenitide &c. defunctorum eadaveribus, ventriculum inflammatum, imo
jam

jā gangrænōsum, inventum fuisse, qualia exempla plura sparsim, apud *Bonetum*, habentur.

Aeria ingesta. Ventriculum humanum sine magno damno acriora multa ferre, quotidianis experimentis constat, qualia plurima recenset *Swalve* in eleganti tractatu de *querelis ventriculi*. Multa enim quæ inter deglutendum, si tangerent fauces, acrimonia sua illas læderent, impune sæpe ventriculo recipiuntur. Acerrimis aromatibus, pipere, zingibere &c. languentem a quotidiana crapula ventriculum excitare solent helluones: medici acerrimos ari bulbos contritos, cum aliis remediis mistos, forma pilulari toties exhibent ægris absque ullo damno. *Tithymali causticum succum ficubus instillari jussit Hippocrates a)*, atque illas ficus exhibebat ante cibum hydropicis. Interim observatum fuit acria admodum, nullis demulcentibus obvoluta, ventriculum rodere, dolores acerrimos, spasmos horrendos, & inflammationem pessima producere. Imo autem subita morte peremtorum cadavera lustrant medici, ut ad judices de causa mortis referant, si inflammatum ventriculum aut erosum invenerint, acre venenum ingestum fuisse suspicantur.

Plu.

Plures casus habet, qui hanc rem confirmant, *Wepferus*. b) Sed & alia sunt, in quibus tanta acrimonia sensibus non detegitur, & quæ tamen latente stimulo, sed vix donabili, post spasmos sommos inflammationem in ventriculo faciunt. Talem casum habet *Hoffmannus* c), ubi a granis octo vitri antimonii, in substantia exhibitis, vomitus enormis cum dolore acerbissimo excitabatur, dein convulsio & mors. In cadavere ventriculi pars inferior inflammata erat, & vitri antimonii pulvis tunicæ ventriculi interiori adhuc adhærebat.

a) De victu acutor. in fine Charter. Tom. XI. p. 183.

b) De cicuta aquat. historia. Cap. XXI. p. 284. &c.

c) Frid. Hoffmann opusc. path. fracti dec. 2. Diss. VII. p. 456.

Præterea observatum fuit, acrem materiam, vel in corpore genitam, vel aliis viis quam per deglutitionem corpus ingressam, in ventriculum deponi, & pessimas inflammationes & gangrænam sæpe facere. *Helmontius* a) cadaver secuit hominis peste mortui post septem a morbi invasione horas: vomitus continuus cum cephalalgia adfuerat: invenit os
sto-

stomachi *eschera nigra jam catuerizatum*. In alio, qui sedecim horarum spatio obierat a peste, invenit *stomachum triplici eschera jam perfecta pertusum*. b) Sed & cel. Sydenhami observata, alia occasione jam memorata, videntur suadere, pestis contagium sæpe radices quasi figere in ventriculo, nisi per sudores diffletur de corpore, antequam hic inflammationem validam produxerit; in febre enim pestilentiali aderat anxietas cum vomitu perpetuo, quæ cessabant, simulac sudor prodiret copiosus; & omnino tollebantur, si tali sudore diu protracto expelleretur susceperum virus. Quandoque & variolas pessimas, & morbillos (sed in his rarius) talia symptomata comitantur, quæ metum faciunt ventriculi inflammati: hinc adeo suspectum signum habetur in variolis, si post eruptionem anxietas, vomitus, ardor circa præcordia adsint; metus enim est, ne & pustulæ variolosæ ipsum ventriculum obsideant, & periculosam ibi inflammationem faciant. Idem & a podagræ materia, non amplius in artus deposita, vel imprudenti medela retropulsa observavit contigisse *Hoffmannus*. c)

a) *Tumulus pestis* p. 842. 843.

b) *Ibidem* p. 867.

c) *l. c.* p. 460.

Quanta sit necessitas in cura inflammationis diluentium remediorum, in præcedentibus satis patuit: verum inflammatus valide ventriculus a lenissimo etiam potu irritatur, adeoque hac via diluens liquidum subministrari nequit. Præterea nervosissima ventriculi substantia tumore inflammatorio irritata & dolens totum corpus turbare potest miris modis, & imprimis cerebri functiones lædere: quod optime *Galenus* a) notavit, dicens: *Nam ventriculus capiti, & caput ventriculo suas affectiones transmittit, propter nervorum ab encephalo ad os ventriculi descendantium magnitudinem, per quos etiam sensus huic parti, quam illi reliquarum corporis partium: acutior est.* Sed & ipsas vires vitales a simili causa proflerni antea dictum fuit: & *Celsus* a) notavit, percussio stomacho, non tantum sequi singultum & bilis vomitum, & assumpta statim reddi, verum & venarum motus elanguescere, sudores tenues oriri, extremasque partes frigescere; quæ omnia mortis imminentis signa sunt. Ex quibus facile patet, summum periculum in hoc morbo adesse.

a) De loc. affect. lib. III. Cap. IX. Chart. T. VII.
p. 438. 439.

b) Lib. V. Cap. XXVI. n. 15. p. 287.

De vario exitu morborum inflammatoriorum, qui viscera occupant, jam sæpius dictum fuit, & omnia illa etiam in hoc morbo obtinent.

Verum hoc peculiare habet ventriculi inflammatio, quod convulsionibus sævissima or-
tis, sæpe subitam mortem faciat. Dum vene-
na acria ventriculum rodunt & inflammant,
vel & alia, non habentis tantam acrimoniam,
sed singulari modo noxia, nervos hic dispo-
sitis irritant, ex *Wepseri* a) observatis pluri-
mis constat, horrendas convulsiones fieri.
Quotidiana observata practica docent, infan-
tes, acri acido colostro ventriculum plenum
habentes, convulsos mori quam subitissime.
Sed & insignis casus b) docet, quam horren-
da mala ventriculi inflammationem comiten-
tur. In juvene enim bonæ temperiei primis jam
morbi incepti horis pulsus oppressus erat, &
sæpe intermittens, paulo post, licet jam ter
vena secta fuisset, extrema frigebant ut in
cadavere, vertigo summa sequebatur & cæ-
citas, delirium ferox, ardoris interni intole-
rabilis sensus, convulsiones musculorum fa-
ciei,

ciei, fitis immanis, & simul horror summus, dum liquida allata videbat, ita ut hydrophobus fere effet. Leniebantur post sanguinis missionem symptomata^{a)}, sed paulo post recrudescencia idem remedium suadebant; ita ut undecies misso sanguine tandem a tantis malis adhuc evaserit incolomis.

a) In hist. cicut. aquat. passim.

b) Medical Essays Tom. I. Nro. 29. p. 284.

Cura gastritidis.

Largam sanguinis missionem summum remedium esse in inflammationis initio, jam sæpius demonstratum fuit, tam in cura generali inflammationis, quam in morbis inflammatoriis ante pertractatis, & modo recensitus casus docuit, quantum venæ sectio audacter repetita valuerit in hoc morbo, jam tot horrendis symptomatibus stipato. Præterea laudati fuerunt diluentes potus, addito nitro, melle, roob sambuci &c. Verum hic major difficultas est, nam a minimo acri irritatur inflammatus ventriculus, & augentur omnia mala: ideo hæc remedia, licet merito laudentur optima in curatione inflammationis, vix

audemus dare, vel tantum adeo diluta, ut oculus non læderetur ab his instillatis. Præterea omnia medicamina debere dari paucapropia simul, ne distentatur ab ingestis ventriculus, nam & inde omnium malorum augmentum fieret. Si autem causa cognita fuerit, quæ acrimonia sua rodendi inflammationem fecisset, dantur simul opposita huic acrimoniæ remedia; sic v. g. in infantibus, ab acido acrimonia in ventriculo hærente convulsis, dantur absorbentia terrestria, quæ & blanda sunt, & simul acidum absorbendo enervant.

Cum autem non possint intra breve tempus diluentia & attenuantia ingeri magna copia, conamur per alias vias hæc in corpus introducere. Huc faciunt balnea, fomenta, epithemata, & imprimis clysmata, sæpius applicata & diu retenta, ut venis bibulis intestinorum resorberi possunt.

Simul facile patet, quanta malorum exacerbatio sequi debeat, dum stomachicis vulgo dictis remediis (quæ solent fere laudari spirituosæ, amara, aromatica, acria, & in frigidis ventriculi morbis pulchrum usum habent) imperiti hunc morbum aggrediuntur. Longe adhuc pejus cum miseris ægris agitur, si medici fallaci illa & periculosa regula utantur:

Vomitus vomitu curatur. Dumque vident ægros tales a minimo liquido ingesto frequenter vomere, statuunt malignam in ventriculo [hærentem] saburram morbi causam esse & vomitorio dato illam expellere conantur. Candide fatetur *Sydenhamus* se hic errasse, & dum viderat in febribus epidemicis autumnalibus, in quibus anxietas circa præcordia aderat, & nausea perpetua & vomendi conatus tam pulchre successisse emeticum, post venæ sectionem præmissam, in initio morbi datum; dedit in febre ardenti pestilentiali, ubi vomitus ab incipiente inflammatione ventriculi oriebatur; sed pessimo cum successu. *Cel. Hoffmannus* a) notabilem causam habet, qui docet funestum eventum vomitorii in hoc morbo dat. Canonicus Halberstadiensis perfecte sanus, ira vehementer excanduit, dein vinum calidum superbibit: sequenti die dolores summi circa præcordia, angustia, conatus vomendi, ardor stomachi aderant: vocatus medicus dedit vomitorium ex sulphure aurato antimoni, unde ter vomuit æger, sed cum symptomatum omnium augmento; & intra decem horarum spatium, convulsionibus accedentibus, periit. Cadavere dissecto in fundo ventriculi plures maculæ, partim nigrae, partim rubrae

bræ, apparuerunt. Jam in gangrænam abiverant loca inflammata tam ruditer concussa & pressa a vomendi conatu.

a) Friedr. Hoffm. Opusc. pathol. dec. 2. Diss. VII.
p. 454.

Exitus in suppurationem.

Casus suppurati ventriculi habetur in *actis parisiis*. a) Homo continuo dolore ventriculi laboraverat per tres septimanas; cardialgia & nausæ frequentes fuerant, ultimisque vitæ diebus multum sanguinis sursum & deorsum evacuerat. Post mortem invenit *Cel. Littre* in ventriculo ulcus rotundum, quinque lineas æquans diametro, & mediam lineam profundum, ad distantiam pollicis cum dimidio a pyloro; multum sanguinis in cavo ventriculi & intestinorum, reperiatur. Quandoque & tale ulcus, dum peritonæo accrevit ventriculus, extrorsum aperitur, & relinquit fistulam, per quam toto vitæ tempore pars ingestorum exit. Vidit *Swietenius* sexagenariam mulierem, quæ jam per duodecim annos tale fistulosum ulcus gerebat, absque multo incommodo; & vidit contentorum;

ventricoli partem exire per hanc aperturam. Longe mirabilior casus legitur in *Diariis eruditiorum* b) de puella, cui ex abscessu hypochondrii sinistri una cum fragmentis costarum cariis exhibant contenta ventriculi. Sensim tamen angustior facta fuit ulceris apertura, & supervixit diu, viribus adeo auctis, ut rusticis laboribus consuetis excernendis par fuerit, & per viginti tres annos malum tolerare potuerit.

a) Academ. royal. des scienc. l'année 1704. Hist. p. 36.

b) Journal des sçavans mois d'Aout 1737. p. 534.

Si ex signis prægressis inflammationis ventriculi fatis validæ, nec pessimæ tamen, suspicio nascatur, in ventriculo apostema fieri, decocta mollissima ex althea, malva, consolidâ majore, seminibus lini &c. parca copia simul, sæpe repetitis vicibus danda, ut emolliatur vomica & ad rupturam citam disponatur. Ubi pus sursum vel deorsum prodiens, & levamen malorum, docent, abscessum ruptum esse, tunc lenissimis detergentibus, & postea consolidantibus opus erit. Verum dum consolidandum est tale ulcus, careri debet, ne a copiosis ingestis ventriculus distendatur

di-

distraherentur enim denuo illa , quæ coire inceperant. Satis autem patet , difficilem fore curationem , cum omnia ingesta ulcus alluere debeant , & motu peristaltico ventriculus continuo agitetur: Solum jus carniū , cum oryza , hordeo , pane &c. coctum , tunc conduceret: forte & per clysteres nutrientes posset satis sustineri vires per plures dies , cum ulcus jam purum est , ut , quiescente sic ventriculo , consolidatio citius fieret.

Scirrhus ventriculi.

Alter exitus inflammationis , de quo in præcedentibus pariter sæpius dictum fuit. Plures tales ægri occurrunt quotidie , qui se beatos crederent , nisi alimentis indigerent quotidie ; sentiunt enim dolores molestissimos ab ingestis , quandoque statim a pastu , quandoque post unam alteramve horam : nullum levamen sentiunt a decantatissimis etiam stomachicis remediis , imo ab omnibus acrioribus dolores augentur ; omnium maxime a purgantibus aut emeticis validis. Vidit *Ill. Swietenius* plures tales miseros , qui dolorum impatientes , aliquot post cibum sumptum horis digito in fauces immisso evomebant omnia , ut
le-

levamen haberent doloris. Semper tunc suspicandum de scirrholis tumoribus, ventriculū aut vicina loca obsidentibus; quod & cadaverum sectio confirmavit. Nobilem matronam anglicam vidit tali morbo laborantem, & una cum amico suo *Godof. du Bois* Med. & Phil. Prof. in Acad. Franequerana, deliveravit, quomodo succuri posset huic miseræ, quam jam per plures annos cum hoc malo conflictabatur. Frustra tentata fuerunt omnia; levamen aliquod a blandissimis remediis & opiatīs quandoque habuit. In cadavere inventus fuit ventriculus ovo anserino non major; Pylorus & proxima intestini duodeni portio, uti & pancreas, scirrholosa erant. In homine, qui diu de ventriculi dolore conquestus erat, cum vomitu continuo & animi deliquiis, invenit *Ruysebius* a) fundum ventriculi obseſsum tumore scirrholoso pugni fere magnitudine, materia tenaci & atra referto, qualem materiam quoque paucis ante mortem horis vomitu rejecerat. His similia & apud *Bonetum* b) plura habentur,

a) *Observat. anat. chirurg.* XXXIX. p. 38.

b) *Anat. pract.* Lib. III. Sect. VII. p. 68. &c.

Scirrhus autem, quamdiu benignus adhuc manet, pondere & mole sua distrahendo partes adeo sensiles plurimum quidem mali producere poterit; verum ubi temporis diuturnitate, aut acrium medicamentorum usu, in cancrösam malignitatem vergere incipit, horrendi dolores inde fient. Insignis talis casus describitur a *Cel. Petit* a): mulier corripiebatur dolore cum febre, aderant simul nausea & vomitus cum dolore colico: iteratis venæ sectionibus, aliisque remediis a peritissimo medico præscriptis, levamen habuit quidem, sed reliquias morbi, nondum eradicati neglexit, diætæ regulas minus observans. Cum langueret diu, empyricum consuluit, qui & validissimis emeticis, & clysmatibus primo lenioribus, dein acerrimis, in pessimum statum redegit miserrimam ægram. Prudentiorum dein consilio usa levamen quidem percepit, sed tandem periit. In cadavere inventa fuit pars ventriculi colo intestino vicino firmiter adhærens, & cum illo in massam scirrhosam magnam concreta: dissecto ventriculo, inventum ulcus nigrum foetidissimum duos pollices in diametro habens; quod integumentis concretis cum hoc scirrho, viam versus exteriora fecerat ichori & puri. Plura

ra adhuc maxime notanda circa hoc malum ibidem recensentur, sed modo dicta docent, fidelibus observationibus constare, scirrhum ventriculi in cancrum ulcus degenerasse.

Præcipuum est, ut nihil in victu exhibeatur, quod exasperare possit hæc mala; jura carniū; cum oryza cocta, vel mollissimis oleribus, hic sunt præcipua; vitelli ovorum, cremores hordei, avenæ & similia parca copia simul data, ab his enim magnum solamen in doloribus illis chronicis circa ventriculum solet percipi. Ubi vero scirrhus adhuc recens est, magna copia saponis veneti profuit, sed diuturno usu, ita ut drachmas duas quotidie per plures menses sumerent ægri: summum enim dissolvens est & satis mite; si autem ab hoc assumpto dolores augeantur, abstinendum est illico; tunc enim metuendum est, ne in cancrum indolem degenerare scirrhum, qui tunc nequidem illud remedium ferre potest. Profunt & aquæ medicatæ spada-næ, vel his similes, quæ mira vi solvendi concreta in corpore valent, neque interim acrimoniam magnam habent.

At vitium hoc, scirrhus nempe ventriculo, non tantum a prægressa inflammatione, sed ab aliis sæpe causis ventriculum afficien-

tibus oritur. Has causas sequentes *cl. Petzold* enumerat:

1. Commoratio in loco humido, paludoso: miraturque hanc causam a binis clarissimis *Mabuys* & *Geuns* in solutione quæstionis *Harlemensis*, quænam causæ sensim abortæ & lethalis deglutiendi difficultatis ex vitio œsophagi, & quare is morbus frequentior in Belgio appareat, atque etiam a *cl. Bleuland* in pulcherrima dissertatione *de sana & morbosa œsophagi structura*, omnino prætervisam fuisse 2) Victus crassus, farinosus, non fermentata e. g. Fabæ, pisa, placentæ, sacharata &c. 3) Acida, austera, magna copia ingesta. Ita *Hallerus*, Op. m. T. III. p. 306. ab aceto magna copia ad minuendam obesitatem ingestis, ventriculi scirrhum, & *Gorrizzius* Eph. M. C. Cent. 8. obs. 20. p. 288. a citris large comestis pylori scirrhum observarunt. 4) Potus defectus, aut abusus potuum calidorum, adstringentium, spirituosorum, præcipue potus *Punch*, 5) Alimenta aut potulenta nimis calentia; deinde potus gelidus assumptus æstuante corpore, quam ultimam causam frequentem esse adfirmat *Trillerus de fame lethali ex callosa oris ventriculi angustia*. 6) Vita sedentaria. 7) Delusus amor, curæ
&

& diuturnus animi mœror. 8.) Evacuatiões humorum copiosæ, aut humorum etiam retentio e. g. mēsis, hæmorrhoidibus suppressis. 9.) Morbi prægressi, præcipue metastases materiæ morbificæ ad ventriculum, uti sæpe contingit morbis exanthematicis, & febribus intermittētibz male curatis. 10.) Frequens validorum purgantium, & vomitoriorum usus, venena, vina mangonizata. 11.) Thoraculorum abusus, regionis stomachicæ percussio. a)

a) Joan. Nash. Petzold von Verhärtung und Verengerung des untern Magenmundes. §. 17.

Inflammatio lienis.

Inflammationem quandoque lienem occupare negari nequit, nam cadaverum sectiones docuerunt, inflammationis effectus in liene observatos fuisse. Verum minus frequenter, quam alia viscera, lienem inflammari, notavit *Trallianns* a). Præcipua signa autem inflammati lienis sunt, febris acuta continua, dolor in loco lienis, quandoque ad humerum, mammam & claviculam sinistri lateris protensus. Licet autem & functiones læsæ partem
af.

affectam in morbis denotent, cum lien soli hepatis inservire tantum videatur, non poterimus accurata signa ex hoc fonte colligere, eo quod hepatis læsio vitia lienis tardius tantum sequi soleat. Quin imo experimenta docuerunt in vivis animalibus capta; lienem ligatis ejus vasis inutilem reddi, imo & extirpari posse integre, & tamen animalia diu postea adhuc supervixisse, absque notabili sanitatis noxa. b)

a) Lib. VIII. Cap. XII. p. 484.

b) Malpig. de liene Cap. VI. p. 124. Brunner de pancreas in præfat. p. 9.

Non videtur improbabile, quandoque sub pleuritidis nomine tractari lienis inflammationem, & absque magno damno, cum cura pleuritidis & huic morbo curando conveniat *Cel. de Haen Swietenio* talem casum transmisit, qui hoc confirmat. Homo triginta quatuor annorum a medico tractabatur ut pleuriticus, & quidem tali cum successu, ut secundo jam morbi die a febre & dolore sinistri lateris fere integre liber se sanatum crederet, omnemque medelam negligeret postea, sed infelici cum eventu. Languit enim postea, & fassus fuit, se semper obtusum dolorem in loco prius affecto percepisse.

se. Post paucas septimanas, a primo morbi insultu, insignem habuit in dextro crure tumorem, sponte postea evanidum similem tumorem deinde percepit in dextro latere perquam magnum, sponte etiam postea evanescentem. Similis tumor denique apparuit in femore sinistro & illo manente, novus tumor occupavit internam brachii dextri partem molli & pugno major. Successit deinde dysenteria, ascites, una cum hydrope anasarca totius corporis, prostratio virium & mors.

In cadavere biduo post mortem dissecto apparuerunt sequentia: Abdomen turgidum, lividum ubique, præsertim in latere sinistro. Omentum brevissimum vix duos digitos longum, macilentum. Intestina omnia turgidissima, & fere per totam longitudinem, crassa æque & tenuia, inflammata, & pluribus in locis jam gangrænosa: Lympha non admodum copiosa in abdominis cavo. Ventriculus pariter turgidissimus, sinistra ac maxime superiori parte longe lateque gangrænosus. Pancreas flaccidum, parvum: mesenterium integrum, exsanguis: mesocolon exhibuit plura friabilia corpuscula obscure viridia, mole, calore, figura, referentia capparidum gemmas, quæ aceto vel muria conditæ mensis adhi-

hibentur: Hepar perquam magnum erat, in parte inferiore magis fuscum quam naturaliter esse solet: Lien inferiore parte peritonæo accretus, pure albo, crasso, copioso plenus: copia quædam similis puris aquæ, in cavo abdominis repertæ, innatabant. Tumor brachii lanceola apertus, dedit idem colore ac consistentia pus, ac in liene deprehendebatur. Pulmones hinc inde membranæ pleuræ adhærebant concreti.

Tota hæc historia docet, lienem inflammatum, ægri incuria non integre sanatum in suppurationem abivisse: pus resorptum ad varia loca corporis metastasin fecisse; tandemque purulenta cacochymia totum sanguinem corrupisse. Simul notandum, hepatis molem insigniter auctam fuisse, dum splenis, purulenta labe consumpti, functio cessabat; quod & *Malpighius* & *Brunnerus* observaverant in animalibus, quibus splenem excrucuerant, vel ligatis vasis illum reddiderant omnino inutilem.

Lienis vero scirrhus longe frequentius occurrit, unde familiarem spleni hunc morbum dixit *Aretæus* a). Talis autem tumor duritie, & pondere vicinas partes miro modo lædere & distrahere potest, & vehemen-

tis-

tissimos dolores facere. In cadavere muliebri *Cel. Ruyschius* b) lienem invenit octuplo majorem, quam naturaliter esse solet: bilanci impositus quatuor libras pendebat, & in pelvim descenderat. Bis in cadavere vidit *Swietenius* lienem scirrhosum ingentem ad pelvim usque prolapsum, plura talia *Drelincourtius* c). Neque adeo mirum videtur, lienem, mole & pondere arctum, propria gravitate descendere, sensim elongatis vasis versus inferiora abdominis; sed rarus casus docuit tumorem lienem, & sursum ascendere posse. Invenit hoc in homine, post diuturnam febrem intermittentem hydropico facto *de la Motte* d). In ejus cadavere lien mole insigniter auctus diaphragmatis sinistram partem sursum traserat, ita ut parvum tantum spatium inter summitatem lienis & axillam inveniretur. Ubi autem lien, dum indurescit, simul mole minuitur, tunc credibile est, facilius tolerari illud malum. In homine enim sexagenario (qui nunquam questus fuerat de dolore aut alio malo, unde suspicio mutati adeo insigniter lienis nasci potuisse), *Cel. Littre* e) invenit lienem integre putrefactum, sed tantum unciam cum dimidia ponderantem: vio.

violenta autem morte perierat ille homo, hinc & diutius superstes esse potuisset.

- a) De causis & sign. morb. diuturn. Lib. I. Cap. IV. p. 43.
- b) Observat. anatom. Chirurg. LXII. p. 58.
- c) Dissertat. anat. practom. de Lienosis Cap. XVII. Opusc. omnia p. 768.
- d) Traité complet de chirurgie Tom. II. p. 169. 170.
- e) Academ. royale des sciences l'année 1700. hist. p. 50.

Ubi autem scirrhus lienis in cancrum degenerat, tunc vicina omnia depascitur, & post intolerabiles cruciatus, erosio vasis, subitam & lethalem hæmorrhagiam producit. Lethalem talem per alvum hæmorrhagiam vidit *Drelincurtii* a) patet in scœmina, cujus lien canerosus subjectum colon arroserrat.

- a) Diss. an. pract. de lienos. Cap. XIV. Opusc. om. p. 763.

Inflammatio pancreatis.

Cum illud ponatur intra duplicaturam mesocoli, & uno extremo suo adhæreat duode-

deno, ubi illud pyloro continuatum incurvatur, transversaliter pone ventriculum pergat fere ad lienem usque, & in hoc itinere portio duodeni inter pancreas & lumborum vertebrae locetur; patet satis difficilior morbos pancreatis distingui posse, cum non tam facile tangi possit, quam lien, & dum tumet pancreas, ventriculum & duodenum necessario comprimere debere. Possit ergo inflammatio pancreatis quandoque cum ventriculi aut duodeni simili morbo confundi; sed inde in curatione nullum damnum orietur, cum similis omnino medela requiratur.

Tumores autem pancreatis inflammati, suppurati, scirrhusi, cancerosi, pessime afficere posse vicinas partes, sponte patet. Quandoque & pancreas scirrhosus adeo intumuit, ut extrinsecus tumor percipi potuerit. Aliquando licet insigniter mole auctum fuerit, tamen foris nullus tumor conspicuus apparet. Ex *Riolani* illud confirmat *Craafius* a) exemplo III. viri *Aug. Thuani*, qui habitus melancholici per quadriennium de dolore circa regionem coli, cum sensu ponderis ad regionem stomachi, dum erectus staret, vel ambularet, conquestus fuit: nec tumebant tamen ei hypochondria. In cadavere defuncti inven-

ventum hepar, rotundum instar sphaerae, factum & transfixum gypsea pituita saevum referente. Pancreas mole & pondere hepar aequabat, totum scirrhosum, multis globulis specie ovi columbini constans. Lien exilis, vix unciam ponderans. Plures ibi casus collegit *Graafius* pancreatis ulcerati, scirrhosi, cancerosi, calculosi &c. Unde merito in praxi versati medici, dum chronici illi dolores abdominis adsunt, talem casum suspicantur, & blandissima tantum remedia exhibent prudenter, ne acrioribus exhibitis irritentur talia mala.

a) Regn. de Graaf de succo pancreat. Cap. VII.
p. 108. &c.

Inflammatio omenti.

Illud, uti ex anatomicis notum est, a fundo ventriculi supra intestina extenditur, ad umbilicum usque; quandoque longe profundius descendit; aliquando regionem epigastricam non excedit sua longitudine; magnam enim hic in cadaveribus diversitatem invenerunt anatomici quoad variam omenti extensionem. Præterea omentum, licet maxima

fui parte intestinis supersternatur, tamen & vasis hepar ingredientibus, duodeno, colo, pancreati, lieni adnectitur, adeoque pro diversitate loci, quem morbus omenti occupat, varia possent fieri mala. Unde etiam videtur difficultas in diagnosi talium morborum nasci. Præterea observationes certissimæ docuerunt, magnam omenti partem, post vulnera abdominis erumpentem, abscissam fuisse, superstitem ægro, & absque magno sanitatis damno. *Galenus* a) gladiatorum vulnerato integrum fere omentum abscidit, qui tamen confestim sanatus est, & hoc tantum incommodi habuit, quod a frigore externo abdomen magis defendere debuerit. Frequentes tales casus in bellis hodiernis docuerunt, insignem partem omenti sæpe resectam fuisse, absque tali incommodo sequente. Unde patet, non facile ex læsis functionibus signa hauriri posse, quæ docerent omenti morbos. Quin imo *Ruyschius* b), observavit omenti integram consumptionem frequenter non tantum in brutis, sed & in hominibus, qui acutissima angina, vel & violenta morte perierant, in quibus ante mortem nulla hujus rei suspicio fuerat. In morbis chronicis, & imprimis in hydropicis, sæpe omentum per-

iisse

iisse observatum fuit, quod minus mirum videtur.

a) De usu partium Lib. IV. Cap. IX. Charter. Tom. IV. p. 377.

b) Observat. anatom. p. 23.

Si inflammatum omentum in suppurationem abierit aut gangrænam; effuso pure vel ichero gangrænosio, sequentur eadem mala, ac de abscessu reliquarum inflammatio-num dicta sunt.

Ubi vero in scirrhosos tumores induruit omentum, tunc pressione & distractione partium, quibus contiguum est vel adhæret, plurima mala producere potest, imprimis dum moles indurati omenti magna est; cæterò quin minus nocet. Contingit quandoque mulieribus, post puerperium senx jam in integrum restitutis, tumorem durum & oblongum in abdomine habere: quandoque per plures annos tales tumores manent, fere absque dolore, & sola mole fere molesti sunt. In cadavere quodam detexit *Ruyfchius* a) talem tumorem factum fuisse ab omento duos fere digitos grasso, tres digitos lato, spirthanam cum dimidia longo & scirrholo. Videtur omen-

tum in gravidis ab utero ascendente, & visceribus loco motis, comprimi ac convolvi in se ipsum, tuncque talem tumorem producere. Ita & tumor abdominis ab omento osseo factus inventus fuit b). Mirabilem magis adhuc casum descripsit jam sæpius antea laudatus *Ant. de Haen* c), ubi in hydropicæ cadavere reperit omentum in compactam & vastam molem concretum, duos digitos latos crassum ubique, nisi quod in ambitu parum gracilesceret: hujus monstrofi omenti ope ventriculus, colon, duodenum ac jejunum ita coaluerant in unum, ut non nisi destruendo a se invicem divelli potuerint.

a) *Observ. anat. chirurg.* LXIII. p. 59.

b) *Acad. royal. des scienc. l'année 1732. hist.* p. 48.

c) *Hist. Anat. med. morb. mir. incurabil. &c.* Haag Batavor. 1744. 3vo.

Corollaria practica.

1. Difficilem esse ventriculi inflammationem optime patet consideranti, viscus hoc magno & vasorum, & nervorum apparatu esse præditum, suumque situm inter respirandum a descensu septi transversi, a par-

ti

tibus vicinis, a contentis seu alimentis, seu medicamentis mutare continuo, summamque esse adversus omnem stimulum impatientiam; præterea ipsa etiam remedia, quæ lenire deberent inflammatorium stimulum, vel sola copia irritant, & ad vomitum sollicitant affectum ventriculum.

2. Etli communis sit medentium opinio vomitum, diarrhæam, cardialgiam faustos esse variolarum præcones, id tamen non ita intelligendum est, eadem symptomata facta jam eruptione idem significare. Potius enim tunc justus metus subest, variolas interiora ventriculi & intestinorum occupare, atque irritando hæc symptomata producere.

3. Cum lien friabilis admodum, & magnæ sæpe expansionis capax sit, rarior est hujus visceris inflammatio, at eo frequentior lenta obstructio. Lentæ tales lienis obstructions sæpe facile cedunt solventium usui, non raro autem erga omne resolventium remedium genus rebelles observantur.

4. Hepatis inflammatio subinde medicis pro splenitide imponit, si nempe hepar inflammatum, & mole sua auctum ad sinistrum hypochondrium pertingit.

5. At lien etiam inflammatum, moleque auctum altiore situm in sinistro hypochondrio acquirens, pro inflammata pleura subinde habetur.

6. Ob partium itidem vicinitatem intestinum colon, aut flatibus distentum, aut inflammatione affectum, lienis inflammationem præferre, facile intelligitur.

7. Ouenti inflammatione non bene resoluta, & vincula, tumores, cum vicinis coactum faciente, herniæ oriuntur internæ, incarceratæ, lethales plane; ileus, volvulus.

ENTERITIS.

Causæ & divisio enteritidis.

Gravissimus morbus est tubi alimentaris inflammatio, quæ tamen intestina tenuia frequentius afficere, quam crassa, practicum observationibus constat; rationem reddunt, quod forte crassorum intestinorum talis sit constitutio, ut minus facile afficiantur, quam tenuia, cum stercoraceæ materiæ jam subputridæ & acriori servandæ inserviant: præterea omne acre ingestum, vel mora in ventriculo aut intestinis tale redditum, primo
no.

noxam inferat intestinis tenuibus, antequam ad crassa pervenire possit.

Inter causas enteritidis id omne referendum, quod seu intus natum, seu foris alimentum, medicamenti, aut veneni titulo ingestum aliorum etiam viscerum inflammationi producendæ idoneum est; ut itaque speciali harum reum enumeratione haud egeamus. Summam inter has causas attentionem herniæ incarceratæ sibi vindicant, cum ab hac causa aut non cognita, aut neglecta, multorum hominum vita perdatur.

Enteritis alia *originaria* est, alia *symptomatica*; eaque ultima frequenter observatur in febribus biliosis, a saburra acris, neglecta; in putridis a saburra putrida non evacuata, *inflammatio enim putrida præverti fausto non raro potest, sed præsens jam, atque intra viscera recepta, ut plurimum necat.* a) Nimia etiam in febribus putridis purgantium dosis, quibus acris fomes commovetur, intestinorum inflammationem producant; alexipharmaca tandem methodus huc pertinet, cum nempe camphora, cortice, arnica armati vires vitæ præter rationem exstimulamus.

a) Stoll rat. med. T. II. p. 382.

Symptomata enteritidis.

Præcipua nunc symptomata, quæ enteritidem, præter febrim acutam omnibus inflammationibus junctam, solent comitari, enumerabo :

I. Dolor continuus, fixus, rodens, attactu auctus. Si intestina tenuia laborant, dolor ille medium abdominis, sive umbilicalem regionem occupat, ubi naturalis tenuium intestinorum situs est; crassis autem intestinis potissimum affectis, lumborum potius dolor & gravitas observatur. Dolor hic frequenter flatibus stipatur, quibus insigniter augetur. Notavit hæc symptomata *Aretæus* a) dolores nempe oberrantes, ructus inanes, nihil proficientes, alvum flatibus murmurantem, qui ad anum usque proveniunt, neque exeunt tamen. Hinc arparet, quare *Sydenhamus* b) observaverit, sub initio morbi non ita certo ad unum aliquod punctum determinari dolorem, dum in diversis locis intestini talis contractio fit; verum ubi tota vis morbi unum locum urget, tunc in puncto quasi figitur dolor, & atrocissimus evadit, sæpe nullo modo remittens, donec gangræna nata subito omnem dolorem tollat.

a) Aretæus de causis & signis morb. L. II. C. VII.

b) Sydenh. Sect. IV. C. VII.

Differt etiam is dolor, a colicæ saturni-
næ dolore, qui, quamdiu malum impermix-
tum est, neque inflammatoriam adhuc indo-
lem sibi adscivit, rudiores etiam contactum
ferre solet.

2. Vomitus assumptorum, & viridium;
a stimulo nempe inflammatorio, qui medicos
incautos sæpe decipit, saburram in primis viis
mentiendo.

3. Ab eodem stimulo inflammatorio pro-
fusior, in morbi initio, alvus observatur, quæ
tamen morbo crescente constipatur.

4. Morbo graviore tandem ileus & vol-
vulus superveniunt.

5. Summa virium animalium prostratio.
Pulsus in hoc morbo fallacissimus, ut ex eo
solo de inflammationis præsentia aut magnitu-
dine nihil certum statuas. Notavit *Stollus* a)
, inflammationem intestinorum adesse posse
cum febre vix ulla, & dolore exiguo, idque
frequentius fieri, ac communis opinio fert.
Confirmatur & historiis a *Morgagnio* b) re-
censitis, dolorem colicum pulsibus & ruina
bonis per aliquot dies valde tolerabilem, su-
bi-

bito lethalem fieri posse. Moniti ab hoc auctori prolata veritas novo ab eodem argumento stabilitur: quando cum aliis inflammatorum intestinorum signis vehementem dolorem, & acutam febrim in ægrotantibus apprehendes, jure quidem, meritoque credes rei medicæ auctoribus, hæc duo inter præcipuas notas magnæ intestinorum inflammationis ponentibus; nec tamen, si quando alterum, vel utrumque horum aut abesse, aut vix esse invenies, omnino putabis, aut nullam esse inflammationem, aut levem, neque gangrænam & sphacelum in eorum esse intestinis non posse, in quibus duo illo præcesisse non videris. “

a) Stoll rat. med. T. I. p. 267.

b) Morgagni de sed. morb. Lib. III.

6. Aliud non infrequens & periculosum enteritidis symptoma convulsiones sunt, quæ in hominibus irritabilibus, infantibus præcipue, adeo quandoque vehementes observantur, ut appoplectica mors insequatur.

7. Meteorismus inflammatorius plerumque in graviore morbo observatur.

8. Cito sæpe, & medicis non opinantibus intestinorum inflammatio in gangrænam terminatur; decipiuntur enim non raro subita dolorum evanescencia, & alvi, quæ antea occlusa fuerat, nunc subita solutione; verum sphaceli effectus, non autem sanationis securæ indices hæc symptomata sunt.

9. Morbo etiam hoc acuto superato, diurni nihilominus intestinorum dolores remanent.

Variae sunt deceptiones, quibus enteritis sub specie alterius morbi medicis imponit; atque omnium frequentissime pro colico dolore habetur, qui perfrigerationi, spasmis, flatibus adscribitur. Hinc carminantia, emetica, opiata, pessimo cum eventu toties præscribuntur.

In omni itaque colica vehementiori gravis regula observanda est: 1.) Omnis colica gravior, continua, tanquam inflammatoria curanda est. 2.) In omni colica, maxime cum vomitu & alvo occlusa, de hernia incarcerata cogitandum, atque in causam incarcerationis indagandum est.

Ubi autem rectum intestinum inflammatur, tunc similia oriuntur symptomata, ac dum vasa hæmorrhoidalia, crasso sanguine
tur.

urgida, intestina recti eavum arctant, vicina comprimunt, fœcibus alvinis viam præcludunt, cum tenesmo tamen continuo & molesto alvum exonerandi. Unde apparet, sæpe illud malum haberi pro hæmorrhoidibus cæcis, quæ dicuntur adesse, dum omnia symptomata, hæmorrhoides tumentes comitari solita ægrum infestant, & nullus tumor in parte ani exteriori apparet, sed varicosa vasa intus latent. Accedit, quod ab hæmorrhoidibus tumentibus sæpe & inflammetur intestinum rectum. Neque ille error multum nocebit, cum similem medelam fere poscat uterque morbus; febris tamen acuta, inflammationis validæ comes, præcipuam distinctionem hic faciet. Cum autem in viris collum vesicæ intestino recto contiguum sit, & illud irritatum stranguriam molestant facit sæpe; quod & *Hippocrates* a) monuit: verum & idem malum ab hæmorrhoidibus cæcis tumentibus fieri, quotidiana observata testantur; imo & integram urinæ sæpe suppressionem ab eadem causa natam fuisse vidit *Swietenius*, quæ ruptis vasis tumentibus, & sanguine copioso per anum excreto, sanabatur statim.

a) Aphor. 58. Sect. V. Charter. T. II. p. 230.

Patet satis, adhuc facilius curabilem esse inflammationem intestini recti, quam coli, cum & topicorum efficacia, imprimis balneorum & fomentorum, hic immediate loco affecto applicari possit, & diutius absque vitæ periculo tolerari hoc malum, dum totus reliquus intestinorum tractus morbo vacat. Ubi autem soluta materies inflammatoria per vaporum extrema dilatata exit, & partem affectam liberat, tunc exit per alvum, sed cum dolore & molestia; hinc dicitur solvi dysenteria, sed blanda, subcruenta & biliosa: similis enim tunc exit materia a loco inflammato, ac per sputa educebatur in peripneumonia per coctionem & excretionem materię morbosæ. Cum autem intestinum rectum copioso mucō obliniatur, ut fœces commodius exire possint, & ille mucus, inflammato hoc intestino & irritato, copia magna simul exire solet; quod idem in aliis partibus corporis, mucō naturaliter mudentibus, obtinere videmus, si inflammatione corripiantur. Notum v. g. est quanta copia mucī excernatur, dum tonsillæ, uvula, velum pendulum palatinum, inflammantur. Molestissimum in hoc affectu symptoma est tenesmus, quod & *Hippocrates* a) notavit, dicens:

cens: Si rectum intestinum inflammetur, & dolor prebendat & febris & ad alvum exonerandam crebro desideat, nihilque dejiciat, & a pituita videatur anus procidere: interdum etiam urinæ stillicidium prebendat, qui morbus oritur, quam pituita ex corpore in rectum intestinum incubuerit. Inde & intelligitur ratio, quare alio in loco dixerit Hippocrates b), tenesimum in dysenteriam transire: ubi nempe, inflammato recto intestino, tenesmus oritur, & dein morbus per blandam & subcruentam dysenteriam solvitur. Uti etiam, quare alibi c) monuerit, in tenesmo sanguinem & mucum secedere; & paulo post addat: *Ac fit quidem ex iisdem, a quibus & dysenteria: verum imbecillior, & brevis, & non lethalis.* Notandum enim, dysenteriam molestam quidem esse, sed non semper noxiam; imo quandoque salutarem, si nempe morbosa materia evacuetur, quod in genere notavit Hippocrates d), dicens: *Hujusmodi enim egestionem etiam eos, qui prius sunt in corporibus, morbos sanant; antiquiores quidem diuturniore tempore; recensiores autem in paucis diebus submovere possunt.*

- a) De fistulis Cap. V. Charter. Tom. XII. p. 143.
- b) De morbis Cap. II. Charter. T. VII. p. 533.
- c) De affectionibus Cap. VII. ibid. p. 628.
- d) Prædict. Lib. II. Cap. XIII. Charter. Tom. VIII. p. 821.

Sic expensis illis, quæ spectant diversitatem in hoc morbo, prout varia intestinorum loca occupat; sequitur, ut videamus illa, quæ ad curationem requiruntur.

Cura enteritidis.

Cura atrocis hujus morbi in sequentibus consistit:

1. Larga venæ sectio instituenda est, eaque dolore non imminuto repetenda; neque tamen ad animi usque deliquium, uti *Aretæus* suavit, sanguis mittendus est. Si a fluxu hæmorrhoidum suppresso dolores colici originem ducunt, hirudines ad anum applicatæ præsentaneum lenimen adferunt.

2. Applicata enemata; sed facile parabilia sint, ex infuso, decocto emolliente; ex emulso. At parca copia ingerantur, ut retineri possint ab ægro.

3. Sorbitiones crebræ, tepidæ decocti emollientis, radicis salab, altheæ &c.

4. Cataplasmata pariter emollientia, facile parabilia, ex farina aqua simplici cocta, toti abdomini circumposita egregie profunt.

5. Nocent omnia medicamenta irritantia, calefacientia, quibus vis inflammationis necessario augetur.

6. Summi momenti regulam addidit *Boerhaavius* de protrahenda cura enteritidis, eam nempe eousque prolongandam esse, donec post triduum nullus amplius dolor appareat. Ideo *Sydenhamus* a) probe gnarus, hunc morbum præ aliis omnibus in recidivam maxime pronum esse, tennem victum, solo imprimis jusculo pulli gallinacei commendat; & tali tantum quantitate, quæ ad vitam sustentandam sufficere potest. Cavendum etiam est, ne majori copia graventur cibi, etiam tenuis, & facillimæ digestionis, & ideo parum simul, sed repetitis vicibus, detur, ut tempus concedatur distentis sæpe antea enormiter intestinis, quo interim contrahi possint, & amissum sensum recuperare. Ita & *Celsus* b) cavendum jussit a cibo instante & valido; etiam postquam dolor & febricula jam quieverant, ne intestina adhuc imbecilla lædantur, solam
 aquam

aquam pro potu concedebat, monens; omne violentum, live acidum huic morbo alienum esse.

a) Sydenh. Sect. I. C. IV. p. 92.

b) Celsus L. IV. c. XIII.

Suppuratio intestinorum.

Abscessus in intestinis natus duplici via poterit exonerari a pure contento, vel in cavum abdominis, vel in cavum intestinorum. Quænam mala metuenda sint, dum abscessu rupto pus in cavum abdominis depluit, dictum fuit.

Ubi autem in cavum intestinorum pus venit, facile viam per alvum invenit, & sæpe inde evadunt ægri, succedente dysenteria purulenta, quæ pro diversa magnitudine abscessus, ejusque varia conditione citius sanabitur, vel diutius protrahetur, uti sponte patet. Quandoque & intestina inflammata peritonæo accrescunt, tuncque abscessus ibi natus poterit extrorsum aperiri, simili modo, ut in hepatis & ventriculi inflammatione dictum fuit. Rarius tamen hoc contingere videtur, saltem hujus rei apud observatores

rara mentio habetur. *Arctæus* a) tamen testatur, quod in quodam ægro abscessum colli in dextra parte prope jecur diffecuerit, unde multum puris effundebatur, & pariter per renes & vesicam exibat per plures dies, superstitæ ægro. Si vero abscessus talis diu clausus manet, pus, mora tenuius & acrius reditum, venis bibulis in tota superficie faciei talis purulenti hiantibus resorptum sanguini permiscebitur, & cacochymiam purulentam producere poterit; unde tabes metuenda est.

a) De causis & signis morborum diut. Lib. I. Cap. IX. p. 37.

Cum autem inflammatio, & illam sequens suppuratio omnium frequentissime hæreat in tunica cellulosa, talisque in intestinis manifeste deprehendatur ab anatomicis; contingit quandoque, ut per tumorem suppuratorium, in hac cellulosa hærentem, secedat separata a reliquis tunica interior villosa, & exeat per alvum referens figura sua cavum intestinale tubum, non sine ægrorum & adstantium insigni metu, qui ipsum intestinum sic egredi putant, nullamque sanationis spem superesse.

Pulchre hoc observavit *Aretæus* a) dy-
 sentericis quandoque contingere. Nonnun-
 quam oblongum quiddam in pluribus non dis-
 cretum, instar sani intestini dejicitur, & ig-
 naris rei suspicionem præbuit intestini: ita au-
 tem se habet. Intestinorum tunicæ perinde ac
 ventriculæ geminæ sunt, & altera alteri obli-
 que super injecta est: igitur cum illarum con-
 nexio solvitur, interior tunica secundum longi-
 tudinem abscedens foras exit, exterior sola
 manet, & carnosæ efficitur, & cicatrice soli-
 datur, sanescuntque homines & noxa soluti vi-
 vunt: id vero inferius intestinum solum pati-
 tur; in causa est tunicarum carnosæ substantia.
 Similia & apud recentiores medicos habentur
 observata b), quæ confirmant *Aretæi* dicta,
 nam & intestini recti interior tunica separa-
 batur, & ægri postea integram sanitatem re-
 cuperabant. Interim tamen idem per totum
 intestinorum tractum contingere posse, vi-
 detur admodum verosimile, licet tunc rarius
 membranam integram cavam referat, sed sæ-
 pe informis muci specie appareat, dum alvo
 excernitur. Verum si talis mucus in aqua
 pura reponatur, tunc manifeste apparet stru-
 ctura membranosa & vasculosa fabrica. Vi-
 dit in cadavere phthilici, qui & fistula ani la-

boraverat, *Cel. Simson* c) villosam tunicam intestinorum plurimis in locis deesse, & abrasas partes copiosas in intestinorum cavo reperiebat. Verum jam diu ante mortem miser ille homo nullos solidos cibos ferre potuerat, ob molestiam, quam inde percipiebat in ventriculo & intestinis, & tribus septimanis ante mortem solam tantum aquam parcissimā copia simul deglutitam ferre poterat. Pluribus aliis observatis ibidem probatur, tunicam internam intestinorum satis levibus de causis secedere posse, & iterum renasci; nam & a facibus durioribus, per crassa intestina propulsis, quandoque illam deterri observatum fuit; & in dysenteriam passis diuturnam magna copia talis muci secessit, licet postea integra sanitate fruerentur.

a) De causis & sig. morb. diut. L. II. Cap. IX. p. 61.

b) Tulp. observ. medic. Lib. III. cap. XVII. Anton. Benevoli observ. 19. p. 150.

c) Medical Essays Tom. V. part. 2. p. 655. &c.

Ubi signa docent, abscessum talem fieri in intestinis, omnia illa facienda sunt, quæ antea dicta fuerunt. Maturatio ergo crudi
in.

inflammatorii promovenda est, & cum exitus puri jam facto commodissimus sit ille, quo in intestinorum cavum venit, ut per alvum exeat, hinc clysmata ex decocto herbarum emollientium sæpius injecta, & similia decocta potata proderunt, ut interna intestinorum superficies laxetur & emolliatur. Ubi autem ex levamine doloris, & pure per alvum prodeunte, novimus abscessum ruptum esse, tunc infusis herbarum vulnerariarum, agrimonix, veronicæ, virgæ aureæ, hyperici & similibus, addito melle, leviter detergimus locum ulcerosum, ut ad conditionem puri vulneris, & sic ad consolitationem disponatur. Omnium autem maxime hic cavendum est, ne talia ingerantur titulo cibi & potus, quæ acria sunt, vel in calore corporis nostri cito in acrem indolem degenerare possunt: uti etiam cavenda sunt omnia, quæ crassas fæces producunt. Optimum ergo est solo jure carniæ uti; hoc enim vires sustinere poterit satis, nec ullam fere crassam materiam in intestinis relinquit. Ob eandem causam & serum lactis, ab omni caseo bene depuratum prodest; lac autem non conducit, quia & cito acefcit, & crassas copiosas fæces in intestinis producit, uti manifeste apparet in infanti.

tibus solo lacte materno viventibus. Jusculis carniū jam radices scorzonæræ, fīfari, cichorei, & similis incoqui poterunt: sed tunc percolanda sunt hæc juscūla, ne aliquid crassi per intestina transeat, antequam ulcus sanatum fuerit. Copiosus autem usus infusorum vulnerariorum, feri lactis recentis, aquarum medicatarum conducit, ut eluatur de sanguine quidquid de pure hic collecto resorptum fuerit, simulque diluantur omnes humores, qui in intestina derivantur, imprimis bilis, ne irritare ulcus valeant. Simul etiam aquæ minerales ferratæ, ubi ulcus jam purum fuerit, leniter adstringendo cicatrizationem loci affecti promovebunt. Ubi jam per aliquot dies nullum pus exire observatur per alvum, nullusque dolor in abdomine superest, tunc sensim solidiores cibi dari poterunt, ex hordeo, oryza, pane, carnibus juniorum animalium &c. donec tandem ad consuetum in sanitate victum perveniatur.

Gangræna intestinorum.

Si dolor acerrimus, uno in loco fixus manens adfuerit, febris valida, alvus pertinacissime clausa, omnia ingesta vomitu rejiciantur,

tur, medela in initio morbi neglecta fuerit, vel absque ullo levamine adhibita, tunc novimus, talem intestinorum inflammationem in gangrænam tendere.

Dolor enim acerbissimus, alvi pertinacissima constipatio, pessimam intestinorum inflammationem comitari solent: dum vero morbus ille in perniciem tendit inevitabilem, & dolor cessat, & alvus plerumque solvitur, unde adstantes, & quandoque medici, ægrum in vado esse credunt, dum paulo post moritur. Verum facies cadaverosa, plumbeus labiorum color, extremorum frigus, anxietas, abdomen plerumque inflatum, pulsus celerimus & debilis, perito medico certissima signa exhibent instantis mortis. Unde merito *Hippocrates* a) dixit: *A dolore vehementi partium circa ventrem, extremorum refrigeratio, malum.* Ubi enim gangræna partem inflammata occupat, dolor cessat, & pars antea densa & dura flavescit, hinc sæpe restituitur liber transitus ad anum usque, per gangrænam natam jam tabescente intestino. Verum exercitatissimi medici tunc semper pessima metuebant, dum cum talibus signis alvus antea clausa solveretur. Sic *Baglivius* b) sequens axioma practicum statuit: *Gravi iliaco si su-*
per-

perveniat, alvi fluxus, paucis post horis morietur, nam sphacelata sunt omnia, hinc letalis fluxus. Et si iliaco tumor ventris veniat, & flatus copiosi pendendo exeant, brevi morietur. Confirmavit eandem rem & suis observatis *Tulpius c)*, & alii plures.

a) Aphor. 26. Sect. VII. Chart. Tom. IX. p. 304.

b) Praxis med. Lib. I. p. 110.

c) Observat. med. Lib. II. Cap. XLI. p. 161.

Sed & mirus casus docuit fœculentam materiam, rupto intestino volvulo oclusis retentam, rupto intestino in abdominis cavum exivisse, & deinde mora partem intestini recti corrupisse, ita ut foramen ibi in cadavere inventum fuerit, per quod fœces illæ ingressæ per anum exire potuerint: sed lethali pariter cum eventu, licet morbus diutius protraheretur, nam ad decimum tertium diem usque æger, volvulo triplici in intestino ita laborans, vitam protraxit; quod raro fieri solet. a)

a) River, Observat. Cent. 3. Observat. 26. p. 63.

Illa autem, quæ in iliacis desperatis ante mortem per alvum exexunt, olidissima sunt,
par-

tim ob retentam diu in intestinis materiam, febrili æstu magis etiam putrefactam; partim etiam, quia gangrænosarum partium jam diffluentium tabus corruptus simul exit. Solet plerumque & absque ægrorum sensu tunc alvus evacuari, qualem alvi dejectionem ut lethalem damnavit *Hippocrates*.

Omnis medela malo huic tollendo impar.

Scirrbus intestinorum.

Ubi signa docuerint inflammationem adesse, neque tamen adeo validam, ut pessima symptomata ilico producat, diu tamen maneat morbus; sensim quidem levatus, sed tamen aliqua semper pristini mali vestigia supersint, vel per intervalla recrudescent, licet leviora, imprimis post cibum copiosorem, vel difficilioris digestionis assumptum; nulla quoque indicia fuerint suppurationis hic natæ; tunc merito suspicari scirrhum licet, qui constantem molestiam faciet, licet non adeo magnam, si minoris molis fuerit. Gravitatis & distractionis quidem sensus tunc solet percipi, imprimis quando saltant, vel de gradibus celeriter descendunt. Tactu externo raro percipi potest, nisi in macilentis hominibus, & ne
qui-

quidem tunc, nisi in magnam satis molem increverit. Verum antequam talem magnitudinem habuerit plurima jam mala producit, quæ & scirrhi effecta sunt, & simul ejus præsentis signa dant.

Quamdiu scirrhus in cancrsam malignitatem nondum degenerat, tumor durus & indolens est, adeoque facile toleratur: verum nocere hic potest insigniter arctando intestini cavum, imo quandoque illud totum occludendo, dum auctus mole omnia vicina comprimit: *Hollerius* a) observavit, intestinum colon, qua parte reni vicinum est, collecta velut cartilagine dura in scirrhum obduruisse; intercepta omnino interiori cavitate: in parte dextra colon amplissimum erat: post longa multorum annorum tormina defecit æger. *Ruy-schius* invenit b) intestinum rectum adeo ingraffatum, ut pollicis crassitiem fere superaret; & ita induratum, ut anceps hæreret, an cartilagine dicere deberet illam substantiam. Cavitas autem intestini straminis latitudinem haud superabat, & adeo firmiter accreverat ossi sacro, ut cuneo & malleo separare debuerit. Similem alium casum & ibi recenset indurati in scirrhum intestini. Vidit *Swietenius* nobilem matronam, jam septuagenariam fe-

fere, quæ raro admodum alvum deponebat, licet appetitu valens satis comederet: sexto, septimo, quandoque & octavo die oriebatur magna anxietas, dolor abdominis, & dein vomitu rejiciebat copiosam saburram, quæ cibi toto hoc tempore comesti reliquias manifeste ostendebat. Hoc facto, appetitu valebat ut ante, & optime se habebat, donec simili periodo eadem mala redirent. Toleravit autem has molestias per duodecim annos. Quamvis autem cadaver defunctæ inspicere non licuerit, iusta suspicio similis causæ in hoc morbo videtur, & postea aliquot similes casus in praxi vidit. Quamdiu vero scirrhus benignus est, dolores non sunt affidui, sed per intervalla tantum recrudescunt; & in talis morbi initio tantam molestiam percipiunt, ubi duriores vel copiosiores cibos ingurgitaverunt, postea, aucta scirrhi magnitudine, frequentius eadem mala redeunt.

a) De morb. intern. L. I. Cap. XLI. p. 315.

b) Observ. anat. chirurg. obs. 95, 96. p. 83.

Patet autem satis, ingesta, impedito libero transitu, hic accumulata, distendendo intestina, dolorem facere posse; ubi etiam
dum

dum mora corrumpuntur & acria facta irritant has partes. Simul etiam intelligitur, tanto diutius absque jactura virium ferri posse tale malum, quo scirrhus hæserit in loco magis distante a pyloro & contra. Tandem toties distractis per accumulatam materiam intestinis perit, vel maxime saltem debilitatur illorum actio in ingesta, debita resorptio chyli impeditur: unde tandem atrophia, & mors: nisi scirrhus, in cancerum degenerans, aut nova inflammatio intestinorum a compressione aut distractione nata, citius morbo finem fecerit.

Quam difficile sit scirrhum curare etiam in illis locis, ubi manibus accessus datur, ubi fomenta suffimigia &c. directe loco affecto applicari possunt notum est, unde facile patet, parum hic sperandum esse, a remediis etiam decantatissimis. Si enim incipiens hic nasci scirrhus tepore blando corporis interni, saliva, succo pancreatico bile utraque huc derivatis continuo, agitatione perpetua per motum diaphragmatis & musculorum abdominalium, resolvi non poterit, quid sperandum erit a remediis! Chemici quidem jactaverunt se posse arcanis suis scirrhos dissolvere, sed experimentum artis suæ incassum fecerunt in scirrhis

his partium externarum. Hinc nihil superest, nisi ut tolerabile reddatur malum, quod tolli nequit. Verum scirrhus intestinorum imprimis ideo molestus est, quia arctando intestinum contentis præcludit liberam viam; hinc si dilutissima tantum sumantur & molissima alimenta, hoc præcavetur.

Si per signa ante enumerata scirrhum adesse cognoscitur, nihil superest, nisi ut vitentur omnia, quæ scirrhum in cancerum convertere possunt. Solent autem sæpe ægri, gravans illud pondus in abdomine dudum jam experti, urgere medicos, ut purgantibus datis expellatur illud molestum; & dum prudentiores medici illis morem gerere nolunt, ad obvias quosvis agyras confugiunt, qui acerrimis solent uti purgantibus, uti & emeticis violentissimis; tuncque per usum horum remediorum idem fit, ac si quis scirrhum jam antiquum, & brevi canerosum futurum, manibus rudissime perfricaret. Ubi tale malum jam adest, satis patet, nullam superesse medelam, solam curam palliativam locum habere, quæ mitigando symptomata morbum lenit. Omnia ergo, quæ ingeruntur, adeo blanda esse debent, ut oculo instillata nullum dolorem facerent; simulque talia, ut calore cor.

corporis non facile degenerant in acrimoniam etiam levissimam. Aqua pura optima foret pro potu, vel & serum lactis tenuissimum & recens; dumque illo utuntur tales ægri, subinde acidum absorbentia, in tenuissimum pol-
linem trita, dare convenit, ut si forte illud acescere inciperet in primis viis, statim ener-
varetur hæc acrimonia. Vitellus ovi, qui crudo vulnere, si illinatur, nullum dolo-
rem excitat, una cum carniū jusculis &
farinosis molissimis pariter ob eandem ra-
tionem conveniunt. Ut autem acer ichor
in intestina depluens enervetur, clysmata
molissima una cum anodynis injiciuntur, sic
enim & diluitur illa acrimonia, & intesti-
norum latera blanda tali mucagine obdu-
cta defenduntur. Interno usu similia con-
veniunt, additis opiatīs, ut sævus dolor le-
niatur.

Colloraria practica.

i.) Omnes, qui in luculenta praxi ver-
santur, noverunt, toties occurrere difficilli-
ma illa mala, quæ ægris molestiam summam,
medicis tædium parant, dum diversis metho-
dis.

dis tentantes hos morbos nihil proficiunt. Ubi de angina scirrhusa agebatur, patuit, œsophagum scirrhosum redditum, vel & a vicinis tumoribus similibus compressum, sensim sic angustari, ut tandem nihil cibi vel potus transmittere possit, sicque lenta, & miserissima mors sequatur.

Frequenter satis occurrunt cardialgiæ molestissimæ, ad omnia remedia rebelles, lenientibus solis aliquod levamen præbentibus. Miram autem diversitatem in his doloribus practica observata docuerunt. Vidit *Swietenius*, qui commode se haberent ventriculo vacuo, sed una alterave hora post pastum torquebantur per tres, quatuorve horas; dein iterum cessabat dolor, vel saltem minuebatur multum. E contra alios novit ægros, qui vacuo ventriculo se pejus habebant. Vidit mulieres, quæ pessima cardialgia quotidie fere corripiebantur, ubi vero gravidis distendi inciperet abdomen, liberæ erant ab hoc dolore, qui post puerperium redibat denuo. Verum notum est, ventriculum mutare situm suum dum plenus est, & in gravida pleraque viscera abdominalia ab utero tumente moventur loco. An tunc tumor talis scirrhosus pondere suo minus premit vel distrahit partes

tes vicinas, vel illas, quibus cohæret, dum ab utero assurgente sustinetur, & simile quid contingit in quibusdam ventriculo repleto? Forte illud non penitus improbabile videbitur. Si vero consideremus illa, quæ cadaverum sectiones docuerunt, invenimus scirrhosos tumores, ulcera cancerosa pertinacissimorum talium dolorum causas fuisse. In cadavere hominis, qui per sex fere annos dolore cardiæ laboraverat, inveniebatur tumor ingens, magnam partem cavi thoracis implens, una cum œsophago transiens per diaphragma; & pone partem posteriorem ventriculi porrectus ad pylorum usque, utrumque ventriculi orificium comprimens. Adeo autem durus erat ille tumor, ut cutello vix discendi potuerit. a) In cadavere phthifici juvenis, qui insigni ardore supra sinistrum ventriculi orificium, omnia remedia eludente, laboraverat, invenit *Cel. Heisterus* b) in œsophago duos pollices supra diaphragma foramen pollicis latitudine, oris nigricantibus undique cinctum. Hinc similia in scirrhi historia habentur. Verum & illa, quæ de morbis inflammatoriis viscerum hætenus dicta sunt, demonstrant, & in his scirrhos nasci: ideoque merito peritos medicos in doloribus chroni-

cis abdominalibus talem causam suspicari, & cavere ne imprudenti medela exasperent hos morbos.

a) Medical Essays Vol. 2. Nro. 36. p. 356.

b) Acta physico medica acad. nat. cur. Tom. 1.
p. 392.

2. *Sydenhamus* tunc tantum iliacam passionem proprie vocandam esse voluit, ubi a tumultuante febre in ventriculum & intestina proxima deponerentur acres humores: quando autem a facibus induratis, aliisve similibus causis ortum duceret morbus, tunc affectionem iliacam notham dixit. *Hippocrates* & *Galenus* ileum vocaverunt intestinorum inflammationem, quæ ita claudit cavum, ut nihil transmitti possit, adeoque hæc definitio potius retinenda videtur. Hæc jam obcuratio tubi intestinalis poterit fieri vel ab ipsa fabrica intestini tumente; vel a tumore quocumque latera intestini comprimente; vel & a materia immeabili in cavo intestini collecta; si tunc in tali casu inflammatio accedat, morbus vocabitur ileus.

Tumores inflammatorios, suppuratorios, scirrhosos, cartilagineas indurationes intesti-

norum, hunc morbum producere posse satis
 constat ex illis, quæ hæcenus dicta sunt.
 Verum & diversa materia intestinis infarcta
 deprehensa fuit. In quibusdam hominibus,
 sedentariam vitam agentibus, & crassa edulia,
 non facile subigenda ingerentibus imprimis
 si interior simul bilis fuerit in intestino duo-
 deno, quod satis contractum est, & valvulas
 copiosas habet, accumulatur talis materies,
 quæ expresso liquido, indurefcit, obturat in-
 testini cavum, & dein ileum producit, qua-
 lem casum vidit *Swietenius*. Vidit in virgi-
 ne, quæ pruna copiosa comederat, simulque
 omnia officula deglutiverat, hunc morbum
 natum fuisse; a quo tamen feliciter evasit,
 per alvum excreta incredibili copia horum.
 Similis casus & apud *Bonetum* a) legitur, sed
 infausti eventus: ibi enim cerasorum & pru-
 norum nuclei, imprudenter deglutiti, post
 summas misérias integro triennio toleratas,
 mortem fecerant. In puella duodecim anno-
 rum deglutitum pruni officulum, crosta cal-
 culosa obductum, ano excretum fuit post sex-
 ennium, postquam pariter graves & diutur-
 nas molestias produxerat b), & dolores coli-
 cos acerrimos. Verum hæc obstacula in in-
 testinis nata ab ingestis pendebant. Sed &
 mu.

mucus, naturaliter obducens intestinorum latera, collectus inspissatus, intestini cavum obturare potuit. Hoc tamen videtur constare practicis experimentis, talia obstacula, in crassis intestinis hærentia, diutius tolerari, quam si in tenuibus eadem forent; neque ileum producere, nisi inflammatio accesserit.

a) Sepulchr. five an. pr. Libr. III. Sect. XIV, obs. 17. p. 222.

b) Med. Essays T. I. Nro. 32. p. 301.

3.) Diversa esse debet curatio dysenteriarum, pro varia febre principis, quæ hunc alvi fluxum comitatur; patet id optime ex comparatione dysenteriarum quatuor ætatum, quam *Stollus* instituit a). Hinc nullum datur specificum antidyentericum, & male eandem in omni dysenteria medendi rationem ii sequuntur, quibus *nomina* pro rebus sunt b). Sanguinis evacuatio, & emollientium remedium usus in dysenteria inflammatoria conveniunt, & purgantia in hoc morbi specie summopere nocent. Infantes ob excessum irritabilitatis pessime mulctantur ab hoc morbo, & convulsi pereunt.

a) Stoll. rat. medend. T. III. p. 337.

b) Idem l. c. p. 350.

4. Omni ferme colicæ, ex quacunque demum causa ortæ, si diutius duret, inflammatio tandem jungitur; hinc eximius in omni tali dolore colico emollientium usus.

5. In omni colica, alvo simul oclusa, de hernia incarcerata quærendum; sæpe enim vel ipse æger de hac causa omnino non cogitat.

6. Symptomata saburralia, a solo stimulo inflammatorio intestinum occupante excitata medicis sæpe sub specie colicæ biliosæ imponunt. Ab eodem stimulo inflammante diarrhææ symptomaticæ in febribus acutis oriuntur, venæ sectionibus tollendæ. At si valida nimis intestinorum inflammatio sit, alvus non liquida, sed obstructa erit.

7. Hernia incarcerata dum recens, & parva est, felici cum successu reponitur, ægro aut in balneo sedente, aut abdomine fomentis emollientibus continuo fuso, crebris interim tentaminibus herniam reponendi adhibitis; diu autem protrahenda est hæc methodus, repositione etiam facta, ut inflammatio intestini prævertatur. Hanc herniam reponendi methodum optime exposuit *Illustriss. Richter.* a)

a) Richter. Abhandlung von den Brüchen. Göttingen 1786.

8. Purgantia, opiata, fumus nicotianæ, argentum vivum deglutitum, ileum, cum inflammationem plerumque junctam habet, augent, atque tunc tantum profunt, si a causis lentis, frigidis affectus hic oriatur.

9. In febribus putridis non raro septicæ intestinorum inflammationes oriuntur, non alio modo animadvertendæ, quam abdominis exploratione; quamprimum enim venter manu exploratur, ægri, etsi stupidi jaceant, doloris sensum edunt.

10. Totum quandoque abdomen in enteritide intumescit, Male autem huic tumori purgantia adhibentur, cum ab inflammatorio vitio pendet.

11. Pulsus in enteritide sæpe fallacissimus; mollis enim, & parvus, cum tamen venter summo dolore afficiatur. Pessime tunc de erigendis vitæ viribus consilium capitur; cum inflammatio calefaciente remediorum apparatu augetur, & gangræna acceleratur.

12. In putridissima sæpe febre secundaria viscerum inflammationes oriuntur, & cognitu, & sanatu difficiles.

13. In eclampsia infantum colicis doloribus superveniente, fatus potusque emollientes stimulum quemcunque tenellis atque summe irritabilibus intestinis applicatum, inefficacem reddunt; cum dolor a remediis alvum moventibus, & calefacientibus exacerbatur.

N E P H R I T I S.

Signa nephritidis.

Signa ergo diagnostica, quæ morbum hunc adesse docent, petuntur.

1. Ex dolore ardente, pungente, magno inflammatorio, loci, ubi renes siti sunt. Locus autem, quem occupant renes, invenitur facile: versus lumbos enim ponuntur ad trium digitorum transversorum distantiam a spina dorsi, ita ut renum summa pars tertiam costam ab inferioribus numerando, tangat circiter. Unde dolor a renibus inflammatis præcipue sentitur circa posteriorem & lateralem abdominis partem: quæ ultimis costis & ossi ilio interjacet. Febris autem acuta continua inflammationes, imprimis internarum corporis partium, comitari solet semper, uti antea probatum fuit.

2. Ex urina pauca &c. Cum renes secretioni urinæ ab arterioso sanguine per arterias emulgentes allato dicati sint, necessario per inflammationem debet illorum functio lædi. Tument enim vasa inflammata minores secretorias fistulas comprimunt, adeoque secreti liquidi copiam minuunt; cum autem ob febrim acutam comitem simul acrior redatur urina, frequentem urinæ comittendæ stimulum sentient ægri, licet parum in vesica contineatur. Ubi autem adeo infarcta vel compressa sunt omnia vasa, ut liquidissimam tantum humorum partem transmittere possint, tunc tenuis & aquosa prodit urina, licet febre acuta valide agitentur humores, adeoque sales & olea sanguinis acriora fiant. Mala tunc merito damnatur talis urina, & ut signum & ut causa. Ut signum, quia notat validam inflammationem adesse per totam renum substantiam; ut causa vero, quia omnia acria, per urinam naturali lege de corpore eliminanda, retinentur, & diluens sanguinis, ad renes appulsi, vehiculum a reliquis partibus secedens facit, ut inflammatoria densitas in sanguine augeatur.

3. Stupore crucis vicini &c. Cum renes proprie non hæreant in cavo abdominis, renes pe-

peritonæo ipsis incumbente tegantur, concipimus satis, quod ab illis tumore inflammatorio distentis, multæ partes vicinæ possint comprimi, & irritari: cum autem peritonæum supra renes expansum impediat utcumque, ne tam facile contenta in cavo abdominis viscera a tumentibus renibus possint premi, pressio illa magis agat in illas partes vicinas renibus, quæ pariter sub peritonæo hærent, cavo abdominis exclusa. Verum & muscoli psoas, & vasa magna sanguinea, & nervi plures versus femur tendentes, hic locantur a); & vasa spermatica satis vicina renibus decurrunt b); unde quodammodo intelligimus, quare symptomata hic enumerata ab inflammatis renibus produci possint. Præterea novimus per observata practica certissima, quandoque symptomata morbosa in quibusdam corporis partibus apparere, dum illorum causa in disposito longe loco hæret. Utile ergo erit medico, talis signa diagnostica morbi præsentis novisse, licet etiam non adeo evidenter intelligat modum, quo producantur. Interim tamen notari meretur, quod hæc symptomata nephritidem calculosam frequentius comitentur, quam quidem nephritidem inflammatoriam; nam illam aliquoties curandam habuit

Swiet.

Swiet. absque eo quod ægri de stupore cruris dolore inguinis vel testis conquerentur. Quin imo, dum in nephritide calculosa per ureterem protruditur calculus, eadem hæc symptomata sæpe, sed non semper, adsunt. *Pisso* c), hunc morbum passus, revulsionem testiculi ejusdem lateris, stranguriam, vel saltem pruritum in glande, & frequentem mictionem, tum stuporem quendam sive tremorem crucis respondentis, denique & frigus partium extremarum se percepisse affirmat. Verum his sic recensitis subjungit sequentia: *Quæ sane symptomata, tametsi non perpetua in omnibus, tamen semper in me sum expertus, sed in descensu per ureterem lapilli, quo tempore scilicet maxima est ureterum in se contractio.* Si ureterum decursus respectu vasorum spermaticorum & illiacorum consideretur in tabulis *Eustachianis* d), apparebit facile, calculum per ureterem descendantem hæc vasa premere & irritare posse; uti & vas deferens, quod a teste ad vesiculas seminales ascendit.

a) Vide tab. XIX. Eustachii.

b) Vide tab. XXV. Eustachii.

c) De morbis a colluvie ferèsa Sect. IV. Cap. II.
p. 301.

d) Tab. XII. fig. 1. & 3. & Tab. XXV.

4. Dolore iliaco &c. Imprimis si morbus admodum vehemens fuerit tunc enim irritatis nervis omnibus per abdominalia viscera dispersis, pessima symptomata nascuntur.

Hæc est ratio, quare *Galenus* dixerit, colicos iliacosque dolores difficulter distingui a nephriticis malis; verum hoc parum damni afferre ægris, cum in initio hi morbi eadem medela indigeant, uti postea ex curatione nephritidis patebit. Eandem difficultatem & *Aegineta* a) agnovit, præcipue ubi a calculo renali, moto in pelvim & ureteris angustiam hic morbus fit; tunc enim subita & vehemens irritatio omnium nervorum abdominalium sequitur. Verum in nephritide inflammatoria incipiente raro ilico omnia hæc symptomata adsunt; sed morbo aucto, succedere solent: unde dolor ardens, inflammatorius, loci, ubi renes siti sunt, una cum urinæ difficultate, dabunt illa signa, per quæ hic morbus a colicis & iliaceis doloribus distingui poterit: uti etiam quod alvus raro in nephritide adeo pertinaciter clausa, sed clysmatibus emollientibus obediat facile.

a) Lib. III. Cap. XLV. p. 46 & 46 versa.

Renum autem affectorum signa diagnostica satis bene *Celsus* a) collegit: Si dolent coxæ, quæque inter hos superque pubem sunt, & accedunt frequentes ructus, interdum vomitus biliosus extremæque partes frigescunt, urina crebra cupiditas, sed magna difficultas est, & quod inde excretum est, aquæ simile, vel rufum; vel pallidum est, paulum tamen in eo levamenti est, alvus vero cum multo spiritu redditur, utique in renibus vitium est.

a) Lib. II. Cap. VII. p. 60. 61.

Causæ nephritidis.

Causarum, quæ excitandæ nephritidi idoneæ sunt, quadruplex classis a *Boerhaavio* constituitur:

1. Classis causarum continet omnia illa, quæ fines arteriæ ad transmittendum impediunt, quorsum vulnus, abscessus, contusio, tumor partium vicinarum pertinet. Huc etiam pertinet decubitus diuturnus. Hinc podagricos fere omnes renum calculis obnoxios fieri testatur *Sydenhamus*; & idem malum nasci obser-

servatum fuit in illis, qui nunquam antea nephriticis malis vexati, diu decumbere cogebantur ob fracturam cruris vel femoris, imprimis si obesi erant; tunc enim a toto pondere pinguis abdominis renes & ureteres comprimuntur, dum dorso diu coguntur incumbere. Ad eas causas etiam calculus renum pertinet; quatenus vel asperitate sua irritat, & lædit renes, vel mole premit vicina ipsi vasa; de calculo vero postea sermo erit.

II. Classis comprehendit easdem nunc enumeratas causas, quatenus humorum transitum per renes impediunt.

III. Vehemens humorum motus versus systema uropoieticum. Equitatio diuturna & vehemens non raro inflammationem renum producit. *Swietenius* aliquoties ab equitatione vehementi vidit mictum sanguinis, & quidem tanta copia, ut vitæ periculum a vasorum inanitione immineret: dilatantur enim tandem adeo fistulæ renales, ut ipsum sanguinem transmittant. Habuit talem ægrum curandum, qui tota vita validissimis equitationibus usus fuit, mira in arte equestri peritia equos coercere novit, & ad fræna patienda dociles reddere; illi frequens talis sanguinis copiosi mictus, absque ullo dolore, unde totus pallidus &
ex-

exhaustus lanquebat; simulac vero cessat malum, & vires renasci incipiunt, denuo equitationi indulgebat, sicque eidem se periculo exponebat, nimis audax ideo, quod toties jam evaserit. Huc etiam pertinent acria diuretica; præcipue cantharides in gonorrhæa, aut scopo aphrodisiaco exhibitæ. Et Arsenicum similem labem producere, expertus est *Tachenius* a). Ille enim arsenicum repetitis sublimationibus fixum reddere tentans, post multas sublimationes, dum vas chemicum recluderet, sensit suavissimum inde exsurgere halitum, quem inspiravit incautus; verum post horæ dimidium inter alia pessima symptomata, & sanguinem minxit cum ardore intolerabili.

IV. Classis causarum spasmi sunt, a calculo præcipue excitati. Contingit aliquando, asperum, nec magnum tamen calculum in pelvi, vel ureteri alterutro hærentem, ita irritare sensilissimas has partes, ut uterque ren spasmodice contractus sit adeo, ut nihil urinae in vesicam demittat. Quandoque tamen *Swietenius* ischuriam observavit in illis, quibus prima vice calculus a rene per ureterem descendebat in vesicam, licet nulla suspicio foret in alterutro rene aliquid vitii hære:

si.

simul ac autem, calculo in vesicam delapso; acerrimi illi dolores nephritici sedabantur, urina post paucas horas prodibat copiosa. Calculus vero, post aliquot dies cum urina expulsus asper quidem erat, sed mole adeo parvus, ut vix videretur credibile, ureterem a tali calculo obturari potuisse, neque patebat ulla alia ratio, quare urinæ secretio per alterum renem fieri non potuerit, nisi hoc constrictioni spasmodicæ vasorum renalium ob acerrimum dolorem adscriberetur. Sequens observatio practica, *Paul. de Wind* confirmat ulterius modo dicta. Mulieri post partum felicem, lochiis debito modo prodeuntibus, supprimebatur omnino urinæ excretio. Nullus autem tenesmus; urinæ reddendæ aderat, nec tumebat vesica: levem tantum dolorem in sinistro abdominis latere percipiebat. Variis frustra tentatis, quinto a partu die catheter in vesicam immitebatur, absque ulla evacuatione urinæ. Die sequenti vomitus continuus fere ortus fuit, & quamvis lochia fluere pergerent, & nulla febris adesset, periit undecima post partum die; totaque hoc tempore bis tantum paucas urinæ guttas excreverat ægra. Aperto cadavere nullum vitium in utero, vesica, ureteribus, inventum fuit,

uti

uti nec in visceribus abdominalibus ; verum utrique renes apparebant inflammati, neque tamen tuebant præternaturaliter. In sinistro rene inveniebatur asper calculus, pisum magnitudine æquans. Admodum verosimile videtur, ultimis illis parturientis nixibus calculum asperum reni valide impactum fuisse, unde spasmodica contractione utriusque renis vasa sic constricta fuerint, ut impediretur omnis urinæ secretio ad mortem usque.

Facilis nunc est explicatio effectuum, quos inflammatio in renibus excitata producit. Vasa immeabili sanguine repleta vicina minora comprimunt, vel si quod adhuc transprimitur per vasa minora, illud mere aquosum & tenue est. Unde *Aretæus* a) nihil magis timuit in renum acutis morbis, quam urinæ interceptionem, illos celerrime perire dixit, qui nihil omnino emittunt, notatque tremores, convulsiones, distentiones sequi urinæ ab hac causa retentionem; uti etiam somni interrupti, & cum terrore e somno evigilationes, delirium, sopor profundus, ibidem inter symptomata hujus morbi enumerantur. Doluit *Hildanus* b) primogenitum filium septenem sic periisse: corripiebatur enim dolore lumborum cum febre, & urinæ
sup-

suppressione, & licet plures medici omnem operam adhiberent, septima morbi diē moriebatur. In cadavere autem insigne renum & vicinarum partium inflammatio, jam gangrænosa reddita inveniebatur.

a) Aretæus de caus. & sign. morb. L. II. c. IX.

b) Hildanus de lithotomia. p. 749.

A renibus inflammatis varia symptomata quandoque producuntur in aliis partibus corporis, licet causa mala in solis renibus hæreat, atque ideo sæpe turbant diagnosin hujus morbi, cum tot aliæ partes in suis functionibus lædantur.

Nunquam evidentius hoc apparet, quam dum calculus a rene per ureterem in vesicam transit, & ob molem vel asperitatem in hoc transitu sensiles illas partes irritat. Symptomata enim hic enumerata fere omnia tunc observantur, & quandoque etiam exercitatos in praxi viros fallunt, si æger primo calculosæ nephritidis insultu laboraverit. Error autem hic in diagnosi raro ullum damnum adfert, cum cura antiphlogistica, & emollientissima remedia, potata vel per clysmata injecta, æque profint nephriticis quam ileo laboranti-

ti-

tibus, uti jam antea dictum fuit. Interim tamen prudens medicus, hujus difficultatis gnarus, non temere definit morbi speciem; præcipue si attendat, & intestinorum morbos quandoque irritatis nervis cohærentibus & vicinis, stipati talibus symptomatibus, quæ docere videntur, quod in renibus aut vesica malum lateat. Monuit hoc *Aretæus*, ubi de colicis agit a). Dicit enim: *si in colicis ren & vesica in partem hujus doloris adducuntur, ischuria fit. Istis alia pro aliis accedunt. Miraculum autem his majus est, quod in testes & cremasteres inopinatus dolor invadit. Multos medicorum hæc communicatio morbi latet: siquidem nonnunquam & cremasteres exsecuerunt, propriam morbi causam eos continere opinati, quo circa & his pro aliis alia fiunt. Imo quandoque post symptomata, quæ renes aut vesicam laborare docent, sequitur ileus, & quidem lethalis, uti videtur indicare *Hippocrates* b) dicens: Quibus ex stranguria volvulus succedit, intra septem dies intereunt, nisi oborta febre copiosa urina effluat. Talem casum vidit *Swietenius*, qui adamussim respondere huic aphorismo, ubi æger stranguria laborans, dein iliaco dolore correptus, febre nata, quæ prius vix aderat, affatim*

urinam emisit, & evasit. Mira observatio apud *Jacotium* legitur c) ubi in corde & thorace morbosa causa inveniebatur, una cum symptomatibus nephritidis. Ita autem habet: *Ac certe vidimus in doctore Arelatensi urinæ difficultatem cum maximo renum dolore, & arenulis rubentibus, cujus dissecto cadavere renes integri inventi sunt, sed in thorace hydrops, & concretus in corde lapis.* Plurima certe alia observantur in corpore humano, quæ docent, quibusdam partibus irritatis, motus fieri validissimos in aliis, per quos illud irritans vel gravans tolli posset. Dum in puerperio uteri os a tumentibus aquis vel capite infantis incipit dilatari, dolores fiunt in lumbis, spasmi validi muscutorum abdominalium, aucti magis magisque, prout aperitur os uteri. Tandem fiunt in ultimo puerperii nixu summi dolores, & tam valida contractio muscutorum abdominalium & diaphragmatis, ut foetus exprimatur, quandoque soluta cohæsiōe ossium, quæ pelvim constituunt. Ne autem credatur, foetum in utero hærentem motu suorum membrorum irritare vicinas partes, atque inde validissimos fieri spasmos, non vero ab irritatione orificii uterini, considerandum est, quod perita obstetrix

trix tangens orificium uteri ibi primum signum percipiat secuturi mox doloris, & quod post puerperium a grumo sanguinis transituro per os uteri iidem dolores renoventur.

- a) De caus. & sign. morbor. diuturn. Lib. II. Cap. VIII, p. 50.
- b) Aphor. 44. Sect. VI. Chart. Tom. IX, pag. 276. & Coac. pranor. Nro. 475. ibid. Tom. VIII, p. 879.
- c) Coac. Præsig. Hippocr. cum Comment. Holleri & Jacotii p. 824.

Exitus in sanitatem.

In sanitatem abire renum inflammatio variis modis.

1. Aliarum inflammationum lege resolutione benigna: verum ut hæc sanatio ope solius naturæ fiat, debet & illa integra esse, & morbus non adeo gravis; quod utrumque ex levitate symptomatum morbi cognosci poterit; quo plures enim functiones læsæ fuerint, & quo gravius, eo minor naturæ integritas, pejorque morbus, & contra.

2. Nephritis judicatur urina. Hæc est illa curatio, quæ quidem ope naturæ fit, non tamen per simplicem resolutionem, sed per

coctionem & excretionem materiæ morbosæ, de quo in præcedentibus morbis inflammatoriis jam aliquoties dictum fuit. Simul autem tunc apparuit, satis frequenter in morbis materiam morbosam, solutam & mobilem redditam, cum urina excerni. Verum ubi in renibus ipsis morbus hæret, facile patet, omnium commodissimam & maxime naturalem viam esse materiæ morbi soluti per ureteres in vesicam: simul enim ac materies inflammatoria fistulis renalibus impacta hærens solvitur, apta evadit, ut per illarum extrema propellatur, & in pelvim delabatur. Ideo in renum doloribus, vel calculorum, vel urinarum crassarum mictionem expectandam esse monuit a): *renum dolor repentinus, cum urinae suppressione, calculorum, aut urinarum crassarum mictionem significat.* In nephritide inflammatoria & illæ urinae bonæ sunt, quæ crassæ secernuntur, licet non subsident, vel sedimentum inæquale & divulsum habeant, quod in aliis morbis suspectum habetur. Ratio autem hæc est, quia in aliis acutis morbis materia morbi soluta, & mobilis reddita, debet per pulmones transire, sanguini misceri, & cum illo per vasa moveri, antequam ad renes venire possit: nec inte-

gra illa per hanc viam exit, adeoque repetita pulmonis & vasorum actione magis subigitur & levigatur, sicque apta evadit, ut sanguinis massæ permisceatur, antequam exeat. Vidit *Swietenius* in nephritide inflammatoria optimo cum eventu excretam urinam crassam, fuscam, potum *caffé* dilutiorem referente, qualis urina in aliis morbis non adeo boni omnis habetur. Hinc *Hippocrates* b), postquam de urinis variis egisset, tanquam lignis, ex quibus præfagia in morbis deduci poterant, optime monuit sequentia: *ne vero te fallat, si vesica aliquo modo laborans hujusmodi urinas reddat; non enim totius corporis, sed ipse per se indicium est.* Facile autem patet, idem hoc monitum æque locum habere in renum morbis, a quibus directæ via urina in vesicam derivatur.

a) Hippocrates Coac. prænot.

b) — — in prænot.

3.) Hæmorrhoidibus. Profunt hæmorrhoides, non quatenus materiam morbosam evacuant, verum potius quatenus impetu sanguinis in vasa infarcta renum minuto, non adigitur tanta vi in majores vasorum angustias

stias obstruens materia , & ideo facilius postea resolvi potest : *Melancholicis & nephriticis succedentes hæmorrhoides bonum a)*. Et *Galenus b)* se observasse testatur , evacuatione per hæmorrhoides consueta intempestive cohibita, quosdam nephritide correptos fuisse.

a) Hippocrat. Aph. XI. Sect. VI.

b) Galen. Comment. 5. in L. II. de alimento.

Cura nephritidis.

Ubi autem morbus gravior est , nec apparent illæ evacuationes , per quas observatio docuit, hunc morbum quandoque curari, tunc opus est per artem succurrere :

1. Hinc primo venæ sectiones , sanguisugæ ad anum.

2. Potus emollientes ex althæa &c.

3. Fomentationes ad locum affectum. Clysmata ex decoctis mollissimis parata, quia intestina crassa evacuant, suppositos colones fovent, laxant, emolliunt.

4. Victus lenissimus esse oportet, quia acria sanguini mista per urinam exire solent pro magna parte ; adeoque irritarentur ab acriori urina renes inflammati. Nocet autem
le-

lecti calor renibus inflammatis, quia homini in lecto decumbenti dorsum magis calefcit, quam reliquum corpus, a pondere pressis his partibus; omnium maxime, si resupini in dorsum decumbant, tunc enim a mole viscerum incumbentium renes comprimuntur.

Nephritis calculosa.

In *nephritide simplici* nata inflammata dolorem tanquam suum effectum producit. Sed in *calculosa* dolor a calculo aspero commotoque excitatus inflammationem parit; quamquam latitare per longum tempus sine dolore calculus possit. Sæpius vero accidere solet, ut deturbatus ex rene calculus in ureterem dolores ibi exquisitissimos faciat, & sua irritatione, stricture & crispatura vasorum inflammationem renum, ureterumque excitet.

Symptomata nephritidis tam simplicis quam calculosæ, ubi hæc inflammationem sibi junctam habet, præter illa omnibus inflammationibus communia, nausea, vomitus, stupor cruris, testiculi retractio, difficultas urinæ. Urina primum pallida, dein rubra. Difficilis vel incessus vel erectio corporis, facilius decubitus in latus infirmum, quam in sanum. Tandem accedit horror totius corporis, alvi consti-

stipatio, anxietas & constrictio præcordiorum summa, colica, ischuria plenaria, convulsio, epilepsia ipsa, inter abdominales cruciatus.

Colica nephritica distinguitur ab aliis colicis aliunde ortis per hoc, quod alii dolores colici magis ad anteriora siti sint, quodque in his difficultas urinæ raro, aut tarde primum adveniant, ac per intervalla tantum.

Cura omnimodo antiphlogistica esse debet in nephritide simplici inflammatoria. Hinc venæsectiones, sanguisugæ ad anum, clysmata emollientia, potus emollientes ex althea, &c. fomentationes ad locum affectum. Si renum inflammatio in suppurationem abeat, proderunt balsamica, vulneraria, aquæ martiales, &c. absint acria, salsa, acidaque. Absit & nimius motus, & decubitus mollis in affectum latus. In nephritide vero calculosa sive inflammatio adsit jam, sive non, semper methodus antiphlogistica adhiberi debet. Verum cum in hac specie nephritidis, dolor inflammationis causa sit, eandem præmissis omnimodo antiphlogisticis opio consopire oportet, quod uti in hoc casu indicatissimum est, ita in nephritide simplici inflammatoria summo opere noceret. Pessima autem medicamenta acria, sub nomine remediorum calculum
pel-

pellentium adhiberentur. Juvat hoc loco plura de calculo tam renum, quam vesicæ referre. Calculi vel a loco, vel a scabritie, lævitate, & colore cineritio, fusco, rubro, vel a friabilitate aut duritie inter se distinguuntur.

Causæ remotæ sunt, diæta concoctu difficilis, caseosa, vita sedentaria, ætas senilis arthritis, vinorum quædam species multo tartaro scatentium, item aquæ quædam sabulosa materiæ plenæ, peculiaris humorum diathesis & labes hæreditaria.

Symptomata calculi renalis supra allata sunt.

Calculus vero vesicæ stipant difficilis & dolorificus mictus cum tenesmo ad matulam; tensione, & dolore penis. Titillatio continua in glande penis, tenesmus ad alvum, diarrhæa; urina cum muco tenaci copioso, foetitoque; convulsivi inter mingendum motus, urina post equitationem sanguine tincta, cum augmento doloris in vesica, urethra, & glande.

Cura alia est *in paroxysmo*, alia *extra paroxysmum*. In paroxysmo conveniunt ea omnia, quæ contra nephritidem inflammatoriam laudata sunt. Venæ sectio, fons, balnea, clysmata, potus emollientes oleosi &c.

His

His præmissis opiata danda sunt, quæ constrictos spasmu ureteres relaxant & transitum calculo conciliant. Extra paroxysmum conveniunt lithontriptica per os assumpta & in vesicam injecta, si modo talia dentur. Huc pertinere videntur, sapo venetus, aqua calcis, porrum, cœpa, zelleri, diætæ non acida, eupæta, decocta viscosa, mucilaginosæ. In mixtu sanguineo a calculo convenit aqua calcis absque sapone. Item emulsio arabici gummi, & manna ad alvum laxam conservandam.

Calculos exiguos sive arenulas optime tollunt aquæ martiales, diuretici, roborantes. Remedium fœminæ *Stephens* infecurum, & ipsi vesicæ urinariæ inimicum est. *Cel. Springsfeldius* peculiari schediasmate demonstrare conabatur thermas carolinas pro aqua calcis vim lithontripticam possidere. De vomitu in nephritide notandum adhuc est, illum si nimius fuerit, progressum calculi uretherum constrictione inhibere, hinc ejus excessum opium opponitur, ut saltem mitigetur, quem moderatiorem factum aqua tepida mellita continuo propinata ex consilio *Boerhaavii* facilitate oportet. Quod si & vomitu & dolore per opiata cessante, adhibitis larga copiosa omnis generis emollientibus & oleo.

oleosis calculis nihilominus firmiter inhærent ureteri abdominis concussio tentanda est per exercitia corporis, frictiones, victionem in rheda & postea etiam lenia emetica, quæ ultima ceu eximia remedia a practicis nonnullis, præcipue vero a *Boerhaavio* commendantur.

Renes suppurati.

Signa præcipua vomicæ renalis *Galenus* a) recenset: si dolores cum horrore interpolato inordinatim fieri videantur, & febres absque ullo ordine, tum primum in ventrem decumbere jussum, atque interdum in alterum latus, ut sublimis sit affectæ partis situs, laborantem interroga, num circa renem dolentem *veluti suspensi cujusdam ponderis sensum percipiat; etenim quum hæc ipsis acciderint, abscessum colligi conjicere oportet.* Quandoque & alia symptomata vomicam renalem comitantur. Vidit *Swietenius* in ægro tali dolorem urentem, quasi ad scapulam & axillam usque ejus lateris protendi. Ubi brevi rumpetur abscessus maturus, tum loco obtusi & gravantis doloris acutus percipitur, dum sensim dilacerantur membranæ pus collectum coercentes, & rup-

turæ jam proximæ sunt. Cognitionem autem ulceris renalis confirmat, si illo rupto pus per ureteres delapsum cum urina exeat. Solet autem pus rupta vomica prodiens ferre semper foetidum esse, imprimis si diu vomica renum clausa manserit atque etiam ideo, quod in tali loco collectum fuerit, ubi urina facile putrescens secernitur & colligitur. Si autem ulcus apertum puris evadat, tunc pus sequentibus diebus non adeo magno foetore urinam inficit.]

a) Galen. de locis affectis. L. VI. c. 3.

Pus autem cum urina emissum non est signum absolutum abscessus renalis, si solum spectetur; post enim & ex ureteribus, aut vesica similiter affectis prodire; verum signa nephritidis inflammatoriæ prægressæ omne dubium tollunt. Dein quandoque etiam pus in aliis locis collectum venisque postea re-
sorptum, per urinæ vias excernitur. An autem pus a renibus, vel aliis locis veniat, his notis distingui posse *Trallianus* a) tradidit: pus ex aliis locis ad renes traductum, accuratæ urinæ permixtum exit, & non nisi sensim ad fundum vasis secedit; est enim illud pus vasorum & pulmonis actione mixtum
san.

sanguini, & per renales fistulas simul cum urina secretum. Ubi vero a renibus ulceratis depluit, nunquam urinæ bene permiscetur, sed ilico in fundo vasis urinam continentis, separatum apparet.

a) Trallianus de causis & signis morbor. Cap. 3.

Difficilis videtur diagnosi ex sola urinæ purulentæ inspectione, ut distinguatur, an pus ex renibus, an vero ex vesica prodeat. Interim tamen observata docent, pus vesicæ longe tenacius esse, & glutinis instar ad fundum vasis secedere ilico, renum autem pus tenuius est. Præterea in vesicæ abscessu una cum urina prodeunt ramenta quasi foliacea quæ Trallianus a) vocavit *μόρια τεταλώδη*, forte membranæ internæ vesicæ lamellæ separatæ; a renibus vero suppuratis cum urina excernuntur crassiores particulæ magis carnosæ, quas Hippocrates b) parvas carunculas, *σαρκυῖα μικρά*, vocavit, & a renibus venire dixit, quæ videntur esse partes semigangrenosæ ipsius substantiæ renum.

a) Trallian. ibidem.

b) Hippocrat. aph. 76. Sect. IV.

Duplex autem indicatio est curatoria, ubi ren suppuratur:

I.

1. Suppurationem promovere : mollissima hinc decocta profunt, magna copia potata; clysmata ex similibus parata, frequenter adhibita: cataplasmata renum regioni applicata; balnea. Ubi autem ex ponderis gravantis sensu, morbi duratione, tensione magna vicinarum partium novimus, pus maturum in abscessu renali collectum hærere, nitendum est omni ope, ut vomica rumpatur, ne pus diu hic relictum putrescat, & sinuosa ulcera pessima producat, per accumbentes partes dispersum; vel resorptum in sanguinem caco-chymiam purulentam, & tabem faciat. Ad rumpendum autem abscessum maturum in rene sola hæc fere habentur auxilia, quæ concutiendo valide renes agunt. Tussis sternutatio, vectio in rheda, præcipua sunt, a quibus hæc ruptura exspectari poterit.

2. Ulcus abstergere, consolidare : Ubi post hæc facta pus in urina apparet, certissimus, vomicam renalem ruptam esse, & ex varia conditione puris judicare possumus de conditione ulceris renalis. Si enim læve, album, æquabile fuerit, spes multa curæ nascitur; & contra, eo pejus præsagium habetur, quo magis ab his dotibus recesserit pus excrementum. Interim tamen hoc notandum est, primum

mum pus post vomicam renalem ruptam prodiens raro esse optimæ notæ, imprimis si diutius vomica clausa manserit ; fere semper enim fœtidum est, & quandoque sanguinolentum : Verum sequentibus diebus solet puris copia minui, & illud fieri laudabilius, dum emendatur ulcerosi succi superficies, tuncque bonum eventum sperare licet. Indicatio tunc est, abstergere leniter, mundare locum ulcerosum, & dein consolidare.

Verum caveri nequit, ne urina continuo ulcus renale abluat; adeoque potu copioso, blande simul detergente, urinæ acrimonia mitiganda est. Serum lactis imprimis illo tempore, quo armenta lætis fruuntur pascuis, potatum larga copia dat summum remedium, & solum fere sufficit, cum graminis omnem vim in se habeat; imo optime depuratum serum lactis subviridis coloris est, ac si dilutus succus foret graminis; cujus vires insignes laudavit *Trallicenus* a) in curatione ulceris renalis. Commendavit præterea & lactis asinini potum; magnopere a lactis potu levare hoc morbo laborantes pariter affirmavit. *Aegineta* b). Lac cum melle post puris eruptionem, primo asininum aut equinum, quæ ad ulcera repurganda conducunt; postea emenda-

dato ulcere bubulum commendat *Aetius* c), ut & simul ægrum magis nutriat. Deinde addit sequentia : *Amplius autem omne lac, recens mulctum, calidum præbendum est, animalia domum, ubi æger decumbit, perducta : hoc & aliorum internorum ulcerorum optimum est pharmany, & gravi puri maxime amicum, & corpus probe nutrit.* De lactis autem egregio usu in ulcere pulmonis antea dictum fuit.

a) Lib. IX. Cap. V. p. 544.

b) Lib. III. Cap. XLV. p. 46. versa in fine.

c) Sermon. XI. Cap. XVIII. p. 271.

Eidem scopo & serviunt aquæ medicatæ, imprimis illæ, quæ loco ferri soluti parcam copiam salis blandi & detergentis continent : quales sunt aquæ felteranæ, & his similes : quarum usus, imprimis si æqua lactis copia addatur, adeo probatur communi medicorum consensu in suppuratis visceribus curandis.

Cum autem in ulceribus externis detergentis & consolidandis balsamica adeo laudaverint celebres chirurgi, cogitaverunt & medici de illis exhibendis ad curationem ulcerum internorum, & imprimis renalium : quia observabant, illa peculiari sua indole in vias urinæ
ege-

agere, dum ab his assumptis intra quadrantem horæ urinæ odor mutari solent.

Notum enim est, therebinthinam, balsamum copaivæ, de mecha, & similia plura nativa balsama, parva etiam copia data, urinæ conciliare odorem, quem viola martii flores verno tempore spirant. Merentur certe & hæc remedia laudem in hoc morbo, modo dentur parca tantum quantitate ter quaterve de die, superbibendo copiam feri lactis, vel mollis vulnerarii decocti. Largiori enim dosi hæc data, & absque diluentibus, calefaciunt & stimulant nimis; imo stranguariam quandoque molestant producant, & urinæ vias inflammant imprudenti usu. Balsama autem hæc nativa præferenda videntur merito decantatissimis etiam balsamis artificialibus, quæ sæpe adhuc longe acriora sunt. Pulchrum effectum ab his balsamis nativis vidit *Ill. Swietenius* in praxi, si horum drachma communia succi glycyrrhici inspissati misceretur, & ex hac massa grana viginti, aut alios modo laudatos potus medicatos æger sumeret. In horum usu pergitur, donec nullum amplius pus in urina appareat; tuncque roborantia & consolidantia ab his addi solent, ut *massiche*, *albinum*, *sarcocolla* &c. Ad recens exulceratos *Celsus* a)

etiam blanda balsamica detergentia remedia laudavit, ex strobilis pini sylvestris, croci pauculo, aniso, feminibus cucumeris.

a) Lib. IV. Cap. II. p. 217.

Omnia, quæ hætenus dicta fuerunt de curatione ulceris renalis, supponunt vomitum ruptum pus in pelvim effudisse. Licet autem hoc frequentius contingat, tamen quandoque & alia via pus in rene collectum exitum molitur. Ita *Hippocrates* observavit, versus exteriora quandoque pertuberare talem abscessum. Ita enim habet a) de calculo renali agens: *Quum autem dolor urget, multa calida lavato, & qua parte præcipue dolor est, fœtus tepentes admoveo. Quum vero intumuerit & extuberavit, sub hoc tempus juxta renem secato, & extracto pure, arenam medicamentis urinam cientibus curato; si enim seclusus fuerit, evadendi spēs est, sin minus, morbus homini commoritur.* Et sequenti capite b). *Quum igitur rem suppuratus fuerit, ad spinam intumescit. Hunc, quum ita habuerit, qua parte tumor est profunda maxime sectione secato. Quod si quidem sectione affecutus fueris, confestim sanum reddes. At si aberraveris,*

ris,

ris, periculosum est, ulcus fistulosum fieri. Ubi notandum est, quod profundam valde sectionem fieri debere monuerit, cum per cutim, pinguedinem, & crassos musculos penetrare debeat, antequam scalpellum ad renem pertingere possit. Præterea notat, nisi felici eventu abscessus aperiatur, ulcus fistulosum nasci, quia tunc pus, rupta vomica renali, sub peritonæo profundissimos sinus facit, & miras quandoque, in tunica cellulosa musculis interposita, sibi vias quærit. Similem & renalis abscessus eventum *Aetius* c) notavit, dicens: *Quibusdam vero neque in toto um suppurata erumpant, sed circa renes per multum tempus consistunt, donec cauterio adhibito aut alio modo forinsecus aperitionem & educationem moliaris.* In fine autem ejusdem capituli d) monet, talia ulcera, extrorsum patentia, diligenti admodum cura indigere, cum in fistulam abire soleant. Imo quandoque contingit, pus partim per urinam exire, partim colligi circa dorsum & tumorem prominulum integumentorum facere. Qualem ægram curandam habuit *Ill. Swietenius*, cui per menses aliquot jam urina purulenta effluerat, & in renis dextri regione tumor manifestus aderat; quo per cauterium potentiale (scalpellum enim

horrebat nimis) aperto, copia puris prodiit. Interim omnis medela & peritissimi chirurgi dexteritas impedire non potuerunt, quin fistulosum in dorso ulcus maneret, ægra tamen satis commode se habente postea, & urina naturali reddita. *Cabrolius* e) similem casum vidit in juvene, qui talem abscessum in dorso habebat, licet aliquantulum puris per urinas excerneretur. Incidit locum, sed nihil puris inde exivit; verum post bihorium, apparatu remoto, ingens copia puris erupit, & puris ille effluxus per mensem & ultra duravit, feliciter tamen & integre sanatus fuit.

a) De intern. affect. Cap. XV. Chart. Tom. VII. p. 649.

b) Ibidem p. 650.

c) Sermon. XI. Cap. XVIII. p. 270.

d) Ibidem p. 272.

e) Bonet sepulchret. Tom. II. p. 566.

Hinc apparet, quam grave malum sit renum inflammatorum suppuratio, & quam anceps eventus. Licet enim versus exteriora tendat abscessus, quandoque rumpitur, antequam satis elevata sint omnia, quæ reni in dorso incumbunt, ut distingui possit, & tunc
pus

pus effusum sinus facit sæpe incurabiles per omnia loca vicina dispersos. Videtur & *Hippocrates* a) hanc difficultatem notasse, dum dicit: *Quibus nephriticis prædicta contingunt signa, doloresque circa spinæ musculos fiunt, si exteriora quidem loca occupent, abscessus quoque futuros exteriores expecta. Si vero dolores magis circa loca interiora fiant, abscessus etiam interiores magis futuros expecta.*

a) Aphor. 36. Sect. VII. Chart. Tom. IX. p. 310.

Cum autem renes intestino colo fere contigui sint, & partes inflammatae vicinis quandoque accrescant, non improbabile videtur, renem hic colo præternaturaliter uniri posse, tuncque abscessus renalis viam in intestini cavum invenire posset, & pus per alvum evacuari. Verum quidem est, sub peritonæo hædere renes, adeoque non immediate tangere colon, sed scimus quod diaphragma, inter hepar & pulmones medium, non impediat, quo minus pus ex hepatis abscessu in pulmonem venire, & per sputa educi possit. Talem puris ex rene viam videtur indicasse *Hippocrates* a) de hoc morbe agens: *Si quidem pus intro rumpatur, & ad intestinum rectum fe.*

feratur, evadendi spes est. Et Aetius b) pariter in eodem morbo monet: *Aliquando autem & ad intestina eruptio devolvitur, & per sedem pus evacuatur.* In tali casu conveniret medela, quæ suppuratis intestinis adhibita fuit.

a) De affection. Cap. XVI, Charter. Tom. VII. p. 650.

b) Serm. Cap. XVIII, p. 270.

Videmus etiam in partibus externis suppurationes diuturnas partium substantiam consumere, unde illis sanatis profundæ & turpes cicatrices supersunt. Idem metuendum est, si cito sanari non possit ulcus renale; nam & partes ipsius substantiæ renum, per suppurationem solutis nexibus, quibus hærebant, cum urina purulenta exeunt, caruncularum specie, uti ante dictum fuit: *Imo renum frustra, pollicis magnitudine, per virgam maximo dolore & tormento excreta fuerunt.* a) Sic tota renum substantia consumpta relinquit cavum saccum, inutilem postea; tuncque alter reni superstes urinæ secernendæ officio solus fungi debet. Vidit Piso b) in muliere, membranam renum externam, ureteribus communem, dilatatam in amplitudinem totæ capacitati ævi æqua.

æqualem, quæ tamen continendis quatuordecim libris materiæ purulentæ sine dilaceratione par esset. Debuit ergo hæc membrana sive involucrum renis externum, magnam crassitiem vel tenacitatem acquisivisse, ut a tanto puris pondere non rumperetur. Huc autem ex *Cabrollo* excerptum legitur apud *Bonetum* c); nempe in rene pariter suppurato, & quatuordecim libras ponderante, inventa fuit cystis, pus continens, crassitiem æquans pellis vervecinæ. Mirum videtur, quod totum renis substantiam sic consumptam non sequatur lethalis hæmorrhagia, cum tam magna sit arteria emulgens, & cordi satis propinqua. Verum videmus huc ubique, quod suppuratio, solvens extrema vasorum inflammatoria materia obstructorum, vix faciat hæmorrhagiam imo licet pus sensim totam fere consumat partium substantiam, rarissime hæmorrhagia sequitur: videntur enim vasorum extrema contrahi vel obturari ita, ut vix transmittant sanguinem amplius, qui tum per ramos vicinos liberos transit. Sic in exstirpationibus observant chirurgi, metum hæmorrhagiæ abesse, dum vulnus in omni suo ambitu pus fundit. Postea, quando de phthisi agetur, patebit, totum pulmonem quandoque consumi

purulenta labe, sputis quotidie prodeuntibus copiosis, absque ulla hæmorrhagia; dum tamen pulmonalis arteria magna est, & ex corde adeo vicino prodit.

a) Hildanus de gangraena & sphacelo Cap. IV. p. 774.

b) De morbis a serosa colluvie Sect. IV. Cap. II. p. 296.

c) Sepulchret. anatom. Tom. II. p. 567.

Ex illis, quæ hæcenus dicta fuerunt, simul intelligitur, quare veteres medici tantam difficultatem posuerint in nephritide curanda; imprimis si suppuratio sequatur, nec cito pus evacuari, & dein ulcus, detergi & consolidari possit. Ita *Hippocrates* a), postquam illa proposuerat, quæ ad nephritidis curam laudabat, dicit: *Hæc si fecerit, neque citissime sanescat, haud novum: morbus enim perdifficilis.* In renum suppuratione monet, *Hic autem morbus molestus est, ex eoque plures ad renum tabem deveniunt.* b) Vel enim pus copiosum, eductum quotidie, consumit maximam nutrimenti partem, (a qua causa, post magnas exstirpationes felicissime etiam peractas, multi pereunt) vel pus retentum re-

for.

forbetur, & cacochymiam purulentam inducit sanguini, pariter periculofam. Imo & alibi c) de eodem morbo agens dicit, hunc morbum vix definere: nec integram curationem promittit, sed cura enarrata, simpliciter dicit: *Hec ſi ita feceris, morbum meliori ſtatu conſtitues.* Ita & Aretæus d) ulcera renum inter diuturnos eorundem morbos recensens, non quidem lethalia dixit eſſe, ſed inſanabilia, & uſa cum ægro commoritura. Imprimis autem damnabat e) ulcera, quæ a calculis fiunt: *Inſanabiles inde morbi naſcuntur, cito colliquatio, & mors.* Si enim calculus, adeo magnus, ut per uretrea in veſicam deſcendere nequeat, ibi hæſerit, & ulcus produxerit, idem efficiet, quod globulos fiſtulæ orificio immiſſus, id eſt, impedit depurationem & conſolationem ulceris in renibus nati. Pariter & Aetius f) difficultatem curæ ſuo teſtimonio confirmat.

a) De intern. affect. Cap. XVIII. Charter. T. VII. p. 651.

b) Ibidem Cap. XVI. p. 650.

c) Ibidem Cap. XVII. p. 650.

d) De cauſ. & ſign. morb. diuturn. Lib. II. Cap. III. p. 52.

e) Ibidem p. 54.

f) Serm. XI. Cap. XVIII. p. 272.

Scirrhus renum.

Mala a scirrho renum metuenda optime notavit Aegineta. a) Quaecunque durities circa renes oboriuntur, dolores quidem non amplius inferunt: ægris autem ex vacuo ventris loco veluti quidpiam pendere videtur: Et stupor adest coxendicum, Et impotentia crurum; minunguntque pauca, Et reliquo corporis habitu, aqua inter cutem laborantibus, maxime similes existunt. Quidam etiam temporis progressu manifeste hydropem incurrunt, veluti etiam ab aliis visceribus induratis contingit.

a) Aegineta L. III. c. 45.

Rudimenta calculi.

Calculi non tantum in renum pelvi, sed & in renum substantia deprehensi fuerunt frequenter; imo & quædam observata docuerunt, minimas tales arenulas per totam renum substantiam dispersas inveniri quandoque. Ita in cadavere viri consularis nephriticos dolores frequenter passi,

passi, & tandem phthisi consumpti, observavit *Schmideus* a) non tantum in renum tubulis calculos & sabulum contineri, sed & totam renum substantiam arenulis refertam esse; ita ut, cum hinc inde parenchyma secaretur, quasi sabulum humidum scindi appareret. Unde patet materiam inflammatoriam non resolutam, calculo renali originem dari dum basin præbet, cui materia calculosa, in urina latens accrescere poterit.

a) Miscel. curios. Decur. I. p. 149,

Gangræna renum.

In præcedentium morborum inflammatoriorum historia actum fuit de funesto hoc inflammationum exitu, & de symptomatibus, quibus stipatur morbus inflammatorius partium internarum corporis, dum in gangrænam abit: signa autem hæc notant gangrænam futuram, vel designant jam præsentem. Priora desumuntur ex vehementia causæ, morbi & symptomatum; posteriora vero petuntur imprimis ex virium jactura subitanea, & doloris remissione non expectata. Confirmatur autem gangrænæ jam præsentis diagnosi, si talia a loco affecto prodeant, quæ necrosin partium

tium indicant. Sic in nephritide, si urina nulla omnino prodeat, summam renum inflammationem indicit, talemque vasorum renali-um infarctum, ut nulla urinæ secretio fieri amplius possit. Ubi vero adhuc aliquid transit, vel in alterutro rene tantum malum hæserit, tunc a rene sano prodibit quidem urina, verum tabus putridus, gangrenosus a rene affecto delabens in vesicam, urinam afficiet sua corruptela. In putrilaginem enim gangrenosam converti renum substantiam illis, qui vi morbi interierunt, *Eustachium* a) docuit cadaverum sectio; imo statum intra membranam externam adhuc integram invenit, qui illam a substantia renum putrida removerat, & insignem tumorem fecerat. Constat autem aërem elasticum extricari per putredinem ex partibus solidis & fluidis nostri corporis.

a) Eustachius de renum structura. p. 120.

Nullam in tanto malo medelam expectari posse *Stollus* cum *Boerhaavio* asserit. Plus tamen sperari posse in hoc casu, quam in gangrena aliorum viscerum, quorum integritas ad vitam requiritur, *Swietenius* existimat, quia

quia observata plurima docuerunt, uno rene penitus inutili reddito, vitam superesse posse, imo quandoque adhuc satis commodam, dum alter ren solus urinæ secernendæ munere fungitur.

Corollaria practica.

1. Si considerentur illa, quæ de causis nephritidis dicta fuerunt, patebit satis, quam multiplices observatæ fuerint hujus morbi causæ, natura, attributis, loco, diversæ. Unde etiam & varia nomina data fuerunt huic morbo. Ita nephritis inflammatoria, suppuratoria, scirrhusa, spasmodica, calculosa, verminosa &c. observata fuit. Sic *Tulpius* a) vidit, post diuturnos lumborum cruciatus, a muliere excerni singulis diebus quinos vel senos vermiculos, colore albos, & forma similes illis, qui in caseo putri reperiuntur. In alio vidit, quolibet decimo quarto die, cum insigni urinæ difficultate, & perturbati corporis inquietudine summa, emingi pilos, dimidium digitum, quandoque & integram æquant, muco sic involutos, ut raro separari, sed plerumque conglobati prodirent b). Inter nephritidis autem causas frequentissima est cal-

calculus. Verum calculus nephritidem non producit, nisi vel mole, vel asperitate partes, quibus accumbit, irriter. Observata numerosa habentur, quæ docent in magnarum cadaveribus evisceratis, ut balsamo condirentur, repertos fuisse calculos in renibus, licet nunquam nephritidem passi forent. Eximius Medicus c) post febrim tertianam eminxit undeviginti vermiculos sine dolore aut ulla urinae difficultate, & vivos quidem: adeoque nec ab his semper nephritis producitur, nisi dum motu suo vel rodendo irritant partes ubi hærent.

a) Observ. medic. Lib. II. Cap. LI. p. 179.

b) Ibidem Cap. LII. p. 180.

c) Ibidem Cap. L. 178.

2. Nec tamen curatio multum differt, licet tanta varietas in nephritidis causis observetur; quia nephritidem, proprie dicendam, non producunt, nisi inflammationem fecerint. Adeoque curatio consistit semper in eo, ut solvatur inflammatio, & tentetur expulsio illius, quod irritando hæc mala produxerat. Sive enim a calculo nephritis orta fuerit, sive ab alia causa quacunque renes inflamm-

flammati fuerint, cura requiritur similis. Verum quidem est, quod sanguinis missio directe non agat in calculum hærentem in renibus, attamen depletis vasis partes inflammatae subsident, quæ tumentes calculo in vesicam delapsuro, remoram fecerant. Pulchre hoc notavit *Aretæus* a), dum commendat sanguinis missionem, ubi calculus renum inflammationem produxerit. Ita enim habet: *Neque enim phlegmone tantum evacuatione mitigantur, sed etiam calculorum incuneationes vasorum inanitione laxantur.* Et alibi b) pariter sanguinis missionem commendat, ut calculi exitus promoveatur: rationem autem pulchram dedit, dicens: *phlegmone enim colligata tenet omnia: evacuatio autem solutio est phlegmonis.* Notavit *Sydenhamus* c), quandoque in hystericis circa alterutrum renem oriri dolorem atrocissimum, qui paroxysmum nephriticum omnino refert, & non nisi ab exercitatis admodum distingui potest. In tali casu merus spasmus adest, absque inflammatione vel calculo irritante, adeoque alia cura requiritur. Verum hysterica mala suis signis distinguuntur, & facile antihystericis dictis remediis, & imprimis laudani liquidi aliquot guttulis, suppleri solent. Si vero tales spasmi diu

per-

perstant, renum inflammationem producere poterunt. Unde patet denuo similem tunc curam requiri.

a) De curatione morb. acut. Lib. II. Cap. VIII.
p. 109.

b) De curatione morb. diurn. Lib. II. Cap. III.
p. 10.

c) In dissert. epist. ad Guillelm. Cole. p. 489.

3. Antea sæpius patuit, in morbis inflammatoriis materiem morbi subactam, & mobilem redditam, per urinæ vias exire, adeoque per renes transire. Cum autem hæc materies morbofa, expellenda de corpore, tales dotes habeat, ut cum reliquis humoribus per vasa moveri nequeat absque impedimento æquabilis circulationis, non mirum est, quandoque illam hære per aliquot tempus in angustiis vasorum renalium, vel & acrimonia majori irritare hæc vasa, sicque nephritidis speciem producere; sed leviolem plerumque, & excreta cum urina hac materie, brevi cessantem. Cum enim talis urina critica stranguriam quandoque faciat, dum emittitur, nemo mirabitur, quod & in renibus molestiam facere possit. Sed & in aliis morbis

observatur, materiam morbi levem quandoque inflammationem facere, dum transit per viscera, antequam per metastasin ad quædam loca corporis deponatur. Ita in peripneumonia signa levioris inflammationis ad hypochondria indicabant, abscessus criticos circa crura expectandos esse. Tales autem circa renes dolores, dum materia morbi per hos exitum quærit, videtur & notasse *Hipocrates* a) dicens: *In dolore hypochondriorum submurmuranti, lumborum dolor superaccedens in febris, ventres ut plurimum tumescit, nisi flatus eruperit, aut urinæ copia prodierit.* Et alibi b) notavit, atram bilem quandoque ad renes confluere; tuncque urinam talem prodire, qualis effluit a carnibus assatis succus; quin imo renem exulcerari, si non perfluverit atrabilis, sed in rene constiterit.

a) Coacar. Prænot. Nro. 292. Charter. Tom. VIII. p. 868.

b) De intern. affection. Cap. XVII. Chart. T. VII. p. 650.

4. Ischuria, sive urinæ suppressio, dupliciter distingui solet: una nempe, ubi ni-

hil urinæ in vesicam venit; altera, ubi vesica urinam continens nihil dimittit. Prior cognoscitur, si nulla tensio circa pubem, nec tumor ob distentam vesicam in hypogastrio apparet; & omnium certissime, si cathetere immisso nihil urinæ prodeat. Talis ischuria fit vel a renum actione impedita, qua urinam a sanguine secernunt (uti e. g. ab inflammatione) licet ureterum cavum liberum sit. Præterea poterit produci, si, renum actione satis integra adhuc manente, ureterum cavum per calculum, sanguinis thrombum, mucum spissum &c. ita impeditum fuerit, ut urina per renes secreta ad vesicam venire nequeat. Verum ex illis, quæ hæcenus dicta fuerunt, cura talis ischuriæ intelligitur.

C Y S T I T I S.

Ea, quæ de viscerum variorum inflammationibus hucusque dicta sunt, vesicæ etiam inflammationem, & cognitu, & curatu facilem reddunt.

Signa autem vesicæ inflammatae ab auctore aphorismo 337 exposita sunt. Febris nempe acuta, continua, inflammatoria, dolor assiduus, ardens, pungensque in regione epiga-

gastrica; urina parca, flammea, strangu-
riosa; mucus pendulus, mox fundum matulae
petens; vomitus assumptorum, bilis vitulinae,
æruiginosus.

Causæ inflammatae vesicae aut generales
sunt, omnibus inflammationibus communes,
aut propriae, causam phlogoseos ad systema
uropoieticum præcipue determinantes; ad
hanc ultimam classem sequentes causæ potis-
simum pertinent.

Frigus extremorum ad abdomen admissum
non raro suscitatur spasmus vesicae, qui liqui-
dis calidis, emollientibus, cataplasmatibus,
clysteribus, balneis, & subinde tantillo opii
feliciter curatur.

Purgantia quoque drastica acrimonia sua
irritante tenesmum excitant, simulque, uti
in dysenteria fit, adjacentem vesicam afficiunt.
Oleosa, emollientia ore assumpta, & clysmata
injecta profunt. Eadem valent, ubi sy-
stema urinarum a cantharidibus vel ore assum-
ptis, vel externe applicatis, male afficitur.

Subinde vasa vesicae sanguifera inter ejus
membranas reptantia, atque venosa maxime
sanguine infarciuntur, distenduntur, varico-
sa fiunt, ut diductis a se invicem, & pressis
nervosis villis, atrocissimus dolor, calculum

vesicæ mentiens oriatur. Huic malo occasi-
nem præbet plethora, equitatione, uestione
& concussu, ad has partes invitata; item men-
sium & hæmorrhoidum suppressiones, ac ano-
malia, ubi sanguis per uteri & intestini recti
vasa excernendus, ad vesicam determinatur.
Juvant venæ sectio, nitrata, emulsa, hiru-
dines, aquæ minerales. Quodsi sanguis in ar-
teriosis potius apicibus hæreat plethoricus,
hæmorrhoidalis, menstruus, qui spasmo gra-
vi ac aliis causis orto, illuc urgetur, præter
gravissimum dolorem, etiam inflammatio na-
sci potest. Juvant venæ sectio, clysmata,
epithemata, balnea emollientissima, oleosa,
emulsa, nitrosa, & si dolor & spasmus ur-
geat, opiata.

Inter causas aliunde ad vesicam delatas
retinendum non est acre scorbuticum, ar-
thriticum, podagricum. Indicatio est ma-
teriam extrorsum ablegare per decocta le-
niter aromatica, calide epota, remedia vola-
tilia, & paulo calidiora, modo caveatur, ne
nimis acri stimulo diuresis moveatur, & ve-
sica magis adhuc afficiatur.

Sunt aliæ causæ in vicinis partibus sedem
nactæ, quæ vesicam in consensum trahunt.
Huc pertinent stricturne hypochondriacæ, &
hy.

hystericæ in partibus sensibilibus abdominis dominantes. Hoc in casu opiata egregie conveniunt. Huc etiam pertinet uterus sanguinem non emittens, sed ad vasa vesicæ determinans, uterus gravidus eam comprimens, inflammatus eam irritans, exulceratus eam rodens; intestinum rectum hæmorrhoidalem sanguinem retinens, & vesicæ vasis intrudens, ulcere fistuloso exesum; prostrata cum tota urethra tabo venereo infecta, & collum vesicæ simul afficiens.

Contingit, ut in corpore, præprimis senili, collecta sensim urina, ob universalem humorum dyscrasiam, acris referta salibus, vesicam mucosæ naturali obortam stimulet, & spasmos maxime dolorificos excitet. Huic malo medetur diæta lactea, aliaque demulcentia medicamenta. Urinæ ejusmodi acris ut plurimum adscribenda est *scabies vesicæ*, si nempe acris & salsa urina tunicam villosam mucosæ orbam arrodant, excorietque, ita, ut furfures aut filamenta, quæ ramenta sunt interioris tunicæ, cum urina inter summos dolores excernantur, & in eadem subsideant. Juvant demulcentia, aquæ spadaneæ cum lacte injectio in vesicam ex lacte & mucilagine cydoniorum, item decocto althææ, aquæ cal-

cis

cis &c. quin oleum ipsum amygdalinum & ore assumi & injici potest.

In abscessu vesicæ, ejusque exulceratione, sive ab inflammatione prægressâ sive aliunde orta fuerit, laudantur aquæ spadaneæ ab *Henrico ab Heers*, cum lacte potæ. Remedia balsamica, e. g. ex therebinthina cum melle & vitello ovorum pulchre prosunt, notari tamen meretur, ne nimia dosi propinata dolor calorque excitetur. Ab electuario quod mannam, pulpam tamarindorum & rheum continet, pulchri effectus observantur. In hoc casu maxime prosunt injectiones demulcentes detergentes, balsamicæ.

Scirrhus & collositas vesicæ spasmus, doloresque excitant, emollientibus intus & extus admotis, balneis naturalibus & artificialibus unice levandis.

M E T R I T I S.

Uteri inflammatio malum non infrequens, etsi ab interna causa rarius oriri soleat, sed a rudiori puerperarum in partu aut eo peracto tractatione excitetur.

Signa, causasque metrititis optime exposuit *Aretæus* a) „ Inflammatio uteri fit ex pluri-

ribus causis, ex plaga, ex mensium suppressione & frigiditate, & inflatione, non minus etiam abortu & partu, propter malam partus editionem. Sequitur ad uteri inflammationem febris acuta, dolorque capitis ac ejus rentinum, & basis oculorum, juncturaeque manuum & digitorum, & colli detractio, & declinatio, stomachi per consensum affectio, osculi uteri conclusio, pulsus parvi, densi. Si totus est inflammatus, totus vehementius pulsatorio motu dolet; si posteriores ipsius partes solum inflammatae fuerint, dolor circa lumbos fit, & stercora supprimuntur ex recti intestini compressione; si partes ejus anteriores, dolor circa pectinem fit, & urinae stillicidium, ac emittendae difficultas ex vesicae compressione; & lateribus inflammatis, & inguinna tenduntur, & crura gravantur. Si vero fundus ipsius fuerit inflammatus, circa umbilicum maxime dolor consistit cum tumore, at si circa osculum est inflammatio, circa supernum ventrem dolent, & digito immisso gurgulis ac renitens osculum occurrit.“

a) Aretaeus Bap. LXIV.

Me-

Metritis lege omnium inflammationum in suppurationem & gangrænam abit. Suppuratio & ulceratio uteri diutius trahitur, & accidit quam maxime extra puerperium. Patient inflammationi huic suppuratoriæ fœminæ sanguinæ, mollioris & spongiosioris habitus, præsertim, si fluori albo sanguinolento fuerunt affectæ, isque adstringentibus intempestive cohibitus a). Raro accidit, ut apostema in utero prognatum interne rumpatur, & copiose effluat sanies alba, minime fœtida, & ægra evadat. b)

a) Fr. Hoffmann med. rat. Vol. IV. p. 493.

b) Forestus L. XXVIII. obs. 44.

Sæpe in gangrænam abit: a) Testatum facit febrilem hunc morbum incendium ab inferioribus locis usque ad cordis regionem vergens, cui si magna anxietas, virium prostratio, inquietudo, & omnis] appetitus dejectio junguntur, postea sensus internus frigoris cum horrore accedit, pulsus fræquens, parvus & debilis micat, visus quoque obscurari incipit, mortem ex sphacelo instare, haud dubia est significatio. Plurimæ ex puerperis integra mente abire solent, & licet hæc antea
tur.

turbata fuerit, paucis tamen ante mortem horis sæpe ad se redit, ut ineptiores rem penitus in vado esse sibi persuadeant, pulsus tamen moribundus proximi interitus semper certus est index.

a) Fr. Hoffmann med. rat. Tom. III, p. 164.

Cancrum, uteri inflammati sequelam, frequenter observavit *Fr. Hoffmann* a) eadem omnino ratione, iisdemque symptomatibus, ac pridem prodidit *Aretæus* b) : „cancri in utero partim cum, partim sine ulceratione sunt, tumor reperitur circa uteri osculum durus; inæqualis, præminens, colore feculentus, rubicundus, quandoque etiam sublividus, & dolent vehementer inquina ad supernam ventrem & pectinem, ac lumbos, ægreque ferunt contactum, & variegationem medicamentorum. Si vero ulceratus est cancer, ad dolores, duritiem & tumorem, erosa etiam, & inæqualia ulcera conspiciuntur, plerumque quidem sordida oris tumida, albicantia, turpes crustas inductas habentia. Quæ vero pura videntur, feculenta, livida, rubicunda & cruenta apparent. Excernitur autem assidue ab ipso sanies tenuis, & alia signa ad inflammationem,

flammatum uterum relata. Affectio igitur ipsa incurabilis est, veluti alicubi etiam dixit *Hippocrates*; mitigare tamen oportet per infusus ex fœno græco, malva, & per cataplasmata similia.

a) Fr. Hoffmann l. c.

b) Aretæus Lib. II. c. 67.

At chronica etiam uteri inflammatio ab *Fr. Hoffmanno* a) notatur: „non adeo infrequens est, ex fluore albo, diuturno, præsertim si simul sanguinolentus, male tractato, vel imprudenter cohibito, uterum ejusque partes tumore affici, cum dolore & febre inflammatoria, imo in suppurationem abire, & exulcerationem. “

a) Fr. Hoffmann med. rat. Vol. 4. p. 500.

Cura metritidis, præter antiphlogisticam methodum, quæ omni visceri inflammato convenit, nihil peculiare medico exhibet. Uterio-riorem de utero inflammato doctrinam in *Burserii institutionibus* habetur. Observatio de uteri inflammatione, quæ rudiorẽ secundarum extractionem sequebatur, ex celeberr.

berrimi *Sandifort observationibus anatomico, pathologicis* adducta, universæ de inflammationibus doctrinæ finem imponit.

HISTORIA MORBI.

Felix novem liberorum mater, decima graviditate absque magnis incommodis ad finem perducta, puellam naturali maxime partu emiserat in lucem. Obstetrix, citissime protrahendam esse placentam credens, rudiori modo illam, firmitus utero nexam, separabat, educebat, summos autem parturienti creabat dolores. Lochia primo die prodire nulla, sequenti copiosa. Exarsit autem febris acuta, continua, cum pulsu duro; abdomen tympani ad inslar tendebatur, mammae flaccidae persistebant, neque ullus lactis versus has partes erat adfluxus. Tumebat præcipue abdominis pars dextra lateralis ab ossis ilei crista ad inguen. Perstabat febris cum delirio aliisque parvæ notæ symptomatibus. Arcessita obstetrix, ut in uteri statum inquireret, affirmabat, sese integram eduxisse placentam, ast, manu vaginæ immissa, apertum adeo os uteri invenit, ut facile duos admitteret digitos, simulque sese corpus præternaturale de-

. te.

tegere fassa est, quod educere omnino non valuit. Quæcunque in auxilium vocabantur interna, externa remedia, simili in casu maximopere laudata, nullum adferebant levamen a); pejora reddebantur cuncta symptomata. Tendebatur insigniter abdomen; profluebat e genitalibus materies fœtida, viridis. Urina involuntarie, guttatim, excernebatur; intumescebat tamen de tempore in tempus magis magisque hypogastrica regio, hinc, veritus, ne, etiam si continuo urina emitteretur, lotio tamen insigniter turgeret vesica, immisi catheterem, & hujus ope ingentem urinæ quantitatem eduxi. Imminutus hoc pacto multum abdominis tumor, dolor, tensio, sed persistabant non tantum reliqua symptomata, verum pejora reddebantur: respiratio accessit difficillima, pulsus parvus, intermittens, & animam denique, nono a partu die, efflavit misera.

Uteri statum inquisiturus, sectis abdominalibus musculis cum peritonæo, has partes admodum extenuatas vidi, abdominis quippe æque tumido, ac in gravida, cui partus instat. Ventriculus, omnia intestina, tenuia, crassa, aëre maximopere erant distenta, sic ut, mox atque parva etiam plaga abdomini erat

erat inflicta, summa vi erumperent. Uterus erat insignis magnitudinis. Interna ipsius superficies gangrænosa, pure viridi, foetidissimo, obseffa. Placentæ vi evulsæ portio, pro parte in putrilaginem versa, & præterea plurimæ, majores minoresque, velamentorum lacinia, segmento anteriori uteri firmiter adhærebant, sic ut separari omnino non potuerint. Ostium uteri apertum. Uterus in fundo ultra transversum pollicem crassus, in facta sectione multa foramina, totidem discissorum vasorum lumina, monstrabat; inde vero crassities versus ostium sensim imminuebatur. Vesica contracta naturalem occupabat sedem. Nec in illa, nec in reliquis visceribus, si illorum inflammatio excipiatur, præternaturale quid detegebatur. Examinans appposito digito, sublato femore, osium pubis nexum, levem quidem motum, nullam vero manifestam secessionem, animadvertere valui; pelvis etiam ampla erat, & partus naturalis fuerat atque facilis.

Adfuit ergo hoc in casu uteri inflammatio ex imprudenti placentæ protractione, quæ partes vicinas in consensum traxit, & in gangrænam terminata, marito adamatam eripuit uxorem, liberis carissimam matrem.

Secuit *Bæhmer* puerperam, tertia post partum hebdomade, uteri inflammatione, qua a principio puerperii laboraverat, mortuam. Abdomen erat turgidum, viscera abdominalia sphacelo emollita conspiciebantur, uterus nigricans, magnitudine, qua tertio graviditatis mense esse solet, crassus, sanguine spisso refertus, totusque sphacelo corruptus, inque ejus cavo reperiebatur putrida placenta portio, fundo uteri adhuc adhærens. b)

a) In aliis casibus injectionem aquae calidae utilitatem summam observare licuit. Suasit hanc *Recolin* & in aliquot foeminis, in quarum utero post abortum aliqua secundinarum pars remansit, aquam calidam aliquoties ope syringae in ipsum uterum injecit; quo facte symptomata non solum mitiora reddita sunt, sed secundinarum etiam reliquiae posthac exierunt. Aquam simplicem calefactam, utpote magis solventem, reliquiis injectionibus anteponebat. Secundinas enim non solum hac ipsa detrudi, sed & humores putridos, foetidaque, nec non sanguinis grumos, eadem elui, utrumque plane purgati, asserit. *Mem. de l'Acad. roy. de Chirurg. Tom. 3. p. 202.*

b) De solv. & extrah. secund. p. 22. in not.]

Finis Tomi secundi.





